

ଯୋହନ ଲିଖିତ ଜିସୁ କ୍ରିଷ୍ଟଙ୍କ ସୁସମାଚାର ଯୋହନ୍ ଲେକ୍ତାଦ୍ ଜିସୁ କ୍ରିଷ୍ଟନ୍ ସୁସମାଚାର ଯୋହନ୍ ବଇ ବିଷୟରେ ଅଣ୍ଟାୟ ପଦ୍

ଜିସୁ କ୍ରିଷ୍ଟନ୍ ଜିହ୍ମନ୍ କେସମାନ୍ଦାନ୍ ପୁନେ ନିୟମ୍ତାଦ୍ ନାଲୁ ବଇ ନାଗାଙ୍କ ଯୋହନ୍ କେତ୍ତାଦ୍ ସୁସମାଚାର ଆଦୁତ୍ତେ ଖେରର୍ । ଆଖୁ ସାରେତାଞ୍ଜିଙ୍କ ସୁସମାଚାର କେତିତଡ୍, ଇଦିନ୍ ଇଡ୍‌କେ “ସାଏଡ୍ କବର୍ ।” ଆଖୁସାରେ ଜିସୁ ଡଲ୍‌ତେ ପେରକେ ମାଡିଉ, ମାର୍କ, ଲୁକ, ଯୋହନ୍‌ତେ ତଡ୍ ଲେକାଆସ୍‌ମିନ୍ଦେ । ଯୋହନ୍ କେତ୍ତାଦ୍ ସୁସମାଚାର କ୍ରିଷ୍ଟନ୍ ଜନମ୍‌ତେ ୯୦ ହେଣ୍ଡ୍‌କ୍ ପେରକେ ପ୍ରେରିଡ୍ ଯୋହନ୍ ତଡ୍ ଲେକାଆସ୍‌ମିନ୍ଦେ । ନିଜାମ୍ ଇଦ୍ ସୁସମାଚାରତାର୍ ଇଦିନ୍ ଲେକ୍‌ତେନଣ୍ଡ୍ ଯୋହନ୍ ଇଞ୍ଜି ସ୍ପଷ୍ଟତେ ଲେକାଲେ ବାତେଙ୍କ୍ ଇଡ୍‌କେ ହି ସୁସମାଚାରତେ ଲେକ୍‌ତାଦ୍ ସୈଲି ପ୍ରତମ୍ ଯୋହନ୍, ଦ୍ଵିତୀୟ ଯୋହନ୍ ନୁ ତୃତୀୟ ଯୋହନ୍ ତଡ୍ ମାତର୍ ସାମାନ୍ । ବେସ୍‌କ୍‌ତୁଡ୍ ପାଠନେ ଲେକ୍‌ତେନଡ୍ ବିଶ୍ଵାସ୍ ମାଡିତଡ୍ ହି ସୁସମାଚାର ଏପିସାୟତାଗାଙ୍କ୍ ଲେକ୍‌ତାଦ୍ ଆସ୍‌ମିନ୍ଦେ, ବାତେଙ୍କ୍ ଇଡ୍‌କେ ଇଦ୍ ସମୟ୍‌ତେ ଖେଲେ ଯୋହନ୍ ଏପିସାୟତାଗ୍ ମାଞ୍ଜିମାଡ୍‌ତଣ୍ଡ୍ ।

ଯୋହନ୍ ସ୍ପଷ୍ଟତେ କେତିତଣ୍ଡ୍, “ଜିସୁକେ କ୍ରିଷ୍ଟ ଜିଞ୍ଜେଡ୍ ଇଶ୍ଵରତେ ମାର୍,” ଯୋହନ୍ ୨୦:୩୧ ଇଦ୍ ବିଶ୍ଵାସ୍ ମାଡାନ୍ ସେଙ୍ଗେ ନାରୁଡ୍‌କ୍ ସାହାଜ୍ୟ ମାଡାନାଦ୍ ଆଦୁତ୍ତେ ହି ସୁସମାଚାରତେ ମୁକ୍ୟ ଗଟ୍‌ତେ । ଇଦ୍ ବିଶ୍ଵାସ୍ ମାଡାନ୍ ତଡ୍ ମାମ୍‌ମେ ବେଲା ଜିହ୍ମଣ୍ଡ୍ ଜିଞ୍ଜେଡ୍‌ରକିଡ୍ । ହି ସୁସମାଚାର ଯିହୁଦୀ ନୁ ଅଣ୍ଟାୟିହୁଦିଡ୍ ସେଙ୍ଗେ ଲେକ୍‌ତାଦ୍ ଆସ୍‌ମାଡ୍‌ତେ । ହି ସୁସମାଚାରତାର୍ ଜିସୁନ୍ ଖେଷଡ୍‌ତାଗାଙ୍କ୍ ଅନାଞ୍ଜି ଆଶର୍ଯ୍ୟ ପାଡ୍‌ଯିତିଙ୍କ୍ ଗାଟି ଗୁରୁଡ୍ ଇସ୍‌ମିନ୍ଦେଡ୍ । ଜିସୁନ୍ ବାପ୍ତିସ୍ମ ନୁ ଉଡ୍‌କନେଲ୍‌ତାର୍ ଅନାଦ୍ ପରିକ୍ଷା ଲେକାମ୍ ବିଶେଷ୍ ଗଟ୍‌ନା ବିଷୟ୍‌ତେ ଯୋହନ୍ ଇଦ୍ ସୁସମାଚାରତାର୍ ବାତେମିକା ଲେକଣ୍ଡ୍ ।

ଇଦ୍ ସୁସମାଚାର ବାଗାତ୍ ମୁଣ୍ଡ ସୁସମାଚାର ତାଗାଙ୍କୁ ଖେରେ ।

ବଇତ୍ ଲୋପେ ମାନ୍ଦାନ୍ ମୁକ୍ୟ ବିଷୟ

୧. ସୁସମାଚାରତେ ଆରାମ୍ ଯୋହନ୍ । ୧:୧-୧୮

୨. ଜିସୁନାଞ୍ ବେସକ୍ ବାକ୍ସା ପାଡ଼୍ଯିକ୍ ଯୋହନ୍ । ୧:୧୯-୧୨:୫୦

୩. ଜିସୁନ୍ ଜିଞ୍ଜୁଣ୍ଡ, ତଲ୍ଲତାଦ୍ ନୁ ମେଣ୍ଡେଅନ୍ଦାମ୍ ତେଦ୍ତାଦ୍ ଯୋହନ୍ । ୧୩:୧-୨୦:୩୧

୪. ଜିସୁ ମେଣ୍ଡେଅନ୍ଦାମ୍ ତେଦ୍ତାଦ୍ ପେକେଡ୍ ଦର୍ଶନ୍ ଯୋହନ୍ । ୨୧:୧-୨୫

ଜିଞ୍ଜୁନ୍ତେ ବାକ୍ୟ

^୧ ମୁନେଙ୍କ ବାକ୍ୟ ମାତ୍ତେ, ବାକ୍ୟ ଇଶ୍ବରତଡ୍ ମାତ୍ତେ, ବାକ୍ୟ ନୁ ଇଶ୍ବର ଖେରନ୍ ମାତ୍ତେ ।

^୨ ବାକ୍ୟ ମୁନେଙ୍କ ଇଶ୍ବରତଡ୍ ମାତ୍ତେ ।

^୩ ଅଣ୍ଡ ତଡ୍ ଇଶ୍ବର ସାରେ ତିଆର୍ ମାତ୍ତେ; ମେଣ୍ଡେ ବେନ୍ସାରେ ତିଆର୍ ଆସ୍ମିନ୍ଦେ, ଆଞ୍ଜିନାଗାଙ୍କୁ ଖେରଡ୍ ମେଣ୍ଡେ ଅଙ୍କିଡ୍ତସି ତିଆର୍ ଆୟ୍ଯ ।

^୪ ଅନ୍ଆଗେ ଜିଞ୍ଜୁନ୍ ମାତ୍ତେ ନୁ ଆଦ୍ ଜିଞ୍ଜୁନ୍ ନାରୁଡ୍ତେ ଖେସ୍ ।

^୫ ଆଦ୍ ଖେସ୍ ହିକାଡ୍ତାଗ୍ ନିଡ୍ସ ଖାସ୍ମିନ୍ଦେ, ମେଣ୍ଡେ ହିକାଡ୍ ତାକିଙ୍କ୍ ଗ୍ରହନ୍ ମାତ୍ତେ ।

^୬ ☆ ଇଶ୍ବରତେ ଗାରେକନ୍ ଖେରଣ୍ଡ କବର୍ ଆଦାନଣ୍ଡ ନାରୁଡ୍ ଆଡ୍ତେ; ଅନ୍ ପେଦେର୍ ଯୋହନ୍ ।

^୭ ଅଣ୍ଡ ବେଦ୍ପୁଟୁଙ୍କୁ ଖେସ୍ ବିଷୟତେ ସାକ୍ଷ୍ୟ ହିଦ୍ତେ, ମେଣ୍ଡେ ଆଦ୍ କେଞ୍ଜି ସାରେତଡ୍ ବିଶ୍ବାସ୍ ମାଡିତଡ୍, ଆଦିନ୍ ମାଇଦିଙ୍କ୍ ଅଣ୍ଡ ଖାଡ୍ତେ ।

^୮ ଯୋହନ୍ ନିଜେ ଆଦ୍ ଖେସ୍ ହିଲକଟ୍ ମାତ୍ତେ, ବାତେଙ୍କ ଇଡ୍ତକେ ଖେସ୍ ବିଷୟତେ ସାକ୍ଷ୍ୟ ହିଦାନ ମାଇଦିଙ୍କ୍ ଖାଡ୍ତେ ।

^୯ ବେନ୍ ସଡ୍ ଖେସ୍ ଜଗଡ୍ତାଗ୍ ଖାସ୍ ସାରେତଡ୍ ନାରୁଡ୍ ଖେସ୍ ମାଡିତେ, ଆଦେ ନିଜାତାଦ୍ ଖେସ୍ ।

^{୧୦} ଅଣ୍ଡ ଜଗଡ୍ତାଗେ ମାତ୍ତେ ନୁ ଜଗଡ୍ ଅନ୍ ତଡ୍ ତିଆର୍ ଆଡ୍ତକେ, ମିକା ଜଗଡ୍ ଅଂକିଙ୍କ୍ ହେଞ୍ଜ ପାର୍ଞ ।

☆ ୧:୬ ମାତିଉ ୩:୧; ମାର୍କ ୧:୪; ଲୁକ ୩:୧,୨.

୧୧ ଅଣ୍ଟ ନିଜେତ ରାଜ୍ୟତାଗ୍ ଖାଡ଼ତଣ୍ଟ, ମିକା ଅନ୍ ନିଜେତ ନାରୁଡ଼, ଅଂକିଙ୍କ ଗ୍ରହନ୍ ମାଡ଼ତ୍ ।

୧୨ ମାଡ଼ର ବେସର୍ ନାରୁଡ଼, ଅଂକିଙ୍କ ଗ୍ରହନ୍ ମାଡ଼ତତ୍, ଇଡ଼କେ ବେନଡ଼, ଅନ୍ ପେଦେରତେ ବିଶ୍ୱାସ୍ ମାଡ଼ତତ୍, ଆ ସାରେତଡ଼କିଂଙ୍କ ଅଣ୍ଟ ଇଶ୍ୱରତେ ମାର୍ ଆଦଦାନ୍ ମାଇଦିଙ୍କ ଅଦିକାର୍ ହିଡ଼ତଣ୍ଟ;

୧୩ ଅଡ଼, ନେଡୁରତାଗାଙ୍କ, ମେନ୍ଦୁଲ୍ତେ ଇଛାତେ ବା ନାରୁଡ଼, ଇଛାତେ ଜନମ୍ ଆୟ୍ୟଡ଼, ବେଲାନ ଇଶ୍ୱରତାଗାଙ୍କ ଜନମ୍ ଆଦତଡ଼, ।

୧୪ ମେଣ୍ଟେ, ଆଦ ବାକ୍ୟ ମେନ୍ଦୁଲ୍ ପଇତେ, ମେଣ୍ଟେ ଅନୁଗ୍ରହ ନୁ ସଡ଼ତେ ନିଣ୍ଟି ମାନ୍ ଲୋପେ ବାସେ ମାଡ଼ତଣ୍ଟ, ମେଣ୍ଟେ ବାବାନାଗାଙ୍କ ଖାଡ଼ ଝେରଡ଼, ଇଞ୍ଜ ମାର୍ଦେ ମହିମା ଲେକାମ୍ ମାମ୍ମେ ଅନ୍ ମହିମାତିଙ୍କ ଉଡ଼ତମ୍ ।

୧୫ ଯୋହନ୍ ତାନ୍ ବିଷୟତେ ସାକ୍ଷ୍ୟ ଇସ୍ ଗାଟି ଲେଙ୍କଦେ କେଡ଼ତଣ୍ଟ, “ବେନ ନା ପେରକେ ଖାଡୁତଣ୍ଟ, ଅଣ୍ଟ ନାକିଙ୍କଅନ୍ ବାଡ଼ୟଣ୍ଟ, ବାଡେଙ୍କ ଇକେ ‘ଅଣ୍ଟ ନା ଜନମ୍ତେ ମୁନେକ୍ କନ୍ସ୍ ମାଡ଼ତଣ୍ଟ, ବେନ ବିଷୟତେ ନାନେ ଇଲା କେସ୍ମାଡ଼ତାନ୍ ଅଣ୍ଟ ହିଣ୍ଟେ ।”

୧୬ ତ ଅଣ୍ଟ ସାରେତାଗାଙ୍କ ମାମ୍ମେ ସାରେତମ୍ ପାଏମ୍ ଆସ୍ମିନ୍ଦେମ୍, ଅନୁଗ୍ରହତେ ପର୍ ଅନୁଗ୍ରହ ପାଏମ୍ ଆସ୍ମିନ୍ଦେମ୍ ।

୧୭ ଇଶ୍ୱରତେ ବ୍ୟବସ୍ଥା ମୋଶାନ୍ ତଡ଼ ଦର୍କି ମିନ୍ଦେ, ବାଡେଙ୍କ ଇଡ଼କେ ଅନୁଗ୍ରହ ନୁ ସଡ଼ ଜିସୁକ୍ରିଷ୍ଟନ୍ ତଡ଼ ଉପସ୍ଥିତ ଆଡ଼ତେ ।

୧୮ ବେନ ବେସୁଙ୍କ ଇଶ୍ୱରତିଙ୍କ ଉଡ଼ଣ୍ଟ, ଅନ୍ ଡେକାନାଗ୍ ମାନ୍ଦାନ୍ ଝେରଣ୍ଟେ ମାର୍ ଅଂକିଙ୍କ କେସ୍ ମାଡ଼ିମିନ୍ଦେଣ୍ଟ ।

ବାପ୍ତିସ୍ମ ଯୋହନ୍ତେ କବର୍

(ମାଡ଼ିଉ ୩:୧-୧୨; ମାର୍କ ୧:୧-୮; ଲୁକ ୩:୧-୧୮)

୧୯ ଯିରୁଶାଲେମ୍ତେ ଯିହୁଦୀ ନେତାଲଡ଼ ବେସ୍ବକ୍ତୁଡ଼ ଦର୍ମ ଯାଜକ୍ ନୁ ଲେବୀୟ ନାରୁଡ଼କ୍ ଯୋହନ୍ତେ ଗାର୍ରେ “ନିମ୍ ବେନ,” ଇଞ୍ଜ ପାରାମାଡ଼ାନ୍ ମାଇଦିଙ୍କ ରହତଡ଼ ।

୨୦ ଅଣ୍ଟ ଅସ୍ୱୀକାର୍ ମାଡ଼କର୍ ସାଏମାଡ଼ି କେଡ଼ତଣ୍ଟ, “ନାନ୍ ମସିହ ଆୟନ୍ ।”

୨୧ ଆସୁଟେ ଅଡ଼ ଅଂକିଙ୍କ ପାତ୍ରାମାଡ଼ତଡ଼, “ଆଲାଇଡ଼କେ ନିମ୍ ବାତେଏ ଏଲୀୟନ୍ ?”

ଅଣ୍ କେଡ଼ତଣ୍, “ନାନେ ଆୟନ୍ ।

ନିମ୍ ବାତେଏ ଆ ବାବବାଦୀନୀ ?”

ଅଣ୍ ଉତ୍ତର ହିଡ଼ତଣ୍ “ଇଲା ।”

୨୨ ଆସୁଟେ ଅଡ଼ ଅଂକିଙ୍କ କେଡ଼ତଡ଼, “ମାକିଂ ରୟସ୍‌ମାୟାନ୍ ନାରୁଡ଼କିଂକ୍ ବେଦ୍‌ପୁରୁଙ୍କ ଉତ୍ତର ହିଦ୍‌ପାରଦ୍‌ତମ୍, ଆଦିନ୍ ମାଲଦିଙ୍କ ନିମ୍ ବେନନି ? ନିମ୍ ନିଜ୍ ବିଷୟତେ ବାତେଏ କେଡୁତିନ୍ ?”

୨୩ ଯିଶାଇୟ ବାବବାଦୀ ବେଦ୍‌ପୁରୁଙ୍କ କେସ୍‌ମାଡ଼ତଣ୍, ଯୋହନ୍ ଆଦେପୁରୁଙ୍କ କେଡ଼ତଣ୍,

“ନାନ୍ ଉସ୍ ନେଲ୍‌ଦାଗ୍ କିଡ଼କମାୟାନ୍ ଖେରନ୍ ନାରୁନ୍ ଲେଙ୍ଗ୍,

ପ୍ରବୁନ୍ ଆର୍ ତିଆର୍ ମାଡ଼ାଟ୍ ।”

୨୪ ପାରୁଶୀନାରୁଡ଼୍‌ରହସ୍ ମାୟାନ୍ କବର୍ କେତାନଡ଼୍,

୨୫ ଅଂକିଙ୍କ ପାତ୍ରାମାଡ଼ତଡ଼, “ନିମ୍ ଯଦି କ୍ରିଷ୍ଟ କି ଏଲୀୟ କି ଆ ବାବବାଦୀ ଆୟୁଡ଼ିନ୍, ଆଲାଇଡ଼କେ ବାତେଙ୍କ୍ ବାପ୍ତିସ୍ମ ହିଡୁତିନ୍ ?”

୨୬ ଯୋହନ୍ ଅଡ଼କିଂଙ୍କ ଉତ୍ତର ହିଡ଼ତଣ୍, “ନାନ୍ ଏର୍‌ଦାଗ୍ ବାପ୍ତିସ୍ମ ଇଦୁତାନ୍; ବେନଙ୍କ୍ ମିଡ଼୍ ପୁନ୍‌ଡ଼ିଡ଼୍, ଅଣ୍ ମିଇ ଲୋପେ ମିନ୍‌ୟେଣ୍;

୨୭ ଅଣ୍ ନା ପେର୍‌କେ ଖାସ୍‌ମିନ୍‌ୟେଣ୍, ଅନ୍ ତେକେଡ଼ ବନ୍ଦନ୍ ଲେଏତାଙ୍କ୍ ନାନ୍ ଯୋଗ୍ୟ ଆୟନ୍ ।”

୨୮ ହି ସାରେ ଗଟନା ଯର୍ଦ୍ଦନ୍ ବେଡ଼େମ୍‌ତେ ମେଣ୍ଡନ୍ ପାକେ ମାୟାନ୍ ବେତାନି ନାର୍ ଗଟେମ୍ ଆସ୍‌ମାତେ । ହି ପଡ଼ିୟେତାଗ୍ ଯୋହନ୍ ନାରୁଡ଼କିଂକ୍ ବାପ୍ତିସ୍ମ ଇସ୍‌ମାଡ଼ତଣ୍ ।

ଇଶ୍ବରତେ ମେଣ୍ଡାମେଇତାନଣ୍

୨୯ ଆସୁଟେ ମେଣ୍ଡନ୍ ଦିନ୍ ଯୋହନ୍ ଜିସୁଙ୍କ ନିଜେଡ଼ ଗାରରେ ଖାଦାନାଦ୍ ଉଡ଼ି କେଡ଼ତଣ୍, “ହି ଉଡ଼ାଟ୍, ଇଶ୍ବରତେ ମେଣ୍ଡାମେଇତାନଣ୍, ବେନ ଜଗଡ଼ତେ ପାପ୍ କାଞ୍ଜିଆଦ୍‌ତଣ୍ ।

୩୦ ନା ପେର୍‌କେ ବେନ ଖାସ୍ ମିନ୍‌ୟେଣ୍, ଅଣ୍ ନା କନ୍‌ସ୍ ବାଡ଼ୟଣ୍ ଖାସ୍‌ମିନ୍‌ୟେଣ୍, ବାତେଙ୍କ୍ ଇକ୍ ଅଣ୍ ନା ଜନମତେ ମୁନେକନ୍‌ସ୍ ମାଡ଼ତଣ୍, ବେନ ବିଷୟତେ ନାନ୍ ଇଦ୍ କେସ୍‌ମିନ୍‌ୟେଣ୍ ଅଣ୍ ହିଣ୍ଡେ ।

୩୧ ନାନ୍ ଆନ୍ତେ ଅଂକିଙ୍କ ହେଞ୍ଚକର୍ ମାଡ଼ତାନ୍, ବାତେଙ୍କ ଇଡ଼କେ ଅଣ୍ଟ ବେଦପୁରୁଙ୍କ ଇସ୍ରାଏଲ୍ ନାରୁଡ଼ତେ ଗାରରେ ତିଆର୍ ଆଦତନ୍, ଆଦିନ୍ ସେଙ୍ଗେ ନାନ୍ ଏରଦାଗ୍ ବାପ୍ତିସ୍ମ ହିଦାଙ୍କ ଝାସ୍ମିନ୍ଦେନ୍ ।”

୩୨ ମେଣ୍ଟେ, ଯୋହନ୍ ସାକ୍ଷ୍ୟ ଇସ୍ କେଡ଼ତଣ୍ଟ, “ନାନ୍ ଆମ୍ବାତିଙ୍କ ପାଞ୍ଜି ରକମ୍ ସ୍ବର୍ଗତାଗାଙ୍କ ତିଗାନାଦ୍, ମେଣ୍ଟେ ଆଦ୍ ଅନ୍ ପରର କୁଦାନାଦ୍ ଉଡ଼ତାନ୍ ।

୩୩ ନାନେ ଆନ୍ତେ ଅଂକିଙ୍କ ହେଞ୍ଚକର୍ ମାଡ଼ତାନ୍, ମାତର୍ ବେନ ନାକିଂଙ୍କ ଏରଦାଗ୍ ବାପ୍ତିସ୍ମ ହିଦାଙ୍କ ରହତଣ୍ଟ, ଅଣ୍ଟ ନାକିଂଙ୍କ କେଡ଼ତଣ୍ଟ, ବେନଡ଼ପର୍ ଆମ୍ବାତିଙ୍କ ତିଗାନାଦ୍ ଉଡ଼ିତିନ୍, ଅଣ୍ଟ ଆ ନାରୁଡ଼ଣ୍ଟ, ବେନ ପବିତ୍ର ଆମ୍ବାତେ ବାପ୍ତିସ୍ମ ହିଦତଣ୍ଟ ।

୩୪ ମେଣ୍ଟେ ନାନ୍ ଆଦ୍ ଉଡ଼ିମିନ୍ଦେନ୍ ନୁ ଅଣ୍ଟ ଇଶ୍ବରତେ ମାର୍ ଇଞ୍ଜ ସାକ୍ଷ୍ୟ ଇସ୍ମିନ୍ଦେନ୍ ।”

ଜିସୁନ୍ ପ୍ରତମ୍ ଶିଷ୍ୟତ୍

୩୫ ମେଣ୍ଟନ୍ଦିନେ ମେଣ୍ଟନ୍ଦାମ୍ ଯୋହନ୍ ନୁ ତାମ୍ ଶିଷ୍ୟତ୍, ଲୋପେଙ୍କ ଇରଞ୍ଜୁଡ଼ତଡ଼ ନିସ୍ ମାଡ଼ତଣ୍ଟ ।

୩୬ ମେଣ୍ଟେ, ଅଣ୍ଟ ଜିସୁଙ୍କ ଆଦ୍ ଆର୍ ଇସ୍ ଆଦାନାଦ୍ ଉଡ଼ି ଅଂକିଙ୍କ ଅଣ୍ଟୟ୍ ଦୃଷ୍ଟିତେ ଉଡ଼ି କେଡ଼ତଣ୍ଟ, “ହିକ୍ ଉଡ଼ାଟ୍ ଇଶ୍ବରତେ ମେଣ୍ଟାମେଇତାନଣ୍ଟ ।”

୩୭ ଆଦ୍ ଇରଞ୍ଜୁଡ଼ ଶିଷ୍ୟତ୍, ଯୋହନ୍ତେ ଗଟି କେଞ୍ଜି ଜିସୁନ୍ ପେରକେ ପେରକେ ଆଦତଡ଼ ।

୩୮ ଜିସୁ ମାଲ୍ସ୍ ଅଡ଼୍ ପେରକେ ପେରକେ ଝାଦାନାଦ୍ ଉଡ଼ି ପାତ୍ରାମାଡ଼ତଣ୍ଟ, “ମିଡ଼୍ ବାତେଏ ମେହ୍କୁତିଡ଼୍?” ଅଡ଼୍ ଅଂକିଙ୍କ ଉଉର୍ ହିଡ଼ତଡ଼, “ରାବ୍ବି, ହିଦିନ୍ ଅର୍ତ୍ତ ଗୁରୁ ନିମ୍ ବେଗେ ମାନ୍ବୁତି ?”

୩୯ ଜିଞ୍ଜୁ ଅଡ଼କିଂଙ୍କ କେଡ଼ତଣ୍ଟ, “ଝାଡ଼ାଟ୍, ଉଡ଼ିତିଡ଼୍ ।” ଆସୁଟେ ଅଡ଼୍ ଆଞ୍ଜି ଅନ୍ ପଡ଼ୟ୍ ଉଡ଼ତଡ଼, ମେଣ୍ଟେ ଆଦ୍ ଦିନ୍ ଅନ୍ତଡ଼୍ ମାଡ଼ତଡ଼; ଆସୁଟେ ପାୟାଲ୍ ନାଲ୍ ଗାଣ୍ଟା ଆସ୍ମାଡ଼ତେ ।

୪୦ ବେନଡ଼ ଇରଞ୍ଜୁଡ଼ ଯୋହନ୍ତେ ଗଟି କେଞ୍ଜି ଜିସୁନ୍ ପେରକେ ପେରକେ ଆଞ୍ଜି ମାଡ଼ତଡ଼, ଅଡ଼୍ ଲୋପେଙ୍କ ଝେରଣ୍ଟ ଶିମୋନ୍ ପିତରତେ ଦାଦାଲ୍ ଆନ୍ଦିୟ୍ ମାଡ଼ତଣ୍ଟ ।

୪୧ ଆନ୍ଦ୍ରିୟ ପ୍ରତମ୍ ନିଜର ତାମ୍ରଣ୍ ଶିମୋନତିଙ୍କ ଉଡ଼ିମେଣ୍ଡେ ଅଂକିଙ୍କ କେଡ଼ତଣ୍, “ମାମ୍ମେ ମସିହଙ୍କ* ଉଡ଼ିମିୟେମ୍ ।”

୪୨ ଆନ୍ଦ୍ରିୟ ଅଂକିଙ୍କ ଜିସୁନ୍ ଗାରରେ ତାଡ଼ତଣ୍ । ଜିସୁ ଅଂକିଙ୍କ ଅଣ୍ଡୟ ଦୃଷ୍ଟିତେ ଉଡ଼ି କେଡ଼ତଣ୍, “ନିମ୍ ଶିମୋନ୍, ଯୋହନ୍ତେ ମାର୍ । ନିମ୍ କେଫା† ପେଦେର୍ ତେ କ୍ୟାଡ଼ ଆଦତିନ୍ ।”

ଜିସୁ ପିଲିପ୍ ନୁ ନିତନିୟେଲ୍ତିଙ୍କ କାର୍ତ୍ତବ୍

୪୩ ମେଣ୍ଡନ୍ଦିନେ ଜିସୁ ଗାଲିଲୀତାର୍ ଆଦଦାନ୍ ମାଇଦିଙ୍କ ଇଚ୍ଛା ମାଡ଼ତଣ୍, ମେଣ୍ଡେ ଅଣ୍ ପିଲିପ୍ତିଙ୍କ ଉଡ଼ିମେଣ୍ଡେ ଅଂକିଙ୍କ କେଡ଼ତଣ୍, “ନା ପେରକେ ଝାଡ଼ା ।”

୪୪ ପିଲିପ୍ ବେଦ୍ଯାଇଦାତେ ନାରୁଣ୍ ମାଡ଼ତଣ୍, ଆଦ୍ ଆନ୍ଦ୍ରିୟ ନୁ ପିତରୁତେ ନାର୍ ମାଡ଼ତେ ।

୪୫ ପିଲିପ୍ ନିତନିୟେଲ୍ତିଙ୍କ ଉଡ଼ିମେଣ୍ଡେ ଅଂକିଙ୍କ କେଡ଼ତଣ୍, “ବେନ ବିଷୟତେ ମୋଶାଲ୍ ବ୍ୟବସ୍ଥା ବଇତାର୍ ଲେକିମିୟେଣ୍ଡେ, ମେଣ୍ଡେ ବାବବାଦିଡ଼୍ ଆନ୍ତେ ଲେକିମିୟେଡ଼୍, ମାମ୍ ଅଂକିଙ୍କ ଉଡ଼ି ମିୟେମ୍; ଅଣ୍ ଯଷେପ୍ତେ ମାର୍ ନାଜରିତ୍ଯ ଜିସୁ ।”

୪୬ ନିତନିୟେଲ୍ ଅଂକିଙ୍କ ପାରାମାଡ଼ତଣ୍, “ନାଜରିତ ତାଗାଙ୍କ ବାଡ଼ ଯାୟେଡ଼ ବିଷୟ ପେଇତେ ପାର୍ଦ୍ତେ ?”

ପିଲିପ୍ ଅଂକିଙ୍କ କେଡ଼ତଣ୍, “ଝାସ୍ ଉଡ଼ୁ”

୪୭ ଜିସୁ ନିତନିୟେଲ୍ତିଙ୍କ ତାନ୍ ଗାରରେ ଝାଦାନାଦ୍ ଉଡ଼ି ଅନ୍ ବିଷୟତେ କେଡ଼ତଣ୍, “ହି ଉଡ଼ାଡ଼୍, ହିଣ୍ ଝେରଣ୍ ନିଜାମ୍ ଇସ୍ରାଏଲ୍ତେ ନାରୁଡ଼୍, ହିନାଗ୍ ଚାଲାକି ଇଲେ ।”

୪୮ ନିତନିୟେଲ୍ ଅଂକିଙ୍କ ପାରାମାଡ଼ତଣ୍, “ନିମ୍ ନାକିଙ୍କ ବେଲା ହେସ୍ତତିନ୍ ?”

ଜିସୁ ଅଂକିଙ୍କ ଉତ୍ତର ହିଡ଼ତଣ୍, “ପିଲିପ୍ ନିକିଙ୍କ କାର୍ତ୍ତବ୍ ମୁନେ ନିମ୍ ବେସ୍ତଙ୍କ ତୟେମାଡ଼େଡ଼୍ ମଦଲ୍ ମାଡ଼ତି, ଆସୁଟେ ନାନନେ ନିକିଙ୍କ ଉଡ଼ିମାଡ଼ତାନ୍ ।”

୪୯ ନିତନିୟେଲ୍ ଅଂକିଙ୍କ ଉତ୍ତର ହିଡ଼ତଣ୍, “ହୋ ଗୁରୁ, ନିମ୍ ଇଶ୍ବରତେ ମାର୍, ନିମ୍ ଇସ୍ରାଏଲ୍ତେ ରାଜାନି ।”

* ୧:୪୧ ବେନଙ୍କ କ୍ରଷ୍ଟ ଇଞ୍ଜ କେତିତଡ଼୍, † ୧:୪୨ କେଫା ହିଦିନ୍ ଇଡ଼କେ କାଲ୍

୫୦ ଜିସୁ ଅଂକିଙ୍କ ଉତ୍ତର ହିତତଣ୍ଡ, “ନାନ୍ ନିକିଙ୍କ ତୟେମାଡେଡ୍ ମଦଲ୍ ଉଡ଼ିମାଡତାନ୍ ଇଞ୍ଜ କେଡତାଲେ ନିମ୍ ବିଶ୍ବାସ୍ ମାଡତୁ ? ନିମ୍ ଇଦିଙ୍କ ଅଣ୍ ମେଣ୍ଟେ ବେଡ଼ୟା ବେଡ଼ୟାଦ୍ ବିଷୟ ଉଡ଼ିତି ।”

୫୧ ମେଣ୍ଟେ, ଜିସୁ ଅଂକିଙ୍କ କେଡତଣ୍ଡ, “ସଡ୍ ନାନ୍ ମିକିଙ୍କ କେଡୁତାନ୍, ମିଡ୍ ସ୍ବର୍ଗତିଙ୍କ କୁଲା ନୁ ଇଶ୍ବରତେ ଦୂତକିଙ୍କ ନାରୁଡ୍, ପିଲେଡ୍ ପରର ତାରାନାଦ୍ ନୁ ଡିଗାନାଦ୍ ଉଡ଼ିତିଡ୍ ।”

୨

କାନାଲ୍ ପେଣ୍ଟଲୁ ବଜିତାଗ୍ ଜିସୁ

୧ ରେଣ୍ଡ ଦିନା ପେରକେ ଗାଲିଲୀ ନାର୍ ଝେରଡ୍ ପେଣ୍ଟଲୁ ଆଡତେ, ମେଣ୍ଟେ ଜିସୁନ୍ ଯାୟ ଆଗେ ମାଡତେ;

୨ ଜିସୁ ଆନ୍ତେ ନିଜେଡ୍ ଶିଷ୍ୟଡ୍ ତଡ୍ ଆଦ୍ ପେଣ୍ଟଲୁତାଗେ ଝାଡତଡ୍ ।

୩ ପେରକେ ଦ୍ରାକ୍ଷାରସ୍ ତେରି ଆଡତାଙ୍କ ଜିସୁନ୍ ଯାୟ ଅଂକିଙ୍କ କେଡତେ, “ଅଡାଦ୍ ଦ୍ରାକ୍ଷାରସ୍ ତେରିଆଡତେ ।”

୪ ଆସୁଟେ ଜିସୁ ତାଙ୍କ କେଡତଣ୍ଡ, “ନି ତଡ୍ ନାଝାଦ୍ ବାଡ୍ ଇଲେ, ନାକିଙ୍କ ବାତେଙ୍କ ଆଦିନାଗ୍ କାସ୍ପମାଡତି ? ନାୟାଦ୍ ଦିନାମ୍ ଇଞ୍ଜେକ୍ ଆୟନା ହେଝକେ ।”

୫ ତାମ୍ ଯାୟ ତୁସାନଡକିଙ୍କ କେଡତେ, “ଅଣ୍ ମିକିଙ୍କ ବାତେମେଣ୍ଟେ କେଡିତଣ୍ଡ, ଆଦ୍ ମାଡାଟ୍ ।”

୬ ମେଣ୍ଟେ, ଆଗେ ଯିହୁଦୀନାରୁଡାଦ୍ ଶୁଚିଆଦାନ୍ ନିୟମ୍ ଲେକାମତେ ରେଣ୍ଡ ବା ମୁଣ୍ଡ ମହଣିଆ* ଆରୁଟାନ୍ କାଲକିନ୍ କୁଣ୍ଡା ନେହେସ୍ ମାଡତଡ୍ ।

୭ ଜିସୁ ଦାସଡକିଙ୍କ କେଡତଣ୍ଡ, “କୁଣ୍ଡାନାଗ୍ ଏର୍ ବର୍ତ୍ ମାଡାଟ୍ ।” ଆସୁଟେ ଅଡ୍ ହାଉସାରେ ନିଣ୍ଡନା ଯାକ ବର୍ତ୍ ମାଡତଡ୍ ।

୮ ମେଣ୍ଟେ, ଜିସୁ ଅଡକିଙ୍କ କେଡତଣ୍ଡ, “ଇଞ୍ଜେ ଟେଣ୍ଡି ଅସ୍ ବଜିଡ୍ ମୁକ୍ୟାନ୍ ଗାରରେ ଆୟମୁଟ୍,” ଆସୁଟେ ଅଡ୍ ଅଡତଡ୍ ।

୯ ବଜିତେ ମୁକ୍ୟାଲ୍ ଦ୍ରାକ୍ଷାରସ୍ ଆସ୍ମାନ୍ଦାନ୍ ଆଦ୍ ଏର୍ଦିଙ୍କ ନାକି ଆଦ୍ ବେଗାଙ୍କ ଝାଡତେ ଇଦ୍ ପୁନକର୍ ମାଡତଣ୍ଡ ବାତେଙ୍କ ଇଡକେ

* ୨:୬ ମହଣିଆ ୧୦୦ ଲିଟର୍ ଏର୍ ନେହେଡାନ୍ ସେଙ୍ଗେ କାଲକିନ୍ କୁଣ୍ଡା ନେହେସ୍ ମାଡତଡ୍.

ଇଦ୍ ବେଗାଙ୍କୁ ଖାତ୍ତେ ଆଦି ଦାସତ୍ୱ ପୁଞ୍ଜି ମାତ୍ତତ୍, ଆଗାଙ୍କୁ ଅଣ୍ଟା ବରତିଙ୍କୁ କାରୁକୀ କେତ୍ତଣ୍ଟ,

୧୦ “ସାରେତତ୍ ମୁନେଙ୍କ୍ତେ ସାୟେତ୍ ଦ୍ରାକ୍ଷାରସ୍ ହିଦ୍ତତ୍, ମେଣ୍ଟେ ନାରୁତ୍ ଆସ୍ତେ ଖେୟ୍, ପିନ୍ଦ୍ ଖାଦ୍ ହିଦ୍ତତ୍; ମିଡ୍ ହି ଯାକ ସାୟେତାଦ୍ ଦ୍ରାକ୍ଷାରସ୍ ନେହେସ୍ ମିନ୍ଦେଡି ।”

୧୧ ଜିସୁ ହିଦ୍ଲେକାମ୍ ଗାଲିଲି ନାର୍ତେ ମୁନେଙ୍କ୍ତେ ବାକ୍ ଖାକାମ୍ ଆରମ୍ଭମାଡି ନିଜେତ୍ ମହିମା ମାଡ୍ଡିତ୍ତନ୍, ମେଣ୍ଟେ ଅନ୍ ଶିଷ୍ୟତ୍, ଅଁକିଙ୍କ୍ ବିଶ୍ୱାସ୍ ମାଡ୍ତତ୍ ।

୧୨ ☆ତାନପେକେ ଅଣ୍ଟ ନିଜେତ୍ ଯାୟ୍, ଦାଦାଲ୍ତାମୁଣ୍ଟ ନୁ ଶିଷ୍ୟତ୍, ତତ୍ କପର୍ନାହୁମ୍ତାଗ୍ ଆଦ୍ତତ୍; ମେଣ୍ଟେ ଅଡ୍ ଆଗେ ନାର୍ଗେଦିନା ମାନଡ୍ ।

ଜିସୁ ଯିରୁଶାଲେମ୍ ମନ୍ଦିରତାଗ୍ ଆଡ୍ତଣ୍ଟ

(ମାଡିଉ ୨୧:୧୨-୧୩; ମାର୍କ ୧୧:୧୫-୧୭; ଲୁକ ୧୯:୪୫-୪୬)

୧୩ ଆସୁଟେ ଯିହୁଦି ନାରୁତାଦ୍ ନିସ୍ତାର ପାଣ୍ଡୁ ଗାର୍ରେ ହେଞ୍ସ୍ ମାଡ୍ତେ, ମେଣ୍ଟେ ଜିସୁ ଯିରୁଶାଲେମ୍ତା ଆଡ୍ତଣ୍ଟ ।

୧୪ ମେଣ୍ଟେ, ଜିସୁ ମନ୍ଦିରତାଗ୍ ଗଡ୍କ, ମେଣ୍ଟା ନୁ ବଡେ ଖାମାନନାରୁଡ୍କ ମେଣ୍ଟେ ତାବ୍ ବ୍ୟବସାୟିନାରୁଡ୍କ କୁଦିମାନ୍ଦାନାଦ୍ ଉଡ୍ତଣ୍ଟ ।

୧୫ ଆଗାଙ୍କୁ ଅଣ୍ଟ ନଡେତେ ଖେରଡ୍ ଇକ୍ଲେମ୍ ତିଆର୍ ମାଡି ମେଣ୍ଟା ନୁ ଗଡ୍କିଂଙ୍କ୍ ତଅସ୍ ସାରେତାଞ୍ଜିଙ୍କ୍ ମନ୍ଦିରତାଗାଙ୍କ୍ ବାୟିଦେ ପେସ୍ପିଡ୍ତଣ୍ଟ; ତାବ୍ ବ୍ୟବସାୟି ନାରୁଡ୍ତାଞ୍ଜି ତାବ୍ କ୍ଷାରେ ଲେକିସ୍ ଅଡାସ୍ଟ ଟେବୁଲ୍‌କିଙ୍କ୍ ଉଲ୍‌ଟା ମାଡିଡ୍ତଣ୍ଟ ।

୧୬ ମେଣ୍ଟେ ଜିସୁ ବଡେ ଖାମାନଡ୍‌କିଙ୍କ୍ କେଡ୍ତଣ୍ଟ, “ହିଞ୍ଜିଙ୍କ୍ ଇଗାଙ୍କ୍ ଆୟ୍‌ମୁଟ୍, ନା ବାବାନ୍ ଲୋଡ୍‌ତିଙ୍କ୍ ଆସାନ୍ ଖାମାନ୍ ଲୋନ୍ ମାଡ୍‌ମାଟ୍ ।”

୧୭ ଇଦ୍ ଉଡି ତାନ୍ ଶିଷ୍ୟତ୍ ଶାସ୍ତ୍ରତାଗ୍ କେଡ୍ତାଦ୍ ଖେରନ୍ ବାକ୍ୟ ହେର୍କା ମାଡ୍ତତ୍; “ମିଇ ଲୋଡ୍‌ତେ ସେଙ୍ଗେ ନାୟାଦ୍ ଉକ୍ତି ନା ଲୋପେ କିସ୍ ଲେକାମ୍ ନିଡ୍‌ସ୍‌ମିନ୍ଦେ ।”

୧୮ ଆସୁଟେ ଯିହୁଦୀ ଅଦକ୍ଷଲତ୍ ଜିସୁନ୍ ଗାରରେ ମାଲ୍‌ସ୍ ଝାସ୍ ଇଦ୍ ପ୍ରଶ୍ନ ପାତ୍ରାମାଡ଼ତଡ଼, “ନିମ୍ ହି ସାରେ ପାଡ଼୍‌ୟି ମାଡ଼ାନ୍ ସେଜେ ଅଦିକାର୍ ଦରକାନ୍ ମାଡ଼ତେ ଇଞ୍ଜ ମାମ୍‌ମେ ବେଲା ପୁନ୍‌ତମ୍ ? ମେଣ୍ଟେ ବେନ୍ ଚିହିନ୍ତେ ତଡ଼୍‌ମାକିଂଙ୍କ୍ ତୟସ୍ ମିନ୍ଦେନି ?”

୧୯ ✧ଜିସୁ ଅଡ଼କିଂଙ୍କ୍ ଉତ୍ତର ହିଡ଼ତଣ୍ଟ, “ମିଡ଼୍ ହି ମନ୍ଦିର୍‌ତିଙ୍କ୍ ଉହ୍‌ସିମ୍ବର୍, ମେଣ୍ଟେ ମୁଣ୍ଟ ଦିନାତେ ଲୋପ୍ ନାନେ ଆଦିଙ୍କ୍ ତିଆର୍ ମାଡ଼ିଦତାନ୍ ।”

୨୦ ଆସୁଟେ ଯିହୁଦୀଡ଼୍ କେଡ଼ତଡ଼, “ହି ମନ୍ଦିର୍ ତିଆର୍ ମାଡ଼ାନ୍ ମାଈଦିଙ୍କ୍ ଚୟାଲିଶ ହେଣ୍ଟକ୍ ଲାଗେମ୍ ଆଡ଼ତେ; ମେଣ୍ଟେ ନିମ୍ ବାତେଏ ତାଙ୍କ୍ ମୁଣ୍ଟ ଦିନାତେ ତିଆର୍ ମାଡ଼ିଦତି ?”

୨୧ ବାତେଙ୍କ୍ ଇଡ଼କେ ଅଣ୍ଟ ନିଜର୍ ମେନ୍‌ଲୁକ୍‌ତେ ଲେକାମ୍ ମନ୍ଦିର୍‌ତିଙ୍କ୍ ରକ୍ଷାମାଡ଼ି ଇଦ୍ ବିଷୟ୍ କେସମାଡ଼ତନ୍ ।

୨୨ ତାନ୍‌ପେକେ ଅଣ୍ଟ ତଲିମାନ୍‌ନ୍ ନାରୁଡ଼୍ ଲୋପେଙ୍କ୍ ତେଦ୍‌ତା ପେରକେ ତାନ୍ ଶିଷ୍ୟଡ଼୍ ଅଣ୍ଟ ଇଲା କେସମାଡ଼ତନ୍ ଇଞ୍ଜ ହେର୍କା ମାଡ଼ତଡ଼; ଅଡ଼୍ ଦର୍ମଶାସ୍ତ୍ର ନୁ ଜିସୁନ୍ କେସମାନ୍‌ନ୍ ବାକ୍ୟତିଙ୍କ୍ ବିଶ୍ୱାସ୍ ମାଡ଼ତଡ଼ ।

ଜିସୁ ନାରୁଡ଼ାଦ୍ ପ୍ରକୃତି ବିଷୟ୍‌ତେ ପୁଞ୍ଜିମାଡ଼ତଣ୍ଟ

୨୩ ନିସ୍ତାର୍ ପାଣ୍ଡୁମ୍ ହେଉତେ ସମୟ୍‌ତେ ଜିସୁ ଯିରୁଶାଲେମ୍‌ତାଗ୍ ମାନ୍‌ନ୍‌ଖେଲେ ନାର୍‌ଗେ ଅନାଦ୍ ମାଡ଼ତାଦ୍ ଆଶର୍ଯ୍ୟ କାମ୍ ଉଡ଼ି ଅନ୍ ପେଦେର୍‌ତେ ବିଶ୍ୱାସ୍ ମାଡ଼ତଡ଼ ।

୨୪ ବାତେଙ୍କ୍ ଇଡ଼କେ ଜିସୁ ଅଡ଼୍ ପର୍‌ର ଆଗେ ଝାଟେ ପାର୍‌ଝଣ୍ଟ, ବାତେଙ୍କ୍ ଇଡ଼କେ ଅଣ୍ଟ ସାରେତଡ଼କିଂଙ୍କ୍ ସାୟେ ପୁଞ୍ଜିମାଡ଼ତଣ୍ଟ,

୨୫ ମେଣ୍ଟେ, ବେନ୍ ଯେ ନାରୁନ୍ ବିଷୟ୍‌ତେ ସାକ୍ଷିଦ୍‌ତ, ଇଦ୍ ଅନ୍‌ଝାଦ୍ ଦରକାର୍ ହିଲକର୍ ମାଡ଼ତେ, ବାତେଙ୍କ୍ ଇଡ଼କେ ନାରୁନ୍ ହୁଦୟ୍‌ତାଗ୍ ବାତା ମିନ୍ଦେ, ଆଞ୍ ଅଣ୍ଟ ପୁଞ୍ଜିମାଡ଼ତଣ୍ଟ ।

୩

ଜିସୁ ନୁ ନୀକଦୀମ୍

✧ ୨:୧୯ ମାଡ଼ିଉ ୨୭:୨୧; ୨୭:୪୦; ମାର୍କ ୧୪:୫୮; ୧୫:୨୯.

୧ ପାରୁଣୀଡ଼, ଲୋପେ ନିକଦୀମ୍ ପେଦେରତଣ୍ଡ ଖେରଣ୍ଡ ନାରୁଣ୍ଡ ମାଡ଼ତଣ୍ଡ, ଅଣ୍ଡ ଯିହୁଦିଡ଼ ଖେରଣ୍ଡ ନେତାଲ୍ ।

୨ ଅଣ୍ଡ ନାରକା ଜିସୁନ୍ ଗାରରେ ଖାସ୍ ଅଂକିଙ୍କ କେଡ଼ତଣ୍ଡ, “ହୋ ଗୁରୁ, ନିମ୍ ଯେ ଇଶ୍ବରତାଗାଙ୍କ ଖାସ୍ ମିନ୍ଦେନି, ହିଦ୍ ମାମ୍ ପୁଡ଼ତମ୍, ବାତେଙ୍କ ଇଡ଼କେ ନିମ୍ ହିଡ଼ ବେନ୍‌ସାରେ ବାକ୍‌ଖାକାମ୍ ମାଡ଼ମିନ୍ଦେନି, ଇଶ୍ବର ତଡ଼ ହିଲକଟ୍ ମାଡ଼କେ ହାଉସାରେ ବେନ ମାଡ଼ପାର୍‌ଝଡ଼ ।”

୩ ଜିସୁ ଅଂକିଙ୍କ ଉତ୍ତର ହିଡ଼ତଣ୍ଡ, “ସଡ଼ ନାନେ ନିକିଂଙ୍କ କେଡୁତାନ୍, ମେଣ୍ଡନଦାମ୍ ଜନମ୍ ଆୟ୍‌ୟକଟ୍ ମାଡ଼କେ ବେନମେଣ୍ଡେ ଇଶ୍ବରତେ ରାଜ୍ୟ ଉଡ଼ ପାର୍‌ଝଡ଼ ।”

୪ ନିକଦୀମ୍ ଅଂକିଙ୍କ ପାତ୍ରାମାଡ଼ତଣ୍ଡ, “ମୁୟକେ ନାରୁଡ଼ ବେଦପୁରୁଙ୍କ ଜନମ୍ ଆଦପାର୍‌ଡ଼ତଣ୍ଡ ? ଅଣ୍ଡ ବାତେଏ ଦ୍ବିତୀୟଦାମ୍ ନିଜେଡ଼ ଯାୟାନ୍ ତଙ୍କେଡ଼ତାଗାଙ୍କ ନେଜି ଜନମ୍ ଆଦପାର୍‌ଡ଼ତଣ୍ଡ ?”

୫ ଜିସୁ ଉତ୍ତର ହିଡ଼ତଣ୍ଡ, “ସଡ଼ ନାନ୍ ନିକିଂଙ୍କ କେଡୁତାନ୍, ଏର୍ ନୁ ଆମାତେ ଜନମ୍ ଆୟ୍‌ୟକଟ୍ ମାଡ଼କେ ବେନମେଣ୍ଡେ ଇଶ୍ବରତେ ରାଜ୍ୟତାଗ୍ ନେଙ୍ଗାଙ୍କ ପାର୍‌ଝଡ଼ ।

୬ ମେନ୍ଦୁଲ୍‌ତାଗାଙ୍କ ବାତେଏ ତିଆର୍ ଆଡ଼ତେ, ଆଦ୍ ମେନ୍ଦୁଲ୍; ମେଣ୍ଡେ ଆମ୍‌ତାଗାଙ୍କ ବାତେଏ ଆଡ଼ତେ, ଆଦ୍ ଆମ୍ ।

୭ ମିକିଂଙ୍କ ନିଜାମ୍ ମେଣ୍ଡଣ୍ଡଦାମ୍ ଜନମ୍ ଆଦ୍ ଖେୟଡ଼ିଡ଼ ଇଞ୍ଜି ନାନ୍ ଯେ ନିକିଂଙ୍କ କେଡୁତାନ୍, ଆଦିଙ୍କ ଦାଦ୍ ରେଲ୍‌ମା ।

୮ ଗାଲ୍ ବେନ୍ ପାକେ ଇଛା ମାଡ଼ିତେ, ଆଦ୍ ପାକେ ଆଦତେ, ମେଣ୍ଡେ ନିମ୍ ତାନ୍‌ଝାଦ୍ ମରରେ କେଞ୍ଜିତିନ୍, ବାତେଙ୍କ ଇଡ଼କେ ଆଦ୍ ବେଗାକନ୍‌ସ୍ ଖାଦତେ ମେଣ୍ଡେ ବେକେ ଆଦତେ, ଆଦ୍‌ପୁନ୍‌ଝିନ୍; ଆମ୍‌ତାଗାଙ୍କ ପୁଟ୍‌ତେନଡ଼ ସାରେ ନାରୁଡ଼ ଆଦ୍ ରକମ୍ ।”

୯ ନିକଦୀମ୍ ଅଂକିଙ୍କ ଉତ୍ତର ହିଡ଼ତଣ୍ଡ, “ହି ସାରେ ବେଦପୁରୁଙ୍କ ଆଦ୍ ପାର୍‌ଡ଼ତା ?”

୧୦ ଜିସୁ ଅଂକିଙ୍କ ଉତ୍ତର ହିଡ଼ତଣ୍ଡ, “ନିମ୍ ଇସାଏଲ୍‌ତେ ଖେରଣ୍ଡ ଗୁରୁ ଆଗେ ମିକା ବାତେଏ ହି ସାରେ ବୁଜେମ୍ ଆଦ୍‌ପାର୍‌ଝିନ୍ ?

୧୧ ନାନ୍ ନିକିଂଙ୍କ ସଡ଼ କେଡୁତାନ୍, ମାନାଡ଼ ବାତେଏ ପୁଡ଼ତାଡ଼, ଆଦ୍ କେଡିତାଡ଼, ମେଣ୍ଡେ ବାତେଏ ଉଡ଼ିମାନ୍ତତାଡ଼, ଆଦିନ୍ ବିଷୟତେ ସାକ୍ଷ୍ୟ ହିଡ଼ତାଡ଼, ମେଣ୍ଡେ ମିଡ଼୍‌ମାଝାଦ୍ ସାକ୍ଷ୍ୟ ଗ୍ରହନ୍ ମାଡ଼ଝିଡ଼ ।

* ୩:୩ ଇଶ୍ବରତାଗାଙ୍କ ଜନମ୍ ଆଦାନାଦ୍

୧୭ ନାନେ ମିକିଂଙ୍କ ସଂସାର ବିଷୟରେ କେତକେ ଯଦି ମିଡ଼, ବିଶ୍ୱାସ ମାଡ଼ିବେ, ଆଲାଇଡ଼କେ ମିକିଂଙ୍କ ସ୍ୱର୍ଗତ ବିଷୟରେ କେତକେ ବେଦପୁରୁଙ୍କ ବିଶ୍ୱାସ ମାଡ଼ିବେ ?

୧୮ ବେନ ନାରୁନ୍‌ପିଲେ ସ୍ୱର୍ଗକଞ୍ଜ ଡିଗିଝାଡ଼ତଣ୍ଡ, ଅନ୍ ଡିଡ଼ସି ମେଣ୍ଡେ ବେନ ସ୍ୱର୍ଗତାଗ୍ ଆନଣ୍ଡ ।”

୧୯ ମୋଶାଲ୍ ବେଦପୁରୁଙ୍କ ଉସ୍ତା ନେଲ୍‌ଦାଗ୍ ବାବାଲ୍ ତାଡ଼ାତିଙ୍କ ଗୁଞ୍ଜେଡ଼ ପରର ତେୟସ୍ ମାଡ଼ତଣ୍ଡ, ନାରୁନ୍‌ପିଲେ ଆନ୍‌ତେ ଆଦ୍ ରକମ୍ ପରର ତେଦିତଣ୍ଡ,

୨୦ ବେଦପୁରୁଙ୍କ ବେନଆଇ ଅନ୍‌ଆଗେ ବିଶ୍ୱାସ ମାଡ଼ିତନ୍, ଅଣ୍ଡ ସାରେଦିନାଡ଼ ଜିଝୁନ୍ ଦସ୍ କିତନ୍ ।

୨୧ ବାତେଙ୍କ ଇଡ଼କେ ଇଶ୍ୱର୍ ଜଗଡ଼ତିଙ୍କ ଇସର୍ ପ୍ରେମ ମାଡ଼ତଣ୍ଡ ଯେ, ଅଣ୍ଡ ନିଜେଡ଼ ଅଦ୍ୱିତିୟ ମାର୍ଦିଙ୍କ ଦାନ ହିଡ଼ତଣ୍ଡ, ବେଦପୁରୁଙ୍କ ବେନଆଇ ଅନ୍‌ଆଗେ ବିଶ୍ୱାସ ମାଡ଼ିତନ୍, ଅଣ୍ଡ ବିନଷ୍ଟ ଆୟ୍‌ୟକଟ ସାରେଦିନାଡ଼ ଜିଝୁନ୍ ଦସ୍ କିତନ୍ ।

୨୨ ଇଶ୍ୱର୍ ତାନ୍ ମାର୍ଦିଙ୍କ ଜଗଡ଼ତାଗ୍ ବିଚାର ମାଡ଼ାନ୍ ମାଇଦିଙ୍କ ରଞ୍ଜଣ୍ଡ, ବାତେଙ୍କ ଇକ୍ତେ ଜଗଡ଼ ବେଦପୁରୁଙ୍କ ଅନ୍‌ତଡ଼ ପରିତ୍ରାଣ ଦରକିଡ଼ତେ, ଆଦିନ୍ ମାଇଦିଙ୍କ ଅଂକିଙ୍କ ରହ୍‌ତଣ୍ଡ ।

୨୩ ବେନ ମାରିନାଗ୍ ବିଶ୍ୱାସ ମାଡ଼ିତନ୍, ଅଣ୍ଡ ବିଚାରିତ ଆୟ୍‌ୟଣ୍ଡ; ବେନ ବିଶ୍ୱାସ ମାଡ଼ଣ୍ଡ, ଅଣ୍ଡ ବିଚାରିତ ଆଗେ ତେରତଣ୍ଡ, ବାତେଙ୍କ ଇଡ଼କେ ଅଣ୍ଡ ଇଶ୍ୱର୍‌ତେ ଅଦ୍ୱିତିୟ ମାର୍ଦେ ପେଦେର୍ ତିଙ୍କ ବିଶ୍ୱାସ ମାଡ଼ଣ୍ଡ ।

୨୪ ମେଣ୍ଡେ, ଆଦ୍ ବିଚାର ଇଦ୍, ଜଗଡ଼ତାଗ୍ ଝେସ୍ ତିଆର୍ ଆସ୍‌ମିନ୍‌ଦେ, ମେଣ୍ଡେ ନାରୁଡ଼ ପ୍ରେମ ତାଦ୍ ସାୟେ ଝେସ୍ ଡିଡ଼ସି ହିକାଡ଼ତିଙ୍କ ପସନ୍ ମାଡ଼ତଡ଼, ଆଦିଙ୍କ ଅଡ଼ଝାଦ୍ ପାଡ଼ିୟି ସାରେ କାରାପ୍ ।

୨୫ ବାତେଙ୍କ ଇଡ଼କେ ବେନଆଇ କାରାପ୍ ପାଡ଼ିୟି ମାଡ଼ିତନ୍, ଅଣ୍ଡ ଝେସ୍‌ତିଙ୍କ ପାସକିଡ଼ତଣ୍ଡ, ମେଣ୍ଡେ ବେସୁଙ୍କଆଇ ଅନ୍‌ଝାଦ୍ ପାଡ଼ିୟିଦେ ଦଷ୍ଟ ତଦିଡ଼ତେ, ଆଦିନ୍ ମାଇଦିଙ୍କ ଅଣ୍ଡ ଝେସିନ୍ ଗାରରେ ଝାଡ଼ଣ୍ଡ ।

୨୬ ବାତେଙ୍କ ଇଡ଼କେ ବେନଆଇ ନିଜାମ୍ ପାଡ଼ିୟି ମାଡ଼ିତନ୍, ବେଦପୁରୁଙ୍କ ଅନ୍‌ଝାଦ୍ ପାଡ଼ିୟି ସାରେ ଇଶ୍ୱର୍‌ତାଦ୍, ଇଶ୍ୱର୍‌ତେ ଇଛା

ଲେକାମତେ ମାଡ଼ତଣ୍ଟ ଇଞ୍ଜ ତନ୍ଦିତେ, ଅଣ୍ଟ ଖେୟିନ୍ ଗାରରେ
ଝାଦତଣ୍ଟ ।

ଜିସୁ ନୁ ଯୋହନ୍

୨୨ ଆସୁଟେ ଜିସୁ ନୁ ତାନ୍ ଶିଷ୍ୟଡ଼ ଯିହୁଦା ପ୍ରଦେଶ୍ତାର ଆଦତଡ଼,
ମେଣ୍ଟେ ଅଣ୍ଟ ଆଦ ପଡ଼ିୟେତାର ଅଡ଼ ତ ମାଞ୍ଜ ବାପ୍ତିସ୍ମ ହିଦାଙ୍କ
ପସ୍ପତଣ୍ଟ ।

୨୩ ଯୋହନ୍ ଆନ୍ତେ ଶାଲମାଡ଼ ଗାରରେ ଏନୋନତାର ବାପ୍ତିସ୍ମ
ହସମାଡ଼ତଣ୍ଟ, ବାତେଙ୍କ ଇଡ଼କେ ଆଗେ ଗାଟି ଏର୍ ମାଡ଼ତେ, ମେଣ୍ଟେ
ନାରୁଡ଼ ଝାସ୍ ବାପ୍ତିସ୍ମ ହସମାଡ଼ତଡ଼ ।

୨୪ ☆ଆସୁଙ୍କ ହେଉନା ଯୋହନ୍ ଜେଲ୍ତାର ଆନ୍‌ଖେକର୍ ମାଡ଼ତଣ୍ଟ
।

୨୫ ଆଗାକଞ୍ଜ ଶୁଚି ପାଡ଼ିୟି ବିଷୟତେ ଯୋହନ୍‌ତେ ଶିଷ୍ୟଡ଼,
ଲୋପେଙ୍କ ଖେରଣ୍ଟ ଯିହୁଦୀନ୍ ତୋ ତିରୟାତିରୟି ଆଦତଡ଼ ।

୨୬ ମେଣ୍ଟେ, ଯୋହନ୍‌ତେ ଶିଷ୍ୟଡ଼ ଯୋହନ୍‌ତେ ଗାରରେ ଆଞ୍ଜ
ଅଂକିଙ୍କ କେଡ଼ତଡ଼, “ହୋ ଗୁରୁ, ବେନ ଯର୍ଦ୍ଦନ୍ ବେଡ଼େମ୍‌ତେ ମୁନେଡ଼
ପାକ୍ ନିତଡ଼ ମାଡ଼ତଣ୍ଟ, ବେନ ବିଷୟତେ ନିମ୍ ସାକ୍ଷ୍ୟ ଇସ୍‌ମିନ୍‌ଦେନି,
ଉଡ଼େ, ଅଣ୍ଟ ବାପ୍ତିସ୍ମ ଇଦୁତଣ୍ଟ ନୁ ସାରେତଡ଼ ଅନ୍ ଗାରରେ ଝାଦୁତଡ଼
।”

୨୭ ଯୋହନ୍ ଉତ୍ତର ହିଡ଼ତଣ୍ଟ, “ସ୍ବର୍ଗତାଗାଙ୍କ ହିଞ୍ଜକର୍ ମାଡ଼କେ
ନାରୁଡ଼ ବାତେଏ ପାଏମ୍ ଆଦାଙ୍କ ପାର୍‌ଝଡ଼ ।

୨୮ ☆ନାନ୍ ଯେ ମସିହ ଆୟନ୍, ବାତେଙ୍କ ଇଡ଼କେ ଅନ୍ ମୁନେଙ୍କ
ପ୍ରେରିଡ଼ ଆସ୍‌ମିନ୍‌ଦେନ୍, ହିଦ୍ ନାନ୍ କେସ୍‌ମାଡ଼ତାନ୍ ଇଞ୍ଜ ମିଡ଼ ନିଜେ
ନିଜେ ନା ସାକ୍ଷି ।

୨୯ ବେନ ମୁତେଙ୍କ ଗ୍ରହନ୍ ମାଡ଼ିତନ୍, ଅଣ୍ଟ ବର, ବାତେଙ୍କ ଇଡ଼କେ
ବରଡ଼ ବେନ୍ ସାଙ୍ଗ ଗାରରେ ନିସ୍ ଅନ୍ ଗଟି କେଞ୍ଜିତଣ୍ଟ, ଅଣ୍ଟ ବରଡ଼
ଲେଙ୍କଦେ ସେଙ୍ଗେ ଗାଟି ସାର୍‌ଦେ ଆଦତନ୍ । ହିଡ଼ରକମ୍ ନାୟାଦ୍
ସାର୍‌ଦେ ସାରେ ଆସ୍‌ମିନ୍‌ଦେ ।

୩୦ ଅଂକିଙ୍କ ନିଜାମ୍ ନାଗେ ଆଦ ଖେୟିତିଡ଼, ବାତେଙ୍କ ଇଡ଼କେ
ନାକିଙ୍କ ସୁଦୁର୍ ଆଦ ଖେୟିତିଡ଼ ।”

ସ୍ୱର୍ଗତାଗାଙ୍କୁ ଖାତ୍ତାଦାନଶୁ

୩୧ ବେନ ପରରକଞ୍ଚୁ ଖାଦାନାଦ୍ ମାଡ଼ିତନ୍, ଅଣ୍ଟ ସାରେତଡ଼ ଆଗାଙ୍କୁ ବାଡ଼ୟଣ୍; ବେନ ପୃତିବି ତାଗାଙ୍କୁ ତିଆରୁଆଡ଼ତଣ୍, ଅଣ୍ଟ ପୃତିବିତଣ୍, ମେଣ୍ଟେ ଅଣ୍ଟ ପୃତିବିତେ ଗଟି କେତିତଣ୍; ବେନ ସ୍ୱର୍ଗତାଗାଙ୍କୁ ଖାଦାନାଦ୍ ମାଡ଼ିତନ୍, ଅଣ୍ଟ ସାରେତଡ଼କିଙ୍କୁ ବାଡ଼ୟଣ୍ ।

୩୨ ଅଣ୍ଟ ବାତେଏ ଉଡ଼ିମିନ୍ଦେଣ୍ ନୁ କେଞ୍ଜିମିନ୍ଦେଣ୍ ଆଦ୍ ବିଷୟତେ ଅଣ୍ଟ ସାକ୍ଷ୍ୟ ହିଡ଼ତଣ୍, ବାତେଙ୍କୁ ଇଡ଼କେ ଅନ୍ଧାଦ୍ ସାକ୍ଷ୍ୟ ବେନ ଗ୍ରହନ୍ ମାଡ଼ିତ୍ ।

୩୩ ବେନ ଅନ୍ଧାଦ୍ ସାକ୍ଷ୍ୟ ଗ୍ରହନ୍ ମାଡ଼ିତନ୍, ଅଣ୍ଟ ଇଶ୍ୱରତିଙ୍କୁ ଯେ ସତ୍ୟତାଦ୍ ପୁରୁଙ୍କୁ ଇଞ୍ଜ ସ୍ୱୀକାର ମାଡ଼ିତନ୍ ।

୩୪ ବାତେଙ୍କୁ ଇଡ଼କେ ଇଶ୍ୱର ବେନଙ୍କୁ ରୟସ୍ମିନ୍ଦେଣ୍, ଅଣ୍ଟ ଇଶ୍ୱରତେ ବାକ୍ୟ କେତିତଣ୍, ଆଦିଙ୍କୁ ଅଣ୍ଟ ପୁରାପୁରି ଲେକାମ୍ ଆମ୍ବାତିଙ୍କୁ ବେଡ଼ୟାଦ୍ ମାଡ଼ିତନ୍ ।

୩୫ ☆ବାବାଲ୍ ମାରଦିଙ୍କୁ ପ୍ରେମ ମାଡ଼ିତନ୍, ମେଣ୍ଟେ ସାରେ ବିଷୟ ଅନ୍ କାଇଦାଗ୍ ଅର୍ପଣ ମାଡ଼ିସ୍ ମିନ୍ଦେଣ୍ ।

୩୬ ବେନ ମାରଦିଙ୍କୁ ବିଶ୍ୱାସ୍ ମାଡ଼ିତନ୍, ଅଣ୍ଟ ସାରେଦିନାଡ଼ ଜିହ୍ୱନ୍ ଦସ୍ କି ଆସ୍ମିନ୍ଦେଣ୍, ମାତର ବେନ ମାରଦିଙ୍କୁ ଉରଗାଡ଼ ମାଡ଼ିତନ୍, ଅଣ୍ଟ ଜିହ୍ୱନ୍ତିଙ୍କୁ ଉଡ଼ଅଣ୍ଟ, ବାତେଙ୍କୁ ଇଡ଼କେ ଅଣ୍ଟ ଇଶ୍ୱରତେ କପାମ୍ ନାରୁଡ଼ ଆଗ୍ ମାନ୍ତଣ୍ ।

୪

ଜିସୁ ନୁ ଶମିରୋଣୀୟ ମୁଡ଼ତେ

୧ ପାରୁଶୀଡ଼୍ କେଞ୍ଜତଡ଼୍ ଯେ ଜିସୁ ବାପ୍ତିସ୍ମ ଯୋହନ୍ତେ କନ୍ସ ନାରଗେ ଶିଷ୍ୟ ମାଡ଼ତୁଣ୍ ନୁ ଅଡ଼କିଙ୍କୁ ବାପ୍ତିସ୍ମ ଇଦୁତଣ୍ ।

୨ ପ୍ରକୃତରେ ଜିସୁ ନିଜେ ବେନଙ୍କୁ ବାପ୍ତିସ୍ମ ହିଞ୍ଜକର୍ ମାଡ଼ତଣ୍, ମାତର ଆଦ୍ ତାମ୍ ଶିଷ୍ୟଡ଼୍ ହିସମାଡ଼ତଡ଼୍ ।

୩ ହିଦ୍ ପାରୁଶୀଡ଼୍ କେଡୁତଡ଼୍ ଇଞ୍ଜ ଜିସୁ ବେସୁର୍ କେଞ୍ଜତଣ୍, ଆସୁଟେ ଅଣ୍ଟ ଯିହୁଦା ପ୍ରଦେଶ୍ତିଙ୍କୁ ଝିଡ଼ସି ମେଣ୍ଟନ୍ଦାମ୍ ଗାଲିଲୀତାଗ୍ ଆଡ଼ତଣ୍ ।

☆ ୩:୩୫ ମାଡ଼ିଉ ୧୧:୨୭; ଲୁକ ୧୦:୨୨.

୪ ଆଦାନ୍ ହାରଦାଗ୍ ଶମିରୋଣ ଲୋପେଙ୍କ ଇସ୍ ଅଂକିଙ୍କ ଆଦ୍ୱେୟତେ ।

୫ ଆଦିଙ୍କ ଜିସୁ ଆଞ୍ଜ ଯାକୁବ୍ ନିଜେତ୍ ମାର୍ ଯଷେପତିଙ୍କ ବେନ୍ ଖାୟାଙ୍କ ତୁସି ମାଡ୍ତତ୍, ଆଦିନ୍ ଗାରରେ ଶମିରଣତେ ସୁକାର୍ ପେଦେର୍ତେ ଖେରଡ୍ ନାରଦାଗ୍ ହେଞ୍ଜତଣ୍ଡ;

୬ ଆଦ୍ ପଡିୟେତାଗ୍ ଯାକୁବନ୍ ନୂୟ ମାଡ୍ତତେ । ଜିସୁ ଆୟ୍ତ୍ ମାନ୍ଦାନ୍ ମାଇଦିଙ୍କ ଆଦ୍ ନୂୟଦ୍ ଗାରରେ କୁଦିମାଡ୍ତଣ୍ଡ । ଆସୁଟେ ପାୟାଲ୍ ଆସ୍ମାଡ୍ତତେ ।

୭ ଅଣ୍ଡୟ ଶମିରୋଣୀୟ ମୁଡ୍ତତେ ଏର୍ ତରାନ୍ ମାଇଦିଙ୍କ ଖାଡ୍ତତେ । ଜିସୁ ତାଙ୍କ କେଡ୍ତଣ୍ଡ, “ନାକିଂ ଉନ୍ଦାନ୍ ମାଇଦିଙ୍କ ଏର୍ ହିମ୍ ।”

୮ ଆସୁଟେ ତାନ୍ ଶିଷ୍ୟଡ୍ କାଦି ଆସାନ୍ ମାଇଦିଙ୍କ ନାରଦାଗ୍ ଆଞ୍ଜ ମାଡ୍ତତ୍ ।

୯ ଆସୁଟେ ଶମିରୋଣୀୟ ମୁଡ୍ତତେ ଜିସୁଙ୍କ କେଡ୍ତତେ, “ନିମ୍ ଖେରନ୍ ଯିହୁଦିନି ମେଣ୍ଡେ ନାନ୍ ଖେରନ୍ ଶମିରୋଣୀୟ ମୁଡେନ୍, ବେଲା ନା କାୟ୍ଦେ ଉନ୍ଦାଙ୍କ ତାଲ୍କୁତିନ୍ ?” ବାତେଙ୍କ ଇଡ୍କେ ଶମିରୋଣୀୟଡ୍ ତଡ୍ ଯିହୁଦୀ ନାରୁଡାଦ୍ ବ୍ୟବହାର୍ ଇଲା ।

୧୦ ଜିସୁ ତାଙ୍କ ଉତ୍ତର୍ ହିଡ୍ତଣ୍ଡ, “ଇଶ୍ବର୍ ବାତେଏ ହିଦ୍ପାର୍ତଣ୍ଡ ନିମ୍ ଯଦି ପୁଞ୍ଜ ମାନେନି ମେଣ୍ଡେ ବେନ ନି କାଇଦେ କନ୍ସ୍ ଉନ୍ଦାନଙ୍କ ତାଲ୍କୁତଣ୍ଡ ଆଦ୍ ଯଦି ପୁଞ୍ଜ ମାନେନି ନିମ୍ ଅଂକିଙ୍କ ତାଲ୍କେନି, ମେଣ୍ଡେ ଅଣ୍ଡ ନିକିଂ ଜିଞ୍ଜୁନ୍ତେ ଏର୍ ହିଞ୍ଜେଣ୍ଡ ।”

୧୧ ଆଦ୍ ମୁଡ୍ତତେ ଅଂକିଙ୍କ କେଡ୍ତତେ, “ଗୁରୁ, ଏର୍ ତରାନ୍ ମାଇଦିଙ୍କ ନି ଗାରରେ ବାତେଏ ଜିନିଷ୍ଟ ଇଲା, ମେଣ୍ଡେ ନୂୟ ତ କୁୟ୍ଟ୍; ଆଲାଈଡ୍କେ ନିମ୍ ବେଗାକନ୍ସ୍ ଆଦ୍ ଜିଞ୍ଜୁନ୍ ଏର୍ ଦସ୍ କି ଆସ୍ମିନ୍ଦେନୀ ?

୧୨ ମା ଆନିଦାଦି ଯାକୁବ୍ ହି ନୂୟ ମାକିଂ ଇସ୍ମାଡ୍ତଣ୍ଡ, ମେଣ୍ଡେ ନିଜେ, ମେଣ୍ଡେ ତାନ୍ ମାର୍କ୍ ନୁ ଜିଞ୍ଜାକିନ୍ ଲନ୍ ହିଗାଙ୍କ ହୁଞ୍ଜ ମାଡ୍ତା, ଅନ୍ ଆଗାଙ୍କ କି ନିମ୍ ବେଡ୍ତୟନି ?”

୧୩ ଜିସୁ ତାଙ୍କ ଉତ୍ତର୍ ହିଡ୍ତଣ୍ଡ, “ବେନ୍ଆଇ ହି ଏର୍ ଉନ୍ତଣ୍ଡ, ଅଂକିଙ୍କ ମେଣ୍ଡନ୍ ଦାମ୍ ଉୟ୍ ଖାହାଡିଡ୍;

୧୪ ବାତେଙ୍କ ଇଡ୍କେ ନାନ୍ ବେନ୍ ଏର୍ ହିଦ୍ତାନ୍, ଆଦ୍ ବେନମେଣ୍ଡେ ଉନ୍ତଣ୍ଡ, ଅଂକିଙ୍କ ବେସୁଙ୍କମେଣ୍ଡେ ଉନ୍ଦେଖାଞ୍ଜ,

ବେଲାନ ନାନ୍ ହିସମାନ୍ଦାନ୍ ଏର୍ ଅନ୍ ହୁଦୟତାଗ୍ ଝେରନ୍ ଜିଝୁନ୍ ହିଦାନଶ୍ଚ ନିର୍ଜତେ ପରିନତ ଆଦତେ, ଆଗାଙ୍କ୍ ଉଡକେ ଅଶ୍ଚ ସାରେଦିନାଡ୍ ଜିଝୁନ୍ ଜିଝେଦରକିଡ୍ ।”

୧୫ ନାଟାଡ୍ ଅଂକିଙ୍କ୍ କେଡତେ, “ଗୁରୁ, ନାକିଂଙ୍କ୍ ଆଦ୍ ଏର୍ ହିମ୍, ମେଣ୍ଟେ ବେସ୍ତୁଙ୍କ୍ବା ଉନ୍ଦେଝାଝ, ଇସି ଜେକେ ଝାଦାଙ୍କ୍ ମେଣ୍ଟେ ଦରକାର୍ ଆୟ୍ୟ ।”

୧୬ ଜିସୁ ତାଙ୍କ୍ କେଡତେ, “ଅନ୍, ନି ମୁଦ୍ପାଙ୍କ୍ କାରଜି ଇଗେ ତାଡା ।”

୧୭ ନାଟାଡ୍ ଅଂକିଙ୍କ୍ ଉଉର୍ ହିଡତେ, ନା ମୁଦ୍ପାଙ୍କ୍ ଇଲେଶ୍ ।

ଜିସୁ ତାଙ୍କ୍ କେଡତେ, “ନା ମୁଦ୍ପାଙ୍କ୍ ଇଲେଶ୍ ଇଞ୍ଜ କେତାନାଦ୍ ଟିକ୍ କେଡତିନ୍;

୧୮ ବାତେଙ୍କ୍ ଇଡକେ ନିକିଂଙ୍କ୍ ଏୟ୍ଝୁଡ୍ ମୁଦ୍ପାଙ୍କ୍ ମାଡତଡ୍, ମେଣ୍ଟେ ଇଞ୍ଜେ ନିମ୍ ବେନନ୍ ତଡ୍ ମିନ୍ଦେନି, ଅଶ୍ଚ ନି ମୁଦ୍ପାଙ୍କ୍ ଆୟ୍ୟେଶ୍; ଇଦ୍ ସଡ୍ କେସମିନ୍ଦେନି ।”

୧୯ ନାଟାଡ୍ ଅଂକିଙ୍କ୍ କେଡତେ, “ଗୁରୁ, ନିମ୍ ଯେ ଝେରେତନି ବାବବାଦୀ, ଇଦ୍ ନାନ୍ ଉଡ୍ତୁନ୍ ।

୨୦ ମା ଆନିଦାଦିଡ୍ ହି ମେଟେତାଗ୍ ଉପବାସ୍ ମାଡତଡ୍; ମେଣ୍ଟେ, ମିଡ୍ ଯିହୁଦିଡ୍ କେସମିନ୍ଦେଡି, ବେନ୍ ପଡ୍ୟତାଗ୍ ଉପବାସ୍ ମାଡାନାଦ୍ ଲେକାମ୍, ଆଦ୍ ଜିରୁଶାଲାମ୍ତାଗ୍ ମିନ୍ଦେ ।”

୨୧ ଜିସୁ ତାଙ୍କ୍ କେଡତେ, “ଆଗୋ ନାଟାଡ୍ତନୀ, ନା ଗଟ୍ ବିଶ୍ବାସ୍ ମାଡା, ଇଦ୍ରକମ୍ ଦିନାମ୍ ଝାଡୁତେ, ବେନ୍ ସମୟ୍ତେ ମିଡ୍ ହି ମେଟେତାଗ୍ ବା ଯିରୁଶାଲେମ୍ ତାଗ୍ ବାବାନାଦ୍ ଉପବାସ୍ ମାଡ୍ଡିଡ୍ ।

୨୨ ମିଡ୍ ଶମିରନିୟଡି ପ୍ରକୃଡ୍ତେ ବେନଙ୍କ୍ ପୁନ୍ଝିଡ୍, ଅନାଦ୍ ଉପବାସ୍ ମାଡିଡିଡ୍, ବାତେଙ୍କ୍ ଇଡକେ ମାମମେ ଯିହୁଦୀମ୍ ବେନଙ୍କ୍ ପୁଡତମ୍, ଅଂକିଙ୍କ୍ ଉପବାସ୍ ମାଡିଡମ୍, ବାତେଙ୍କ୍ ଇଡକେ ପରିତ୍ରାଶ୍ ଯିହୁଦିଡାଗାଙ୍କ୍ ଝାଦତେ ।

୨୩ ବାତେଙ୍କ୍ ଇଡକେ ବେନ୍ ସମୟ୍ତେ ସଡ୍ ଉପବାସ୍ ମାଡାନଡି ଆମାତେ ନୁ ସତ୍ୟତେ ବାବାନାଦ୍ ଉପବାସ୍ ମାଡିଡଡ୍, ଆସଡ୍ ଦିନାମ୍ ଝାସମିନ୍ଦେ; ମେଣ୍ଟେ ଇଞ୍ଜେକ୍ ମିକା ମିନ୍ଦେ; ବାତେଙ୍କ୍ ଇକ୍ ବାବାଙ୍କ୍ ହିସଡ୍ ଉପବାସ୍ ଇଞ୍ଜାମାଡ୍ତୁନ୍ ।

୨୪ ଇଶ୍ବର ଝେରନ୍ ଆମ୍ଭା, ମେଣ୍ଟେ ବେନଡ଼୍ ଅନ୍‌ଆଦ୍ ଉପବାସ୍ ମାଡ଼ିତଡ଼୍, ଆମ୍ଭାତେ ନୁ ସତ୍ୟତେ ଉପବାସ୍ ମାଡ଼ାନାଦ୍ ଅଡ଼କିଂଙ୍କ୍ ଦରକାର୍ ।”

୨୫ ନାଟାଡ଼୍ ଅଂକିଂଙ୍କ୍ କେଡ଼ତେ, “ମସିହ, ବେନଙ୍କ୍ କ୍ରିଷ୍ଟ୍ କେଡ଼ିତଡ଼୍, ଅଣ୍ଡ୍ ଖାସମିନ୍ଦେଣ୍ଡ୍ ଇଞ୍ଜ ନାନ୍ ପୁଡ଼ତାନ୍; ବେସୁଙ୍କ୍ ଅଣ୍ଡ୍ ଖାଦତଣ୍ଡ୍, ଅଣ୍ଡ୍ ମାନ୍ ସାରେ ବିଷୟତିଙ୍କ୍ କେଡ଼ିତନ୍ ।”

୨୬ ଜିସୁ ତାଙ୍କ୍ କେଡ଼ତଣ୍ଡ୍, “ନି ତଡ଼୍ ତିରୟୁତାନ୍ ଯେ ନାନ୍, ଅଣ୍ଟେ ।”

୨୭ ଆଦ୍ ସମୟତେ ତାନ୍ ଶିଷ୍ୟଡ଼୍ ଖାସ୍ ଅଂକିଂଙ୍କ୍ ଝେରଡ଼୍ ନାଟାଡ଼୍ ତ ତିରୟୁ ମାନ୍ୟାନାଦ୍ ଉଡ଼ି ବାକ୍‌ଖା ଆଦତଡ଼୍, “ମିକା ନିମ୍ ବାତେଏ ଇଚ୍ଛାମାଡ଼ିତ୍, ବା ବାତେଙ୍କ୍ ତାନ୍ ତଡ଼୍ ଗଟି କେସମିନ୍ଦେନି, ହିଦ୍ ବେନମେଣ୍ଟେ ପାତ୍ରାମାଡ଼ାଙ୍କ୍ ସାହାସ୍ ମାଡ଼ିତ୍ ।”

୨୮ ଆସୁଟେ ଆଦ୍ ନାଟାଡ଼୍ ତାନାଦ୍ ଏର୍ କୁଣ୍ଡ୍ ନେଲ୍ ଖାଟି ନାରଦାଗ୍ ଆଞ୍ଜ୍ ନାରୁଡ଼୍ କେଡ଼ତେ,

୨୯ ଖାଡ଼ାର୍, ଅରଡ଼୍ ଉଡ଼ିତଡ଼୍, “ନାନ୍ ବାତା ମାଡ଼ିମିନ୍ଦେଣ୍ଡ୍, ହାଉସାରେ ଅଣ୍ଡ୍ ନାକିଂଙ୍କ୍ କେଡ଼ତଣ୍ଡ୍; ଅଣ୍ଡ୍ ଉମ୍ ମସିହ ଆଦତନ୍ ଝେୟୁୟ ?”

୩୦ ଆସୁଟେ ନାରୁଡ଼୍ ନାରଦାଗାଙ୍କ୍ ପେୟିସ୍ ଅନଗାରେ ଆଦାଙ୍କ୍ ପସ୍‌ପଡ଼ିତଡ଼୍ ।

୩୧ ଆଗାକାଞ୍ଜ୍ ଶିଷ୍ୟଡ଼୍ ଅଂକିଂଙ୍କ୍ ଅନୁରଦ୍ ମାଡ଼ି କେଡ଼ତଡ଼୍, ହୋ ଗୁରୁ, ସୁଦୁର୍ ତିନ୍ୟାନଙ୍କ୍ ଖାଡ଼ା ।

୩୨ ବାତେଙ୍କ୍ ଇଡ଼କେ ଜିସୁ ଅଡ଼କିଂଙ୍କ୍ କେଡ଼ତଣ୍ଡ୍, “ତିନ୍ୟାନଙ୍କ୍ ବେନ୍ କାଦି ନାୟାଗ୍ ମିନ୍ଦେ ତାନ୍ ବିଷୟତେ ମିଡ଼୍ ବାତେମିକା ପୁନ୍‌ଝିଡ଼୍ ।”

୩୩ ଆସୁଟେ ଶିଷ୍ୟଡ଼୍ ନିଜେ ନିଜେ କେତାଙ୍କ୍ ପସ୍‌ପଡ଼ିତଡ଼୍, “ବେନ ଅଂକିଂଙ୍କ୍ କାଦି ତାସିସ୍ ମିନ୍ଦେଡ଼୍ ବାନେ ?”

୩୪ ଜିସୁ ଅଡ଼କିଂଙ୍କ୍ କେଡ଼ତଣ୍ଡ୍, “ନା ପ୍ରେରଣାକର୍ତ୍ତାନ୍ ଇଚ୍ଛା ପାଲନ୍ ମାଡ଼ାନାଦ୍ ନୁ ଅନ୍ ତଡ଼୍ ଇସ୍ ମାନ୍ୟାନ୍ ପାଡ଼ିୟି ତେରସ୍ତାନାଦ୍ ଇଦ୍‌ଏକେ ନାୟାଦ୍ କାଦି ।

୩୫ ମିଡ଼୍ କେଡୁତିଡ଼୍ କେଡ଼୍ କୟୁଦାନ୍ ମାଇଦିଙ୍କ୍ ମଣ୍ଟେ ନାଲୁ ନେଲ୍‌ଞ୍ଜ୍ ମିନ୍ଦେ । ବାତେଙ୍କ୍ ଇଡ଼କେ ନାନ୍ ମିକିଂଙ୍କ୍ କେଡୁତାନ୍ କେଡ଼୍ ଖାୟାଙ୍କ୍ ଉଡ଼ାର୍, ଆଞ୍ ସାରେ କଇଦାନଙ୍କ୍ ଆସ୍‌ମିନ୍ଦେ ।

୩୭ ଇଞ୍ଜିଆନ୍‌ରେ କୟ୍‌ତେନଣ୍ଡ ମଜୁରି ଦରକିତ୍‌ତା ନୁ ସାରେଦିନାତ୍ ଜିହ୍ନୁନେତେ ମାଇଦିଙ୍କ କାୟା ଗୁଡ଼ିପି ମାଡ଼ିମିନ୍‌ଦେନ୍, ବେଦପୁରୁଙ୍କ ଝିତାନଣ୍ଡ ନୁ କୟ୍‌ଦାନଣ୍ଡ ହିରଞ୍ଜିତ୍‌ କାୟାଲି ଝେଡ଼କା ମାଡ଼ିତତ୍ ।

୩୮ ବାତେଙ୍କ ଇଡ଼କେ ଝେରଣ୍ଡ ଝିତିତଣ୍ଡ ନୁ ମେଣ୍ଡେଆରୁଣ୍ଡ କୟ୍‌ଦତଣ୍ଡ, ହିଦ୍ ଗର୍ ସତ୍ ।

୩୯ ମିଡ଼ ବାତେଡ଼ ମାଇଦିଙ୍କ କଷ୍ଟ ମାଡ଼ିଡ଼ି, ଆଞ୍ଜ କୟ୍‌ଦାନ ମାଇଦିଙ୍କ ନାନ ମିକିଙ୍କ ରହ୍‌ତାନ; ମେଣ୍ଡେ ବାଗାତତ୍ ଡିପାଲ୍ ମାଡ଼ିମିନ୍‌ଦେଡ଼, ମେଣ୍ଡେ ମିଡ଼ ଅଡ଼ଞ୍ଜାଦ୍ ଡିପାଲ୍‌ରେ କାୟା ଦର୍ସକୁତିଡ଼ ।”

୪୦ “ନାନ ବାତା ମାଡ଼ିମିନ୍‌ଦେଣ୍ଡ, ହାଡ଼ସାରେ ଅଣ୍ଡ ନାକିଙ୍କ କେଡ଼ତଣ୍ଡ, ଇଞ୍ଜି ବେନ୍ ନାଗାଡ଼ ସାକ୍ଷ୍ୟ ଇସମାତେ, ତାନାଦ୍ ଗର୍‌ରେ ମାଇଦିଙ୍କ ଆଦ୍ ନଗର୍ ଶମିରୋଣୀୟ ଡାଗାଙ୍କ ଲୋପେଙ୍କ ନାରଗେ ନାରୁଡ଼ ଅନ୍‌ଆଗେ ବିଶ୍ୱାସ୍ ମାଡ଼ତତ୍ ।”

୪୧ ଆଦ୍ ଶମିରୋଣୀୟଡ଼ ଆନ୍‌ରେ ଅନ୍ ଗାର୍‌ରେ ଝାସ୍ ଅଡ଼ ତ ମାନ୍‌ନ ମାଇଦିଙ୍କ ଅକିଙ୍କ ଅନୁରଦ୍ ମାଡ଼ତତ୍ । ମେଣ୍ଡେ ଅଣ୍ଡ ରେଣ୍ଡ ଦିନା ଆଦ୍ ପଡ଼ିୟେତାଗ୍ ମାଡ଼ତଣ୍ଡ ।

୪୨ ମେଣ୍ଡେ, ଜିସୁନ୍ ଗର୍ କେଞ୍ଜି ମେଣ୍ଡେ ନାରଗେ ନାରୁଡ଼ ଅନାଗ୍ ବିଶ୍ୱାସ୍ ମାଡ଼ତତ୍;

୪୩ ମେଣ୍ଡେ, ଅଡ଼ ଆଦ୍ ନାଗାଡ଼ତିଙ୍କ କେଡ଼ତତ୍, “ଇଞ୍ଜି ନି ଗର୍‌ରେ ସେଙ୍ଗେ ମାଡ଼ର୍ ମାମ୍‌ମେ ବିଶ୍ୱାସ୍ ମାଡ଼ମ୍, ବାତେଙ୍କ ଇଡ଼କେ ମାମ୍‌ମେ ନିଜେ ନିଜେ କେଞ୍ଜିମିନ୍‌ଦେମ୍, ମେଣ୍ଡେ ଇଣ୍ଡ ଯେ ନିଜାମ୍ ଜଗଡ଼ରେ ଡ୍ରାଶକର୍ତ୍ତାଲ୍, ହିଦ୍ ମାମ୍‌ମେ ପୁଞ୍ଜିମିନ୍‌ଦେମ୍ ।”

ଜିସୁ ରାଜାନ୍ ଦାସନ୍ ମାର୍‌ଦିଙ୍କ ସୁସ୍ଥ ମାଡ଼ତଣ୍ଡ

୪୩ ରେଣ୍ଡିନାତେ ପେରକେ ଜିସୁ ଆଗାଙ୍କ ପେୟିସ୍ ଗାଲିଲୀତାଗ୍ ଆଡ଼ତଣ୍ଡ ।

୪୪ ☆ “ବାତେଙ୍କ ଇଡ଼କେ ବାବବାଦୀ ସୁଦେଶ୍‌ରେ ଆଦର୍ ଦରକିତ୍‌ରେ ଆୟ୍‌ୟଡ଼ ଇଞ୍ଜି ଜିସୁ ନିଜେ ସାକ୍ଷ୍ୟ ହିଡ଼ତଣ୍ଡ ।”

୪୫ ☆ ମେଣ୍ଡେ, ଅଣ୍ଡ ଗାଲିଲୀତାଗ୍ ଝାଡ଼ରେ ସାଙ୍ଗେ ସାଙ୍ଗେ, ପାଣ୍ଡୁ ଦିନାମ୍ ତେ ଅଣ୍ଡ ଯିରୁଶାଲେମ୍‌ତାଗ୍ ବାତା ମାଡ଼ି ମାଡ଼ତଣ୍ଡ,

ହାଉସାରେ ଉଡ଼ିଯାନ୍ତି ଗାଲିଲୀୟନ୍ ଅଂକିଙ୍କ ଗ୍ରହନ୍ ମାଡ଼ତଡ଼, ବେଲାକି ଅଡ଼ିଆନ୍ତେ ପାଣ୍ଡୁତାଗ୍ ଆଞ୍ଜ ମାଡ଼ତଡ଼ ।

୪୭ ☆ ଇଗାକଞ୍ଜ ଗାଲିଲୀତାଗ୍ ବେନ୍ କାନାଲ୍ ନାରଦାଗ୍ ଜିସୁ ଏରଦିଙ୍କ ଦ୍ରାକ୍ଷାରସ୍ ମାଡ଼ି ମାଡ଼ତଡ଼, ଆଦ୍ ପଡ଼ିଯେତାଗ୍ ଅଣ୍ ମେଣ୍ଡନ୍ୟାମ୍ ଆଦ୍ତନ୍ । ମେଣ୍ଡେ ଆଗେ ଝେରଣ୍ ରାଜକର୍ମଚାରୀ ମାଡ଼ତଡ଼, ଅନ୍ ମାର୍ କଫର୍ନାହୁମ୍ତାଗ୍ ପିଡ଼ିଡ଼ ମାଡ଼ତଡ଼ ।

୪୭ ଜିସୁ ଯିହୁଦା ପ୍ରଦେଶତାଗାଙ୍କ ଗାଲିଲୀତାଗ୍ ପେୟିସ୍ ଝାସ୍ ମିନ୍ଦେଣ୍ଡ, ଇଦ୍ କେଞ୍ଜି ଅଣ୍ ଅନ୍ ଗାରରେ ଆଞ୍ଜ ଅଣ୍ ବେଦ୍ପୁରୁଙ୍କ ଆଞ୍ଜ ତାନ୍ ମାର୍ଦିଙ୍କ ସୁସ୍ତ ମାଡ଼ିଦ୍ତଡ଼, ଆଦିନ୍ମାଲଦିଙ୍କ ଅଂକିଙ୍କ ଅନୁରଦ୍ ମାଡ଼ାଙ୍କ ପସ୍ପଡ଼ତଡ଼, ବାଡେଙ୍କ ଇଡ଼କେ ଅଣ୍ ଡଲାନ୍ ରକମ୍ ଆସ୍ ମାଡ଼ତଡ଼ ।

୪୮ ଆସୁଟେ ଜିସୁ ଅଂକିଙ୍କ କେଡ଼ତଡ଼, “ଚିହ୍ନେ ନୁ ଆଗର୍ଯ୍ୟ ପାଡ଼ି ହୁଡ଼କଟମାକେ ମିଡ଼ ବେସୁଟ୍ ବା ବିଶ୍ୱାସ୍ ମାଡ଼ିଡ଼ି ।”

୪୯ ରାଜାନ୍ଦାସ୍ ଅଂକିଙ୍କ କେଡ଼ତଡ଼, “ହୋ ଗୁରୁ, ନା ମାର୍ ଡଲାନ୍ ମୁନେଙ୍କ ଝାଡ଼ା ।”

୫୦ ଜିସୁ ଅଂକିଙ୍କ କେଡ଼ତଡ଼, “ଅନ୍ ନି ମାର୍ ଗେଲ୍ସି ଆଡ଼ତଡ଼ ।

ଆଦ୍ ନାରୁନ୍ ଜିସୁଙ୍କ କେଡ଼ତେ ଗଟ୍ ବିଶ୍ୱାସ୍ ମାଡ଼ି ମାଲ୍ସ୍ ଆଦ୍ତନ୍ ।”

୫୧ ମେଣ୍ଡେ, ଅଣ୍ ଆଞ୍ଜ ଆଞ୍ଜ ଅନ୍ ଦାସଡ଼ ଅଂକିଙ୍କ କାୟଲି ନି ମାର୍ ଗେଲ୍ସି ଆଡ଼ତଡ଼ ଇଞ୍ଜ କେଡ଼ତଡ଼ ।

୫୨ ଆଦିଙ୍କ ବେନ୍ ସମୟତେ ଅଣ୍ ସୁସ୍ତ ଆଡ଼ତଡ଼, ଆଦ୍ ଅଣ୍ ଅଡ଼କିଙ୍କ ପାରାମାଡ଼ତଡ଼ । ଆସୁଟେ ଅଡ଼ ଅଂକିଙ୍କ କେଡ଼ତଡ଼, “ନିନେ ପାୟାଲ୍ ଗାଣ୍ଡେ ସମୟତେ ଅଂକିଙ୍କ ହେଡ଼କ୍ ଝିଡ଼ସ୍ତେ ।”

୫୩ ଆସୁଟେ ବାବାଲ୍ ବୁଜେମ୍ ଆଡ଼ତଡ଼ ଯେ, “ଜିସୁ ବେନ୍ ସମୟତେ ନିମାର୍ ଗେଲ୍ସିତଡ଼ ଇଞ୍ଜ ଅଂକିଙ୍କ କେସ୍ମାଡ଼ତଡ଼, ଟିକ୍ ଆଦ୍ ସମୟତେକେ ହିଦ୍ ଗଟେମ୍ଆସ୍ ମାଡ଼ତେ । ମେଣ୍ଡେ, ଅଣ୍ ନିଜେ ନୁ ତାନ୍ ପରିବାରତେ ସାରତଡ଼ ଜିସୁଙ୍କ ବିଶ୍ୱାସ୍ ମାଡ଼ତଡ଼ ।”

୫୪ ଯିହୁଦାତାଗାଙ୍କ ମେଣ୍ଡନ୍ୟାମ୍ ଗାଲିଲୀତାଗ୍ ଝାଡ଼ତେ ପେରକେ ହିଦ୍ ଜିସୁନ୍ ଦ୍ୱିତୀୟ ବାକ୍ଝାକାମ୍ ମାଡ଼ତଡ଼ ।



ଏରୱ ଗାରରେ ଜିସୁ ରୋଗିଙ୍କ ସୁସ୍ଥ ମାଡ଼ତଣ୍ଡ

^୧ ତାନ୍‌ପେକେ ଯିହୁଦୀଡ଼ାଦ୍ ଝେରଡ଼୍ ପାଣ୍ଡୁ ଦିନ୍ ଆଡ଼ତେ, ମେଣ୍ଡେ ଜିସୁ ଯିରୁଶାଲେମ୍‌ତା ଆଡ଼ତଣ୍ଡ ।

^୨ ଯିରୁଶାଲେମ୍‌ତେ ମେଣ୍ଡାନ୍ ଆର୍‌ଦେ ଗାରରେ ଝେରଡ଼୍ ହେରୱ୍ ମିନ୍‌ଦେ; ଏବି ଗଟ୍‌ତେ ତାଆକିଂଙ୍କ୍ ବେତେସ୍‌ଦା ଇଞ୍ଜ କେତିତଡ଼୍, ତାନାଦ୍ ଏଇଙ୍କ୍ ମଣ୍ଡପ୍ ମାଡ଼ତା ।

^୩ ଗୁଡ଼ସାତେ ପରର ନାଗେ ନାଗେ ରଗିନାରୁଡ଼୍, କାନାଲଡ଼୍, କୁଟାଲଡ଼୍, ନୁ ଶୁଷ୍କାଙ୍ଗ୍ ନାରୁଡ଼୍ ଆଗେ ମାଡ଼ତଡ଼୍ । ଅଡ଼୍ ଏର୍ ଉଙ୍ଗାନାଦିନ୍ କେପି ମାଡ଼ତଡ଼୍;

^୪ ବାତେଙ୍କ୍ ଇଡ଼କେ ବେନ୍ ସମୟ୍‌ତେ ପ୍ରବୁନାଦ୍ ଝେରଡ଼୍ ଦୁଡ଼୍ ଏରୱିନାଗ୍ ଡିଗି ଏରଦିଙ୍କ୍ ହୁୟସ୍ ମାଡ଼ତେ, ମେଣ୍ଡେ ଏର୍ ଉଙ୍ଗାନ୍ ପେରକେ ବେନଆଇ ମୁନେଙ୍କ୍ ଆଦିନାଗେ ମୁଡ଼୍‌ହ ମାଡ଼ତଣ୍ଡ, ଅଣ୍ଡ୍ ବେନେମେଣ୍ଡେ ରଗ୍‌ତେ ଆସ୍ ମାଡ଼କେ ବାଡ଼େ ସୁସ୍ଥ ଆସ୍‌ସ ମାଡ଼ତଡ଼୍ ।

^୫ ଆଗେ ଅଟ୍‌ତିରିଗ୍ ହେଣ୍ଡ୍ ରୋଗତେ ପିଡ଼ିଡ଼୍ ଝେରଣ୍ଡ୍ ନାରୁଣ୍ଡ୍ ମାଡ଼ତଣ୍ଡ ।

^୬ ଜିସୁ ଅଂକିଙ୍କ୍ ପାଟି ମାନ୍‌ନାଦ୍ ଉଡ଼ି ନାରଗେ ହେଣ୍ଡେଡ଼୍ ରୋଗି ଇଞ୍ଜ ପୁଞ୍ଜ୍ ଅଂକିଙ୍କ୍ ପାଟ୍ରାମାଡ଼ତଣ୍ଡ, “ନିମ୍ ବାତେଏ ସୁସ୍ଥ ଆଦାଙ୍କ୍ ଇଞ୍ଜା ଆଦୁତିନ୍ ?”

^୭ ରଗି ନାରୁଣ୍ଡ୍ ଅଂକିଙ୍କ୍ ଉତ୍ତର୍ ହିଡ଼ତଣ୍ଡ୍, “ପାୟ୍‌କା ଏର୍ ଉଙ୍ଗାନ୍ ଝେୟ୍ ନାକିଂଙ୍କ୍ ଏରୱିନ୍ ଲୋପେ ଆଦାନ୍ ମାଇଦିଙ୍କ୍ ନାକିଂଙ୍କ୍ ବେନ ହିଲ୍‌ଲେଡ଼୍; ମେଣ୍ଡେ, ନାନ୍ ଆଦାନ୍ ମୁନେଙ୍କ୍ ମେଣ୍ଡେ ଝେରଣ୍ଡ୍ ନା ମୁନ୍‌ଆଞ୍ଜ୍ ନେଙ୍ଗ୍ ଆଦୁତଡ଼୍ ।”

^୮ ଜିସୁ ଅଂକିଙ୍କ୍ କେଡ଼ତଣ୍ଡ୍, “ତେଦ୍‌ଦେ, ନିୟାଦ୍ କେଡ଼ ପୟ୍‌ସ୍ ତାକା ।”

^୯ ଆସୁଙ୍କେ ଆ ନାରୁଣ୍ଡ୍ ସୁସ୍ଥ ଆଡ଼ତଣ୍ଡ୍ ନୁ ନିଜେଡ଼୍ କେଡ଼ ପୟ୍‌ସ୍ ତାକାଙ୍କ୍ ପସ୍‌ପଡ଼ତଣ୍ଡ । ଆଦ୍ ଦିନ୍ ବିଶ୍ୱାମ୍‌ଦିନେ ମାଡ଼ତେ ।

^{୧୦} ଆଦିନ୍ ମାଇଦିଙ୍କ୍ ଯିହୁଦିଡ଼୍ ସୁସ୍ଥ ଆଗେ ମାନ୍‌ନାନ୍ ନାରୁଙ୍କ୍ କେଡ଼ତାଙ୍କ୍ ପସ୍‌ପଡ଼ତଡ଼୍, “ନେଣ୍ଡ୍ ବିଶ୍ୱାମ୍‌ଦିନ୍, କେଡ଼ କାଞ୍ଜି ଆଦାନାଦ୍ ନିୟାଦ୍ ମା ନିୟମ୍ ବିରୁଦ୍‌ତେ ପାଡ଼୍‌ୟି ।”

୧୧ ବାତେଙ୍କ ଇଡ଼କେ, ଅଣ୍ଟି ଅଡ଼କିଂଙ୍କ ଉତ୍ତର ହିଡ଼ତଣ୍ଟ, “ବେନ ନାକିଂଙ୍କ ସୁସ୍ଥ ମାଡ଼ତଣ୍ଟ, ଅଣ୍ଟି ନାକିଂଙ୍କ କେଡ଼ତଣ୍ଟ, ନି କେଡ଼ ପୟସ୍ ତାକା ।”

୧୨ ଅଡ଼ ଅଂକିଂଙ୍କ ପାରାମାଡ଼ତଣ୍ଟ, “ନି କେଡ଼ ପୟସ୍ ତାକା ଇଞ୍ଜି ବେନ ନିକିଂଙ୍କ କେଡ଼ତଣ୍ଟ, ଆ ନାରୁଣ୍ଟ ବେନ ?”

୧୩ ବାତେଙ୍କ ଇଡ଼କେ ଅଣ୍ଟି ବେନ, ଆଦ୍ ସୁସ୍ଥ ଆଗେ ମାନ୍ଦାନ୍ ନାରୁଡ଼୍ ପୁନକର୍ ମାଡ଼ତଣ୍ଟ, ବାତେଙ୍କଇକେ ଆ ପଡ଼ିୟେତାର୍ ନାରଗେ ନାରୁଡ଼୍ ମାନ୍ଦାନ୍ ମାଈଦିଙ୍କ ଜିସୁ ତୟକଟ ଆଞ୍ଜି ମାଡ଼ତଣ୍ଟ ।

୧୪ ଆଦିନ୍ ପେରକେ ଜିସୁ ମନ୍ଦିରତାର୍ ଅଂକିଂଙ୍କ ଉଡ଼ି ଅଂକିଂଙ୍କ କେଡ଼ତଣ୍ଟ, “ଉଡେ ନିମ୍ ସୁସ୍ଥ ଆଗେ ମିନ୍ଦେନି, ମେଣ୍ଟେ ପାପ୍ ମାଡ଼ମା, ଇଲୁକ୍ ନି ସେଙ୍ଗେ ଗାଟି ଅନିଷ୍ଟ ଗଟେମ୍ ଆଦ୍ତେ ।”

୧୫ ଆ ନାରୁଡ଼୍ ମାଲ୍ଲସ୍ ଆଞ୍ଜି, ବେନ ଅଂକିଂଙ୍କ ସୁସ୍ଥ ମାଡ଼ିମାଡ଼ତଣ୍ଟ, ଅଣ୍ଟି ଜିସୁ ଇଞ୍ଜି ଯିହୁଦୀ ନେତାଲଡ଼କିଂଙ୍କ କେଡ଼ତଣ୍ଟ ।

୧୬ ଆଦିଙ୍କ ଜିସୁ ବିଶ୍ୱାମ୍ଦିନେତାର୍ ଇଲ୍ଲା ମାଡ଼ାନ୍ ମାଈଦିଙ୍କ ଯିହୁଦୀଡ଼୍ ଅଂକିଂଙ୍କ ତାଡ଼ନା ମାଡ଼ାଙ୍କ ପସ୍ପଡ଼ତଣ୍ଟ ।

୧୭ ମାତର୍ ଅଣ୍ଟି ଅଡ଼କିଂଙ୍କ ଉତ୍ତର ହିଡ଼ତଣ୍ଟ, “ନା ବାବାଲ୍ ସାରେଦାମ୍ ପାଡ଼ିୟି ମାଡ଼ମିନ୍ଦେନ୍, ମେଣ୍ଟେ ନାନ୍ ଆନ୍ତେ ମାଡ଼ମିନ୍ଦେନ୍ ।”

୧୮ ହିଦିନ୍ ସେଙ୍ଗେ ଯିହୁଦୀଡ଼୍ ଅଂକିଂଙ୍କ ଆଞ୍ଜିକାନ୍ ମାଈଦିଙ୍କ ମେଣ୍ଟେ ଅଦିକ୍ ଚେଷ୍ଟା ମାଡ଼ାଙ୍କ ପସ୍ପଡ଼ତଣ୍ଟ, ବାତେଙ୍କ ଇଡ଼କେ ଅଣ୍ଟି ଯେ ବିଶ୍ୱାମ୍ଦିନେତେ ନିୟମ୍ ମାନେମ୍ ଆୟ୍ଯକଟ ମାଡ଼ତଣ୍ଟ, ମାତର୍ ଆଦ୍ ଆୟ୍ଯ, ମାତର୍ ଇଶ୍ୱରତିଙ୍କ ନିଜେଡ଼ ବାବାଲ୍ ଇଞ୍ଜି କେସ୍ ନିଜତିଙ୍କ ଇଶ୍ୱରତେ ତଡ଼୍ ସମାନ ମାଡ଼ମାଡ଼ତଣ୍ଟ ।

ମାରିନାଦ୍ ଅଦିକାର୍

୧୯ ଜିସୁ ଅଡ଼କିଂଙ୍କ ଉତ୍ତର ହିଡ଼ତଣ୍ଟ, “ସଡ଼ ନାନେ ମିକିଂଙ୍କ କେସ୍ମିନ୍ଦେନ୍, ମାର୍ ନିଜେ ବାତେମିକା ମାଡ଼େ ପାର୍ଝଣ୍ଟ । ମାର୍ ବାବଙ୍କ ବାତେଏ ମାଡ଼ାନାଦ୍ ଉଡ଼ିତଣ୍ଟ, ଅଣ୍ଟି ଆନ୍ତେ ଆଦେ ମାଡ଼ିତନ୍ । ବାତେଙ୍କ ଇଡ଼କେ ବାବାଲ୍ ବାତେଏ ମାଡ଼ିତନ୍ ମାର୍ ଆନ୍ତେ ଆଦେ ମାଡ଼ିତନ୍ ।

୨୦ ବାତେଙ୍କ ଇଡ଼କେ ବାବାଲ୍ ମାରଦିଙ୍କ ପ୍ରେମ ମାଡ଼ିତନ୍, ମେଣ୍ଟେ ନିଜେ ବାତା ମାଡ଼ିତନ୍, ହାଉସାରେ ଅଂକିଙ୍କ ତଅତିତଣ୍ଟ, ମେଣ୍ଟେ ମିଡ଼, ବେଦପୁରୁଙ୍କ ବାକ୍ସା ଆଦତିଡ଼, ଅଦିନ୍ ମାଇଦିଙ୍କ ଅଣ୍ଟ ଅଂକିଙ୍କ ହିରାଙ୍କ ମେଣ୍ଟେ ବେଡ଼ୟା ପାଡ଼ିୟା ତତିତଣ୍ଟ ।

୨୧ ବାବାଲ୍ ବେଦପୁରୁଙ୍କ ଡଲି ମାୟାନଡ଼କିଙ୍କ ତେୟସମେଣ୍ଟେ ଜିଝୁ ମାଡ଼ିତନ୍, ଆଦେ ରକମ୍ ମାରଆନ୍ତେ ବେନ୍ ବେନଙ୍କ ଇଛା ମାଡ଼ିତନ୍, ଅଡ଼କିଙ୍କ ଜିଝୁ ମାଡ଼ିତନ୍ ।

୨୨ ମେଣ୍ଟେ, ବାବାଲ୍ ଆନ୍ତେ ବେନନାଦ ବିଚାର ମାଡ଼ଣ୍ଟ, ବିଚାର ମାଡ଼ାନ୍ ମାଇଦିଙ୍କ ଅଣ୍ଟ ମାରଦିଙ୍କ ସାରେ ଅଦିକାର ହିଦତଣ୍ଟ, ବେଲା ମାରଦିଙ୍କ ସନ୍ମାନ ମାଡ଼ିତଡ଼ ।

୨୩ ବେନ ମାରଦିଙ୍କ ସମ୍ମାନ ମାଡ଼ଣ୍ଟ, ଅଣ୍ଟ ଅନ୍ଝାଦ ମାଲ୍‌ସଞ୍ଜାଦାନ୍ ବାବାଙ୍କ ଆନ୍ତେ ସମ୍ମାନ ମାଡ଼ଣ୍ଟ ।”

୨୪ “ସଡ଼ ନାନ୍ ମିକିଂଙ୍କ କେଡୁତାନ୍, ବେନ ନା ବାକ୍ୟ କେଞ୍ଜି ନା ପ୍ରେରଣାକର୍ତ୍ତାଙ୍କ ବିଶ୍ୱାସ ମାଡ଼ିତନ୍, ଅଣ୍ଟ ସାରେଦିନାଡ଼ ଜିଝୁନ୍ ଦସଂକି ମିନ୍ଦେଣ୍ଟ, ମେଣ୍ଟେ ଅଣ୍ଟ ବିଚାରିତ ଆୟ୍‌ୟକଟ ବେଲାନ୍ ଡଲାନାଦିଙ୍କ ମେଣ୍ଟନ୍‌ରକମ୍ ଆସ୍ ଜିଝୁନ୍‌ତାଗ୍ ନେଜି ମିନ୍ଦେଣ୍ଟ ।

୨୫ ସଡ଼ ନାନ୍ ମିକିଂଙ୍କ କେସମିନ୍ଦେନ୍, ହିସଡ଼ ଦିନାମ୍ ଝାସମିନ୍ଦେ, ମେଣ୍ଟେ ଇଞ୍ଜେକ୍ ମିକା ହେଝ୍‌ସ୍ ମିନ୍ଦେ, ବେନ୍ ଦିନାମ୍ ତେ ଡଲ୍‌ତେନଡ଼, ଇଶ୍‌ରତେ ମାରଦେ ଲେଙ୍ଗ୍ କେଞ୍ଜିତଡ଼, ନୁ ବେନଡ଼, କେଞ୍ଜିତଡ଼, ଅଡ଼ ଜିଝୁନ୍ ଆଦତଡ଼ ।

୨୬ ବାତେଙ୍କ ଇଡ଼କେ ବାବାଲ୍ ବେଦପୁରୁଙ୍କ ଜିଝୁଣ୍ଡତାଦ୍ ଝେଡ଼କେ, ଆଦେପୁରୁଙ୍କ ମାରଦିଙ୍କ ଆନ୍ତେ ଜିଝୁଣ୍ଡତାଦ୍ ଝେଡ଼କେ ଆଡ଼ତାଙ୍କ ହିଦତଣ୍ଟ ।

୨୭ ମେଣ୍ଟେ, ଅଣ୍ଟ ନାରୁନ୍‌ପିଲେ ଆଡ଼ତାଙ୍କ ଅଣ୍ଟ ଅଂକିଙ୍କ ବିଚାର ମାଡ଼ାନ୍ ଅଦିକାର ହିଦତଣ୍ଟ ।

୨୮ ହିସଡ଼ତେ ଦାଦରେଲ୍‌ମାଟ୍, ବାତେଙ୍କ ଇଡ଼କେ ଦିନାମ୍ ଝାଡୁତେ ବେସୁର୍ ଡଲ୍‌ତେନଡ଼, ସାରେତଡ଼, ଅନ୍‌ଝାଦ ଲେଙ୍ଗ୍ କେଞ୍ଜିତଡ଼,

୨୯ ମେଣ୍ଟେ ଅଡ଼ ସମାଦିକନ୍‌ସ୍ ତେଦିତଡ଼, ବେନଡ଼, ଲେକେଡ଼ ପାଡ଼ିୟା ମାଡ଼ିମିନ୍ଦେଡ଼, ଅଡ଼ ମେଣ୍ଟଅନ୍‌ଦାମ୍ ତେଦି ଜିଝୁଣ୍ଟ ଆଦତଡ଼ । କାରାପ୍ ପାଡ଼ିୟା ମାଡ଼ିତେନଡ଼, ମେଣ୍ଟନ୍‌ଦାମ୍ ତେଦିତଡ଼, ନୁ ଦଣ୍ଟ

ଦରକିତ୍ ।”

ଜିସୁନ୍ ପାକେଙ୍କ ସାକ୍ଷ୍ୟ

୩୦ “ନାନ୍ ନିଜେ କ୍ଷମତାତାଗାଙ୍କ ବାତେଏ ମାଡେପାର୍‌ଝଣ୍ଡ; ମାତର୍ ଇଶ୍ବରତେ ଗର୍ ଲେକାମ୍‌ତେ ନାନ୍ ବିଚାର ମାଡିତାନ୍, ମେଣ୍ଡେ ନାୟାଦ୍ ବିଚାର ଟିକ୍, ବାତେଙ୍କ ଇଡକେ ନାନ୍ ନିଜତେ ଇଚ୍ଛା ସାଦନ୍ ମାଡାଙ୍କ୍ ତେଷ୍ଟା ମାଡକର୍ ନା ପ୍ରେରଣାକର୍ତ୍ତାନ୍ ଇଚ୍ଛା ସାଦନ୍ ମାଡାଙ୍କ୍ ଆଲ୍‌ସି ମାଡିତାନ୍ ।”

୩୧ “ଯଦି ନାନ୍ ନିଜର ବିଷୟତେ ନିଜେ ସାକ୍ଷ୍ୟ ହିଦ୍‌ତାନ୍, ଆଲାଈଡକେ ନା ସାକ୍ଷ୍ୟ ସଡ୍ ପ୍ରମାନିଡ୍ ଆୟ୍‌ୟ ।

୩୨ ବାତେଙ୍କ ଇଡକେ ମେଣ୍ଡେ ଝେରଣ୍ଡ ନା ବିଷୟତେ ସାକ୍ଷ୍ୟ ହିଦ୍‌ତଣ୍ଡ, ମେଣ୍ଡେ, ନା ବିଷୟତେ ଅନ୍‌ଝାଦ୍ ସାକ୍ଷ୍ୟ ସଡ୍, ଆଦ୍ ନାନ୍ ପୁଡ୍‌ତାନ୍ ।

୩୩ ☆ମିଡ୍ ଯୋହନ୍‌ତେ ଗାରରେ କବର୍ ଆଦାନ୍ ନାରୁଙ୍କ ରୟ୍‌ସ୍ ମିନ୍‌ନେନି ନୁ ଅଣ୍ଡ୍ ସଡ୍ ପାକେଙ୍କ ସାକ୍ଷ୍ୟ ହିସ୍‌ମିନ୍‌ନେଣ୍ଡ;

୩୪ ବାତେଙ୍କ ଇଡକେ ନାନ୍ ନାରୁଡାଗାଙ୍କ୍ ସାକ୍ଷ୍ୟ ଗ୍ରହନ୍ ମାଡନ୍, ମିକ୍ ବେଦ୍‌ପୁରୁଙ୍କ୍ ପରିତ୍ରାଣ୍ ଦରକିଡ୍‌ତେ, ଆଦିନ୍ ମାଇଦିଙ୍କ୍ ହିଦ୍ ସାରେ କେସ୍‌ମିନ୍‌ନେନ୍ ।

୩୫ ଯୋହନ୍ ଝେରଣ୍ଡ ନିଡ୍‌ତାନାଦ୍ ନୁ ଗାଟି ଝେୟ୍‌ସ୍‌ତେ କୁପି ରକମ୍ ମାଡ୍‌ତଣ୍ଡ, ମେଣ୍ଡେ ମିଡ୍ ସୁଦୁର୍ ସମୟତେ ଅନ୍ ଝେୟ୍‌ସିନେ ସାର୍‌ଦେ ମାଡାନ୍ ମାଇଦିଙ୍କ୍ ଇଚ୍ଛା ମାଡ୍‌ଡିଡ୍ ।

୩୬ ବାତେଙ୍କ ଇଡକେ ଯୋହନ୍‌ତେ ସାକ୍ଷ୍ୟ ଓଡ୍‌ସି ନାୟାଦ୍ ଇସରେ ସାକ୍ଷ୍ୟ ମିନ୍‌ନେ, ବାତେଙ୍କ ଇଡକେ ବାବାଲ୍ ନାକିଂଙ୍କ୍ ବେନ୍ ପାଡିୟି ତେରସ୍‌ପାଙ୍କ୍ ହିସ୍‌ମିନ୍‌ନେଣ୍ଡ, ବେନ୍‌ସାରେ ପାଡିୟି ନାନ୍ ମାଡ୍‌ମିନ୍‌ନେନ୍, ବାବାଲ୍ ନାକିଂଙ୍କ୍ ରୟ୍‌ସ୍ ମିନ୍‌ନେଣ୍ଡ ଇଞ୍ଜ ହାଉସାରେ ନା ବିଷୟତେ ସାକ୍ଷ୍ୟ ହିସ୍‌ମିନ୍‌ନେ ।

୩୭ ☆ମେଣ୍ଡେ, ବେନ ବାବାଲ୍ ନାକିଂଙ୍କ୍ ରୟ୍‌ସ୍ ମିନ୍‌ନେଣ୍ଡ, ଅଣ୍ଡ୍ ନା ବିଷୟତେ ସାକ୍ଷ୍ୟ ଇସ୍‌ମିନ୍‌ନେନ୍ । ମିଡ୍ ବେସୁଙ୍କ୍‌କେ ବା ଅନ୍‌ଝାଦ୍ ଲେଙ୍କ୍ କେଞ୍ଜିଓଡ୍ ବା ଅନ୍‌ଝାଦ୍ ମକମ୍ ଉଡ୍‌ଓଡ୍ ।

☆ ୫:୩୩ ଯୋହନ୍ ୧:୧୯-୨୭; 3:୨୭-3୦.

☆ ୫:୩୭ ମାତିଉ 3:୧୭; ମାର୍କ ୧:୧୧; ଲୁକ 3:୨୨.

୩୮ ମେଣ୍ଟେ ଅନ୍‌ଝାଦ୍ ବାକ୍ୟତିଙ୍କ୍ ମିଇ ହୁଦୟତାର୍ ପଡ଼ିୟ୍ ହିଞ୍ଡିଡ଼୍, ବାତେଙ୍କ୍ ଇଡ଼କେ ଅଣ୍ଟ ବେନଙ୍କ୍ ରହତଣ୍ଟ, ଅଂକିଙ୍କ୍ ମିଡ଼୍ ବିଶ୍ୱାସ୍ ମାଡ଼ଞ୍ଡିଡ଼୍ ।

୩୯ ମିଡ଼୍ ଦର୍ମଶାସ୍ତ୍ରତିଙ୍କ୍ ମେହେକ ମିନ୍ଦେଡ଼ି, ବାତେଙ୍କ୍ ଇଡ଼କେ ଆଗାଙ୍କ୍ ସାରେଦିନାଡ଼ ଜିଞ୍ଜୁନ୍ ଦରକିଡ଼ତେ ଇଞ୍ଜ ହେର୍କା ମାଡ଼ମିନ୍ଦେଡ଼ି, ମେଣ୍ଟେ, ଆଦ୍ ଦର୍ମଶାସ୍ତ୍ର ନା ବିଷୟତେ ସାକ୍ଷ୍ୟ ହିସମିନ୍ଦେ ।

୪୦ ବାତେଙ୍କ୍ ଇଡ଼କେ ମିଡ଼୍ ଜିଞ୍ଜୁନ୍ ଦରକାନ୍ ମାଇଦିଙ୍କ୍ ନା ଗାରରେ ଝାଦାଙ୍କ୍ ଇଛା ମାଡ଼ଞ୍ଡିଡ଼୍ ।”

୪୧ “ନାନ୍ ନାରୁଡ଼ାଗାଙ୍କ୍ ଗୌରବ୍ ଆଦାନଙ୍କ୍ ଇଛା ମାଡ଼ନ୍,

୪୨ ମାତର୍ ନାନ୍ ମିକିଂଙ୍କ୍ ପୁଞ୍ଜ ମିନ୍ଦେନ୍, ମିଡ଼୍ ବେଦ୍ ରକମ୍ ନାରୁଡ଼ି, ମିଇ ଜିଞ୍ଜୁତେ ଲୋପେ ଇଶ୍ୱରତେ ସେଙ୍ଗେ ପ୍ରେମ ଇଲା ।

୪୩ ନାନ୍ ନା ବାବାନ୍ ପେଦେରତେ ଝାସ୍‌ମିନ୍ଦେନ୍, ମେଣ୍ଟେ ମିଡ଼୍ ନାକିଂଙ୍କ୍ ଗ୍ରହନ୍ ମାଡ଼ଞ୍ଡିଡ଼୍; ମେଣ୍ଟେଅର୍ତୁନ୍ ଯଦି ନିଜେଡ଼୍ ପେଦେରତେ ଝାଦତଣ୍ଟ, ଆଲାଈଡ଼କେ ମିଡ଼୍ ଅଂକିଙ୍କ୍ ଗ୍ରହନ୍ ମାଡ଼ଡୁଡ଼୍ ।

୪୪ ମିଡ଼୍ ବେଦ୍‌ପୁରୁଙ୍କ୍ ନାକିଂଙ୍କ୍ ବିଶ୍ୱାସ୍ ମାଡ଼ପାର୍‌ଦତିଡ଼୍ ? ମିଡ଼୍ ନିଜେ ନିଜେତାଗାଙ୍କ୍ ଗୌରବ୍ ଗ୍ରହନ୍ ମାଡ଼ମିନ୍ଦେଡ଼ି, ମେଣ୍ଟେ ଝେରଡ଼୍, ମାତର୍ ଇଶ୍ୱରତାଗାଙ୍କ୍ ବେନ୍ ଗୌରବ୍, ଆଦ୍ ଦରସ୍ତାଙ୍କ୍ ତେଷ୍ଟା ମାଡ଼ଞ୍ଡିଡ଼୍ ।

୪୫ ନାନ୍ ଯେ ବାବାନ୍ ମୁନେ ମିଇ ବିରୁଦ୍‌ତେ ଅବିୟର୍ ମାଡ଼ିତାନ୍, ଇଦ୍ ହେର୍କା ମାଡ଼ମାଟ୍; ବେନ୍ ମୋଶାନାର୍ ମିଡ଼୍ ଆଗେ ନେହେସ୍ ମିନ୍ଦେଡ଼ି, ଅଣ୍ଟ ମିଇ ବିରୁଦ୍‌ତେ ଅବିୟର୍ ମାଡ଼ମିନ୍ଦେଣ୍ଟ ।

୪୬ ମିଡ଼୍ ଯଦି ମୋଶାଙ୍କ୍ ବିଶ୍ୱାସ୍ ମାଡ଼େଡ଼ି, ଆଲାଈଡ଼କେ ନାକିଂଙ୍କ୍ ବିଶ୍ୱାସ୍ ମାଡ଼େଡ଼ି, ବାତେଙ୍କ୍ ଇଡ଼କେ ଅଣ୍ଟ ନା ବିଷୟତେ ଲେକିମିନ୍ଦେଣ୍ଟ ।

୪୭ ବାତେଙ୍କ୍ ଇଡ଼କେ ମିଡ଼୍ ଯଦି ମୋଶାଙ୍କ୍ ଲେକ୍‌ତାଦ୍ ବାକ୍ୟତିଙ୍କ୍ ବିଶ୍ୱାସ୍ ମାଡ଼ଞ୍ଡିଡ଼୍, ଆଲାଈଡ଼କେ ବେଦ୍‌ପୁରୁଙ୍କ୍ ନାୟାଦ୍ ବାକ୍ୟ ବିଶ୍ୱାସ୍ ମାଡ଼ିଡ଼ିଡ଼୍ ?”

ଜିସୁ ଏଇଙ୍କ ହଜାର ନାରୁଡ଼କ୍ ତିନ୍ଦାଙ୍କ ଇଡ଼ତଣ୍ଡ
(ମାତିଉ ୧୪:୧୩-୨୧; ମାର୍କ ୬:୩୦-୪୪; ଲୁକ ୯:୧୦-୧୭)

^୧ ତାନ୍‌ପେକେ ଜିସୁ ଗାଲିଲି ବେଡେଡ଼ତେ, ଇଡ଼କେ ତିବିରିୟା ବେଡ଼ମ୍‌ତିଙ୍କୁ ଝେୟସ୍ ଆପାକ୍ ଆଡ଼ତଣ୍ଡ ।

^୨ ମେଣ୍ଡେ, ଅଣ୍ଡ ରଗିନାରୁନ୍‌ତେ ସେଙ୍ଗେ ବେନ୍ ଆଗର୍ଯ୍ୟ ପାଡ଼ିୟି ମାଡ଼ମାଡ଼ତଣ୍ଡ, ଆଉସାରେ ଉଡ଼ି ନାର୍‌ଗେ ନାରୁଡ଼ ଅନ୍‌ପେକେ ତାକାନଙ୍କୁ ପସ୍‌ପଡ଼ତଡ଼ ।

^୩ ଆସୁଟେ ଜିସୁ ମେଟେଡ଼ ପର୍‌ର ଆଞ୍ଜ ନିଜେଡ଼ ଶିଷ୍ୟଡ଼ ଆଗେ କୁଡ଼ତଣ୍ଡ ।

^୪ ଆସୁଟେ ଯିହୁଦିଡ଼ାଦ୍ ନିସ୍ତାର ପାଣ୍ଡୁଗୁ ଗାର୍‌ରେ ଏଞ୍ଜସ୍ ମାଡ଼ତେ ।

^୫ ମେଣ୍ଡେ, ଜିସୁ ନାର୍‌ଗେ ନାରୁଡ଼ ତାନ୍ ଗାର୍‌ରେ ଝାଦାନାଦ୍ ଉଡ଼ି ପିଲିପତିଙ୍କୁ କେଡ଼ତଣ୍ଡ, “ଇଡ଼ ତିନ୍ଦାନ୍ ମାଇଦିଙ୍କୁ ମାନାଡ଼ ବେଗାଙ୍କୁ ନାର୍‌ଗେ ରୁଟି ଆସିତାଡ଼?”

^୬ ବାତେଙ୍କୁ ଇଡ଼କେ ଅଣ୍ଡ ପିଲିପତିଙ୍କୁ ପରିକ୍ଷା ମାଡ଼ତେ ଲେକାମ୍ ଇଲା କେଡ଼ତଣ୍ଡ, ବାତେଙ୍କୁ ଇଡ଼କେ ଅଣ୍ଡ ବାତେଏ ମାଡ଼ାଙ୍କୁ ଆଞ୍ଜମିନ୍ଦେଣ୍ଡ, ଆଦ୍ ଅଣ୍ଡ ନିଜେ ପୁଞ୍ଜମାଡ଼ତଣ୍ଡ ।

^୭ ପିଲିପ୍ ଅଂକିଙ୍କୁ ଉଉର୍ ହିଡ଼ତଣ୍ଡ, “ସାରେତଡ଼ ସୁଦୁର୍ ପାହେମ୍‌ଆଦାନ୍ ମାଇଦିଙ୍କୁ ଇଡ଼ ସେଙ୍ଗେ ରେଣ୍ଡ ଝାନ୍ଦା ଦିନାରୀତେ* ରୁଟି ଆସର୍ ଆୟ୍‌ୟ ।”

^୮ ଶିମୋନ୍ ପିତର୍‌ତେ ଦାଦାଲ୍ ଆନ୍ଦ୍ରିୟ ପେଦେର୍‌ତଣ୍ଡ ଅଡ଼ ଶିଷ୍ୟଡ଼ ଲୋପେଙ୍କୁ ଝେରଣ୍ଡ ଅଂକିଙ୍କୁ କେଡ଼ତଣ୍ଡ,

^୯ “ଇଗ୍ ଝେରଣ୍ଡ ପେକାଲ୍ ମିନ୍ଦେଣ୍ଡ, ଅନ୍‌ଆଗେ ଏଇଙ୍କୁ ରୁଟି ନୁ ରେଣ୍ଡ ଝାଞ୍ଜତାଉ କିକେ ମିନ୍ଦେ, ବାତେଙ୍କୁ ଇଡ଼କେ ଇସର୍ ନାରୁଡ଼ ମାଇଦିଙ୍କୁ ଆଞ୍ଜ ଆସର୍ ଆୟ୍‌ୟ ।”

^{୧୦} ଜିସୁ ଶିଷ୍ୟଡ଼ଙ୍କୁ କେଡ଼ତଣ୍ଡ, “ନାରୁଡ଼କିଂଙ୍କୁ କୁସ୍‌ପାଟ୍ ।” ଆଦ୍ ପଡ଼ିୟେତାଗ୍ ଗାଟି ଗାଡ଼ ମାଡ଼ତେ, ଆଦ୍ ଗାଡ଼ ପର୍‌ର ସାରେତଡ଼ କୁଡ଼ତଡ଼ । ସାରେ ଏଇଙ୍କୁ ହଜାର ନାରୁଡ଼ ଆଗେ କୁଡ଼ତଡ଼ ।

* ୬:୭ ଝେରନ୍ ଦିନେଡ଼ ପାଡ଼ିୟି ମାଡ଼ତେ ତାବ୍‌କ୍

୧୧ ଆସୁଟେ ଜିସୁ ଆ ରୁଟିଙ୍କ ଅସ୍ ଦନ୍ୟବାଦ୍ ଇସ୍ କୁଦିମାନ୍ଦାନ୍ ନାରୁଡ଼କିଂଙ୍କ ଆଖି ତୁଉସିଡ଼ତଣ୍ଡ, ଆଦେ ପୁରୁଙ୍କ କିକେ ଆନ୍ତେ ତୁଉସିଡ଼ତଣ୍ଡ, ଅଡ଼ ବେସର୍ ଇଚ୍ଛା ମାଡ଼ତଡ଼ ଆସର୍ ଇଡ଼ତଡ଼ ।

୧୨ ମେଣ୍ଡେ, ଅଡ଼ ଡିଞ୍ଜ ପାଞ୍ଜିତେ ପେରକେ, ଜିସୁ ତାନ୍ ଶିଷ୍ୟଡ଼କିଂଙ୍କ କେଡ଼ତଣ୍ଡ, “ମିଗ୍ଲି ମାନ୍ଦାନ୍ ଉରଙ୍ଗ୍ତେ ଦୁଡ଼ାକିଂଙ୍କ ଝେରଡ଼ ଆଗେ ଗୁଡ଼ପାଟ୍ ।” ବେଦ୍ ପୁରୁଙ୍କ ବାତେବା ନଷ୍ଟ ଆୟମାକି,

୧୩ ଆସୁଟେ ଅଡ଼ ହାଫୁସାରେ ଝେରଡ଼ ଆଗେ ଗୁଡ଼ପଡ଼ତଡ଼, ମେଣ୍ଡେ ନାରୁଡ଼ଡ଼ିଡ଼ ପେରକେ ଏଇଙ୍ଗ୍ ରୁଟିନାଗାଙ୍କ ବେନା ଉରଙ୍ଗ୍ତେ ଦୁଙ୍କକାକିଂଙ୍କ ମିଗ୍ଲି ମାଡ଼ତା, ଆଗାଙ୍କ ଅଡ଼ ବାରଗାନ୍ ଜୁଡ଼ିନାଗ୍ ବର୍ତ୍ତ ମାଡ଼ତଡ଼ ।

୧୪ ଆଗେ ମାନ୍ଦାନ୍ ନାରୁଡ଼ ଜିସୁ ମାଡ଼ତେ ବାକ୍ସା ପାଡ଼ିୟି ଉଡ଼ି କେଡ଼ତାଙ୍କ ପସ୍ତୁଡ଼ତଡ଼, “ଜଗଡ଼ତାଗେ ବେନ୍ ବାବବାଦିଡ଼ ଝାଦାନାଦ୍ ମାଡ଼ତେ, ଇଣ୍ଡ ନିଜାମ୍ ଅଣ୍ଡେ ।”

୧୫ ଆଦିଙ୍କ ନାରୁଡ଼ ଅଂକିଙ୍କ ଶକ୍ତିତେ ପୟସ୍ ରାଜା ମାଡ଼ାନ୍ ମାଇଦିଙ୍କ ଇଚ୍ଛା ମାଡ଼ତୁଡ଼, ଇଦ୍ ପୁଞ୍ଜି ଜିସୁ ମେଣ୍ଡନ୍ଦାମ୍ ଝେରଣ୍ଡେ ମେଟେତାଗ୍ ପେୟିସ୍ ଆଡ଼ତଣ୍ଡ ।

ଜିସୁ ଏରଦେ ପରର ତାକ୍ତଣ୍ଡ

(ମାତିଉ ୧୪:୨୨-୨୩; ମାର୍କ ୬:୪୫-୫୨)

୧୬ ଆଦିନେ ମୁଲ୍ପୁର୍ ଆଡ଼ତାଙ୍କ ଜିସୁନ୍ ଶିଷ୍ୟଡ଼ ସମୁଦ୍ରତାଗ୍ ଆଡ଼ତଡ଼,

୧୭ ମେଣ୍ଡେ ଓଡ଼ତାଗ୍ କୁଦି ସମୁଦ୍ରତେ ଆପପାକେ କପର୍ନାହୁମ୍ ପାକେ ଆଦାଙ୍କ ପସ୍ତୁଡ଼ତଡ଼ । ଇକାଡ଼ ଆଡ଼ତେ, ମେଣ୍ଡେ ଜିସୁ ଆସୁଙ୍କ ଯାକ ଅଡ଼ ଗାରରେ ଝାଡ଼କଟ୍ ମାଡ଼ତଣ୍ଡ,

୧୮ ମେଣ୍ଡେ ଗାଟି ଗାଲ୍ ଝାଦାନ୍ ମାଇଦିଙ୍କ ବେଡ଼େମ୍ତାଗ୍ ଗାହାଙ୍କୁଡ଼ ତେଦ୍ତେ ।

୧୯ ଶିଷ୍ୟଡ଼ ଇଲକେତାଗ୍ ଏଇଙ୍ଗ୍ ବା ଆରୁ କିଲମିଟର୍ ଜେକେ ଓଡ଼ା ଆଡ଼ତେଝେୟ୍, ଜିସୁ ଏରଦା ପରର ତାକି ଓଡେଡ଼ ଗାରରେ ଝାସମାନ୍ଦାନ୍ଦା ଉଡ଼ି ଝେରଡ଼ତଡ଼ ।

୨୦ ବାତେଙ୍କ ଇଡ଼କେ ଜିସୁ ଅଡ଼କିଂଙ୍କ କେଡ଼ତଣ୍ଡ, “ଇଣ୍ଡ ତ ନାନ୍, ଝେରେ ମାଟ୍ ।”

୨୧ ତାନ୍‌ପେକେ ଅଡ଼ ଅଂକିଙ୍କ ଓଡେଡେ ଆଦାନଙ୍କ ଇଚ୍ଛା ମାଡ଼ତଡ଼, ମେଣ୍ଡେ ଅଡ଼ ବେନ୍ ପଡ଼ିୟେତାଗ୍ ଆଞ୍ଜମାଡ଼ତଡ଼, ଓଡ଼ ସାଙ୍ଗେ ସାଙ୍ଗେ ଆଦ୍ ଆଞ୍ଜିନାଗ୍ ହେଝଡେ ।

ନାରୁଡ଼ ଜିସୁଙ୍କ ମେହେକଡ଼

୨୨ ଆଦ୍ ପଡ଼ିୟେତାଗ୍ ମାତର୍ ଝେରଡ଼ ଓଡ଼ା ମାଡ଼ତା, ମେଣ୍ଡେ ଆଗେ ଯେ ଜିସୁ ତାନ୍ ଶିଷ୍ୟଡ଼ ତଡ଼ ଅନ୍‌ଝେ ମାଡ଼ତଣ୍ଡ, ମାତର୍ ତାନ୍ ଶିଷ୍ୟଡ଼ ଆଞ୍ଜ ମାଡ଼ତଡ଼, ଇଦ୍ ବେନ୍ ନାରୁଡ଼ ମେଣ୍ଡନ୍‌ଦିନେ ବେଡେମ୍‌ଡେ ମେଣ୍ଡନ୍ ପାକେ ନିସ୍ ମାଡ଼ତଡ଼, ଅଡ଼ ଉଡ଼ିମାଡ଼ତଡ଼ ।

୨୩ ବେଗେ ଜିସୁ ପ୍ରାର୍ଥନା ମାଡ଼ି ନାରୁଡ଼କିଙ୍କ ରୁଟି ତିୟାନଙ୍କ ଇସ୍‌ମାଡ଼ତଣ୍ଡ, ଆଦ୍ ପଡ଼ିୟେତାଗ୍ ତିବିରାୟାଡେ ବେସ୍‌କ୍ ଓଡ଼ା ଝାସ୍ ହେଝୁଡା;

୨୪ ଜିସୁ ନୁ ତାନ୍ ଶିଷ୍ୟଡ଼ ଆଗେ ଇଲ୍‌ଲେଡ଼, ଇଦ୍ ବେସୁଙ୍କ ନାରୁଡ଼ ଉଡ଼ତଡ଼, ଆସୁଟେ ଅଡ଼ ହାଉସାରେ ଓଡ଼ତାଗ୍ ତାରି ଜିସୁଙ୍କ ମେହକ କପର୍‌ନାହୁମ୍ ତାଗ୍ ଆଦତଡ଼ ।

ଜିସୁ ଜିଝୁନତାଦ୍ କାଦି

୨୫ ମେଣ୍ଡେ, ଅଡ଼ ବେଡେମ୍‌ଡେ ଆପାକ୍ ଜିସୁଙ୍କ ଉଡ଼ି ଅଂକିଙ୍କ ପାତ୍ରାମାଡ଼ତଡ଼, “ହୋ ଗୁରୁ ନିମ୍ ବେସୁଙ୍କ ହିଗ୍ ଝାଡ଼ତିନ୍ ?”

୨୬ ଜିସୁ ଅଡ଼କିଙ୍କ ଉତ୍ତର ଇଡ଼ତଣ୍ଡ, “ସଡ଼ ନାନ୍ ମିକିଙ୍କ କେଡୁତାନ୍, ବାକ୍‌ଝା ପାଡ଼ିୟି ଉଡ଼ତାଙ୍କ ଯେ ମିଡ଼ ନାକିଙ୍କ ମେହକ୍‌କୃତିଡ଼, ଆଦ୍ ଆୟ୍‌ୟ, ମାତର୍ ରୋଟି ତିଞ୍ଜ ପଟ୍‌ଟେ ନିଣ୍ଡତାଙ୍କ ନାକିଙ୍କ ମେହେକ୍‌କୃତିଡ଼ ।

୨୭ ବେନ୍ କାଦି ତେରିଡେ, ଆଦିନ୍ ମାଇଦିଙ୍କ କଷ୍ଟ ମାଡ଼ମାଟ୍ । ବେଲାନ ବେନ୍ କାଦି ସାରେଦିନାଡ଼ ଜିଝୁନ୍ ଇଦ୍‌ତଣ୍ଡ, ଆଦିନ୍ ସେଙ୍ଗେ କଷ୍ଟ ମାଡ଼ାଟ୍ । ଆଦ୍ କାଦି ନାରୁନ୍‌ପିଲେ ମିକିଙ୍କ ହିଦ୍‌ତଣ୍ଡ, ବାଡେଙ୍କ ଇଡ଼କେ ଅଂକିଙ୍କ ବାବାଲ୍ ଇଶ୍‌ବର୍ ଇଦ୍ ଅଦିକାର୍ ହିଡ଼ତଣ୍ଡ ।”

୨୮ ଆସୁଟେ ଅଡ଼ ଅଂକିଙ୍କ ପାତ୍ରାମାଡ଼ତଡ଼, “ଇଶ୍‌ବର୍ ବାଡ଼ ଇଚ୍ଛା ମାଡ଼ତୁଣ୍ଡ, ଆଦ୍ ପାଡ଼ିୟି ମାଡ଼ାଙ୍କ ମାକିଙ୍କ ବାଡ଼ ମାଡ଼ ଝେୟୁଡିଡ଼ ?”

୨୯ ଜିସୁ ଅଡ଼କିଂଙ୍କ ଉତ୍ତର ହିତତଣ୍ଡ, “ବେନଙ୍କ ଇଶ୍ବର ରୟସ୍ ମିନ୍ଦେଣ୍ଡ, ଅନ୍‌ଆଗେ ବିଶ୍ବାସ୍ ମାଡ଼ାନ୍ ତଡ଼୍‌ମିଡ଼୍‌ଆଦ୍ ମାଡ଼୍‌ପାଦ୍ ତିଡ଼୍‌ ।”

୩୦ ଆସୁଟେ ଅଡ଼ ଜିସୁଙ୍କ ପାତ୍ରାମାଡ଼ତଡ଼, “ଆଲେକେ ନିମ୍ ଚିହିନ୍ନେ ରକମ୍ ବାତେଏ ମାଡ଼ମିନ୍ଦେନି ଯେ, ଆଦ୍ ଉଡ଼ି ମାମ୍ ନିକିଂଙ୍କ ବିଶ୍ବାସ୍ ମାଡ଼୍‌ପାର୍‌ଦତମ୍ ? କେଲାଟ୍ ବାତେଏ ମାଡ଼୍‌ପାର୍‌ଦତିଡ଼ ?

୩୧ ମାନ୍ ଆନିଦାଦିଡ଼୍ ଉସ୍ ନେଲ୍‌ଦାଗ୍ ମାନ୍‌ନା ତିଞ୍ଜମାଡ଼ତଡ଼, ବେଦପୁଟ୍‌ଙ୍କ ଶାସ୍ତ୍ରତାଗ୍ ଲେକାମିନ୍ଦେ, ତିନ୍ଦାନ୍ ମାଲଦିଙ୍କ୍ ଅଣ୍ଡ୍ ଅଡ଼କିଂଙ୍କ୍ ସ୍ବର୍ଗତାଗାଙ୍କ୍ ଇଦ୍ କାଦି ହିତତଣ୍ଡ ।”

୩୨ ଆସୁଟେ ଜିସୁ ଅଡ଼କିଂଙ୍କ୍ କେଡ଼ତଣ୍ଡ, “ସଡ଼ ନାନ୍ ମିକିଂଙ୍କ୍ କେସ୍ ମିନ୍ଦେନ୍, ବାଡ଼ ମୋଶାଲ୍ ମିକିଂଙ୍କ୍ ହିତତଣ୍ଡ ଆଦ୍ ସ୍ବର୍ଗତାଦ୍ କାଦି ଆୟ୍‌ୟ, ବାତେଙ୍କ୍ ଇଡ଼କେ ନା ବାବାଲ୍ ମିକିଂଙ୍କ୍ ସ୍ବର୍ଗତାଗାଙ୍କ୍ ଆଦ୍‌ରକଡ଼ କାଦି ହିତତଣ୍ଡ;

୩୩ ବେନ କାଦି ସ୍ବର୍ଗତାଗାଙ୍କ୍ ତିଗି ଜଗଡ଼ତିଙ୍କ୍ ଜିଞ୍ଜୁନ୍ ବେଡ଼୍‌ୟାଦ୍ ମାଡ଼ିତେ, ଆଦ୍ ଇଶ୍ବରତେ କାଦି ।”

୩୪ ଅଡ଼ ଜିସୁଙ୍କ୍ କେଡ଼ତଡ଼, “ପ୍ରୁ, ସାର୍‌ଦାମ୍ ମାକିଂଙ୍କ୍ ହିସତେ କାଦି ହିମ୍ ।”

୩୫ ଆସୁଟେ ଜିସୁ ଅଡ଼କିଂଙ୍କ୍ କେଡ଼ତଣ୍ଡ, “ନାନେ ଆଦ୍ ଜିଞ୍ଜେମାନ୍ଦାନ୍ କାଦି; ବେନ ନା ଗାରରେ ଝାଦତଣ୍ଡ୍ ଅଣ୍ଡ୍ ବେସୁଙ୍କେ କାର୍‌ଞ୍ଜିନ୍ ଆୟ୍‌ୟଣ୍ଡ, ମେଣ୍ଡେ ବେନ ନାୟାଗେ ବିଶ୍ବାସ୍ ମାଡ଼ିତନ୍, ଅଂକିଙ୍କ୍ ବେସୁଙ୍କେ ବା ଏର ହୁନ୍‌ଝାହୁଝ ।

୩୬ ବାତେଙ୍କ୍ ଇଡ଼କେ ମିଡ଼୍‌ନାକିଂଙ୍କ୍ ଉଡ଼କେ ମିକା ବିଶ୍ବାସ୍ ମାଡ଼୍‌ଞ୍ଜିଡ଼, ଇଦ୍ ନାନ୍ ମିକିଂଙ୍କ୍ କେଡ଼ତାନ୍ ।

୩୭ ବାବାଲ୍ ବେନଡ଼କିଂଙ୍କ୍ ନାକିଂଙ୍କ୍ ଦାନ ମାଡ଼ିତନ୍, ଅଡ଼୍‌ନା ଗାରରେ ଝାଦତଡ଼; ମେଣ୍ଡେ, ବେନ ନା ଗାରରେ ଝାଦତଣ୍ଡ୍, ଅଂକିଙ୍କ୍ ନାନ୍ ବେଦଲେକାମ୍ ବାୟିଦେ ପେସ୍‌ପିଞ୍ଜନ୍;

୩୮ ବାତେଙ୍କ୍ ଇଡ଼କେ ନାନ୍ ନିଜେଡ଼ ଇଚ୍ଛାତିଙ୍କ୍ ସାଦନ୍ ମାଡ଼ାଙ୍କ୍ ଝାଡ଼ନ୍ ବେଲାନ୍ ନା ପ୍ରେରଣାକର୍ତ୍ତାନ୍ ଇଚ୍ଛା ସାଦନ୍ ମାଡ଼ାଙ୍କ୍ ସ୍ବର୍ଗତାଗାଙ୍କ୍ ଝାସ୍‌ମିନ୍ଦେନ୍ ।

୩୯ ମେଣ୍ଟେ, ନା ପ୍ରେରଣାକର୍ତ୍ତାଲୁ ବେନ ସାରତତ୍ତ୍ୱିଙ୍କ ନାକିଙ୍କ ଦାନ ମାତିସ୍ତମିନ୍ଦେଣ୍ଟ, ଅଡ୍ ଲୋପେଙ୍କ ବେନଙ୍କ ମେଣ୍ଟେ ବେଦପୁରୁଙ୍କ ନାନ୍ ହରାମାତକର୍ ବେଲାନ ଶେଷ ଦିନତେ ଅଡ୍ କିଙ୍କ ମେଣ୍ଟେନ୍ଦାମ୍ ବାଦକିତାନ୍, ଇଦ୍ ଅନାଦ୍ ଇଚ୍ଛା ।

୪୦ ବାଡ୍ତେଙ୍କ ଇଡ୍ କେ ବାବାଲୁ ଇଚ୍ଛା ମାଡ୍ତିତନ୍ ବେନଆଇ ମାରଦିଙ୍କ ଦର୍ଶନ୍ ମାଡ୍ତି ଅନ୍ଆଗେ ବିଶ୍ୱାସ୍ ମାଡ୍ତିତନ୍, ଅଡ୍ ସାରେଦିନାଡ୍ ଜିହୁନ୍ ଦରକିଡ୍, ଆଦିନ୍ ମାଇଦିଙ୍କ ଶେଷ ଦିନତେ ନାନ୍ ସାରେତତ୍ତ୍ୱିଙ୍କ ମେଣ୍ଟୁଅନ୍ଦାମ୍ ଜିହୁଣ୍ଟ ମାଡ୍ତିତାନ୍ ।”

୪୧ ଜିସୁ ନାନ୍ ସ୍ୱର୍ଗକଞ୍ଜ୍ ଖାସ୍ ମାନ୍ଦାନ୍ କାଦି ଇଞ୍ଜ କେଡ୍ତାଙ୍କ, ଯିହୁଦିଡ୍ ଅନ୍ ବିରୁଦ୍ଧତେ ନିନ୍ ମାଡ୍ତି କେଡ୍ତାଙ୍କ ପସପଡ୍ତଡ୍ ।

୪୨ ଆଗାଙ୍କ ଅଡ୍ କେଡ୍ତଡ୍, “ହିଣ୍ଟ ବାତେଏ ଯୋଷେପ୍ତେ ମାର୍ ଜିସୁ ଆୟ୍ୟଣ୍ଟ କି ? ମେଣ୍ଟେ ମାମ୍ମେ ତାମ୍ ଯାୟ୍ୟବାବାଙ୍କ ପୁତ୍ରମ୍, ଆଲେକ୍ ନାନ୍ ସ୍ୱର୍ଗକଞ୍ଜ୍ ଖାସ୍ ମିନ୍ଦେଣ୍ଟ ଇଞ୍ଜ ଅଣ୍ଟ ଇଞ୍ଜେ ବେଦ୍ ପୁରୁଙ୍କ କେସମିନ୍ଦେଣ୍ଟ ?”

୪୩ ଜିସୁ ଅଡ୍ କିଙ୍କ କେଡ୍ତଣ୍ଟ, “ନିଜେଡ୍ ନିଜେଡ୍ ଲୋପ୍ ନିନ୍ ମାଡ୍ତମାଡ୍ ।

୪୪ ନା ମାଲ୍ସ୍ ଖାଦାନ୍ ବାବାଲୁ ବେନଙ୍କ ତିଆର୍ ମାଡ୍ତିତନ୍, ମାତର୍ ଅଣ୍ଟ ନା ଗାର୍ରେ ଖାଦ୍ପାର୍ଦ୍ଦ ତଣ୍ଟ, ମେଣ୍ଟେ ନାନ୍ ଶେଷ ଦିନତେ ମେଣ୍ଟୁଅନ୍ଦାମ୍ ଅକିଙ୍କ ଜିହୁଣ୍ଟ ମାଡ୍ତିତାନ୍ ।

୪୫ ବାବବାଦିଡ୍ ଦର୍ମଶାସ୍ତ୍ରତାଗ୍ ଲେକିମିନ୍ଦେଡ୍, ସାରେତଡ୍ ମାତର୍ ଇଶ୍ୱରତେ କନ୍ସ୍ ଶିକ୍ଷା ଦସ୍ କି ଆଦତଡ୍ । ବେନଆଇ ବାବାନାଗାଙ୍କ କେଞ୍ଜି ଶିକ୍ଷା ଲାବ୍ ମାଡ୍ତିତନ୍, ଅଣ୍ଟ ନା ଗାର୍ରେ ଖାଦ୍ତଣ୍ଟ ।

୪୬ ଇଦିନ୍ ଇଡ୍ କେ ଆୟ୍ୟ ଯେ ବେନ ବାବାଙ୍କ ଉଡ୍ମିନ୍ଦେଣ୍ଟ, ବେନ ଇଶ୍ୱରତାଗାଙ୍କ ଖାସ୍ମିନ୍ଦେଣ୍ଟ, ଅଣ୍ଟ ମାତର୍ ବାବାଙ୍କ ଉଡ୍ମିନ୍ଦେଣ୍ଟ ।

୪୭ ସଡ୍ ନାନ୍ ମିକିଙ୍କ କେସମିନ୍ଦେନ୍, ବେନ ବିଶ୍ୱାସ୍ ମାଡ୍ତିତନ୍, ଅଣ୍ଟ ସାରେଦିନାଡ୍ ଜିହୁନ୍ ଦସ୍ କି ମିନ୍ଦେଣ୍ଟ ।

୪୮ ନାନ୍ ଜିହୁମାନ୍ଦାନ୍ କାଦି ।

୪୯ ମିଇ ଆନିଦାଦିଡ୍ ଉୟ୍ ନେଲ୍ଦାଗ୍ ମାନ୍ନା ତିଡ୍ତଡ୍ ମିକା ଅଡ୍ ତଲ୍ତଡ୍ ।

୫୦ ବାତେଙ୍କ ଇଡ଼କେ ବେନ କାଦି ସ୍ୱର୍ଗତାଗାଙ୍କ ଝାଦ୍‌ତେ ଆଦିଙ୍କ ବେନ ତିନ୍‌ତଣ୍ଡୁ ଅଣ୍ଡୁ ସାରେଦିନାଡ଼ ଜିଝୁଣ୍ଡୁ ଜିଝେଦରକିଡ଼ ।

୫୧ ନାନ୍ ସ୍ୱର୍ଗତାଗାଙ୍କ ଝାସ୍‌ମାନ୍‌ଆଦ୍ ଜିଝେମାନ୍‌କାଦି; ବେନ ହିଦ୍ କାଦି ତିନ୍‌ତଣ୍ଡୁ, ଅଣ୍ଡୁ ଅନନ୍ତକାଲ୍ ଯାକ ଜିଝୁ ମାନ୍‌ତଣ୍ଡୁ; ନାନ୍ ବେନ କାଦି ହିଦ୍‌ତାନ୍, ଆଦ୍ ନାୟାଦ୍ ଆଉଙ୍ଗ୍, ନାନ୍ ଆଦ୍ ଜଗଡ଼ତିଙ୍କ ବାଦ୍‌ସ୍ମୁକାନ୍ ମାଇଦିଙ୍କ୍ ହିଦ୍‌ତାନ୍ ।”

୫୨ ଆସୁଟେ ଯିହୁଦୀଡ଼୍ ନିଜେ ନିଜେ ରାମ୍‌କ୍ ଆସ୍ କେତାଙ୍କ୍ ପସ୍‌ପଡ଼ତଡ଼, “ହିଣ୍ଡୁ ବେଲା ମାନାଙ୍କ୍ ନିଜେଡ଼ ଆଉଙ୍ଗ୍ ତିୟାଙ୍କ୍ ହିଦ୍ ପାର୍‌ଦତଣ୍ଡୁ ?”

୫୩ ଆସୁଟେ ଜିସୁ ଅଡ଼କିଂଙ୍କ୍ କେଡ଼ତଣ୍ଡୁ, “ସଡ଼ ନାନ୍ ମିକିଂଙ୍କ୍ କେସମିନ୍‌ଦେନ୍, ମନୁଷ୍ୟପୁତ୍ରନ୍ ଆଉଙ୍ଗ୍ ତିନକଡ଼ ମାଡ଼କେ ନୁ ଅନାଦ୍ ନେତୁରତିଙ୍କ୍ ଉନକଟ ମାଡ଼କେ, ମିଡ଼୍‌ଜିଝୁନ୍ ପାଏମ୍ ଆଦ୍‌ପାରୁଡ଼ିଡ଼୍ ।

୫୪ ବେନ ନା ଆଉଙ୍ଗ୍ ତିନ୍‌ତଣ୍ଡୁ ନୁ ନା ନେତୁର ଉନ୍‌ତଣ୍ଡୁ, ଅଣ୍ଡୁ ସାରେଦିନାଡ଼ ଜିଝୁନ୍ ଦସ୍‌କିଡ଼ଣ୍ଡୁ, ମେଣ୍ଡେ ନାନ୍ ଶେଷ ଦିନାତେ ଅଂକିଙ୍କ୍ ମେଣ୍ଡୁଅନ୍‌ଦାମ୍ ବାଦ୍‌କିତାନ୍ ।

୫୫ ବାତେଙ୍କ୍ ଇଡ଼କେ ନା ଆଉଙ୍ଗ୍ ଆଦରକଡ଼ କାଦି ନୁ ନା ନେତୁର ଆଦରକଡ଼ ଉନ୍‌ନାଦ୍ ।

୫୬ ବେନ ନା ଆଉଙ୍ଗ୍ ତିନ୍‌ତଣ୍ଡୁ ନୁ ନା ନେତୁର ଉନ୍‌ତଣ୍ଡୁ, ଅଣ୍ଡୁ ନାୟାଗେ ମାନ୍‌ତଣ୍ଡୁ ନୁ ନାନ୍ ଅନ୍‌ଆଗେ ମାନ୍‌ତାନ୍ ।

୫୭ ଜିଝୁଟେ ବାବାଲ୍ ବେଦ୍‌ପୁରୁଙ୍କ୍ ନାକିଂଙ୍କ୍ ରହ୍‌ତଣ୍ଡୁ ନୁ ନାନ୍ ବାବାନ୍ ସେଙ୍ଗେ ଜିଝୁ ମିନ୍‌ଦେନ୍, ଆଦିନ୍ ରକମ୍ ବେନ ନାକିଂଙ୍କ୍ ତିନ୍‌ତଣ୍ଡୁ, ଅଣ୍ଡୁ ଆନ୍‌ତେ ନା ମାଇଦିଙ୍କ୍ ଜିଝୁନ୍ ମାନ୍‌ତଣ୍ଡୁ ।

୫୮ ବେନ କାଦି ସ୍ୱର୍ଗକଞ୍ଜ ଝାସ୍ ମିନ୍‌ଦେ, ଆଦ୍ ହିଦ୍; ଆନିଦାଦିଡ଼୍ ବେଦ୍‌ପୁରୁଙ୍କ୍ ତିଞ୍ଜ୍ ତଲିମିନ୍‌ଦେଡ଼, ଆଦ୍‌ଲେକାମ୍ ଆୟ୍‌ୟ; ବେନ ହିଦ୍ କାଦି ତିନ୍‌ତଣ୍ଡୁ, ଅଣ୍ଡୁ ଅନନ୍ତକାଲ୍ ଯାକ ଜିଝୁ ମାନ୍‌ତଣ୍ଡୁ ।”

୫୯ ଜିସୁ କଫର୍ନାହୁମ୍‌ତେ ଝେରଡ଼୍ ସମାଜ୍ ଲଡ଼ତାଗେ ଶିକ୍ଷା ହିସମାନ୍‌ଆନ୍ ସମୟ୍‌ତେ ହି ସାରେ ଗଟି କେଡ଼ତଣ୍ଡୁ ।

ସାରେଦିନାଡ଼ ଜିଝୁନ୍‌ତାଦ୍ ବାକ୍ୟ

୬୦ ତାମ୍ ଶିଷ୍ୟତ୍ ଲୋପେଙ୍କ ବେସକ୍ତୁତ୍ ହିଦ୍ କେଞ୍ଜି କେତତତ୍, “ହିଦ୍ ଶିକ୍ଷା ବୁଜେମ୍ ଆଦାନାଦ୍ ଗାଟି କଷ୍ଟ, ବେନ ହିଦ୍ ସାରେ କେଞ୍ଜିତଣ୍ ?”

୬୧ ହିଦ୍ ବିଷୟତେ ଜିସୁଙ୍କ ବେନ ବାତେଏ କେଲକଟ ମାତ୍ କେ ମିକା ତାନ୍ ଶିଷ୍ୟତ୍ ନିନ୍ ମାତ୍ତୁତ୍ ଇଞ୍ଜ ପୁଞ୍ଜ ଅତ୍ କିଂଙ୍କ କେତତଣ୍, “ହିଦ୍ ଗଟ୍ତେ ମିଡ୍ ଚିନ୍ତେ ଆଦୁତିଡ୍ ?

୬୨ ଆଲାଈଡ୍ କେ ନାରୁନ୍ ପିଲେ ମୁନେଙ୍କ ବେନ୍ ପଡ଼ିୟେତାଗ୍ ମାତ୍ତଣ୍, ଆଦ୍ ପଡ଼ିୟେତାଗ୍ ମାଲ୍ସ୍ ଆଦାନାଦ୍ ଉଡ୍ କେ ଆସୁଟେ ବାଡ୍ ମାଡ଼ିତିଡ୍ ?

୬୩ ମାତର ଇଶ୍ବରତେ ଆମ୍ ଜିଞ୍ଜୁନ୍ ହିଦ୍ ପାର୍ଦ୍ଦତେ; ନାରୁଡ୍ତେ ଗନ୍ତି ବାତେମିକା ମାତ୍ ପାର୍ଦ୍ଦ; ଇଶ୍ବରତେ ଆଦ୍ ଜିଞ୍ଜୁନ୍ ହିଦାନ୍ ଆମ୍, ଆମ୍ ଗିଟ୍ ମିଡ୍ ବେଲା ଏକା ମାତ୍ ପାଦ୍ ଚିଡ୍, ଆଦିନ୍ ମାଲ୍ଦିଙ୍କ ନାନ୍ ମିକିଂଙ୍କ ହିଦ୍ ସାରେ ଗଟି କେତଡାନ୍ ।

୬୪ ଆଡ୍ କେମିକା ମିଲ ଲୋପେଙ୍କ ବେନଡ୍ ବିଶ୍ବାସ୍ ମାତ୍ତଣ୍ । ବାତେଙ୍କ ଇଡ୍ କେ ବେନଡ୍ ବିଶ୍ବାସ୍ ମାତ୍ତକଟ୍ ମାତ୍ତତ୍, ନୁ ବେନ ଅଂକିଙ୍କ ଶତ୍ରୁତ୍ କାଈଦେ ସମର୍ପନ୍ ମାଡ଼ିତନ୍, ଆଦ୍ ଜିସୁ ମୁନେଙ୍କ ପୁଞ୍ଜ ମାତ୍ତଣ୍ ।”

୬୫ ମେଣ୍ଟେ ଜିସୁ କେତତଣ୍, “ବାବାନାଗାଙ୍କ୍ ମାଲ୍ ଖେ କଟମାଡ୍ କେ ବେନ ନା ଗାରରେ ଝାଦ୍ ପାର୍ଦ୍ଦଣ୍ ।”

୬୬ ଆ ସମୟତାଗାଙ୍କ୍ ଅନ୍ ଶିଷ୍ୟତ୍ ଲୋପେଙ୍କ ନାର୍ଗେ ଅଂକିଙ୍କ ପେରକେ ମାତ୍ତକଟ୍ ପେୟ୍ସ୍ ଆଦ୍ତତ୍, ମେଣ୍ଟେ ଅନ୍ ତଡ୍ ମେଣ୍ଟେ ତାକଡ୍ ।

୬୭ ଆସୁଟେ ଜିସୁ ବାରଜାନ୍ତିଙ୍କ ପାରାମାତ୍ତଣ୍, “ମିଡ୍ ଆନ୍ତେ ବାତେଏ ନାକିଂଙ୍କ ଝିଡ୍ସି ମାଲ୍ସ୍ ଆଦାଙ୍କ୍ ଇଞ୍ଜା ମାଡ଼ିତିଡ୍ ?”

୬୮ ✠ଶିମୋନ୍ ପିତର ଜିସୁଙ୍କ ଉତ୍ତର ହିଡ୍ତତ୍, “ପ୍ରବୁ, ମେଣ୍ଟେ ବେନନ୍ ଗାରରେ ଆଦ୍ତମ୍ ? ସାରେଦିନାଡ୍ ଜିଞ୍ଜୁନ୍ତାଦ୍ ବାକ୍ୟ ତ ନିୟାଗ୍ ମିନ୍ଦେ;

୬୯ ମେଣ୍ଟେ ନିମ୍ ଯେ ଇଶ୍ବରତେ ଆଦ୍ ପବିତ୍ର ନାରୁନ୍, ହିଦ୍ ମାମ୍ ମେ ବିଶ୍ବାସ୍ ମାଡ଼ିମିନ୍ଦେମ୍ ନୁ ପୁଞ୍ଜମିନ୍ଦେମ୍ ।”

୭୦ ଜିସୁ ଅତ୍ତକିଂଙ୍କ ଉତ୍ତର ହିତ୍‌ତଣ୍ଡ, “ନାନ୍ ମିଡ୍ ବାରଜାନ୍‌ତିଙ୍କ ହେଞ୍ଚି ମାନନ୍ କି?” ମିକା, ମିକା ଲୋପେଙ୍କ ଝେରଣ୍ଡ ଶୟତାନ୍ ।

୭୧ ଜିସୁ ଇଷ୍ଟାରୀୟତିୟ ଶିମନତେ ମାର୍ ଯିହୁଦାଙ୍କ ଉଡିମିକା ଇଦ୍ କେଡ୍‌ତଣ୍ଡ, ବାତେଙ୍କ ଇଡ୍‌କେ ଅଣ୍ଡ ବାରଜାନ୍ ଲୋପେଙ୍କ ଝେରଣ୍ଡେ, ମେଣ୍ଡେ ଅଣ୍ଡ ଅଂକିଙ୍କ ଶତ୍ତୁଡ୍‌କାୟ୍‌ଦେ ସମର୍ପନ୍ ମାଡାଙ୍କ ଆଞ୍ଜମାଡ୍‌ତଣ୍ଡ ।

୭

ଜିସୁ ନୁ ତାନ୍ ତାମୁସ୍‌କିଡ୍,

୧ ତାନ୍‌ପେକେ ଜିସୁ ଗାଲିଲୀତାଗ୍ ଉଡାଙ୍କ ପସ୍‌ପଡ୍‌ତଣ୍ଡ, ବାତେଙ୍କ ଇଡ୍‌କେ ଯିହୁଦୀଡ୍ ଅଂକିଙ୍କ ଆଞ୍ଜକାନ୍ ମାଇଦିଙ୍କ ଚେଷ୍ଟା ମାଡ୍‌ନାଙ୍କ ଅଣ୍ଡ ଯିହୁଦା ପ୍ରଦେଶ୍‌ତାଗ୍ ଉଡାନ୍ ମାଇଦିଙ୍କ ଇଞ୍ଜା ମାଡ୍‌କର୍ ମାଡ୍‌ତଣ୍ଡ ।

୨ ଯିହୁଦୀଡାଦ୍ କୁଟୀର ବାସ ପାଣ୍ଡୁମୁତେ ଦିନାମ୍ ଗାର୍‌ରେ ହେଞ୍ସ୍‌ମାଡ୍‌ତେ,

୩ ତାନ୍ ତାମୁସ୍‌କିଡ୍ ଜିସୁଙ୍କ କେଡ୍‌ତଡ୍, “ନିମ୍ ବେନ୍ ପାଡିୟି ମାଡ୍‌ମିଦେନି, ହାଉସାରେ ବେଦ୍‌ପୁଟୁଙ୍କ ମିକା ଶିଷ୍ୟଡ୍ ଆନ୍‌ତେ ଉଡିଡିଡ୍, ଆଦିନ୍ ମାଇଦିଙ୍କ ହିଗାଙ୍କ ପେୟ୍‌ସ୍‌ଆଞ୍ଜ ଯିହୁଦା ପ୍ରଦେଶ୍‌ତାଗ୍ ଅନ୍,

୪ ବାତେଙ୍କ ଇଡ୍‌କେ ବେନ ତିଆର୍ ଆଡ୍‌ତାଙ୍କ ଇଞ୍ଜା ମାଡ୍‌କେ ମିଞ୍ଜିମିକା ବାତେଏ ମାଡ୍‌ଣ୍ଡ । ମିଡ୍ ଯଦି ହିସାର୍‌ରେ ମାଡ୍‌ଡୁଡ୍, ଆଲାଈଡ୍‌କେ ନିଜେତିଙ୍କ ଜଗଡ୍‌ତେ ଗାର୍‌ରେ ତିଆର୍ ମାଡା ।”

୫ ବାତେଙ୍କ ଇଡ୍‌କେ ତାନ୍ ତାମୁସ୍‌କିଡ୍ ମିକା ଅନ୍‌ଆଗେ ବିଶ୍ୱାସ୍ ମାଡ୍‌କର୍ ମାଡ୍‌ତଡ୍ ।

୬ ଆସ୍‌ଗେ ଜିସୁ ଅତ୍ତକିଂଙ୍କ କେଡ୍‌ତଣ୍ଡ, “ନାୟାଦ୍ ଦିନାମ୍ ହି ଯାକ ଉପସ୍ଥିତ ଆୟ୍‌କେ, ମାଡର୍ ମିକିଂଙ୍କ ସାରେ ଦିନାମ୍ ଲେକାମ୍ ।

୭ ଜଗଡ୍ ମିକିଂଙ୍କ ପାସ୍‌କ, ବାତେଙ୍କ ଇଡ୍‌କେ ନାକିଂଙ୍କ ପାସ୍‌କିଡ୍‌ତେ, ବାତେଙ୍କ ଇଡ୍‌କେ ତାନାଦ୍ ପାଡ୍‌ୟି କାରାପ୍, ନାନ୍ ତାନ୍ ବିଷୟ୍‌ତେ ହି ସାକ୍ଷ୍ୟ ଇସ୍ ଝାଡୁତାନ୍ ।

୮ ମିଡ୍ ହି ପାଣ୍ଡୁମୁତାଗେ ଆନୁର୍, ନାନ୍ ଇଞ୍ଜେ ହି ପାଣ୍ଡୁମୁତାଗ୍ ଆନନ୍, ବାତେଙ୍କ ଇଡ୍‌କେ ନାୟାଦ୍ ଦିନାମ୍ ହି ଯାକ ଉପସ୍ଥିତ ଆୟ୍‌କେ ।”

୯ ଜିସୁ ଅଡ଼କିଂଙ୍କ ହିଝ୍ ସାରେ ଗଟି କେସ୍ ଗାଲିଲୀତାଗ୍ ମାଡ଼ତଣ୍ଟ ।

କୁଟୀରବାସ ପାଣ୍ଡୁଗୁଡ଼ାଗ୍ ଜିସୁ

୧୦ ବାତେଙ୍କ ଇଡ଼କେ ତାନ୍ ତାମୁଣ୍ଟକିଡ଼୍ ପାଣ୍ଡୁଗୁଡ଼ାଗେ ଆଦ୍ ଝେୟେ ଅଣ୍ଟ ଆନ୍ତେ ଆଡ଼ତଣ୍ଟ, ଉଡ଼ତେଲେକେ ଆୟ୍ୟ, ମାଡ଼ର୍ ଅଣ୍ଟୟ୍ ଲେକାଡ଼ ଉଡ଼ତେ ।

୧୧ ଆଦିଙ୍କ୍ ଯିହୁଦୀ ନେତାଲଡ଼୍ ପାଣ୍ଡୁଗୁଡ଼ାଗେ ମେହ୍ କ ପାତ୍ରାମାଡ଼ତଡ଼୍ ଅଣ୍ଟ ବେକେ ?

୧୨ ମେଣ୍ଟେ, ଅନ୍ ବିଷୟତେ ନାରୁଡ଼୍ ତାମତାମ୍ ଲୋପ୍ ତିରିୟାନଙ୍କ୍ ପସ୍ପତଡ଼ତଡ଼୍; ମେଣ୍ଟେ ବେନ୍ ବେନ୍ କେଡ଼ତଡ଼୍, “ଅଣ୍ଟ ଅର୍ଡୁଣ୍ଟ ସାୟେଡ଼ ନାରୁଡ଼୍;” ମେଣ୍ଟେ ବେନ୍ କେଡ଼ତଡ଼୍, “ଇଲେ, ଅଣ୍ଟ ନାରୁଡ଼୍କିଂଙ୍କ୍ ବୁସା ମାଡ଼ମିୟେଣ୍ଟ ।”

୧୩ ମିକା ଯିହୁଦୀ ନେତାଲଡ଼୍ ଝେରଜିଙ୍କ୍ ଅନ୍ ବିଷୟତେ ପୁଡ଼ତେଲେକେ ବେନ୍ ବାତେଏ କେଲକଟ୍ ମାଡ଼ତଡ଼୍ ।

୧୪ ବାତେଙ୍କ୍ ଇଡ଼କେ ପାଣ୍ଡୁଗୁଡ଼େ ଆଦା ଦିନାମ୍ ତେରତେପେୟ୍, ଜିସୁ ମନ୍ଦିରତାଗ୍ ଆଞ୍ଜି ଶିକ୍ଷା ହିଦାଙ୍କ୍ ପସ୍ପତଡ଼ଣ୍ଟ ।

୧୫ ଆସୁଟେ ଯିହୁଦୀ ନେତାଲଡ଼୍ ଦାଦରେଲି କେଡ଼ତଡ଼୍, “ହିଣ୍ଟ ପାଟ୍ କାର୍ଝକଟ୍ ବେଲା ହିସର୍ ବିଷୟ ପୁଡ଼ତଣ୍ଟ ?”

୧୬ ଆସୁଙ୍କ୍ ଜିସୁ ଅଡ଼କିଂଙ୍କ୍ ଉଉର୍ ହିଡ଼ତଣ୍ଟ, “ନାୟାଦ୍ ଶିକ୍ଷା ନାୟାଦ୍ ନିଜ୍ତାଦ୍ ଆୟ୍ୟ, ବାତେଙ୍କ୍ ଇଡ଼କେ ନାକିଂଙ୍କ୍ ରହତେନଣ୍ଟ ଇଶ୍ବରତେ କନ୍ସ୍ ଝାସ୍ମିୟେ ।

୧୭ ବେନଆଇ ଯଦି ଇଶ୍ବରତେ ଇଚ୍ଛା ସାଦନ୍ ମାଡ଼ାଙ୍କ୍ ଇଚ୍ଛାମାଡ଼ତୁନ୍, ଆଲାଇଡ଼କେ ହି ଶିକ୍ଷା ଇଶ୍ବରତାଗାଙ୍କ୍ ତିଆର୍, ନା ନାନ୍ ନା ନିଜ୍ବରତାଗାଙ୍କ୍ କେଡୁତାନ୍, ଆଦ୍ ଅଣ୍ଟ ପୁନ୍ତଣ୍ଟ ।

୧୮ ବେନ ନିଜେଡ଼୍ ତାଗାଙ୍କ୍ କେଡିତଣ୍ଟ, ଅଣ୍ଟ ନିଜେଡ଼୍ ଗୌରବତିଙ୍କ୍ ମେହ୍କିତନ୍, ବାତେଙ୍କ୍ ଇଡ଼କେ ବେନ ନିଜେଡ଼୍ ପ୍ରେରଣାକର୍ତ୍ତାନ୍ ଗୌରବ୍ ମେହ୍କିତନ୍, ଅଣ୍ଟ ସଡ଼୍, ମେଣ୍ଟେ ଅନାଗେ ବାତେମେଣ୍ଟେ ବିଶ୍ବାସ୍ ଇଲେ ।

୧୯ ମୋଶାଲ୍ ବାତେଏ ମିକିଂଙ୍କ୍ ବ୍ୟବସ୍ଥା ହିଝ୍ଣ ? ମିକା ମିଇ ଲୋପେଙ୍କ୍ ବେନମିକା ବ୍ୟବସ୍ଥା ପାଲନ୍ ମାଡ଼୍ଝିଡ଼୍ । ମିଡ଼୍ ବାତେଙ୍କ୍ ନାକିଂଙ୍କ୍ ଆଝ୍କାଂଙ୍କ୍ ତେଷ୍ଟା ମାଡ଼ମିୟେଡ଼ି ?”

୨୦ ନାରୁଡ଼ ଉତ୍ତର ହିତତଡ଼, “ନିକିଂଙ୍କୁ ବୁଡ଼ ପୟସ୍ ମିନ୍ଦେ, ବେନ ନିକିଂଙ୍କୁ ଆଖିକାଂଙ୍କୁ ତେଷ୍ଟା ମାଡ଼ତୁଣ୍ଡ ?”

୨୧ ଜିସୁ ଅଡ଼କିଂଙ୍କୁ ଉତ୍ତର ହିତତଡ଼, “ନାନ୍ ଖେରଡ଼ ମହାନ୍ ପାଡ଼ୟି ମାଡ଼ତାନ୍, ମେଣ୍ଡେ ମିଡ଼୍ ସାରେତଡ଼ି ଦାଦରେଲି ମିନ୍ଦେଡ଼ି ।

୨୨ ଆଦିନ୍ ମାଇଦିଙ୍କୁ ମୋଶାଲ୍ ମିକିଂଙ୍କୁ ସୁନ୍ନଡ଼ ପାଲନ୍ ଇସ୍ମିନ୍ଦେନ୍, ହିଦ୍ ଯେ ମୋଶାନାଗାଙ୍କୁ ଆଶେ ମିନ୍ଦେ, ଆଦ୍ ଆୟ୍‌ୟ, ମାତର୍ ଆନିଦାଦିଡ଼୍ ଡାଗାଙ୍କୁ, ମେଣ୍ଡେ ମିଡ଼୍ ବିଶ୍ୱାମ୍‌ଦିନେତାଗ୍ ପେକାଲଡ଼ାଦ୍ ସୁନ୍ନଡ଼ ମାଡ଼ମିନ୍ଦେଡ଼ି ।

୨୩ ☆ପଦି ବିଶ୍ୱାମ୍‌ଦିନେ ଦିନାତେ ପେକାଙ୍କୁ ସୁନ୍ନଡ଼ ମାଡ଼କେ ମୋଶାନାଦ୍ ବ୍ୟବସ୍ଥା ଉର୍ଗାଡ଼୍ ଆୟ୍‌ୟ, ଆଲାଈଡ଼କେ ନାନ୍ ବିଶ୍ୱାମ୍‌ଦିନେ ଦିନାତେ ଖେରନ୍ ନାରୁଙ୍କୁ ସାରେ ସୁଷ୍ଟ ମାଡ଼କେ ମିଡ଼୍ ବାତେଙ୍କୁ ନା ପର୍‌ର କପାମ୍ ଆଦୁଡ଼ିଡ଼୍ ?

୨୪ ବାୟ୍‌ଦେଡ଼ ବିଷୟ ଉଡ଼ି ବିଚାର ମାଡ଼ମାଟ୍, ଲେକାମ୍ ନ୍ୟାୟ୍‌ତେ ବିଚାର ମାଡ଼ାଟ୍ ।”

ହିଣ୍ଡ ବାତେଏ ମସିହ

୨୫ ଆସୁଟେ ଜିରୁଶାଲାମ୍‌ତେ ନାରୁଡ଼ ଲୋପେଙ୍କୁ ବେନଡ଼୍ କେଡାଙ୍କୁ ପସ୍‌ପଡ଼ତଡ଼, “ଯିହୁଦୀ ନେତାଲଡ଼୍ ବେନଙ୍କୁ ଆଖିକାନ୍ ମାଇଦିଙ୍କୁ ତେଷ୍ଟା ମାଡ଼ତୁଡ଼୍, ହିଣ୍ଡ ବାତେଏ ଅଣ୍ଡ ଆୟ୍‌ୟ ?

୨୬ ମେଣ୍ଡେ ଉଡ଼ାଟ୍, ଅଣ୍ଡ ସାରେତଡ଼୍ କେଞ୍ଜେତେ ଲେକେମ୍ ଗଟି କେସ୍‌ମିନ୍ଦେନ୍, ମେଣ୍ଡେ ଅଡ଼୍ ଅଂକିଙ୍କୁ ବାତେଏ ମାଡ଼ଡ଼୍ । ହିଣ୍ଡ ଯେ ମସିହ, ହିଦ୍ ବାତେଏ ନେତାଲଡ଼୍ ନିଜାମ୍ ପୁଡ଼ତଡ଼୍ ?

୨୭ ବେଲା ଆୟି, ହିଣ୍ଡ ବେଗାକନ୍‌ସ୍ ଝାସ୍ ମିନ୍ଦେଣ୍ଡ ମାନାଡ଼୍ ପୁଡ଼ତାଡ଼୍, ବାତେଙ୍କୁ ଇଡ଼କେ ମସିହ ବେସୁଙ୍କୁ ଝାଦ୍‌ତଣ୍ଡ୍, ଆସୁଟେ ଅଣ୍ଡ ଝାଦାନାଦ୍ ବେନ ପୁନ୍‌ଅଡ଼୍ ।”

୨୮ ଆସୁଟେ ଜିସୁ ମନ୍ଦିରତାଗ୍ ଶିକ୍ଷା ହିସ୍ ବେଡ଼ୟ୍ ଲେଙ୍ଗ୍‌ତେ କେଡ଼ତଣ୍ଡ୍, “ମିଡ଼୍ ନାକିଂଙ୍କୁ ନୁ ନାୟାଦ୍ ଉପଡ଼ିଙ୍କୁ ପୁଡ଼ତିଡ଼୍ କି ? ନାନ୍ ନିଜରତାଗାଙ୍କୁ ଝାଡ଼ନ୍, ବାତେଙ୍କୁ ଇଡ଼କେ ନା ପ୍ରେରଣାକର୍ତ୍ତାଙ୍କୁ ସଡ଼୍, ଅଂକିଙ୍କୁ ମିଡ଼୍ ପୁନ୍‌ଝିଡ଼୍ ।

୨୯ ବାତେଙ୍କ ଇଡ଼କେ ନାନ୍ ଅଂକିଙ୍କ ପୁତ୍ରତାନ୍, ବାତେଙ୍କ ଇଡ଼କେ ନାନ୍ ଅନ୍ଆଗାଙ୍କ ଖାସ୍ତିନେନ୍, ମେଣ୍ଡେ ଅଣ୍ଡ ନାକିଙ୍କ ରହ୍ତଣ୍ଡ ।”

୩୦ ଆସୁଟେ ଅଡ଼ ଅଂକିଙ୍କ ପୟ୍ତାଙ୍କ ଚେଷ୍ଟା ମାଡ଼ତଡ଼; ବାତେଙ୍କ ଇଡ଼କେ ବେନମେଣ୍ଡେ ଅନ୍ ପରର କାୟ୍ ଖାଟଡ଼, ବାଡ଼ତେଙ୍କ ଇଡ଼କେ ଅନାଦ୍ ଦିନାମ୍ ଆଦ୍ ଯାକ ହେଞ୍ଜକଟ୍ ମାଡ଼ତେ ।

୩୧ ବାତେଙ୍କ ଇଡ଼କେ ନାରୁଡ଼ ଲୋପେଙ୍କ ନାରଗେ ଅନ୍ଆଗେ ବିଶ୍ବାସ୍ ମାଡ଼ି କେଡ଼ତାଙ୍କ ପସ୍ପଡ଼ତଡ଼, “ହିଣ୍ଡ ବେନ୍‌ସାରେ ବାକ୍‌ଖା ପାଡ଼ିୟି ମାଡ଼ିନିନ୍ଦେଣ୍ଡ ମସିହ ଖାସ୍ ଆଞ୍ଜିଅନ୍ ବାତେଏ ନାରଗେ ମାଡ଼ିତନ୍ ?”

ଜିୟୁଙ୍କ ବନ୍ଦିମାଡ଼ାଙ୍କ ପ୍ରହରୀଡ଼କ୍ ରଅତଡ଼

୩୨ ଜିୟୁନ୍ ବିଷୟତେ ନାରୁଡ଼ ନିଜେ ନିଜେ ତିରିୟାନାଦ୍ ପାରୁଣୀଡ଼ କେଞ୍ଜତଡ଼, ଆସୁଟେ ମୁକ୍ୟଯାଜକ୍ ନୁ ପାରୁଣୀଡ଼ ଅଂକିଙ୍କ ପୟ୍ତାନ୍ ମାଈଦିଙ୍କ ପ୍ରହରୀଡ଼କ୍ ରହ୍ତଣ୍ଡ ।

୩୩ ଆସୁଟେ ଜିୟୁ କେଡ଼ତଣ୍ଡ, “ନାନ୍ ମେଣ୍ଡେ ସୁଦୁର୍ ସମୟଜାକ ମିଈ ତଡ଼ ମାନତାନ୍, ତାନ୍‌ପେର୍କେ ନାକିଙ୍କ ରୟ୍‌ସ୍‌ମାନ୍‌ନନ୍ ଗାରରେ ମାଲ୍‌ସ୍ ଆଦତନ୍ ।

୩୪ ମିଡ଼ ନାକିଙ୍କ ମେହ୍‌କିତିଡ଼, ମାତର୍ ଦରସ୍‌କ୍ ପାରୁଞ୍ଜିଡ଼, ମେଣ୍ଡେ, ନାନ୍ ବେଗେ ମାନତାନ୍, ଆଗେ ମିଡ଼ ଆଡ଼ତାଙ୍କ ପାରୁଞ୍ଜିଡ଼ ।”

୩୫ ଆସୁଟେ ଯିହୁଦୀଡ଼ ନିଜେ ନିଜେତିଙ୍କ କେଡ଼ତଡ଼, “ହିଣ୍ଡ ବେଗେ ଆଦ୍‌ଦାନ୍ ମାଈଦିଙ୍କ ପେୟ୍‌ସ୍ ମିନ୍ଦେନ୍ ଯେ, ମାନ୍‌ଡ଼ ଅଂକିଙ୍କ ଦରସ୍‌କ୍ ପାରୁଞ୍ଜାଡ଼ ? ହିଣ୍ଡ ବାତେଏ ଗ୍ରୀକ୍‌ନାରୁଡ଼ ଲୋପେଙ୍କ ଦୁଡ଼ାଦୁଡ଼ା ଯିହୁଦୀଡ଼ ଗାରରେ ଆଞ୍ଜି ଗ୍ରୀକ୍ ନାରୁଡ଼କିଙ୍କ ଶିକ୍ଷା ହିଦାଙ୍କ ପେୟ୍‌ସ୍ ମିନ୍ଦେନ୍ ?

୩୬ ମିଡ଼ ନାକିଙ୍କ ମେହ୍‌କିତିଡ଼, ମାତର୍ ଦରସ୍‌କିଡ଼, ମେଣ୍ଡେ ନାନ୍ ବେଗେ ମାନତାନ୍, ମିଡ଼ ଆଦ୍ ପାରୁଞ୍ଜିଡ଼, ଅଣ୍ଡ ହି ବେନ ଗଟି କେଡ଼ତଣ୍ଡ, ଇଦିନ୍ ଇଡ଼କେ ବାତେଏ ?”

ଜିଞ୍ଜୁଣ୍ଡ ହିଦାନ୍ ସ୍ରୋତ

୩୭ ପାଣ୍ଡୁମୁତେ ଶେଷଦିନେ, ଇଡ଼କେ, ମୁକ୍ୟଦିନେ, ଜିୟୁ ନିସ୍‌ମେଣ୍ଡେ ଗାଟି ଲେଙ୍ଗ୍‌ଦେ କେଡ଼ତଣ୍ଡ, “ବେନଙ୍କ୍ ଯଦି ଉନ୍ଦେଞ୍ଜାହ୍‌ତେ, ଅଣ୍ଡ ନା ଗାରରେ ଖାଡ଼ିଣ୍ଡ ।

୩୮ ବେନ ନାୟାଗେ ବିଶ୍ୱାସ୍ ମାଡ଼ିତନ୍, ଅଣ୍ଟି ଉନିଣ୍ଟି, ଦର୍ମଶାସ୍ତ୍ରତାଗ୍ ଲେକାମିନ୍ଦେ, ବେନ ନାୟାଗ୍ ବିଶ୍ୱାସ୍ ମାଡ଼ିତନ୍ ଅନାଦ୍ ଜିହ୍ୱତାଦ୍ ସ୍ତୋତ ପ୍ରବାହିତ ଆସମାନ୍ତେ ।”

୩୯ ଜିସୁ ପବିତ୍ର ଆମ୍ବା ବିଷୟରେ ହିନ୍ଦଗର୍ କେଡ଼ତଣ୍ଟି, ବେନ ଜିସୁନାଗ୍ ବିଶ୍ୱାସ୍ ମାଡ଼ିତାଡ଼ତଡ଼, ଅଡ଼୍ ପେର୍କେ ପବିତ୍ର ଆମ୍ବା ପାଏମ୍ ଆଦତଡ଼, ବାଡ଼େକ୍ ଇଡ଼କେ ଜିସୁ ଆଦ୍ ଯାକ ମହିମା ପାଏମ୍ ଆୟୁଝାକ୍ ପବିତ୍ର ଆମ୍ବା ହିଞ୍ଜକର୍ ମାଡ଼ତଡ଼ ।

ନାରୁଡ଼୍ ଲୋପେ ମତବେଦ

୪୦ ବେସୁର୍ ନାରୁଡ଼୍ ଜିସୁନ୍ ହିନ୍ଦ ଗର୍ କେଞ୍ଜତଡ଼, ଅଡ଼୍ ଲୋପେକ୍ ବେନଡ଼୍ କେଡ଼ତାକ୍ ପସ୍ପଡ଼ତଡ଼, “ହିଣ୍ଟି ନିଜାମ୍ ତେ ଆ ବାବବାଦୀ ।”

୪୧ ମେଣ୍ଟେ ବାଗାତଡ଼୍ କେଡ଼ତାକ୍ ପସ୍ପଡ଼ତଡ଼, “ହିଣ୍ଟି ମସିହ;” ବାଡ଼େକ୍ ଇଡ଼କେ ବାଗାତଡ଼୍ କେଡ଼ତାକ୍ ପସ୍ପଡ଼ତଡ଼, “ମସିହ ଗାଲିଲୀତାଗାକ୍ ଖାଡ଼ଣ୍ଟି ।

୪୨ ଶାସ୍ତ୍ରତାଗ୍ ଲେକାମିନ୍ଦେ, ମସିହ ଯେ ଦାଉଦ୍ତେ ବଂଶତାଗାକ୍ ନୁ ଦାଉଦ୍ ବେଗ୍ମାଡ଼ତଣ୍ଟି, ଆଦ୍ ବେଡ଼ଲିହିମ୍ ନାର୍ତାଗାକ୍ ଖାଡ଼ତଣ୍ଟି ।”

୪୩ ଆଦିକ୍ ନାରୁଡ଼୍ ଲୋପେ ଜିସୁନ୍ ମାଇଦିକ୍ ମତବେଦ ଗଟେମଆଡ଼ତେ;

୪୪ ମେଣ୍ଟେ, ଅଡ଼୍ ଲୋପେକ୍ ବେସ୍କଡ଼ୁଡ଼୍ ଜିସୁ ବନ୍ଦି ଆୟିଣ୍ଟି ଇଞ୍ଜି ଇଞ୍ଜା ମାଡ଼ିତାଡ଼ତଡ଼, ବାଡ଼େକ୍ ଇଡ଼କେ ବେନ ଅନ୍ ପର୍ର କାୟୁ ଖାଡ଼ିପାଡ଼ିଡ଼ ।

ଯିହୁଦୀ ନେତାଲଡ଼୍ ଅବିଶ୍ୱାସ୍

୪୫ ହିଦିନ୍ ଲୋପେ ପ୍ରହରୀଡ଼୍ ମାଲ୍ସ୍ ଖାଡ଼ତାକ୍, ମୁକ୍ୟ ଯାଜକ୍ ନୁ ପାରୁଣୀଡ଼୍ ଅଡ଼୍କିଂକ୍ ପାତ୍ରାମାଡ଼ତଡ଼, “ମିଡ଼୍ ବାଡ଼େକ୍ ଜିସୁକ୍ ତାଡ଼ିଡ଼ିଡ଼ ?”

୪୬ ପ୍ରହରୀଡ଼୍ ଉତ୍ତର୍ ହିଡ଼ତଡ଼, “ହି ନାରୁଡ଼୍ ବେଦ୍ପୁଟ୍ଟୁକ୍ ଗଟି କେଡ଼ୁଡ଼ଣ୍ଟି, ବେନ୍ ନାରୁଡ଼୍ ବେସୁକ୍ବା ଆଦ୍ପୁଟ୍ଟୁକ୍ କେଲଣ୍ଟି ।”

୪୭ ଆଗାକଞ୍ଜ ପାରୁଣୀଡ଼୍ ଅଡ଼୍କି କେଡ଼ତଡ଼, “ମିକିଂକ୍ ମିକା ବାଡ଼େଏ ଅଣ୍ଟି ବକ୍‌ଖା ମାଡ଼ିସ୍ ମିନ୍ଦେଣ୍ଟି ?

୪୮ ନେତାଲତ୍, ଲୋପେଙ୍କ ବା ପାରୁଣୀତ୍, ଲୋପେଙ୍କ ବାତେଏ ବେନ ଝେରଣ୍ଡମିକା ଅନ୍‌ଆଗେ ବିଶ୍ୱାସ୍ ମାଡ଼ିମିନ୍ଦେଡ୍ ଇଞ୍ଜ ହିଦ୍ ମିଡ୍, ପୁଡ଼ତିଡ୍, କି ?

୪୯ ବାତେଙ୍କ ଇଡ଼କେ ହି ନାରୁଡ୍, ମୋଶାନ୍ ବ୍ୟବସ୍ଥାତିଙ୍କ ପୁନଡ୍, ଆଦିନ୍ ମାଇଦିଙ୍କ ଇଡ଼କ୍ ଅବିଶାପ୍ ଦରକ୍ତେ ।”

୫୦ ☆ବେନ୍ ନିକଦୀମ୍ ହିଦିନ୍ ମୁନେଙ୍କ ଅନ୍ ଗାରରେ ଝାସ୍‌ମାଡ଼ତଣ୍ ନୁ ଯେ ଅଡ୍ ଲୋପେଙ୍କ ଝେରଣ୍ଡେ, ଅଣ୍ଡ୍ ଅଡ଼କିଂଙ୍କ ପାତ୍ରାମାଡ଼ତଣ୍ଡ,

୫୧ “ଝେରଣ୍ଡ ନାରୁନାଗାଙ୍କ ମୁନେଙ୍କଞ୍ଜ କେଞ୍ଜକଟ୍ ନୁ ଅନାଦ୍ ଆଚରଣ ବିଷୟ ପୁନକଟ୍ ମାନାଦ୍ ବ୍ୟବସ୍ଥା ବାତେଏ ଅଂକିଙ୍କ ଦୋଷି ମାଡ଼ିତେ ?”

୫୨ ଅଡ୍ ଅଂକିଙ୍କ ଉତ୍ତର ହିଡ଼ତଡ୍, “ନିମ୍ ମିକା ବାତେଏ ଝେରନ୍ତି ଗାଲିଲୀ ନାରୁନୀ ? ଗାଲିଲୀତାଗ୍ ବେନ୍‌ଆଇ ବାବବାଦୀ ତିଆର୍ ଆୟଡେ, ହିଦ୍ ମେହ୍‌କିମେଣ୍ଡେ ଉଡେ ।”

ବ୍ୟବିଚାର୍ ପାଡ଼ିୟିଦେ ପଇତେ ନାଟାଡ୍,

୫୩ ମେଣ୍ଡେ ଅଡ୍ ସାରତଡ୍ ନିଜେଡ୍ ନିଜେଡ୍ ଲୋକିନାଗ୍ ଆଦତଡ୍,

|

୮

ବ୍ୟବିଚାର୍ ପାଡ଼ିୟିଦାଗ୍ ପୟିତେ ନାଟାଡ୍,

୧ ଜିସୁ ଜୀତ ମେଟେତା ଆଡତଣ୍ ।

୨ ମେଣ୍ଡନ୍‌ଦିନେ ଅଣ୍ଡ୍ ମନ୍ଦିରତାଗ୍ ଝାଡତଣ୍, ମେଣ୍ଡେ ସାରେତଡ୍, ନାରୁଡ୍ ଗୁଡ୍‌ପି ଆଡତାଙ୍କ, ଜିସୁ କୁଦିମାଞ୍ଜ ଅଡ଼କିଂଙ୍କ ଶିକ୍ଷା ଇଦାଙ୍କ ପସ୍‌ପଡଣ୍ ।

୩ ମେଣ୍ଡେ, ଶାସ୍ତ୍ରୀତ୍ ନୁ ପାରୁଣୀନଡ୍ ବ୍ୟବିଚାରିନି ନାଟାଡ଼ତିଙ୍କ ପୟ୍‌ସ୍ ତାସ୍ ସାରତଡ୍ ମୁନେ ନିଲ୍‌ସପି ଜିସୁଙ୍କ କେଡତଡ୍,

୪ “ହୋ ଗୁରୁ, ଇଦ୍ ନାଟାଡ୍ ବ୍ୟବିଚାର୍ ପାଡ଼ିୟି ମାଡ଼ମାନ୍ଦାନ୍ ଝେଲେ ଦରକ୍ତେ ।

୫ ଇସଡ୍ ନାଟାକିଙ୍କ କାଲ୍‌କିନ୍ ତ ରେହେତାଙ୍କ ମୋଶାନ୍ ନିୟମ୍‌ତାଗ୍ ମାକିଂଙ୍କ ଗଟ୍ ଇସ୍‌ମିନ୍ଦେଣ୍ଡେ, ଇଞ୍ଜେ ଆଲେକେ ନିମ୍ ବାତେଏ କେଡୁତିନ୍ ?”

୭ ଅଡ଼ ବେଲା ଅନ୍ ବିରୁଦ୍ଧେ ଅବିଯଗ୍ନେ ବାତେଙ୍କ ଇଡ଼କେ ପାଏମ୍ ଆଡ଼ତାଙ୍କ, ଆଦିନ୍ ସେଙ୍ଗେ ଅଡ଼ ଅଂକିଙ୍କ ପରିକ୍ଷା ମାଡ଼ାନ୍ ମାଇଦିଙ୍କ ଆଦ କେଡ଼ତଡ଼ । ବାତେଙ୍କ ଇଡ଼କେ ଜିସୁ ଆଡ଼କିମେଣ୍ଡେ ଝାଡ଼ଞ୍ଜ ତ ବୁମ୍ତାଗ୍ ଲେକାଙ୍କ ପସ୍ପତଣ୍ଡ ।

୮ ଅଡ଼ ଆଗେ ନିସ୍ ମେଣ୍ଡେ ପ୍ରଶ୍ନ କେଲ୍ନାଙ୍କ, ଜିସୁ ତାଲେ ତେସ୍ ଅଡ଼କ୍ କେଡ଼ତାନ୍, “ମିୟାଗାଙ୍କ ବେନ୍ ବା ବାତେବା ପାପ୍ ମାଡ଼ନ୍, ଅଣ୍ ମୁନେ ଆଦିଙ୍କ କାଲ୍ ହେସିତନ୍ ।”

୯ ମେଣ୍ଡନ୍ଦାମ୍ ଅଣ୍ ଅଡ଼ମିକା ନେଲ୍ ଲେକାଙ୍କ ପସ୍ପତଣ୍ଡ ।

୧୦ ଆଦ କେଞ୍ଜି ଅଡ଼ ବେଡ଼ିୟନାଗାଙ୍କ ଆରାମ୍ ମାଡ଼ି ଝେରଣ୍ଡ ଝେରଣ୍ଡ ପେଇସ୍ ସାରେତଡ଼ ଆଦାଙ୍କ ପସ୍ପତଣ୍ଡ ।

୧୧ ମେଣ୍ଡେ, ଜିସୁ ତାଲେତେସ୍ ଆଦିଙ୍କ କେଡ଼ତଣ୍ଡ, “ଅଡ଼ ବେକେ ? ନିକିଂଙ୍କ ଦଣ୍ଡ ହିଦାଙ୍କ ଝେରଣ୍ଡବା ହିଲ୍ଲେଡ଼ ?”

୧୨ ଆଦ କେଡ଼ତେ, “ବେନ ଇଲାଡ଼, ପ୍ରବୁ ।” ତାନ୍ପେକେ ଜିସୁ ଆଦିଙ୍କ କେଡ଼ତଣ୍ଡ, “ନାନ୍ ବା ନିକିଂଙ୍କ ଦଷି ମାଡ଼ନ୍; ଅନ୍, ନେଣ୍ଡକଞ୍ଜି ମେଣ୍ଡେ ପାପ୍ ମାଡ଼ମା ।”

ଜିସୁ ଜଗଡ଼ତେ ଝେସ୍

୧୩ ☆ଜିସୁ ମେଣ୍ଡନ୍ ଦାମ୍ ନାରୁଡ଼କ୍ ଶିକ୍ଷା ଇସ୍ କେଡ଼ତଣ୍ଡ, “ନାନ୍ ଜଗଡ଼ତେ ଝେସ୍; ବେନ ନା ପେରକେ ଝାଡ଼ତଣ୍ଡ, ଅଣ୍ ବେସୁଙ୍କ ବା ଇକାଡ଼ତା ଆଦାଙ୍କ ପାର୍ଝଣ୍ଡ, ବେଲାନ୍ ଜିଝୁତେ ଝେସ୍ ଦରକିଡ଼ ।”

୧୪ ☆ଆଗାଙ୍କ ପାରୁଶୀନଡ଼ ଅଂକିଙ୍କ କେଡ଼ତଡ଼, “ନିମ୍ ନିଜେ ନିଜେଡ଼ ବିଷୟ ସାକ୍ଷ୍ୟ ଇଦୁତିନ୍, ନିଝାଦ୍ ସାକ୍ଷ୍ୟ ସଡ଼ ଆୟ୍ୟ ।”

୧୫ ଜିସୁ ଅଡ଼କ୍ ଉତ୍ତର ଇଡ଼ତନ୍, “ଇଲେ, ନାନ୍ ଯଦି ନିଜେଡ଼ ବିଷୟତେ ସାକ୍ଷ୍ୟ ଇଦୁତାନ୍ ଆଲେକେ ମିକା ନାଝାଦ୍ ସାକ୍ଷ୍ୟ ସଡ଼, ବାତେଙ୍କ ଇଡ଼କେ ନାନ୍ ବେନ୍ ପଡ଼ିୟେ ତାଗାଙ୍କ ଝାସ୍ ମିୟେନ୍ ନୁ ବେନ୍ ପଡ଼ିୟେତାଗ୍ ଆଦତନ୍, ଆଦ ପୁଡ଼ତାନ୍, ବାତେଙ୍କ ଇଡ଼କେ ନାନ୍ ବେନ୍ ପଡ଼ିୟେତାଗାଙ୍କ ଝାଡ଼ତାନ୍ ନୁ ବେନ୍ ପଡ଼ିୟେତାଗ୍ ଆଦତନ୍, ଆଦ ମିଡ଼ ପୁନ୍ଝିଡ଼ ।

୧୬ ମିଡ଼ ନାରୁଡ଼ ଲେକାମ୍ ବିଚାର୍ ମାଡ଼ ମାନୁଟ୍, ନାନ୍ ବେନନାଦ୍ ବିଚାର୍ ମାଡ଼ନ୍ ।

୧୭ ବାତେଙ୍କ ଇଡ଼କେ ନାନ୍ ଯଦି ବିଚାର ମାଡ଼ିତାନ୍, ଆଲେକେ ମିକା ନାଝାଦ୍ ବିଚାର ସତ୍; ବାତେଙ୍କ ଇଡ଼କେ ନାନ୍ ଝେରନ୍ ଆୟନ୍, ମାତର୍ ନାଝାଦ୍ ଝାଦାନକର୍ତ୍ତାଲ୍ ନା ସାଙ୍ଗେ ମିନ୍ଦେନ୍ ।

୧୮ ମେଣ୍ଟେ, ଇର୍ଉଡ଼ାଦ୍ ସାକ୍ଷ୍ୟ ସମାନ ଆଡ଼କେ, ଅଡ଼ କେତାନାଦ୍ ସତ୍, ଇଦ୍ ମିଇ ନିୟମ୍ତାର୍ ଲେକ୍ତାଦ୍ ମିନ୍ଦେ ।

୧୯ ନାନ୍ ନିଜେ ନିଜେତାଦ୍ ସାକ୍ଷି, ମେଣ୍ଟେ ନା ଝାଦାନ କର୍ତ୍ତାଲ୍ ବାବାଲ୍ ନା ବିଷୟତେ ସାକ୍ଷ୍ୟ ଇସମିନ୍ଦେନ୍ ।”

୨୦ ଆଗାଙ୍କ୍ ଅଡ଼ କେତାଙ୍କ୍ ପସ୍ପତ୍ତତ୍, “ମିଇ ବାବାଲ୍ ବେକେ ?” ଜିସୁ ଉତ୍ତର ଇଡ଼ତନ୍, “ମିଡ଼୍ ନାକିଂଙ୍କ୍ ପୁନ୍ଝିଡ଼୍ ବା ନା ବାବାଙ୍କ୍ ମିକା ପୁନ୍ଝିଡ଼୍ ଯଦି ନାକିଂଙ୍କ୍ ପୁନେଡ଼ି, ଆଲେକେ ନା ବାବାଙ୍କ୍ ଆନ୍ତେ ପୁନେଡ଼ି ।”

୨୧ ଅଣ୍ଟ ମନ୍ଦିର୍ତାର୍ ଶିକ୍ଷା ଇସମାନ୍ଦାନ୍ ଝେଲେ ଦାନବାନ୍ତ୍ ମାନ୍ଦାନ୍ ବାକ୍ତାତାର୍ ଆନ୍ତେ ଇଦ୍ସାରେ ଶିକ୍ଷା କେଡ଼ତଣ୍ଟ, ବାତେଙ୍କ୍ ଇଡ଼କେ ବେନ ଅଂକିଂଙ୍କ୍ ପଇୟଡ଼୍, ବାତେଙ୍କ୍ ଇଡ଼କେ ଅନାଦ୍ ଦିନାମ୍ ଆସୁଙ୍କ୍ଯାକ ଉପସ୍ଥିତ ଆୟିଝେ ମାଡ଼ତେ ।

ଜିସୁ ତାନ୍ ଆଦାନାଦ୍ ବିଷୟତେ ବବିଷ୍ୟବାଣି କେଡ଼ତଣ୍ଟ

୨୨ ଜିସୁ ମେଣ୍ଟନ୍ଦାମ୍ ଅଡ଼କିଂଙ୍କ୍ କେଡ଼ତଣ୍ଟ, “ନାନ୍ ଆଞ୍ଜିମିନ୍ଦେନ୍, ମେଣ୍ଟେ ମିଡ଼୍ ନାକିଂଙ୍କ୍ ମେହେକିତିଡ଼୍ ନୁ ମିଡ଼୍ ପାପ୍ତାର୍ ତଲିତିଡ଼୍, ନାନ୍ ବେଗେ ଆଦୁତାନ୍, ମିଡ଼୍ ଆଗେ ଆଦ୍ପାର୍ଝିଡ଼୍ ।”

୨୩ ତାନ୍ ପେର୍ବେକେ ଯିହୁଦୀନଡ଼୍ କେତାଙ୍କ୍ ପସ୍ପତ୍ତତ୍, “ଅଣ୍ଟ କେସମିନ୍ଦେନ୍, ଅଣ୍ଟ ବେଗେ ଆଦ୍ତନ୍, ମାନାଡ଼୍ ଆଗେ ଆଦେପାର୍ଝାଡ଼୍ । ଅଣ୍ଟ ଆଉକାନଙ୍କ୍ ମାଡ଼ାଙ୍କ୍ ଆଦୁତନ୍ କି ?”

୨୪ ଜିସୁ ଅଡ଼କ୍ କେଡ଼ତଣ୍ଟ, “ମିଡ଼୍ ଇଦ୍ ଜଗଡ଼କଞ୍ଜ୍ ଜନମ୍, ନାନ୍ ସ୍ପର୍ଗକଞ୍ଜ୍ ଜନମ୍, ମିଡ଼୍ ଇ ଜଗଡ଼ତଡ଼ି, ନାନ୍ ଇ ଜଗଡ଼ତଣ୍ଟ ଆୟ୍ଯ ।

୨୫ ମିଡ଼୍ ଯେ ନିଜେ ନିଜେ ପାପ୍ତାର୍ ତଲିତିଡ଼୍, ନାନ୍ ମିକିଂଙ୍କ୍ ଇଦ୍ କେଡ଼ତାନ୍; ବାତେଙ୍କ୍ ଇଡ଼କେ ‘ନାନ୍ ଯେ ନିଜେ ଅଣ୍ଟ, ଇଦ୍ ମିଡ଼୍ ବିଶ୍ବାସ୍ ମାଡ଼କର୍ ମାଡ଼କେ ନିଜେ ନିଜେ ପାପ୍ତାର୍ ତଲିତିଡ଼୍ ।”

୨୬ ଆଗାଙ୍କ୍ ଅଡ଼ ଅଂକିଂଙ୍କ୍ କେଡ଼ତଡ଼୍, “ନିମ୍ ବେନ ?” ଜିସୁ ଅଡ଼କିଂଙ୍କ୍ କେଡ଼ତଣ୍ଟ, “ଆଦ୍ଗର୍ ମୁନେନ୍ କେସମିନ୍ଦେନ୍ ।

୨୭ ମିଛ ବିଷୟ କେତାଙ୍କୁ ନୁ ବିଚାର ମାଡ଼ାଙ୍କୁ ନାଝାଦ୍ ନାରଗେ ଗଟି ମିଶ୍ରେ; ବାତେଙ୍କୁ ଇଡ଼କେ, ନା ଝାଦାନ କର୍ତ୍ତାଲ୍ ସତ୍, ମେଣ୍ଟେ ନାନ୍ ଅନାଗାଙ୍କୁ ବାତେଏ କେଞ୍ଜିତାନ୍, ଆଦ୍ ସାରେ ଜଗତ୍‌ତାଗ୍ କେସମିନ୍ଦେନ୍ ।”

୨୮ ଜିସୁ ତାନ୍ ବାବାନ୍ ବିଷୟ କେସମାଡ଼ତନ୍ ଆଦ୍ ଅଡ଼୍, ବୁଜେମ୍ ଆୟ୍‌ୟଡ଼୍ ।

୨୯ ଜିସୁ କେଡ଼ତଣ୍ଟ, “ବେସୁଙ୍କୁ ମିଡ଼୍, ନାରୁନ୍ ପିଲେତିଙ୍କୁ ପରର ତେସମାଡ଼ତିଡ଼୍, ଆସୁଙ୍କୁ ନାନ୍ ଯେ ଆଦ୍ ନାରୁନ୍ ନୁ ନାନ୍ ନିଜ୍‌ତାଗାଙ୍କୁ ବାତେଏ ମାଡ଼ଝେ ବେଲାନ୍ ବାବାଲ୍ ନାକିଂଙ୍କୁ ବେଦ୍‌ଲେକାମ୍ ଶିକ୍ଷା ଇଡ଼ତନ୍, ଆଦେଲେକାମ୍ ଇଦ୍ ସାରେ ଗଟି କେସମିନ୍ଦେନ୍, ଇଦ୍ ମିଡ଼୍, ପୁନ୍‌ତିଡ଼୍ ।

୩୦ ନା ବାବାଲ୍ ନା ସାଙ୍ଗେ ମିନ୍ଦେନ୍; ଅଣ୍ଟ ନାକିଂଙ୍କୁ ଝେରଙ୍କୁ ରହତଣ୍ଟ, ବାତେଙ୍କୁ ଇଡ଼କେ ନାନ୍ ସାରେଦାମ୍ ଅନାଦ୍ ସାୟେଡ଼୍ ପାଡ଼୍‌ୟି ମାଡ଼ତୁନ୍ ।”

୩୧ ଜିସୁ ଇଦ୍ ସାରେ ଗଟି କେଡ଼ତାଙ୍କୁ, ନାରଗେ ନାରୁଡ଼୍‌ଅନ୍‌ଆଗାଙ୍କୁ ବିଶ୍ୱାସ୍ ମାଡ଼ତଡ଼୍ ।

ସଡ଼ ମିକିଂଙ୍କୁ ମୁକ୍ତ ମାଡ଼ିତେ

୩୨ ତାନ୍‌ପେକେ ଜିସୁ ଅନାଗ୍ ବିଶ୍ୱାସ୍ ମାଡ଼ମାନ୍ଦାନ୍ ଯିହୁଦିନଡ଼କ୍ କେଡ଼ତଣ୍ଟ; “ଯଦି ନାଝାଦ୍ ବାକ୍ୟ ନିଜାମ୍ ପାଲନ୍ ମାଡ଼ିତିଡ଼୍, ଆଲେକେ ମିଡ଼୍‌ସାରେଦାମ୍ ନା ଶିଷ୍ୟଡ଼ି,

୩୩ ମେଣ୍ଟେ ମିଡ଼୍ ସଡ଼ ପେଇତିତିଡ଼୍, ନୁ ଆଦ୍ ସଡ଼ ମିକିଂଙ୍କୁ ମୁକ୍ତମାଡ଼ିତେ ।”

୩୪ ☆ଅଡ଼୍‌ଅକିଙ୍କୁ ଉତ୍ତର୍ ହିଡ଼ତଡ଼୍, “ମାମ୍‌ମେ ଅବ୍ରାହାମ୍ ବଂଶତେ ନାରୁମ୍, ମେଣ୍ଟେ ବେସୁଙ୍କୁ ମିକା ବେନନ୍ ଦାସ୍ ଆୟ୍‌ଝାଡ଼୍, ଆଲେକେ ମିଡ଼୍‌ମୁକ୍ତ ଆଦ୍‌ତିଡ଼୍‌ଈଞ୍ଜି ମିଡ଼୍‌ବେଲାକେଡୁତିଡ଼୍?”

୩୫ ଜିସୁ ଅଡ଼କ୍ ଉତ୍ତର୍ କେଡ଼ତଣ୍ଟ, “ସଡ଼ ନାନ୍ ମିକିଂଙ୍କୁ କେଡୁତାନ୍, ବେନବା ପାପ୍ ମାଡ଼ିତନ୍, ଅଣ୍ଟ ପାପ୍ ତେ ଦାସ୍ ।

୩୫ ଦାସ ସାରେ ଦିନାତାତ୍ ସେଙ୍ଗେ ପରିବାରତେ ଖେରନ୍ ଆସ୍‌ମାନନ୍ । ବାତେଙ୍କିକ୍‌କେ ପରିବାରତେ ମାର୍‌ଦେ ପଡ଼ିୟେ ସାରେଦିନା ମାନତେ ।

୩୬ ମାର୍‌ ଯଦି ମିକିଂଙ୍କ ମୁକ୍ତ ମାଡ଼ିତନ୍, ଆଲେକେ ମିଡ଼୍‌ ପ୍ରକୃତରେ ମୁକ୍ତ ଆସ୍‌ମାନତିଡ଼୍ ।

୩୭ ମିଡ଼୍‌ ଯେ ଅବ୍ରାହାମ୍‌ ତେ ପିଲା, ଆଦ୍‌ ନାନ୍ ପୁତ୍ରତାନ୍; ବାତେଙ୍କି ଇଡ଼କେ ନାଝାଦ୍‌ ବାକ୍ୟ ମିଇ ଜିଝେତାଗ୍‌ ଇଲ୍‌ଝାଙ୍କି ମିଡ଼୍‌ ନାକିଂଙ୍କ ଆଉକାନଙ୍କି ଚେଷ୍ଟା ମାଡ଼ିଡ଼ିଡ଼୍ ।

୩୮ ନାନ୍ ବାବାନ୍ ପାକେ ବାଡ଼ ବାଡ଼ ଉଡ଼ିମିୟେନ୍, ଆଦ୍‌ ସାରେ କେସ ମିୟେନ୍; ମିଡ଼୍‌ ମିକା ମିଇ ବାବାନ୍ ନାଗାଙ୍କି ବାଡ଼ ବାଡ଼ କେସମିୟେନ୍ ଆଦ୍‌ ସାରେ ମାଡ଼ାଟ୍ ।”

୩୯ ଅଡ଼୍‌ ଅଂକିଙ୍କି ଉତ୍ତର କେଡ଼ତଡ଼୍‌, “ଅବ୍ରାହାମ୍‌ ମାନ୍ ବାବାଲ୍‌,” ଜିସୁ ଅଡ଼୍‌କି କେଡ଼ତଡ଼୍‌, “ଯଦି ମିଡ଼୍‌ ଅବ୍ରାହାମ୍‌ତେ ପିଲାନତି, ଆଲେକେ ଆବ୍ରାହାମ୍‌ ତେ ପାଡ଼ିୟି ମାଡ଼ାଟ୍‌;

୪୦ ବାତେଙ୍କି ଇଡ଼କେ ଯେ ଇଶ୍‌ରାତାଗାଙ୍କି କେଞ୍ଜିମାୟାନ୍ ସଡ଼ ମିକିଂଙ୍କି କେସମିୟେନ୍, ଇଦ୍‌ଲେକାମ୍‌ ନାରୁନ୍ ଯେ ନାନ୍, ନାକିଂଙ୍କି ମିଡ଼୍‌ ଇଞ୍ଜେ ଆଉକାନଙ୍କି ଚେଷ୍ଟା ମାଡ଼ିଡ଼ିଡ଼ି; ଅବ୍ରାହାମ୍‌ ଇଦ୍‌ଲେକାମ୍‌ ପାଡ଼ିୟି ମାଡ଼ିଡ଼ି ।

୪୧ ମିଡ଼୍‌ ମିଇ ବାବାନ୍ କାମ୍‌ସାରେ ମାଡ଼ିମିୟେଡ଼ି,” ଅଡ଼୍‌ ଜିସୁଙ୍କି କେଡ଼ତଡ଼୍‌, “ମାମ୍‌ମେ ବ୍ୟବିଚାର୍‌ ଲେକାମ୍‌ ଇଲେମ୍‌ ମାୟାଗାଙ୍କି ମାଡ଼ର୍‌ ଖେରନ୍ ବାବାଲ୍‌, ଅଣ୍‌ ଇଶ୍‌ର ।”

୪୨ ଜିସୁ ଅଡ଼୍‌କିଂଙ୍କି କେଡ଼ତଡ଼୍‌, “ଇଶ୍‌ର ଯଦି ମିଇ ବାବାଲ୍‌ ଆୟେଣ୍‌, ଆଲେକେ ମିଡ଼୍‌ ନାକିଂଙ୍କି ପ୍ରେମ ମାଡ଼େଡ଼ି; ବାତେଙ୍କି ଇଡ଼କେ ନାନ୍ ଇଶ୍‌ରତାଗାଙ୍କି ଝାସ୍‌ ଇଞ୍ଜେ ହିଗେ ମିୟେନ୍; ନାନ୍ ନିଜେ ତାଗାଙ୍କି ଝାଡ଼ନ୍ ବାତେଙ୍କି ଇଡ଼କେ ଅଣ୍‌ ନାକିଂଙ୍କି ରହସ୍‌ମିୟେନ୍ ।

୪୩ ନାନ୍ ବାତେଏ କେଡ଼ୁତାନ୍ ମିଡ଼୍‌ ବାଡ଼ତିଙ୍କି ନା ଗଟି ବୁଜେମ୍‌ ଆୟୁଡ଼ିଡ଼ି? ବାତେଙ୍କି ଇଡ଼କେ ମିଡ଼୍‌ ନାଝାଦ୍‌ ବାକ୍ୟ କେଞ୍ଜି ସାରେ ମାଡ଼ପେ ପାଡ଼ିଡ଼ି ।

୪୪ ମିଡ଼୍‌ ମିଇ ବାବାଲ୍‌ ଶୟତାନ୍‌ତେ ମାର୍‌; ଅନ୍‌ ଇଚ୍ଛାତେ ପାଡ଼ିୟି ମାଡ଼ାଙ୍କି ଇଚ୍ଛା ମାଡ଼ିଡ଼ିଡ଼ି । ସୃଷ୍ଟିଆତେ ମୁନେଙ୍କି କଞ୍ଜି ମାଡ଼ତନ୍‌ ଆଞ୍ଜୁକାନାଦ୍‌ । ଅଣ୍‌ ବେସୁଙ୍କିବା ସଡ଼ତେ ବାବାଲ୍‌ ଆୟନ୍‌ ବାତେଙ୍କି

ଇତ୍ତକେ ଅନାଗେ ସୁଦୁର୍ ମିକା ସତ୍ ଇଲ୍ଲଲେ । ମିତ୍ କେତାନାଦ୍ ଅନାଗ୍ ସ୍ବାବାବିକ୍ । ବାତେଙ୍କ୍ ଇତ୍ତକେ ଅଣ୍ଟ ନିଜେ ମିତ୍ୟାବାଦି ନୁ ସୁଦୁର୍ ମିତ୍ୟାତେ ବାବାଲ୍ ।

୪୫ ବାତେଙ୍କ୍ ଇତ୍ତକେ ନାନ୍ ସତ୍ କେଲ୍ଲନାଙ୍କ୍ ମିତ୍ ନାକିଂଙ୍କ୍ ବିଶ୍ବାସ୍ ମାଡ଼ୁଞ୍ଚିତ୍ ।

୪୬ ନାୟାଗ୍ ପାପ୍ ମିନ୍ଦେଇଞ୍ଜ ମିୟାଗାଙ୍କ୍ ବେନ ପ୍ରମାନ୍ ଇତ୍ତତ୍ତ୍ ? ନାନ୍ ବେସୁଙ୍କ୍ ସତ୍ କେତିତାନ୍, ଆଲେକେ ମିତ୍ ବାଡ଼ତିଙ୍କ୍ ନାକିଂଙ୍କ୍ ବିଶ୍ବାସ୍ ମାଡ଼ୁଞ୍ଚିତ୍ ?

୪୭ ବେନ ଇଶ୍ବରତାଗାଙ୍କ୍ ଜନମ୍, ଅଣ୍ଟ ଇଶ୍ବରତେ ବାକ୍ୟ କେଞ୍ଜିତଣ୍ଟ୍; ଇଦିନ୍ ମାଇଦିଙ୍କ୍ ମିତ୍ କେଞ୍ଜିଞ୍ଚିତ୍, ବାତେଙ୍କ୍ ଇତ୍ତକେ ମିତ୍ ଇଶ୍ବରତାଗାଙ୍କ୍ ଜନମ୍ ଆୟଞ୍ଚିତ୍ ।”

ଜିସୁ ନୁ ଆବ୍ରାହାମ୍

୪୮ ଯିହୁଦୀନତ୍ ଜିସୁଙ୍କ୍ ପାରାମାଡ଼ତ୍ତତ୍, “ନିମ୍ ଯେ ଝେରନ୍ ଶୋମିରଶିୟ ନୁ ନିକିଂଙ୍କ୍ ଯେ ବୁଡ଼ ପଇସ୍ମିନ୍ଦେ, ଇଦ୍ ବାତେଏ ମାମ୍ମେ ଟିକ୍ କେଲମ୍ କି ?”

୪୯ ଜିସୁ ଅଡ଼କିଂଙ୍କ୍ ଉତ୍ତର ହିତ୍ତଣ୍ଟ୍, “ନାକିଂଙ୍କ୍ ବୁଡ଼ ପୟ୍ୟ, ନାନ୍ ନା ବାବାଙ୍କ୍ ସମାଦର୍ ମାଡ଼ୁତାନ୍, ବାତେଙ୍କ୍ ଇତ୍ତକେ ମିତ୍ ନାକିଂଙ୍କ୍ ଅନାଦର୍ ମାଡ଼ୁତିତ୍ ।

୫୦ ବାତେଙ୍କ୍ ଇତ୍ତକେ ନାନ୍ ନିଜେ ନିଜେତ୍ ଗୌରବ୍ତେ ପେରକେ ଆନୁର୍; ବାତେଙ୍କ୍ ଇତ୍ତକେ ଇଦ୍ ଗର୍ ନା ସେଙ୍ଗେ ମେଣ୍ଟେଅର୍ତୁନ୍ ନୁ ନା ପାକେଙ୍କ୍ ବିଚାର୍ ମାଡ଼ିତନ୍ ।

୫୧ ସତ୍ ନାନ୍ ମିକିଂଙ୍କ୍ କେସ୍ମିନ୍ଦେନ୍, ବେନ ନାଞ୍ଜାଦ୍ କେତାନାଦ୍ ପାଲନ୍ ମାଡ଼ିତନ୍, ଅଣ୍ଟ ବେସୁଙ୍କ୍ବା ତଲନ୍ ।”

୫୨ ଯିହୁଦୀନତ୍ ଅଂକିଙ୍କ୍ କେଡ଼ତ୍ତତ୍, “ଇଞ୍ଜେ ମାମ୍ମେ ପୁଡ଼ତମ୍ ଯେ, ନିକିଂଙ୍କ୍ ବୁଡ଼ପଇସ୍ ମିନ୍ଦେ, ଅବ୍ରାହାମ୍ ନୁ ବାବବାଦିଡ଼ି ତଲିମିନ୍ଦେଡ଼, ମେଣ୍ଟେ ନିମ୍ କେଡୁତିନ୍, ଯଦି ବେନ ନାଞ୍ଜାଦ୍ କେତାନାଦ୍ ପାଲନ୍ ମାଡ଼ିତନ୍, ଆଲାଇତ୍ତକେ ଅନାଗେ ବେସୁଙ୍କ୍ବା ତଲନାଦ୍ ମାନ୍ନ ।

୫୩ ମା ଆନିଦାଦିଡ଼ି ତଲିମିନ୍ଦେଡ଼ ନୁ ବାବବାଦିଡ଼ି ମିକା ତଲ୍ଲତ୍ତତ୍, ବାବାନି ଅବ୍ରାହାମ୍ ଲେକାମ୍ ନିମ୍ ସାୟେ ? ଅଣ୍ଟ ତ ତଲିମିନ୍ଦେନ୍, ନିମ୍ ନିଜ୍ତିଙ୍କ୍ ବେନ ଇଞ୍ଜ କେଡୁତିନ୍ ?”

୪୪ ଜିସୁ ଉତ୍ତର ହିତତଣ୍ଡ, “ନାନ୍ ଯଦି ନିଜ୍ଜିଙ୍କ ଗୌରବ୍ ବାନ୍ଧିତ ମାଡ଼ାଙ୍କ ଚେଷ୍ଟା ମାଡ଼େନ୍ ଇଦିନାଦ୍ ବାତେବା ମୁଲ୍ୟ ମାନ୍ନ ଆୟେଡ୍ । ବେନ ନାକିଂଙ୍କ ଗୌରବ୍ ବାନ୍ଧିତ ମାଡ଼ିତନ୍, ଅଣ୍ଡ ନା ବାବାଲ୍, ବେନଙ୍କ ମିଡ୍ ନିଜେଡ୍ ଇଶ୍ବର ଇଞ୍ଜ କେତୁତିଡ୍ ।

୪୫ ମିଡ୍ ଅଂକିଙ୍କ ବେସୁଙ୍କ ପୁନଃଡ୍, ବାତେଙ୍କ ଇଡ୍ କେ ନାନ୍ ଅଂକିଙ୍କ ପୁଡ୍ ତାନ୍ । ନାନ୍ ଅଂକିଙ୍କ ପୁନନ୍ ଇଞ୍ଜ ଯଦି କେଡିତାନ୍, ଆଲେକେ ନାନ୍ ମିକା ମିଇ ଲେକାମ୍ ମିତ୍ୟାବାଦି ଆଦତନ୍, ନାନ୍ ଅଂକିଙ୍କ ପୁଡ୍ ତାନ୍ ନୁ ଅନାଦ୍ ବାକ୍ୟ ପାଲନ୍ ମାଡ୍ ତୁନ୍ ।

୪୬ ମିଇ ବାବାଲ୍ ଅବ୍ରାହାମ୍ ନାଞ୍ଜାଦ୍ ଝାଦାନାଦ୍ ଦିନ୍ ଉଡାଙ୍କ ଆଗେତେ ଝେଡ୍ କିତନ୍, ମେଣ୍ଡେ ଆଦ୍ ଅଣ୍ଡ ଉଡି ଝେଡ୍ କା ମାଡିତଡ୍ ।”

୪୭ ଅବ୍ରାହାମ୍ ତାଗାଙ୍କ ଯିହୁଦିନଡ୍ ଅଂକିଙ୍କ କେଡ୍ ତଡ୍, “ନିକିଂଙ୍କ ତ ଇଞ୍ଜେ ପଚାଶବର୍ଷ ବୟଷ୍ ମିକା ଆୟକେ, ନିମ୍ ବାତେଏ ଅବ୍ରାହାମ୍ ତିଙ୍କ ଉଡ୍ ତିନ୍ ?”

୪୮ ଜିସୁ ଅଡ୍ କ କେଡ୍ ତଣ୍ଡ, “ସଡ୍ ନାନ୍ ମିକିଂଙ୍କ କେଡ୍ ତାନ୍, ଅବ୍ରାହାମ୍ ତେ ଜନମ୍ ମୁନେଙ୍କ କନ୍ସ୍ ନାନ୍ ମିନ୍ଦେନ୍ ।”

୪୯ ଆଗାଙ୍କ ଅଡ୍ ଅନ୍ ପର୍ବ ହେସାନ୍ ମାଲଦିଙ୍କ କାଲ୍ କ୍ ପେହେକ୍ ତଡ୍, ବାତେଙ୍କ ଇଡ୍ କେ ଜିସୁ ମଞ୍ଜି ମନ୍ଦିର୍ ତାଗାଙ୍କ ପେଇସ୍ ଆଡ୍ ତଣ୍ଡ ।



ଜିସୁ ଜନମ୍ କାନାନ୍ କୋଣ୍ଡାଙ୍କ ଝେସ୍ ହିତତଣ୍ଡ

୧ ଜିସୁ ହାର୍ ଦାଗ୍ ଆଦାନ୍ ଝେଲେ ଝେରଣ୍ଡ ଜନମ୍ କାନାଙ୍କ ଉଡ୍ ତଣ୍ଡ ।

୨ ମେଣ୍ଡେ, ଅନ୍ ଶିଷ୍ୟନଡ୍ ଅଂକିଙ୍କ ପାତ୍ରାମାଡ୍ ତଡ୍, “ହୋ ଗୁରୁ, ବେନ ପାପ୍ ମାଡ୍ ତାଙ୍କ ଇଣ୍ଡ କାନାଲ୍ ଆସ୍ ମିନ୍ଦେଣ୍ଡ ? ତାନ୍ ନିଜେତାଦ୍ ନା ତାମ୍ ଯାୟ୍ ବାବାଲଡାଦ୍ ?”

୩ ଜିସୁ ଉତ୍ତର ହିତତଣ୍ଡ, “ଅନ୍ ଝାଦ୍ ବା ଅନ୍ ଯାୟ୍ ବାବାଲ୍ ପାପ୍ ମାଡ୍ ତଡ୍, ବାତେଙ୍କ ଇଡ୍ କେ ଇଶ୍ବରତେ ଶକ୍ତିତାଦ୍ ପାଡ୍ ଯି ବେଲାନ୍ ଇନାଗେ ତିଆର୍ ଆଦ୍ ତେ, ଆଦିନ୍ ସେଙ୍ଗେ ଇଦ୍ ଗଟେମ୍ ଆଦ୍ ତେ ।

୪ ଦିନାମ୍ ମାଞ୍ଜୁ ମାଞ୍ଜୁ ନା ଝାଦାନକର୍ତ୍ତାଲ୍ ଇଶ୍ବରତେ ପାଡ଼ନ୍ତି ମାଡ଼ାଙ୍କୁ ମାନାଦ୍ ପାଡ଼ନ୍ତି; ବେନ୍ ସମୟତେ ବେନ୍ ପାଡ଼ନ୍ତି ମାଡ଼େପାର୍ବଣ୍ଡ, ଇଦ୍ଲେକାମ୍ ଇକାଡ଼୍ ଝାସମିନ୍ଦେ ବେସୁଟ୍ ବେନ ବାତେଏ ପାଡ଼ନ୍ତି ମାଡ଼େପାର୍ବଣ୍ଡ ।

୫ *ନାନ୍ ବେସୁଙ୍କୁଯାକ ଜଗଡ଼ତାର୍ ମିନ୍ଦେନ୍, ଆସୁଟେ ଯାକ ନାନ୍ ଜଗଡ଼ତେ ଖେସ୍ ।”

୬ ଇଦ୍ କେଡ଼ତେ ପେରକେ ଜିସୁ ନେଲ୍ ଉସି ଅଣ୍ଡ ଉସ୍ତାଦିନ୍ ତଡ଼୍, ବୁରୁଦା ମାଡ଼ତଣ୍ଡ, ମେଣ୍ଡେ ଅନାଦ୍ ରେଣ୍ଡେ କଣ୍ଡାନାଗ୍ ବୁରୁଦା ତମି ଅଂକିଙ୍କ୍ କେଡ଼ତଣ୍ଡ,

୭ ଅନ୍, “ଶିଲୋହ* ଏରଞ୍ଜିନାଗ୍ ମକମ୍ ନରମ୍ ।” ଆଗାଙ୍କ୍ ଅଣ୍ଡ, ପେଇସ୍ ଆଞ୍ଜ ନରତଣ୍ଡ ନୁ ଅଂକିଙ୍କ୍ କଣ୍ଡା ତନ୍ତା ।

୮ ଅନ୍ ଗାରେତଡ଼୍ ନାରୁଡ଼୍ ନୁ ବେନଡ଼୍ ଅଂକିଙ୍କ୍ ମୁନେଙ୍କ୍ ତାଲକାନାଦ୍ ଉଡ଼ିମାଡ଼ତଡ଼୍, ଅଡ଼୍ କେଡ଼ତଡ଼୍, “ଇ ନାରୁନ୍ ବାତେଏ କୁଦି ତାଲକମାନନ୍ ?”

୯ ବେନ କେଡ଼ତଡ଼୍, “ଇଣ୍ଡ ତ ଅଣ୍ଡେ;” ମେଣ୍ଡେ ବେନ୍ ବେନ କେଡ଼ତଡ଼୍, “ଇଲା, ଇଣ୍ଡ, ଅନ୍ ଲେକାମ୍ ।”

ବାତେଙ୍କ୍ ଇଡ଼କେ ଅଣ୍ଡ କେଡ଼ତଣ୍ଡ, “ନାନ୍ ଆ ନାରୁନ୍ ।”

୧୦ ଆଗାଙ୍କ୍ ଅଡ଼୍ ଅଂକିଙ୍କ୍ କେଡ଼ତଡ଼୍, “ଆଲାଈଡ଼କେ ନିୟାଉ କୋଣ୍ଡା ବେଲା ତନ୍ତା ?”

୧୧ ଅଣ୍ଡ ଉଉର୍ କେଡ଼ତଣ୍ଡ, “ବେନଙ୍କ୍ ଜିସୁ ଇଞ୍ଜ କେଡିତଡ଼୍, ଆ ନାରୁଣ୍ଡ ବୁରୁଦା ମାଡ଼ି ନାଝାଉ ରେଣ୍ଡ କୋଣ୍ଡାନାଗ୍ ବୁରୁଦା ତମିଡ଼ତଣ୍ଡ, ମେଣ୍ଡେ ନାକିଂଙ୍କ୍ କେଡ଼ତଣ୍ଡ, ଶିଲହ ତାର୍ ଆଞ୍ଜ ମକମ୍ ନରମ୍, ଆଦିଙ୍କ୍ ନାନ୍ ପେଇସ୍ ଆଞ୍ଜ ନରତାନ ନୁ ମେଣ୍ଡେ ନାଝାଉ କଣ୍ଡା ତନ୍ତା ।”

୧୨ ଅଡ଼୍ ଅଂକିଙ୍କ୍ କେଡ଼ତଡ଼୍, “ଅଣ୍ଡ ବେକେ ?” ଅଣ୍ଡ କେଡ଼ତଣ୍ଡ, “ନାନ୍ ପୁନନ୍ ।”

ପାରୁଶୀଡ଼୍ ହି ପାଡ଼ିୟିଦାଗ୍ ତୋଡ଼୍ ଆଦତନ୍

୧୩ ବେନ ମୁନେଙ୍କ୍ କାନାଲ୍ ମାଡ଼ତଣ୍ଡ, ଅଡ଼୍ କାନାଙ୍କ୍ ପାରୁଶୀନଡ଼୍, ପାକେ ତାଡ଼ତଡ଼୍ ।

☆ ୯:୫ ମାଡ଼ିଉ ୫:୧୪; ଯୋହନ୍ ୮:୧୨.

* ୯:୬ ହିଦିନ୍ ଇଡ଼କେ ପ୍ରେରିଡ଼୍

୧୪ ଜିସୁ ବେନ ଦିନ୍ ବୁରୁଦା ମାଡ଼ି ଅନ୍ କୋଣ୍ଡାଙ୍କୁ ଖେସ୍ ମାଡ଼ତଣ୍ଡ, ଆଦ ଦିନ୍ ବିଶ୍ୱାମ୍ବିନେ ଦିନ୍ ମାଡ଼ତେ ।

୧୫ ଅଣ୍ଡ ବେଲା କଣ୍ଡା ଉଡ଼ତଣ୍ଡ, ଆଦ ପାରୁଣୀଡ଼ ମିକା ଅଂକିଙ୍କୁ ମେଣ୍ଡନ୍ୟାମ୍ କେତାନଙ୍କୁ କେଡ଼ତଡ଼, ଆଗାଙ୍କୁ ଅଣ୍ଡ ଅଡ଼ଙ୍କୁ କେଡ଼ତଣ୍ଡ, “ଅଣ୍ଡ ନା କଣ୍ଡାନାଗ୍ ବୁରୁଦା ତମିଡ଼ତଣ୍ଡ, ତାନ୍ପେକେ ନାନ୍ ଶିଲହ୍ ତାଗ୍ ଆଞ୍ଜ ନରତାନ୍ ନୁ ଉଡ଼ପାରତାନ୍,” ଇଞ୍ଜେ ନାନ୍ ଉଡ଼ପାରତାନ୍ ।

୧୬ ପାରୁଣୀଡ଼ ଡାଗାଙ୍କୁ ବେନ କେଡ଼ତଡ଼, “ବେନ ଇ ପାଡ଼ୟି ମାଡ଼ତଣ୍ଡ, ଅଣ୍ଡ ଇଶ୍ୱରତାଗାଙ୍କୁ ଖାଡ଼ନ୍, ବାତେଙ୍କୁ ଇଡ଼କେ ବିଶ୍ୱାମ୍ବିନେ ପାଲନ୍ ମାଡ଼ନ୍ ।”

ବାଗାତଡ଼ କେଡ଼ତଡ଼, “ଝେରନ୍ ପାପି ଆସ୍ ଇଦ୍ ଲେକାମ୍ ଆଶୟ୍ୟ୍ ପାଡ଼ୟି ମାଡ଼େପାରତନ୍ ?” ଇ ବିଷୟ ତେ ଅଡ଼ଲୋପେ ମତବେଦ ଆଡ଼ତେ ।

୧୭ ତାନ୍ପେକେ ଅଡ଼ ମେଣ୍ଡନ୍ୟାମ୍ ଆଦ କାନାଙ୍କୁ ପରାଠା ମାଡ଼ତଡ଼, “ଅଣ୍ଡ ଯେ ନି କଣ୍ଡାଙ୍କୁ ସାୟେ ମାଡ଼ତେନଣ୍ଡ, ଆଗାଙ୍କୁ ନିମ୍ ଅନ୍ ବିଷୟତେ ବାତେଏ କଡୁଡିନ୍ ?”

ଅଣ୍ଡ କେଡ଼ତଣ୍ଡ, “ଅଣ୍ଡ ଝେରଣ୍ଡ ବାବବାଦି ।”

୧୮ ଅଣ୍ଡ ଯେ କାନାଲ୍ ମାଡ଼ତଣ୍ଡ ମେଣ୍ଡେ କଣ୍ଡା ତନ୍ଦିତା, ଆ କାନାନ୍ ଯାୟ ବାବାଲ୍ କେଲ୍ଝେ ଯାକ ଯିହୁଦୀ ନେତାନଡ଼ ଆଦ ଅନ୍ ମୁନେ ବିଶ୍ୱାସ୍ ମାଡ଼ତ ।

୧୯ ଅଡ଼ ଯାୟ ବାବାଙ୍କୁ କେଡ଼ତଡ଼, ମିଇ ବେନ୍ ମାର୍ କାନାଲ୍ ଆସ୍ ଜନମ୍ ଆସ୍ମାଡ଼ତଣ୍ଡ ଇଞ୍ଜ କେସମିନ୍ଦେଡ଼ି, “ଇଣ୍ଡ ବାତେଏ ମିଇ ମାର୍ ? ଆଲାଈଡ଼କେ ଅଣ୍ଡ ବେଲା ଇଞ୍ଜେ ଉଡ଼ତୁଣ୍ଡ ?”

୨୦ ଆଗାଙ୍କୁ ଅନ୍ ଯାୟବାବାଡ଼ ଅଡ଼କିଂଙ୍କୁ କେଡ଼ତଡ଼, “ଇଣ୍ଡ ଯେ ମାନ୍ ମାର୍ ନୁ ଇଣ୍ଡ ତ କାନାଲ୍ ଆସ୍ ଜନମ୍ ଆସ୍ ମାଡ଼ତଣ୍ଡ ଇଦ୍ ଯେ ମାମମେ ପୁଡ଼ତମ୍;

୨୧ ବାତେଙ୍କୁ ଇଡ଼କେ ଇଣ୍ଡ ବେଲା ଇଞ୍ଜେ ଉଡ଼ତୁଣ୍ଡ, ଆଦ ପୁନମ୍, ବେନ ଅନାହୁ କଣ୍ଡା ସାୟେମାଡ଼ିଡ଼ତଣ୍ଡ, ଆଦ ବାଡ଼େ ମାମମେ ପୁନମ୍, ଅଂକିଙ୍କୁ କେଲ୍ମୁର୍, ଅଣ୍ଡ ତ ବୟସ୍ତେ ମିନ୍ଦେଣ୍ଡ, ଅଣ୍ଡ ମିଇ ଗଟି ଜାମେ କେଡ଼ିତଣ୍ଡ ।”

୨୨ ତାମ ଯାୟ ବାବାଲତ୍ ଯିହୁଦୀ ନେତାନତ୍ ଖେରସ୍‌ମାନାଙ୍କ ଇଦ୍ ସାରେ ଗଟି କେତତତ୍, ବାତେଙ୍କ ଇତକେ ଯଦି ବେନ ଆଦିଙ୍କ ମସିହ ଇଞ୍ଜ ସ୍ୱୀକାର୍ ମାଡ୍‌କେ, ଆଲେକେ ଅଣ୍ଟ ସମାଜ୍ ବାଇଦେ ମାଡ୍‌ନାଙ୍କ ଇଞ୍ଜ ମୁନେଙ୍କ ଯିହୁଦୀନତ୍ ଖେରତ୍ ମାନ ଆସ୍‌ମାଡ୍‌ତତ୍ ।

୨୩ ଆଦିନ୍ ମାଇଦିଙ୍କ ଅନ୍ ଯାୟ ବାବାଲ୍ କେତତତ୍, “ଅଣ୍ଟ ବୟସ୍‌ତେ ମିନ୍ଦେଣ୍ଟ ଅଂକିଙ୍କ କେଲ୍‌ମୁର୍ ।”

୨୪ ଆଗାଙ୍କ ମୁନେଙ୍କ କଞ୍ଜ କାନାଲ୍ ଆସ୍ ମାୟାନ୍ ନାରୁଙ୍କ ଅଡ୍ ଦ୍ୱିତିୟ ଦାମ୍ କେତତତ୍, “ଇଶ୍‌ତିଙ୍କ ସମ୍ମାନ ଇସ୍ କେତତଣ୍ଟ, ଅଣ୍ଟ ଯେ ପାପି, ଇଦ୍‌ମାମେ ପୁଡ୍‌ତମ୍ ।”

୨୫ ଆଗାଙ୍କ ଅଣ୍ଟ ଅଡ୍‌କ୍ କେତତଣ୍ଟ, “ଅଣ୍ଟ ପାପି କି ଇଲ୍‌ଲେ, ନାନ୍ ଆଦ୍ ପୁନନ୍; ନାନ୍ ଅଣ୍ଟୟ ବିଷୟ ପୁତାନ୍, ନାନ୍ କାନାଲ୍ ଆସ୍ ମାତାନ୍, ଇଞ୍ଜେ ଉଡେ ପାର୍‌ଦୁତାନ୍ ।”

୨୬ ଆସୁଙ୍କ ଅଡ୍ ଅଂକିଙ୍କ କେତତତ୍, “ଅଣ୍ଟ ନିକିଂଙ୍କ ବାତେଏ ମାଡ୍‌ତିନ୍ ? ଅଣ୍ଟ ବେଲା ନିୟାଉ କଣ୍ଟାଙ୍କ ସାୟେମାଡ୍‌ତଣ୍ଟ ?”

୨୭ ଅଣ୍ଟ ଅଡ୍‌କିଂଙ୍କ କେତତଣ୍ଟ, “ନାନ୍ କେସ୍ ତେରତାନ୍, ମେଣ୍ଟେ ମିଡ୍‌କେଞ୍ଜିଡ୍‌ତ୍; ବାତେଙ୍କ ମେଣ୍ଟନ୍‌ୟାମ୍ କେଞ୍ଜାଙ୍କ ଇଛା ମାଡ୍‌ତୁଡ୍ ?” ବାତେଙ୍କଈକ୍ ମିଡ୍‌ଆନ୍‌ତେ ଅନ୍ ଶିଷ୍ୟ ଆଡ୍‌ତାଙ୍କ ଇଛା ମାଡ୍‌ତୁଡ୍ ।

୨୮ ଆଗାଙ୍କ ଅଡ୍ ଅଂକିଙ୍କ ଅବିଶାପ୍ ଇସ୍ କେତତତ୍, “ନିମ୍ ଆଗେଡ୍ ଶିଷ୍ୟ, ମାମ୍‌ମେ ମୋଶାନ୍ ଶିଷ୍ୟ ।

୨୯ ମାମ୍‌ମେ ପୁଡ୍‌ତମ୍ ଯେ, ଇଶ୍‌ବର ମୋଶାଙ୍କ ଗର୍ କେସ୍‌ମିନ୍ଦେଣ୍ଟ, ବାତେଙ୍କ ଇତକେ ଇ ନାରୁଣ୍ଟ ବେଗାଙ୍କ ଝାସ୍‌ମିନ୍ଦେଣ୍ଟ, ଆଦ୍ ମିକା ମାମ୍‌ମେ ପୁନମ୍ ।”

୩୦ ଆ ନାରୁଡ୍ ଅଂକିଙ୍କ ଉତ୍ତର ହିଡ୍‌ତଣ୍ଟ, ଅଣ୍ଟ ନା କଣ୍ଟାଙ୍କ ସାୟେମାଡ୍‌ ମିନ୍ଦେଣ୍ଟ, ମେଣ୍ଟେ ଅଣ୍ଟ ବେଗାକନ୍‌ସ୍ ଝାଡ୍‌ତଣ୍ଟ, ଆଦ୍ ମିଡ୍‌ ପୁନ୍‌ଝିଡ୍, “ଇଦ୍ ତ ଆଗର୍‌ୟ ଗର୍ । ଅଂକିଙ୍କ ମିଡ୍‌ ପୁନ୍‌ଝିଡ୍ ।

୩୧ ଇଶ୍‌ବର ଯେ ପାପାଡ୍ ଗଟି କେଞ୍ଜଣ୍ଟ, ଇଦ୍ ମାମ୍‌ମେ ପୁଡ୍‌ତମ୍, ବାତେଙ୍କ ଇତକେ ଯଦି ବେନ ଇଶ୍‌ବରତେ ବକ୍ତ ଆସ୍ ଅନାଦ୍ ଇଛା ସାଦନା ମାଡ୍‌ତିନ୍, ଆଲେକେ ଆଦ୍ ଅନ୍ ଗର୍ କେଞ୍ଜିଡ୍ ।

୩୨ ତିଆରତେ ଆରାମ୍ ଆଡ୍‌ତାଗାଙ୍କ ବେନ କାନାଙ୍କ କଣ୍ଟାଙ୍କ ସାୟେମାଡ୍‌ତଣ୍ଟ, ଇଦ୍ ତ ବେସୁଙ୍କ କେଞ୍ଜିଝେ ମାଡ୍‌ତମ୍ ।

୩୩ ଇ ନାରୁଡ଼, ଇଶ୍ବର ତାଗାଙ୍କୁ ଝାଡ଼ଝେକଟ ମାଡ଼କେ ଅଣ୍ଟ ବେସ୍ବର ହିଦ୍ ପାଡ଼ି ମାଡ଼େପାରୁଣ୍ଟ ଆୟେଣ୍ଟ ।”

୩୪ ଅଡ଼ ଅଂକିଙ୍କ ଉତ୍ତର ହିଡ଼ତଡ଼, “ନିମ୍ ତ ସାରେ ପାପ୍ ତାଗାଙ୍କୁ ଜନମ୍ ଆଦିଡ଼ ନୁ ପାପ୍ତାଗ୍ ପେରସ୍ତି, ମେଣ୍ଟେ ନିମ୍ ମାକିଙ୍କୁ ଶିକ୍ଷା ଇଦୁଡିନ୍ ?” ଆଗାଙ୍କୁ ଅଡ଼ ଅଂକିଙ୍କ ବାଇଦେ ପେସ୍ପିଡ଼ତଡ଼ ।

ଆମ୍ବିକ ଉଡ଼ାନାଦ୍

୩୫ ଅଡ଼ ଅଂକିଙ୍କ ସମାଜ ଲଡ଼ତାଗାଙ୍କୁ ବାଇଦେ ପେସ୍ପିଡ଼ତଡ଼, ଜିସୁ ଇଦ୍ କେଞ୍ଜି ଅଂକିଙ୍କ କାଇଲି କେଡ଼ତଡ଼, “ନିମ୍ ବାତେଏ ନାରୁନ୍ ପିଲଡିଙ୍କ ବିଶ୍ବାସ ମାଡ଼ଡୁନ୍ ?”

୩୬ ଅଣ୍ଟ ଉତ୍ତର ହିଡ଼ତଡ଼, “ହୋ ଗର୍, ଅଣ୍ଟ ବେନ କେଲ୍ମ୍, ବେଲାକି ନାନ୍ ଅନାଗ୍ ବେଲା ବିଶ୍ବାସ ମାଡ଼ିତାନ୍ ?”

୩୭ ଜିସୁ ଅଂକିଙ୍କ କେଡ଼ତଡ଼, “ନିମ୍ ଅଂକିଙ୍କ ଉଡ଼ିମିନ୍ଦେନି, ମେଣ୍ଟେ ବେନ ନି ତଡ଼ ଗଟି କେସମିନ୍ଦେଣ୍ଟ, ଅଣ୍ଟେ ଆଦ୍ ନାରୁଡ଼ ।”

୩୮ ଆଗାଙ୍କୁ ଅଣ୍ଟ କେଡ଼ତଡ଼, “ପ୍ରୁ, ନାନ୍ ବିଶ୍ବାସ ମାଡ଼ଡୁନ୍ !” ମେଣ୍ଟେ ଅଣ୍ଟ ଅଂକିଙ୍କ ମୋରମିଣ୍ଟାଇସ୍ ପ୍ରନାମ୍ ମାଡ଼ତଡ଼ ।

୩୯ ମେଣ୍ଟେ ଜିସୁ କେଡ଼ତଡ଼, “ନାରୁଡ଼ାଦ୍ ବିଚାର ମାଡ଼ାଙ୍କୁ ନାନ୍ ଜଗଡ଼ତାଗ୍ ଝାସମିନ୍ଦେନ୍, ଉଡ଼ଝେ ମାନ୍ଦାନ୍ ନାରୁନ୍ ବେଲା ଉଡ଼ିତଡ଼ ନୁ ଉଡ଼ମାନ୍ଦାନ୍ ନାରୁଡ଼ ବେଲାକି କାନାଲ୍ ଆଦ୍ତନ୍ ।”

୪୦ ପାରୁଣୀଡ଼ ତାଗାଙ୍କୁ ବେନଡ଼ ଅନ୍ ତଡ଼ ମାଡ଼ତଡ଼, ଅଡ଼ ଆଦ୍ କେଞ୍ଜି ଅଂକିଙ୍କ କେଡ଼ତଡ଼, “ମାମ୍ମେ ବାଡ଼ତେ କାନାମ୍ ?”

୪୧ ଜିସୁ ଉତ୍ତର ହିଡ଼ତଡ଼, “କାନାଲ୍ ଆସ୍ ମାଡ଼କେ ମିଡ଼ ଦସି ଆୟ୍ୟ ଆୟେଡ଼ି, ବାତେଙ୍କ ଇଡ଼କେ ମାମ୍ମେ ଉଡ଼ଡୁମ୍, ଇଦ୍ ଇଞ୍ଜେ କେଡୁଡିଡ଼, ମିଝାଦ୍ ପାପ୍ ମିନ୍ଦେ ।”

୧୦

ମେଣ୍ଟା ପଡ଼ପାନଣ୍ଟ ଝେଷଡ଼

୧ “ସଡ଼ ନାନ୍ ମିକିଙ୍କ କେସମିନ୍ଦେନ୍, ବେନ ହାରଇସ୍ ମେଣ୍ଟା ଗୁଡ଼ସ୍ତା ତାଗ୍ ନେଙ୍ଗଣ୍ଟ, ମାଡ଼ର୍ ଗୁଡ଼ସାତିଙ୍କ ତୁଲି ନେଙ୍ଗାତଣ୍ଟ, ଅଣ୍ଟ ଡ଼ଙ୍ଗାଲ୍ ବା ଡ଼କାଇଡ଼;

୨ ବାତେଙ୍କ ଇଡ଼କେ ବେନ ହାରଇସ୍ ଆଦତଣ୍ଡ ଅଣ୍ଡ ମେଣ୍ଡା ମେଇତାନଣ୍ଡ ।

୩ ମାର୍ ତେରତାନଣ୍ଡ ଆଞ୍ଜିନ୍ ମାଇଦିଙ୍କ ମାର୍ ଟେଣ୍ଡିଦତଣ୍ଡ, ମେଣ୍ଡେ ମେଣ୍ଡା ଅନାଦ୍ ଲେଙ୍ଗ୍ କେଞ୍ଜିତା, ମେଣ୍ଡେ ଅଣ୍ଡ ନିଜ୍ତାଉ ମେଣ୍ଡାକିଙ୍ଗ୍ ପେଦେର୍ ପଇସ୍ କାର୍ଜି ବାଇଦେ ପେସ୍ପି ଆଦତନ୍ ।

୪ ଅଣ୍ଡ ନିଜ୍ତାଉ ମେଣ୍ଡାଙ୍କ ବାଇଦେ ପେସ୍ପିତେ ପେର୍କେ ଆଞ୍ଜିନ୍ ମୁନ୍ ଆଦତନ୍ ନୁ ମେଣ୍ଡା ଅନ୍ ପେର୍କେ ଆଦତା, ବାତେଙ୍କ ଇଡ଼କେ ଆଉ ଅନାଦ୍ ଲେଙ୍ଗ୍ଦିଙ୍କ ପୁନ୍ତାଆ;

୫ ବାତେଙ୍କ ଇଡ଼କେ ଆଉ ପୁନ୍ତେ ନାରିନ୍ ପେର୍କେ ବେସୁଙ୍କ ବା ଅନ୍, ମାତର ଆଉ ଅନାଗାଙ୍କ ମିରିତା, ଆଉ ପୁନ୍ତେ ନାରୁନ୍ ଲେଙ୍ଗ୍ ହେନ୍ସ ।”

୬ ଜିସୁ ଅଡ଼କିଙ୍ଗ୍ ହିଦ୍ ଗଟି କେଡତଣ୍ଡ, ବାତେଙ୍କ ଇଡ଼କେ ଅଣ୍ଡ ଅଡ଼କିଙ୍ଗ୍ ବାଡ଼ ବାଡ଼ କେସ୍ମାଡତଣ୍ଡ, ଆଦ୍ ସାରେ ବାତେଏ ଅଡ଼ ବୁଜେମ୍ ଆୟ୍ଡତ୍ ।

ଜିସୁ ସାଏଡ଼ ମେଣ୍ଡା ପୋଡ଼ପାନଣ୍ଡ

୭ ଆଗାଙ୍କ ଜିସୁ ମେଣ୍ଡନ୍ୟାମ୍ କେଡତଣ୍ଡ, “ସଡ଼ ନାନ୍ ମିକିଙ୍ଗ୍ କେସ୍ମିନ୍ଦେନ୍, ନାନ୍ ନିଜେ ମେଣ୍ଡାକିନ୍ ହାର୍ ।

୮ ବେସ୍କ୍ ତଡ଼ ନା ମୁନେ ଖାସ୍ମିନ୍ଦେଡ଼ି, ଅଡ଼ ସାରେଡତ୍ ତଙ୍ଗା ବା ତକାଇଡ଼, ବାତେଙ୍କ ଇଡ଼କେ ସାରେ ମେଣ୍ଡା ଅଡ଼ ଗଟି କେଞ୍ଜି ।

୯ ନାୟାଦ୍ ମାର୍ ଇସ୍, ଯଦି ବେନ ନା ଆଲାଇସ୍ ଆଦତନ୍, ଆଲେକେ ଅଣ୍ଡ ରକ୍ଷା ଜିଞ୍ଜେଦରକିଡ଼ ନୁ ଲୋପେଞ୍ଜାସ୍ ନୁ ବାଇଦେଆଞ୍ଜି ତିୟାନାହୁ ଦରକିଡ଼ ।

୧୦ ତଙ୍ଗାଲ୍ ଖାଦତଣ୍ଡ ତଙ୍ଗାଲ୍, ଆଞ୍ଜୁକାନଙ୍କ ନୁ ଦଂସ ମାଡ଼ାଙ୍କ, ନାନ୍ ଖାଡତାନ୍ ମିକିଙ୍ଗ୍ ଜିଞ୍ଜୁଣ୍ଡ ହିଦାନ୍ ସେଙ୍ଗେ, ମିଡ଼ ବେଲାକି ଜିଞ୍ଜୁଣ୍ଡେ ଗାଟି ତିପାଲ୍ମାଡେ ପାର୍ଡିଡ଼ ।”

୧୧ “ନାନ୍ ସାୟେଡ଼ମେଣ୍ଡା ମେଇତାନନ୍; ସାୟେଡ଼ମେଣ୍ଡା ମେଇତାନନ୍ ମେଣ୍ଡାନ୍ ମାଇଦିଙ୍କ ନିଜେଡ଼ ଜିଞ୍ଜୁଣ୍ଡ ହିଦତାନ୍ ।

୧୨ ବେନ ମୁଲ୍ୟ ଆସ୍ ମେଣ୍ଡା ମେଇଡିତଣ୍ଡ, ଅଣ୍ଡ ମେଇତାନଣ୍ଡ ଆୟ୍ଡ, ଅଣ୍ଡ କୁକାଲ୍ ଖାଦାନାଦ୍ ଉଡ଼ି ମେଣ୍ଡାଙ୍କ ଡିଡ଼ସି ମିରତଣ୍ଡ,

୧୩ ବେନ ମୁଲ୍ୟ ଆସ୍ ମେଇତିତଣ୍ଡ, ଅଣ୍ଡ ମିରତଣ୍ଡ, ବାତେଙ୍କ
ଇଡକେ ଅଣ୍ଡ ଗଲାଇ ମେଣ୍ଡାନ୍ ମାଇଦିଙ୍କ୍ ଚିନ୍ତେ ମାଡ଼ଣ୍ଡ ।

୧୪ ନାନ୍ ସାୟେଡ଼ ମେଣ୍ଡା ମେଇତାନନ୍ । ବାବାଲ୍ ବେଲା ନାକିଂଙ୍କ୍
ପୁଡ଼ତଣ୍ଡ ନୁ ନାନ୍ ବାବଙ୍କ୍ ପୁଡ଼ତାନ୍,

୧୫ ଆଦଲେକାମ୍ ନାନ୍ ନା ନିଜେଡ଼ ମେଣ୍ଡାଙ୍କ୍ ପୁଡ଼ତାନ୍, ମେଣ୍ଡେ
ନାୟାସ୍ ନିଜେଡ଼ ମେଣ୍ଡା ନାକିଂଙ୍କ୍ ପୁଡ଼ତା, ମେଣ୍ଡେ ମେଣ୍ଡାନ୍ ମାଇଦିଙ୍କ୍
ନାନ୍ ନାୟାଦ୍ ଜିଝୁଣ୍ଡ ଇଦତାନ୍ ।

୧୬ ନାୟାଡ଼ ମେଣ୍ଡେ ବାଗାତାଡ଼ ମେଣ୍ଡା ମିନ୍ଦେ, ବେନା ଇ ଗୁଡ଼ବୁସଡ଼
ଲୋପେ ଇଲା । ଆଞ୍ଜିଙ୍କ୍ ମିକା ନାନ୍ ତାତେଝେଇତିଡ଼ । ଆଡ଼ ନାୟାଦ୍
କାରଙ୍ଗା ନାଦ୍ କେଞ୍ଜିତା ନୁ ସାରେ ଝେରଡ଼, ଗଲାଇ ଝେରଡ଼, ଗୁଡ଼ସା
ଆଗେ ମାନତା ।”

୧୭ “ନାନ୍ ନାୟାଦ୍ ଜିଝୁନ୍ ଇଦାଙ୍କ୍ ଇଚ୍ଛା ମାଡ଼ତାଙ୍କ୍ ବାବାଲ୍ ନାକିଂଙ୍କ୍
ପ୍ରେମ ମାଡ଼ିତନ୍, ନାନ୍ ନାୟାଦ୍ ଜିଝୁତିଙ୍କ୍ ହିଡକେ, ମେଣ୍ଡନ୍ ଦାମ୍
ନାକିଂଙ୍କ୍ ଜିଝୁଣ୍ଡ ଦରକିଡ଼ ନାୟାଦ୍ ହିଦ୍ ଅଦିକାର୍ ମିନ୍ଦେ । ନାନ୍
ନାୟାଦ୍ ବାବାନାଗାଙ୍କ୍ ଇଦ୍ ବୁଦତେ ଇସ୍ମିନ୍ଦେନ୍ ।

୧୮ ବେନ ନାଗେ ଆଦ୍ ଆୟନ୍, ମାତର୍ ନାନ୍ ନିଜେଡ଼ ଇଚ୍ଛାତେ
ଆଦ୍ ଦାନ ଝାଟିତାନ୍ । ଆଦ୍ ଝାଗାନଙ୍କ୍ ନାୟାଦ୍ ଅଦିକାର୍ ମିନ୍ଦେ ନୁ
ନା ବାବାନାଗାଙ୍କ୍ ଇଦ୍ ଗଟ୍ ଇସ୍ମିନ୍ଦେନ୍ ।”

୧୯ ଜିସୁନ୍ ଇଝୁସାରେ ଗଟିନ୍ ମାଇଦିଙ୍କ୍ ନାରୁଡ଼, ଲୋପେ
ମେଣ୍ଡନ୍ଦାମ୍ ମତବେଦ ଗଟେମଆଡ଼ତେ ।

୨୦ ବେସ୍‌କଡୁଡ଼, କେତାଙ୍କ୍ ପସ୍‌ପଡ଼ତଡ଼, “ଆଂକିଙ୍କ୍ ବୁଡ଼ ପଇତେ,
ଅଣ୍ଡ ବାୟାଲ୍, ବାଡ଼ତିଙ୍କ୍ ଅନ୍ ଗଟି କେଞ୍ଜୁତିଡ଼ ।”

୨୧ ବାଗାତଡ଼, କେଡ଼ତଡ଼, “ଇଦସାରେ ଗଟି ତ ବୁଡ଼ ପଇତେ
ନାରୁନାଦ୍ ଆୟନ୍; ବୁଡ଼ ବାତେଏ କାନାଲ୍ ନାୟାସ୍ କଣ୍ଡାଙ୍କ୍ ସାୟେ
ମାଡ଼୍ ପାରତଣ୍ଡ ?”

ଜିସୁଙ୍କ୍ ଗ୍ରହନ୍ ମାଡ଼ଡ଼,

୨୨ ଆସୁଙ୍କ୍ ଜିରୁଗାଲମ୍ ମନ୍ଦିର୍ ତିଆର୍ ପାଣ୍ଡୁ ଆସମାଡ଼ତେ; ଆଦ୍
ଦିନାମ୍ ଗାଲ୍ କାଲାମ୍ ମାଡ଼ତେ,

୨୩ ମେଣ୍ଟେ ଜିସୁ ମନ୍ଦିରତାର “ଶଲୋମନ୍” ମଣ୍ଡପତାର ଉତ୍ତମାତ୍ତଣ୍ଡ ।

୨୪ ଆଗାଙ୍କ ଯିହୁଦୀନତ୍ ଅଂକିଙ୍କ ତିଡ଼ିଇ ପାକେ ଉଡ଼ି କେତାଙ୍କ ପସ୍ପତ୍ତତ୍ତ, “ମେଣ୍ଟେ ବେସ୍ କ ଦିନା ମାକିଂଙ୍କ ଏକା ତାର୍ ନେହେତିଡ଼ ? ଯଦି ନିମ୍ ମସିହ, ଆଲେକେ ମାକିଂଙ୍କ ଇଟି ମିକା କେଲ୍ ମ୍ ।”

୨୫ ଜିସୁ ଅଡ଼କିଂଙ୍କ ଉତ୍ତର କେଡ଼ତଣ୍ଡ, “ନାନ୍ ମିକିଂଙ୍କ କେସ୍ ମିନ୍ଦେନ୍, ବାତେଙ୍କ ଇଡ଼କେ ମିଡ଼ ବିଶ୍ୱାସ୍ ମାଡ଼ଝିଡ଼; ନା ବାବାନ୍ ପେଦେର୍ ତେ ନାନ୍ ବେନ୍ ପାଡ଼୍ ଯି ମାଡ଼ତୁନ୍, ଆଦ୍ ସାରେ ନା ବିଷୟତେ ସାକ୍ଷ୍ୟ ଇଦୁତାନ୍;

୨୬ ବାତେଙ୍କ ଇଡ଼କେ ମିଡ଼ ବିଶ୍ୱାସ୍ ମାଡ଼ଝିଡ଼, ବାତେଙ୍କ ଇଡ଼କେ ମିଡ଼ ନା ଗୁଡ଼ବୁସ୍ତ ମେଣ୍ଟାନଡ଼ି ଆୟଝିଡ଼ ।

୨୭ ନା ମେଣ୍ଟା ସାରେ ନାଝାଦ୍ ଲେଙ୍ଗ୍ କେଞ୍ଜିତା ନୁ ନାନ୍ ଆଝିଙ୍କ ପୁଡ଼ତାନ୍, ମେଣ୍ଟେ ଆଉ ନା ପେରକେ ପେରକେ ଝାଦ୍ ତା,

୨୮ ମେଣ୍ଟେ ନାନ୍ ଆଝିଙ୍କ ସାରେଦିନାଡ଼ ଜିହୁ ଇଦ୍ ତାନ୍, ମେଣ୍ଟେ ବେସ୍ ଲୁବା ଆଉ ବିନଷ୍ଟ ଆୟ୍ ଯ, ମେଣ୍ଟେ ବେନ ନା କାଇଦାଗାଙ୍କ ଆଝିଙ୍କ ଆଦ୍ ପାର୍ଝଡ଼ ।

୨୯ ନା ବାବାଲ୍ ନାକିଂଙ୍କ ବାତେଏ ଇସ୍ ମିନ୍ଦେଣ୍ଡ ଆଦ୍ ସାରେତାଗାଙ୍କ ଗାଟି ମୂଲ୍ୟ, ମେଣ୍ଟେ ବାବାନ୍ କାଇଦେ କନ୍ସ୍ ବେନବା ଆଦାଙ୍କ ପାର୍ଝଡ଼ ।

୩୦ ବାବାଲ୍ ନୁ ନାନ୍ ଝେରଣ୍ଡ ।”

୩୧ ଇଦ୍ ଗଟ୍ କେଞ୍ଜି ନାରୁଡ଼ ଅଂକିଙ୍କ ରେହେତାଙ୍କ ମାଇଦିଙ୍କ ମେଣ୍ଟନ୍ ଦାମ୍ କାଲ୍ କ୍ ତାଡ଼ତଡ଼ ।

୩୨ ଜିସୁ ଅଡ଼କିଂଙ୍କ କେଡ଼ତଣ୍ଡ, “ନାନ୍ ବାବାନାଗାଙ୍କ ଗାଟି ସାୟେଡ଼ ପାଡ଼୍ ଯି ମିକିଂଙ୍କ ତଅସ୍ ମିନ୍ଦେନ୍; ଆଦ୍ ସାରେ ପାଡ଼ିୟିତାଗାଙ୍କ ନାକିଂଙ୍କ କାଲ୍ କିନ୍ ରେହେତାଙ୍କ ଆଦୁତିଡ଼ ?”

୩୩ ଅଡ଼ କେଡ଼ତଡ଼, “ସାୟେଡ଼ ପାଡ଼୍ ଯି ମାଇଦିଙ୍କ ମାମ୍ ମେ ନିକିଂଙ୍କ କାଲ୍ କିନ୍ ରେହ୍ ମ, ବାତେଙ୍କ ଇଡ଼କେ ଇଶ୍ୱରତେ ନିନ୍ଦେଡ଼ ମାଇଦିଙ୍କ, ମେଣ୍ଟେ ନାରୁଡ଼ ଆସ୍ ନିଜେତିଙ୍କ ଇଶ୍ୱର ଇଞ୍ଜ୍ କେସ୍ ମାନାଙ୍କ ।”

୩୪ ଜିସୁ ଅଡ଼କ୍ ଉତ୍ତର ହିଡ଼ତଣ୍ଡ, “ମିଝାଦ୍ ଶାସ୍ତ୍ରତାର୍ ଲେକାମିନ୍ଦେ, ଇଶ୍ୱର କେତିଡ଼ଣ୍ଡ, ‘ମିଡ଼ ଆଦ୍ ତିଡ଼ ଇଶ୍ୱର ।’

୩୫ ବେନଡ଼୍ ପାକେ ଇଶ୍ବରତାଦ୍ ବାକ୍ୟ ମିନ୍ଦେ ଇଡ଼କେ, ଅଡ଼କିଂଙ୍କ୍ ଯଦି ଅଣ୍ଟି ଇଶ୍ବର ଇଞ୍ଜି କେଡ଼କେ ମେଣ୍ଟେ, ଦର୍ମଶାସ୍ତ୍ର କଣ୍ଟନ୍ ମାଡ଼ାଙ୍କ୍ ପାର୍ବତ୍ତ୍,

୩୬ ଆଲେକେ ବେନଙ୍କ୍ ଇଶ୍ବର ପବିତ୍ର ମାଡ଼ି ଜଗତ୍ତାଗ୍ ରହସିତ୍ତଣ୍ଟି, ଆଦିଙ୍କ୍ ବାତେଏ ମିଡ଼, ନାନ୍ ଇଶ୍ବରତେ ମାର୍, ଇଦ୍ ନାନ୍ କେଲ୍ନାଙ୍କ୍, ନିମ୍ ଇଶ୍ବରତିଙ୍କ୍ ନିମ୍ ମାଡ଼ତୁନ୍ ଇଞ୍ଜି କେସମିନ୍ଦେନି ?

୩୭ ଯଦି ନାନ୍ ନା ବାବାନ୍ କାମ୍‌ସାରେ ମାଡ଼ନ୍ ଆଲାଈଡ଼କେ ନାକିଂଙ୍କ୍ ବିଶ୍ବାସ୍ ମାଡ଼ମାର୍;

୩୮ ବାତେଙ୍କ୍ ଇଡ଼କେ ଯଦି ନାନ୍ ମାଡ଼ିତାନ୍, ଆଲାଈଡ଼କେ ଆଗେଙ୍କ୍ ମିଡ଼, ନାକିଂଙ୍କ୍ ବିଶ୍ବାସ୍ ମାଡ଼ମାର୍, ଆଗେକ୍ ବାବାଲ୍ ଯେ ନାୟାଗେ ମିନ୍ଦେଣ୍ଟି ନୁ ନାନ୍ ବାବାନାଗ୍ ମିନ୍ଦେନ୍, ଇଦ୍ ବେଲ୍ଲାକି ମିଡ଼ ପୁଡ଼ତିଡ଼, ନୁ ପୁନୁଡ଼, ଆଦିନ୍ ମାଈଦିଙ୍କ୍ କାମ୍‌ସାରେ ବିଶ୍ବାସ୍ ମାଡ଼ମାର୍ ।”

୩୯ ଆଗାଙ୍କ୍ ଅଡ଼ ଅଂକିଙ୍କ୍ ପଇତାନ୍ ମାଈଦିଙ୍କ୍ ମେଣ୍ଟନ୍ ଦାମ୍ ତେଷ୍ଟା ମାଡ଼ାଙ୍କ୍ ପସ୍‌ପଡ଼ତଡ଼, ବାତେଙ୍କ୍ ଇଡ଼କେ ଅଣ୍ଟି ଅଡ଼ କାଈଦେ ଦରକ୍‌ସେ ପେଇସ୍ ଆଡ଼ତଣ୍ଟି ।

୪୦ ✧ଆଦିନ୍ ମାଈଦିଙ୍କ୍ ଅଣ୍ଟି ମେଣ୍ଟନ୍‌ଯାମ୍ ଯର୍ଦ୍ଦନତେ ମେଣ୍ଟନ୍ ପାକେ ଆଞ୍ଜି, ଯୋହନ୍ ବେନ୍ ପଡ଼ିୟେତାଗ୍ ମୁନେଙ୍କ୍ ବାପ୍ତିସ୍ମ ଇସମାଡ଼ତଣ୍ଟି, ଆଦ୍ ପଡ଼ିୟେ ତାଗ୍ ଖାସ୍ ଆଗେ ମାଡ଼ତଣ୍ଟି ।

୪୧ ମେଣ୍ଟେ, ନାର୍‌ଗେ ଅନାଗ୍ ଖାସ୍ କେଡ଼ତଣ୍ଟି, “ଯୋହନ୍ ବାତେବା ବାକ୍‌ଖା ପାଡ଼୍‌ୟି ମାଡ଼ନ୍, ବାତେଙ୍କ୍ ଇଡ଼କେ ଇ ନାରୁଡ଼୍ ବିଷୟତେ ଯୋହନ୍ ବେନ୍ ସାରେ ଗଟି କେଡ଼ତଣ୍ଟି, ଆଦ୍ ସାରେ ସଡ଼;”

୪୨ ମେଣ୍ଟେ, ଆଦ୍ ପଡ଼ିୟେତାଗ୍ ନାର୍‌ଗେ ନାରୁଡ଼୍ ଜିସୁଙ୍କ୍ ବିଶ୍ବାସ୍ ମାଡ଼ତଡ଼୍ ।

୧୧

ଲାଜାର୍ ଡ଼ଲ୍‌ତାଦ୍

୧ ✧ବେତନିୟା ମାୟାନ୍ ଲାଜାର୍ ପେଦେର୍ ତଣ୍ଟି ଖେରଣ୍ଟି ନାରୁଣ୍ଟି ରୋଗତେ ମାଡ଼ତଣ୍ଟି; ମରୀୟମ୍ ନୁ ତାନ୍ ଏଲାଡ଼୍ ମାର୍ତ୍ତା ଆଦ୍ ନାର୍ ମାଞ୍ଜିମାଡ଼ତା ।

୨ ☆ବେନ ନାଟାଡ଼ ପ୍ରବୁଙ୍କ ସାଏଡ଼ ଗାବତାଦ୍ ନିୟ ଲେକେଡ଼ ମାଡ଼ି ତାନ୍ କେଲକିନେ ଅନ୍ ତେକାଙ୍କ ଉଞ୍ଜିପିତେ, ଇଦ୍ ଆ ମରୀୟମ୍; ତାମ୍ ଦାଦାଲ୍ ଲାଜାର ରୋଗ୍‌ତେ ମାଡ଼ିତଣ୍ ।

୩ ଆଉ ଏଲାସ୍ ଜିସୁନ୍ ପାକେ କେସ୍ ରହତାଆ, “ପ୍ରବୁ, ଉଡ଼େ, ବେନଙ୍କ ନିମ୍ ସ୍ନେହ ମାଡ଼ିନିନ୍, ଅଣ୍ ରୋଗ୍‌ତେ ମିନ୍‌ହେଣ୍ ।”

୪ ଇଦ୍ କବର୍ କେଞ୍ଜି ଜିସୁ କେଡ଼ତଣ୍, “ଇ ରୋଗ୍‌ତେ ଲାଜାର ଡଲନ୍ । ବାତେଙ୍କ ଇଡ଼କେ ଇଦିନ୍ ତଡ଼ ଇଶ୍‌ବର୍ ମହିମାନିତ ଆଦତନ୍ ନୁ ଆଦିନ୍ ତଡ଼ ଇଶ୍‌ବର୍‌ତେ ମାର୍ ମିକା ଗୌରବ୍ ପାଏମ୍ ଆଦତନ୍ ।”

୫ ଜିସୁ ମାର୍ତ୍ତା ନୁ ତାନ୍ ଏଲାଡ଼ ନୁ ଲାଜାରତିଙ୍କ ପ୍ରେମତେ ସ୍ନେହ ମାଡ଼ିମାଡ଼ିତନ୍ ।

୬ ଆଡ଼କେମିକା ଲାଜାର ରୋଗ୍‌ତେ ମିନ୍‌ହେଣ୍ ଇଞ୍ଜି ବେସୁଙ୍କ ଜିସୁ କେଞ୍ଜିତଣ୍, ଆସୁଙ୍କ ଅଣ୍ ବେନ ପଡ଼ିୟେତାଗ୍ ମାଡ଼ିତଣ୍, ଆଦେପଡ଼ିଇ ତାଗ୍ ମେଣ୍ଟେ ରେଣ୍ଟି ଦିନା ମାଡ଼ିତଣ୍ ।

୭ ତାନ୍‌ପେକେ ଜିସୁ ଶିଷ୍ୟକିଂଙ୍କ କେଡ଼ତଣ୍, “ଦାର୍‌ଟି, ମାନାଡ଼ ମେଣ୍ଟନ୍ ଦାମ୍ ମାଲ୍‌ସ୍ ଯିହୁଦାତାଗ୍ ଆଦିକାଡ଼ ।”

୮ ଶିଷ୍ୟଡ଼ ଅଂକିଙ୍କ କେଡ଼ତଡ଼, “ହୋ ଗୁରୁ, ବେସୁଙ୍କ ଦିନାତେ ମୁନେନ୍ ନାରୁଡ଼ ମେଣ୍ଟେ ନିକିଂଙ୍କ କାଲ୍‌କ୍ ହେସାଙ୍କ ତେଷ୍ଟା ମାଡ଼ିମାଡ଼ିତଡ଼, ମେଣ୍ଟେ ନିମ୍ ମେଣ୍ଟନ୍ ଦାମ୍ ଆଦାଙ୍କ କେଡୁତିନ୍ ?”

୯ ଜିସୁ ଉତ୍ତର୍ ହିଡ଼ତଣ୍, “ପାୟାଲ୍ ବାତେଏ ବାର ଗାଣ୍ଟା ଇଲା ? ବେନ ବେସୁଙ୍କ ଝେସ୍‌ତେ ତାକାନ୍‌ଝେଲେ ରାଲଣ୍ଟି, ବାତେଙ୍କ ଇଡ଼କେ ଅଣ୍ ଇ ଜଗଡ଼ତାଗ୍ ଝେସ୍ ଉଡ଼ିତଣ୍;

୧୦ ବାତେଙ୍କ ଇଡ଼କେ ଇକାଡ଼ ତେ ତାକକେ ଅଣ୍ ରାଲିତଣ୍, ବାତେଙ୍କ ଇଡ଼କେ ଆଦ୍ ଅଣ୍ ଆଦାନ୍ ଝେଲେ ଝେସ୍‌ଇଲେ ।”

୧୧ ଜିସୁ ଆହୁସାରେ ଗଟି କେଡ଼ତଣ୍ ଅଡ଼କ୍ ମେଣ୍ଟେ ଅଦିକ୍ କେଡ଼ତଣ୍, “ମାନ୍ ସାଙ୍ଗ୍ ଲାଜାର ଉସ୍‌କାଡ଼ତେ ମିନ୍‌ହେଣ୍, ବାତେଙ୍କ ଇଡ଼କେ ଅଂକିଙ୍କ ଉସ୍‌କାଡ଼ ତାଗାଙ୍କ ତେତାନ୍ ମାଇଦିଙ୍କ ନାନ୍ ଆଦୁତାନ୍ ।”

୧୨ ତାନ୍ ପେରକେ ଶିଷ୍ୟଡ଼ ଅଂକିଙ୍କ କେଡ଼ତଡ଼, “ପ୍ରବୁ ଯଦି ଅଣ୍ ଉସ୍‌କାଡ଼ତେ ମିନ୍‌ହେଣ୍, ଆଲେକେ ଅଣ୍ ସୁସ୍ଥ ଆଦତନ୍ ।”

୧୩ ଜିସୁ ଅନାଦ୍ ତଲାନ ବିଷୟତେ କେସ୍‌ମାଡ଼ତଣ୍ଟ, ବାତେଙ୍କ୍ ଇଡ଼କେ ଅଣ୍ଟ ଉଞ୍ଜିମାନ୍‌ଦାନ୍ ବିଷୟତେ କେଡ଼ତଣ୍ଟ ଇଞ୍ଜ ଅଡ଼୍ ଏକା ମାଡ଼ତଡ଼୍ ।

୧୪ ଜିସୁ ଆସୁଙ୍କ୍ ଅଡ଼୍‌କିଙ୍କ୍ ସଡ଼୍ କେଡ଼ତଣ୍ଟ, “ଲାଜାର୍ ତଲ୍‌ତଣ୍ଟ;

୧୫ ନାନ୍ ଯେ ଆଦ୍‌ପଡ଼ିୟେ ତାଗ୍ ଇଲ୍‌କ୍ସେ ମାଡ଼ତାନ୍, ଆଦିନ୍ ମାଇଦିଙ୍କ୍ ମିତଡ଼୍ ନାନ୍ ଖେଡ଼କା ମାଡ଼ତୁନ୍, ବେଦ୍‌ଲେକାମ୍ ମିଡ଼୍ ବିଶ୍ୱାସ୍ ମାଡ଼ିତିଡ଼୍; ବାତେଙ୍କ୍ ଇଡ଼କେ ଦାର୍‌ଟି, ମାନାଡ଼୍ ଅଂକିଙ୍କ୍ ଉଡାଙ୍କ୍ ଆଦିକାଡ଼୍ ।”

୧୬ ତୋମା ବେନଙ୍କ୍ ଦିଦୁମ୍ ଇଞ୍ଜ କେଡିତଡ଼୍, ଅଣ୍ଟ ମାନ୍ ସାଙ୍ଗ୍ ଶିଷ୍ୟଡ଼କ୍ କେଡ଼ତଣ୍ଟ, “ଦାର୍‌ଟି ମାନାଡ଼୍ ଆନ୍‌ତେ ଗୁରୁନ୍ ତଡ଼୍ ଆଞ୍ଜ୍ ଅନ୍‌ତଡ଼୍ ତଲିକାଡ଼୍ ।”

ଜିସୁ ମେଣ୍ଟନ୍‌ଦାମ୍ ତେଦାନାଦ୍ ନୁ ଜିଝୁନ୍

୧୭ ଜିସୁ ହେଉସ୍ କେଞ୍ଜତଣ୍ଟ ଯେ, ଅଣ୍ଟ ନାଲୁଦିନା ଆଡ଼ତେ ଅଂକିଙ୍କ୍ ସମାଦି ତାଗ୍ ଖାଡ଼ତଡ଼୍ ।

୧୮ ବେତନିଆ ଯିରୁଶାଲେମ୍ ତା ଗାର୍‌ରେ ମାଡ଼ତେ, ମାତର୍ ମୁଣ୍ଟ୍ କିଲମିଟର୍ ଦୁରାମ୍;

୧୯ ଯିହୁଦୀ ଡାଗାଙ୍କ୍ ନାର୍‌ଗେ ମାର୍ତ୍ତା ନୁ ମରୀୟମ୍ ତିଙ୍କ୍ ତାମ୍ ଦାଦାଲ୍ ବିଷୟତେ ସାନ୍ତନା ହିଦାନ୍ ମାଇଦିଙ୍କ୍ ଆଞ୍ଜିନା ଖାସ୍‌ମାଡ଼ତଡ଼୍ ।

୨୦ ଆଗାଙ୍କ୍ ଜିସୁ ଖାଡ଼ତଣ୍ଟ ଇଞ୍ଜ ବେସୁଙ୍କ୍ ମାର୍ତ୍ତାଲ୍ କେଞ୍ଜତେ, ଆସୁଙ୍କ୍ ଆଦ୍ ଜିସୁଙ୍କ୍ କାଲଲାନ୍ ମାଇଦିଙ୍କ୍ ଆଡ଼ତେ, ବାତେଙ୍କ୍ ଇଡ଼କେ ମରୀୟମ୍ ଲୋନ୍ ମାଡ଼ତେ ।

୨୧ ମାର୍ତ୍ତା ଜିସୁଙ୍କ୍ କେଡ଼ତେ, “ପ୍ରବୁ, ନିମ୍ ଯଦି ଇଗେ ମାନେନି ଆଲେକେ ମା ଦାଦାଲ୍ ତଲନ୍ ଆୟେନ୍ ।

୨୨ ବାତେଙ୍କ୍ ଇଡ଼କେ ନାନ୍ ପୁଡ଼ତାନ୍ ନିମ୍ ଇଶ୍‌ରତିଙ୍କ୍ ବାତେଏ ମେଣ୍ଟେ ତାଲ୍‌କେ, ଇଶ୍‌ର ଯେ ଆଦ୍ ଇଦ୍‌ତଣ୍ଟ, ହିଦ୍ ନାନ୍ ପୁଡ଼ତାନ୍ ।”

୨୩ ଜିସୁ ଆଦିଙ୍କ୍ କେଡ଼ତଣ୍ଟ, “ମିଇ ଦାଦାଲ୍ ମେଣ୍ଟେ ଜିଝୁ ଆସ୍ ତେଦିତଣ୍ଟ ।”

୨୪ ମାର୍ତ୍ତା ଜିସୁଙ୍କ କେତ୍ତେ, “ଅଣ୍ଟ ଯେ ଶେଷ ଦିନାତେ ମେଣ୍ଟନ୍‌ନ୍‌ମାନ୍ ତେଦିତଣ୍ଟ ଇଦ୍ ନାନ୍ ପୁତ୍‌ତାନ୍ ।”

୨୫ ଜିସୁ ଆଦିଙ୍କ କେତ୍ତେ, “ନାନ୍ ପୁନର୍ବୁତାନ୍ ନୁ ଜିହ୍ମନ୍; ବେନ ନାକିଂଙ୍କ ବିଶ୍ୱାସ୍ ମାଡିତନ୍, ଅଣ୍ଟ ବେସୁଙ୍କବା ଡଲ୍‌କେ, ମିକା ଅଣ୍ଟ ଜିହ୍ମଅଦତଣ୍ଟ ।

୨୬ ମେଣ୍ଟେ ବେନ ଗେଲ୍‌ସ୍‌କେ ନୁ ନାକିଂଙ୍କ ବିଶ୍ୱାସ୍ ମାଡିତନ୍, ଅନ୍ ବେସୁଙ୍କବା ଡଲନ୍; ଇଦ୍ ବାତେଏ ବିଶ୍ୱାସ୍ ମାଡିତୁଟ୍?”

୨୭ ଅଡ୍ ଅଂକିଙ୍କ କେତ୍ତେ, “ହୋ, ପ୍ରବୁ, ବେନ ଜଗତ୍‌ତାଗ୍ ଆଗମନ୍ ମାଡାନ୍ ମାଡ୍‌ତେ, ନିମ୍ ଯେ ଇଶ୍‌ତେ ମାର୍ ଆଦ୍ ମସିହ, ଇଦ୍ ନାଝାଦ୍ ବିଶ୍ୱାସ୍ ।”

ଜିସୁ କେୟତଣ୍ଟ

୨୮ ମରୀୟମ୍ କେତ୍ତେ ପେରକେ ମାର୍ତ୍ତା ଆଞ୍ଜ୍ ତାନ୍ ଏଲାଡ୍, ମରୀୟମ୍ ତିଙ୍କ ଜାମେ କାର୍‌ଜି କେତ୍ତେ, “ଗୁରୁ ଖାଡ୍‌ତଣ୍ଟ ମେଣ୍ଟେ ନିକିଂଙ୍କ କାର୍‌ଜୁତଣ୍ଟ ।”

୨୯ ଆଦ୍ ଇଦ୍ କେଞ୍ଜି ଜାପେତେଦି ଅନ୍ ଗାର୍‌ରେ ଆଡ୍‌ତେ ।

୩୦ ଜିସୁ ଆସୁଙ୍କ ନାର୍ ଲୋପେ ଖାଡ୍‌ଖେ ମାଡ୍‌ତଣ୍ଟ, ବାତେଙ୍କ ଇଡ୍‌କେ ମାର୍ତ୍ତା ଅଂକିଙ୍କ ବେନ୍ ପଡିୟେତାଗ୍ କାଈଲିମାଡ୍‌ତେ, ଆସୁଙ୍କ ଯାକ ଜିସୁ ଆଗେମାଡ୍‌ତଣ୍ଟ ।

୩୧ ବେନ୍ ଯିହୁଦୀନଡ୍ ଅଦିନ୍‌ତଡ୍, ଲୋନ୍ ମାଞ୍ଜ୍ ତାଙ୍କ୍ ସାନ୍ତନା ଇସମାଡ୍‌ତଡ୍, ଅଡ୍ ମରୀୟମ୍ ଜାପେ ତେଦି ପେଇସ୍ ଆଦାନାଦ୍ ଉଡି, ଆଦ୍ ସମାଦି ପାକେ କେୟାନ୍ ସେଙ୍ଗେ ଆଦୁଡ୍‌ତେ, ଆଦ୍ ଏକା ମାଡି ଆଦିନ୍ ପେରକେ ପେରକେ ଆଡ୍‌ତଡ୍ ।

୩୨ ଆଗାଙ୍କ ଜିସୁ ବେନ୍ ପଡିୟେତାଗ୍ ମାଡ୍‌ତଣ୍ଟ, ମରୀୟମ୍ ଆଦ୍ ପଡିୟେ ତାଗ୍ ହେଉସ୍ ଅଂକିଙ୍କ ଉଡି ଅନ୍ ତେକାନ୍ ମଦଲ୍ ରାଲୀ କେତ୍ତେ, “ପ୍ରବୁ, ଯଦି ନିମ୍ ଇଗେ ମାନେନି, ଆଲେକେ ମା ଦାଦାଲ୍ ଡଲ୍‌ଲାନଙ୍କ୍ ଆୟେନ୍ ।”

୩୩ ଜିସୁ ମରିୟମ୍‌ତିଙ୍କ କେୟାନାଦ୍ ଉଡ୍‌ତଣ୍ଟ, ଅଣ୍ଟ ଯିହୁଦୀନଡ୍ ଆଦିନ୍ ତଡ୍ ଖାଡ୍‌ତାଦ୍ ଉଡ୍‌ତଣ୍ଟ । ଅଡ୍ ମିକା କେୟମାଡ୍‌ତଡ୍, ଆଦ୍ ଉଡି ଜିସୁ ଗାଟି ଦୁଃକ ମାଡ୍‌ତଣ୍ଟ ନୁ ଗାଟି ଦାୟେ ଆଡ୍‌ତଣ୍ଟ ।

୩୪ “ଅଂକିଙ୍କ ବେଗା ଝାଟିତ୍ତ?”

ଅଡ଼ ଅଂକିଙ୍କ କେଡ଼ତଡ଼, “ପ୍ରବୁ ଝାସ୍ ଉଡ଼େ ।”

୩୫ ଜିସୁ କେୟତଣ୍ଡ ।

୩୬ ତାନ୍ ପେରକେ ଯିହୁଦୀନଡ଼ କେଡ଼ତଡ଼, “ଉଡ଼ାଟ୍, ଅଣ୍ଡ ଅଂକିଙ୍କ ବେସର୍ ସ୍ନେହ ମାଡ଼ମାଡ଼ତଣ୍ଡ ।”

୩୭ ବାତେଙ୍କ ଇଡ଼କେ ଅଡ଼ ଆଗାଙ୍କ ବେନ ବେନ୍ କେଡ଼ତଡ଼, “ଇଣ୍ଡ ବେନ୍ ନାରୁଣ୍ଡ ଆ କାନାନ୍ କଣ୍ଡାଙ୍କ ବେନ ସାୟେ ମାଡ଼ତଣ୍ଡ, ଅଣ୍ଡ ବାତେଏ ଇନାଦ୍ ଡ଼ଲ୍‌ତାଦ୍ ମିକା ଗେଲ୍‌ସ୍‌ପେ ପାର୍‌ଝଣ୍ଡ ଆୟେଣ୍ଡ ?”

ଜିସୁ ଲାଜାରତିଙ୍କ ଡ଼ଲ୍‌ତାଗାଙ୍କ ଜିହୁନ୍ ମାଡ଼ତଣ୍ଡ

୩୮ ଆଗାଙ୍କ ଜିସୁ ମେଣ୍ଡନ୍ ଦାମ୍ ମନ୍‌ତାଗ୍ ବ୍ୟାକୁଲ୍ ଆସ୍ ସମାଦି ପାକେ ଆଡ଼ତଣ୍ଡ; ଆଦ୍ ଝେରଡ଼ ପାଡ଼କିନାଗ୍ ମେଣ୍ଡେ ଅନ୍ ମୋକତାଗ୍ ଝେରଡ଼ କାଲ୍ ମାଡ଼ତା ।

୩୯ ଜିସୁ ଗଟ୍ ହିଡ଼ତଣ୍ଡ, “ଇଦ୍ କାଲ୍ ଗୁସ୍‌ପିମୁଟ୍,” ଡ଼ଲ୍‌ତେ ନାରୁନ୍ ଏଲାଡ଼ ମାର୍ତ୍ତା ଅଂକିଙ୍କ କେଡ଼ତେ, “ପ୍ରବୁ, ଅଣ୍ଡ ଗାଟି ଗାବ୍ ପୋଇତଣ୍ଡ, ବାତେଙ୍କ ଇଡ଼କେ ଅଣ୍ଡ ଡ଼ଲି ନାଲ୍ଲୁ ଦିନା ଆଦୁଡ଼ତେ ।”

୪୦ ଜିସୁ ଆଦିଙ୍କ କେଡ଼ତଣ୍ଡ, “ଯଦି ନିମ୍ ବିଶ୍ୱାସ୍ ମାଡ଼କେ, ଆଲେକେ ଇଶ୍ୱର୍ ତେ ମହିମା ଉଡ଼ିତିନ୍, ଇଦ୍ ବାତେଏ ନାନ୍ ମିକିଂ କେଲନ୍ ?

୪୧ ଆଗାଙ୍କ ଅଡ଼ କାଲ୍ ଟେଣ୍ଡିଡ଼ତଡ଼ ।” ମେଣ୍ଡେ ଜିସୁ ପରୁ ଉଡ଼ିମିକା କେଡ଼ତଣ୍ଡ, “ହୋ ବାବା ନିମ୍ ନାୟାଦ୍ ପ୍ରାର୍ଥନା କେଞ୍ଜିତିନ୍ ଇଞ୍ଜେ ନାନ୍ ନିକିଂ ଦନ୍‌ଏବାଦ୍ ଇଦୁତାନ୍ ।

୪୨ ନିମ୍ ଯେ ନାଝାଦ୍ ପ୍ରାର୍ଥନା କେଞ୍ଜିତିନ୍ ଇଦ୍ ନାନ୍ ପୁଡ଼ତାନ୍; ବାତେଙ୍କ ଇଡ଼କେ ବେନ୍ ନାରୁଡ଼ ସାରେପାକା ନିସ୍‌ମିନ୍‌ଡେଡ଼, ନିମ୍ ନାକିଂ ରସ୍ ମିନ୍‌ନେ ଇଞ୍ଜେ ଅଡ଼ ବେଲା ବିଶ୍ୱାସ୍ ମାଡ଼ିତଡ଼, ଆଦିନ୍ ମାଇଦିଙ୍କ ଅଡ଼ ସେଙ୍ଗେ ନାନ୍ ଇଦ୍ କେଡ଼ତାନ୍ ।”

୪୩ ଅଣ୍ଡ ଆଦ୍ କେସ୍ ଗାଟି ଲେଙ୍ଗ୍‌ଦେ କାରଙ୍କ ତୋଣ୍ଡ, “ଲାଜାର୍ ପେଇସ୍ ଝାଡ଼ା ।”

୪୪ ଅଣ୍ଡ ପେଇସ୍ ଝାଡ଼ତଣ୍ଡ; ଅନ୍ କାୟ୍ ନୁ ତେକା ସମାଦି ସିଲେଡ଼ ତୋହସ୍ ମାଡ଼ତଡ଼, ମେଣ୍ଡେ ଅନ୍ ମକତାଗ୍ ସୁଦୁଟ୍ ତୁଝାଲ୍ ଉଡ଼ତାଦ୍ ମାଡ଼ତେ । ଜିସୁ ଅଡ଼କିଂ କେଡ଼ତଣ୍ଡ, “ଇନାଦ୍ ବନ୍‌ନ୍ ଲେହେସିଗ୍ ଆଦାଙ୍କ ହିମୁଟ୍ ।”

ଜିସୁନ୍ ବିରୁଦ୍ଧତେ ଚକ୍ରାନ୍ତ

(ମାତିଉ ୨୬:୧-୫; ମାର୍କ ୧୪:୧-୨; ଲୁକ ୨୨:୧-୨)

୪୫ ଯିହୁଦୀନଡ଼ ଆଗାଙ୍କ ନାରଗେ, ବେନଡ଼ ମରୀୟମ୍ ତେ ଗାରରେ ଖାସ୍ ମାଡ଼ିତଡ଼, ନୁ ଜିସୁନ୍ ପାଡ଼ି ଉଡ଼ିତଡ଼, ଅଡ଼ ଅନାଗ୍ ବିଶ୍ୱାସ୍ ମାଡ଼ିତଡ଼;

୪୬ ମେଣ୍ଟେ, ଅଡ଼ ତାଗାଙ୍କ ବେନ ପାରୁଣୀଡ଼ ପାକେ ଆଞ୍ଜି, ଜିସୁ ବାଡ଼ ବାତେଏ ପାଡ଼ି ମାଡ଼ିମାଡ଼ିତଡ଼, ଆଦ୍ ସାରେ ଅଡ଼କ୍ କେଡ଼ତଡ଼;

୪୭ ଆଗାଙ୍କ ବେଡ଼ିଇ ଯାଜକ୍ ନୁ ପାରୁଣୀଡ଼ ବେଡ଼ିଇ ଶବାତାଗ୍ ଆଞ୍ଜି କେଡ଼ତଡ଼, “ମାନାଡ଼ ବାତେଏ ମାଡ଼ିକାଡ଼? ଇ ନାରୁନ୍ ତ ନାରଗେ ବାକ୍‌ଖାକାମ୍ ମାଡ଼ିତଡ଼ ।

୪୮ ଯଦି ମାମ୍‌ମେ ଅଂକିଙ୍କ ଆଲେନ୍ ଝିଡ଼ିଦ୍‌ତମ୍, ଆଲେକେ ସାରେତଡ଼ ଅନାଗ୍ ବିଶ୍ୱାସ୍ ମାଡ଼ିତଡ଼, ମେଣ୍ଟେ ରୋମିୟ ନାରୁଡ଼ ଖାସ୍ ମାନନାଦ୍ ମନ୍ଦିରତିଙ୍କ ନୁ ଜାତିତିଙ୍କ ଦଂସ୍ ମାଡ଼ିଦ୍‌ତଡ଼ ।”

୪୯ ଅଡ଼ ଆଗାଙ୍କ ଆ ହେଣ୍ଟେଡ଼ ବେଡ଼ିୟାଦ୍ ଯାଜକ୍ କୋୟାପାଲ୍ କେଡ଼ତଡ଼, “ମିଡ଼ ବାତେଏ ପୁନ୍‌ଝିଡ଼;

୫୦ ସାରେ ଜାତି ବିନଷ୍ଟ ଆଦାନ୍ ଝିଡ଼ି ଝେରଣ୍ ନାରୁଡ଼ ଡଲ୍‌ନାଦ୍ ସାଏ ହିଦ୍‌ବାଡ଼ ମିଡ଼ ବୁଜେମ୍ ଆୟ୍‌ଝିଡ଼ ।”

୫୧ କୟାପା ନିଜେଡ଼ ମାନ୍ ତାଗାଙ୍କ ହିଦ୍ କେଲଣ୍, ବାତେଙ୍କ ଇଡ଼କେ ଅଣ୍ ଆଦ୍ ଖାଡ଼ସେତେ ବେଡ଼ିଇ ଯାଜକ୍ ମାୟାନ୍ ମାଇଦିଙ୍କ ହିଦ୍ ଗଡ଼ ଅନ୍ ମକତାଗାଙ୍କ ପେଇସ୍ ମାଡ଼ିତେ,

୫୨ ଚିହ୍ନେ ଝେରେ ଆସ୍‌ମାୟାନ୍ ଇଶ୍ୱରତେ ନାରୁଡ଼, ଝେରଡ଼, ଗଣ୍ଡିତାଗ୍ ଅଣ୍ଟାୟାଗେ ମାଡ଼ାଙ୍କ ଜିସୁଙ୍କ ଡଲେ ଝେଇଡ଼ିଡ଼ ।

୫୩ ଆଦିଙ୍କ ଆଦ୍ ଦିନକଞ୍ ଅଡ଼ ଜିସୁଙ୍କ ହାତକାଙ୍କ ମାଇଦିଙ୍କ ଚକ୍ରାନ୍ତ ମାଡ଼ିତଡ଼ ।

୫୪ ଜିସୁ ଯିହୁଦୀନଡ଼ ଆଗାଙ୍କ ମେଣ୍ଟେ ଆଦଦା ଖାଦା ଆୟ୍‌ୟଣ୍, ବାତେଙ୍କ ଇଡ଼କେ ଆଦ୍ ପଡ଼ିୟେ ତାଗାଙ୍କ ପେଇସ୍‌ଆଞ୍ଜି ଜିରୁଶାଲମ୍ ଝିଡ଼ି ଉଡ଼କ ମାୟାନ୍ ଏପ୍ରୟିମ୍ ପେଦେରତେ ଝେରଡ଼ ସହର୍ ଆଡ଼ିତଡ଼, ମେଣ୍ଟେ ଆ ଶିଷ୍ୟନଡ଼ିତଡ଼ ଆଗେ ମାଡ଼ିତଡ଼ ।

୫୫ ଯିହୁଦୀନଡ଼, “ନିସ୍ତାର୍,” ପାଣ୍ଡୁ ଗାରରେ ଏଞ୍ଜୁସ୍ ମାଡ଼ିତେ, ମେଣ୍ଟେ ରାଜ୍ୟକିନାଗାଙ୍କ ନାରଗେ ନାରୁଡ଼ ସୁସ୍ଥ ଆଦାନ୍ ମାଇଦିଙ୍କ ନିସ୍ତାର୍ ପାଣ୍ଡୁ ତାଗ୍ ଜିରୁଶାଲମ୍ ଆଦିତଡ଼ ।

୫୭ ଆଗେ ଅଡ଼୍ ଜିସୁଙ୍କ ମେହେକ ମନ୍ଦିର ତାଗ୍ ନିସ୍ମାୟାନ୍ ଖେଲେ ତାମ୍‌ତାମ୍ କେତାଙ୍କ ପସ୍‌ପଡ଼ତଡ଼, “ମିଡ଼୍ ବାତେଏ ଏକା ମାଡ଼ୁଡ଼ିଡ଼୍ ? ଅଣ୍ ବାଡ଼ ପାଣ୍ଡୁନ୍ ତାଗ୍ ଝାଡ଼ତଣ୍ ନା ଇଲେ ?”

୫୮ ମୁକ୍ୟ ଯାଜକିଡ଼୍ ନୁ ପାରୁଗୀଡ଼୍ ଜିସୁଙ୍କ ପଇତାନ୍ ସେଙ୍ଗେ, ଅଣ୍ ବେଗା ମିନ୍ଦେଣ୍, ଇଦ୍ ଯଦି ବେନ ପୁନ୍‌ତଣ୍, ଆଦ୍ କେତାନଙ୍କ୍ ଗଡ଼ ଇସ୍‌ମାଡ଼ଡ଼୍ ।

୧୨

ମରୀୟମ୍ ଜିସୁଙ୍କ ପୁଡ଼ତଡ଼୍ ମାଡ଼ତେ

(ମାତିଡ ୨୭:୬-୧୩; ମାର୍କ ୧୪:୩-୯)

୧ ଜିସୁ ନିସ୍ତାର ପାଣ୍ଡୁନ୍‌ତ ଆରୁଦିନା ମୁନେଙ୍କ୍ ବେତନିୟାତାଗ୍ ଝାଡ଼ତନ୍; ବେନ୍ ଲାଜାରତିଙ୍କ୍ ଅଣ୍ ତଲ୍‌ତେ ଆଗାଙ୍କ୍ ତେସ୍ ମାଡ଼ତନ୍, ଅଣ୍ ଆଦ୍ ପଡ଼ିୟେ ତାଗ୍ ମାଡ଼ତଣ୍ ।

୨ ଆଦିଙ୍କ୍ ଅଡ଼୍ ଜିସୁନ୍ ମାଇଦିଙ୍କ୍ ଆଦ୍ ପଡ଼ିୟେତାଗ୍ ଅଣ୍ଡୟ ନାର୍କା ବଜି ମାଡ଼ତଡ଼; ମାର୍ତ୍ତାଲ୍ ସେବା ମାଡ଼ମାଡ଼ତେ, ମେଣ୍ଡେ ବେନଡ଼୍ ଅନ୍ ତଡ଼୍ ତିନ୍ଦାଙ୍କ୍ କୁଦତଡ଼, ଲାଜାର ଅଡ଼୍ ଆଗାଙ୍କ୍ ଝେରଣ୍ ମାଡ଼ତନ୍ ।

୩ ✧ଆସୁଙ୍କ୍ ମରୀୟମ୍ ଅଦ୍‌ଦା ଲିଟର ଗାଟି ଦାମ୍ ତେ ନିୟ୍ ଲେକେଡ଼ ଗାବ୍‌ତାଦା ନିୟ୍ ଅସ୍ ଜିସୁନ୍ ଡେକାନାଗ୍ ଆଦ୍ ତୋମି ତାନ୍ କେଲ୍‌କିନେ ଅନ୍ ଡେକାଙ୍କ୍ ଉଞ୍ଜିପିତେ, ମେଣ୍ଡେ ନିୟ୍‌ଦେ ଗାବ୍ ଦେ ଲୋନ୍ ଆନ୍‌ତେ ମହକେମ୍ ଆଡ଼ତେ

୪ ବାତେଙ୍କ୍ ଇକ୍‌ବେ ଜିସୁନ୍ ଶିଷ୍ୟନଡ଼୍ ଆଗାଙ୍କ୍ ଇଷ୍ଟାରୀୟତିୟ୍ ଯିହୁଦା ପେଦେର ତନ୍ ବେନ୍ ଶିଷ୍ୟ ଅଂକିଙ୍କ୍ ଶତୁଡ଼୍ କାଇଦେ ପସ୍‌ପିଦାଙ୍କ୍ ଆଞ୍ଜମାଡ଼ତଣ୍, ଅଣ୍ କେଡ଼ତଣ୍,

୫ “ଆଦ୍ ନିୟ୍ ମୁଣ୍ଡ଼ାୟା ରୁପାଡ଼ାବକିନ୍ ବାତେଙ୍କ୍ ଝାମ୍‌ତା ? ବାଡ଼ତିଙ୍କ୍ ଦରିଦ୍ର ନାରୁଡ଼୍‌କ୍ ଇଝି ଆଡ଼ତେ ?”

୬ ଅଣ୍ ଯେ ଦରିଦ୍ର ନାରୁଡ଼୍ ସେଙ୍ଗେ ଚିନ୍ତେ ମାଡ଼ମାଡ଼ତନ୍ ଇଞ୍ଜ ଇଦ୍ କେଡ଼ତେ, ଆଦ୍ ଆୟ୍‌ୟ, ବାତେଙ୍କ୍ ଇଡ଼କେ ଅଣ୍ ଝେରଣ୍ ଡଙ୍ଗାଲ୍, ମେଣ୍ଡେ ଅନାଗାଙ୍କ୍ ଡାବ୍ ମୁନେ ମାନ୍‌ନାଙ୍କ୍, ଆଗେ ବାତା ଝାଟି ମାଡ଼ତଡ଼, ହାଉସାରେ ଡଙ୍ଗି ମିକା ଆସମାଡ଼ତନ୍ ।

୭ ବାବେଲ୍ ଇକ୍ରେ ଜିସୁ କେତ୍‌ତଣ୍ଡ, “ଇଦିଙ୍କ୍ ଖିଡ଼ସିମୁର୍, ବେଲା ନା ସମାଦି ଦିନାଡ଼ ଖେଲେ ଅଣ୍ଡ ଇଦ୍ ନେହେତେ ପାର୍‌ତଣ୍ଡ ।

୮ ଦରିଦ୍ର ନାରୁଡ଼ ତ ସାରେଦିନା ମିଇ ପାକେ ମିନ୍ଦେଡ଼, ମାତର୍ ନାନ୍ ସାରେଦାମ୍ ମିଇ ପାକେ ମାନନ୍ ।”

ଲାଜାର୍‌ତେ ବିରୁଦ୍‌ତେ ସଡ଼ଜନ୍ତୁ

୯ ଆଗାଙ୍କ୍ ଗାଟି ଯିହୁଦି ନାରୁଡ଼ ଜିସୁ ବେତନିୟାତାର୍ ମିନ୍ଦେଣ୍ଡ ଇଞ୍ଜ ପୁଞ୍ଜ ମିକା ମାତର୍ ଜିସୁନ୍ ମାଇଦିଙ୍କ୍ ଆୟ୍‌ୟ, ମାତର୍ ବେନ୍ ଲାଜାର୍‌ତିଙ୍କ୍ ଅଣ୍ଡ ଡଲ୍‌ତାଗାଙ୍କ୍ ତେହେସ୍‌ମାଡ଼ତନ୍, ଅଂକିଙ୍କ୍ ଉଡାଙ୍କ୍ ମାଇଦିଙ୍କ୍ ଖାଡ଼ତଡ଼ ।

୧୦ ଆଗେ ଲାଜାର୍ ତିଙ୍କ୍ ମିକା ହାଉକାଙ୍କ୍ ସେଙ୍ଗେ ବେଡ଼ିଇ ଯାଜକ୍‌ନଡ଼ ମନ୍ତ୍ରନା ମାଡ଼ତଡ଼,

୧୧ ବାବେଲ୍ ଇଡ଼କେ ଅନ୍ ସେଙ୍ଗେ ଯିହୁଦିନଡ଼ ଆଗାଙ୍କ୍ ନାର୍‌ଗେ ନାରୁଡ଼ ଆଞ୍ଜ ଅଡ଼କ୍ ଅବିଶ୍ୱାସ୍ ମାଡ଼ମାଡ଼ତଡ଼ ନୁ ଜିସୁ ନାଗେ ବିଶ୍ୱାସ୍ ମାଡ଼ମାଡ଼ତଡ଼ ।

ଜିସୁନାଦ୍ ଜିଡାନାଦ୍ ଜାତ୍ରା

(ମାତିଡ ୨୧:୧-୧୧; ମାର୍କ ୧୧:୧-୧୧; ଲୁକ ୧୯:୨୮-୪୦)

୧୨ ମେଣ୍ଡେଅନ୍ ଦିନ୍ ନିସ୍ତାର ପାଣ୍ଡୁମୁତାର୍ ଖାସ୍ ମାନ୍‌ନ୍ ନାର୍‌ଗେ ନାରୁଡ଼ ଜିସୁ ଜିରୁଶାଲମ୍ ତା ଖାଦୁତନ୍ ଇଞ୍ଜ କେଞ୍ଜତଡ଼,

୧୩ ଆଦିଙ୍କ୍ ହେତେଲ୍ ମାଟା ଆସ୍ ଅଂକିଙ୍କ୍ କାଇଲାନ୍ ସେଙ୍ଗେ ପେଇସ୍ ଆଦତଡ଼ ନୁ ଗାଟି ଲେଙ୍ଗ୍‌ଦେ କେତାଙ୍କ୍ ପସ୍‌ପଡ଼ତଡ଼, “ପ୍ରସଂଶା । ପ୍ରବୁନ୍ ପେଦେର୍‌ତେ ବେନ ଖାଦୁତନ୍, ଅଣ୍ଡ ଦନ୍ୟ; ଦନ୍ୟ ଇସ୍ତାଏଲ୍‌ତେ ରାଜା ।”

୧୪ ଜିସୁ ଖେରଡ଼ ଗଦ ପରର କୁଦି ଖାସମାଡ଼ତନ୍ । ହିଦିନ୍ ତଡ଼ ଶାସ୍ତ୍ରତାର୍ ଖେରଡ଼ ବାବବାନି ସାରେ ଆଡ଼ତେ;

୧୫ “ହୋ ସିୟନ୍‌ତେ ପିକିଡ଼, ଖେର୍‌ମା;

ଉଡେ ମିଞ୍ଜନ୍ ରାଜାଲ୍ ଖାଦୁତନ୍,

ଅଣ୍ଡ ଗଦତ୍ ପରର କୁଦି ଖାଦୁତନ୍ ।”

୧୬ ଅନ୍ ଶିଷ୍ୟନଡ଼ ମୁନେଙ୍କ୍ ଇଦ୍ ସାରେ ବିଷୟ ବୁଜେମ୍ ଆୟ୍‌ୟଡ଼, ବାବେଲ୍ ଇଡ଼କେ ଜିସୁ ମହିମାନିତ ଆଡ଼ତେ ଖେଲେ ଇଦ୍ ସାରେ

ବିଷୟ ଯେ ଅନ୍ ମୁନେ ଲେକାମାଡ଼ତେ, ମେଣ୍ଟେ ଅନ୍ ସେଙ୍ଗେ ଅଡ଼, ଯେ ଇଦ୍‌ସାରେ ମାଡ଼ିମାଡ଼ତଡ଼, ଆଦ୍ ଅଡ଼୍‌ମାନ୍ ଦାଗ୍ ଖାଡ଼ତେ ।

୧୭ ମେଣ୍ଟେ, ଜିସୁ ଲାଜାର୍ ତିଙ୍କ୍ ସମାଦି ତାଗାଙ୍କ୍ ଡଲ୍‌ତେ ଆଗାଙ୍କ୍ ତେତାନ୍ ଖେଲେ ବେନ୍ ନାରୁଡ଼୍ ମୁନେ ଅନ୍ ତଡ଼୍‌ମାଡ଼ତଡ଼, ଅଡ଼୍‌ଆଦ୍ ଗଟ୍‌ନା ବିଷୟତେ ସାକ୍ଷ୍ୟ ହିଦାଙ୍କ୍ ପସ୍‌ପଡ଼ତଡ଼ ।

୧୮ ହିଦିନ୍ ସେଙ୍ଗେ ନାରୁଡ଼୍ ଅଂକିଙ୍କ୍ କାହିଲାନଙ୍କ୍ ଆଞ୍ଜ୍ ମାଡ଼ତଡ଼, ବାତେଙ୍କ୍ ଇଡ଼କେ ଆଦିଙ୍କ୍ ଅଣ୍ଟ୍ ଇଦ୍ ବାକ୍‌ଖାକାମ୍ ମାଡ଼ତଣ୍ଟ୍ ଇଞ୍ଜ୍ ଅଡ଼୍ କେଞ୍ଜିମାଡ଼ତଡ଼ ।

୧୯ ଆଗାଙ୍କ୍ ପାରୁଗୀଡ଼୍ ତାମତାମ୍ କେତା କେତି ଆଦତଡ଼, “ଉଡ଼୍‌ଡ଼ିଡ଼୍ ତ, ମାଞ୍ଜାଦ୍ ସାରେତଡ଼ାଦ୍ ଆଲ୍‌ସି ଲେକେଡ୍ ଆଦୁତେ; ଉଡ଼ାଟ୍, ଜଗତ୍‌ଯାକ ସାରେତଡ଼୍ ଅନ୍ ପେର୍‌କେ ଅଦୁଡ଼ତଡ଼ ।”

ବେସକ୍‌ଡୁଡ଼୍ ଗ୍ରୀକ୍ ନାରୁଡ଼୍ ଜିସୁଙ୍କ୍ ମେହେକ ମାଡ଼ତଡ଼୍

୨୦ ପାଣ୍ଟୁ ସମୟତେ ଉପବାସ୍ ମାଡ଼ାନ୍ ସେଙ୍ଗେ ଖାସ୍‌ମାନ୍ଦାନ୍ ନାରୁଡ଼ାଗାଙ୍କ୍ ବେସକ୍‌ ଡୁଡ଼୍ ଗ୍ରୀକ୍ ନାରୁଡ଼୍‌ମାଡ଼ତଡ଼ ।

୨୧ ଅଡ଼୍ ଗାଲିଲୀତେ ବେଡ଼୍‌ସାଇଦା ନାରୁଡ଼୍ । ଅଡ଼୍ ପିଲିପ୍‌ତେ ଗାର୍‌ରେ ଆଞ୍ଜ୍ କେଡ଼ତଡ଼, “ପାୟକା ମାମ୍‌ମେ ଜିସୁଙ୍କ୍ କାଇଲାନ ସେଙ୍ଗେ ମାୟାଦ୍ ଇଛା ।”

୨୨ ପିଲିପ୍ ଆଞ୍ଜ୍ ଆନ୍‌ଦ୍ରିୟଙ୍କ୍ କେଡ଼ତଣ୍ଟ୍, ମେଣ୍ଟେ ଆନ୍ଦ୍ରିୟ ନୁ ପିଲିପ୍ ଆଞ୍ଜ୍ ଜିସୁଙ୍କ୍ କେଡ଼ତଡ଼ ।

୨୩ ଜିସୁ ଅଡ଼୍‌କ୍ ଉଉର୍ ହିଡ଼ତନ୍, “ନାରୁନ୍ ପିଲେ ମହିମାନିତ ଆଦାନ୍ ସେଙ୍ଗେ ଦିନାମ୍ ହେସୁତେ ।”

୨୪ ସଡ଼ ନାନ୍ ମିକିଂଙ୍କ୍ କେସମିନ୍ଦେନ୍, ଗଅମ୍ ପେଡେମ୍ ଯଦି ବୁନ୍‌ଦାଗେ ରାଲୀ ଡଲ୍‌ଖେ ମାନ୍‌ତେ, ଆଲେକେ ଆଦ୍ ଅଣ୍ଟ୍‌ୟ ମାନ୍‌ତେ, ବାତେଙ୍କ୍ ଇଡ଼କେ ଡଲିଡ଼, ଆଲେକେ ନାର୍‌ଗେ କାୟା ଆଦିତେ ।

୨୫ ☆ବେନ ନିଜେଡ଼ ଜିଝୁଣ୍ଡିଙ୍କ୍ ପ୍ରେମ ମାଡ଼ିତନ୍, ଅଣ୍ଟ୍ ଆଦ୍ ଆରା ମାଡ଼ିତନ୍; ମେଣ୍ଟେ ବେନ ନିଜେଡ଼ ଜିଝେଡ଼ଙ୍କ୍ ପ୍ରେମ ମାଡ଼ଣ୍ଟ୍ ନୁ ଜଗତ୍ ଅଙ୍କ୍ ପାସକିଡ଼, ଅଣ୍ଟ୍ ଆଦ୍ ସାରେଦିନାଡ଼ ଜିଝୁନ୍ ସେଙ୍ଗେ ରକ୍ଷା ମାଡ଼ିତନ୍ ।

୨୭ ବେନ ନା ଦାସ ଆଦୃଦାଙ୍କ ଇଚ୍ଛା ମାଡ଼ିତନ୍, ଆଲେକେ ଅଣ୍ଟି ନା ପେରକେ ଖାଡ଼ିଣ୍ଟି; ମେଣ୍ଟେ, ନାନ୍ ବେଗା ମାନ୍ତାନ, ଆଗେ ଅଣ୍ଟି ଆନ୍ତେ ମାନ୍ତନ୍; ବେନ ନା ସେବା ମାଡ଼ିତନ୍, ଆଲେକେ ବାବାଲ୍ ଅଂକିଙ୍କ ସମ୍ମାନ ହିଦତଣ୍ ।

ଜିସୁନ୍ ଡଲାନ ବିଷୟତେ ଗଟ୍

୨୭ “ଇଞ୍ଜେ ନାନ୍ ଗାଟି ଦୁଃକାମ୍, ନାନ୍ ବାତେଏ ମାଡ଼ିତାନ୍ ? ‘ବାବା, ଇଦ୍ ଦୁଃକ ସମୟତାଗାଙ୍କ ନାକିଂଙ୍କ ଉଦାର ମାଡ଼େ, ଆଦିନ୍ ସେଙ୍ଗେ ତ ନାନ୍ ଇ ସମୟତାଗ୍ ଖାସ୍ ମିନ୍ଦେନ୍ ।’

୨୮ ବାବା, ନିଝାଦ୍ ପେଦେର୍ ମହିମାନିତ ମାଡ଼େ ।” ଆଗାଙ୍କ ମାବ୍ ତାଗାଙ୍କ ଇଦ୍ ବାଣି ଆଡ଼ତେ, “ମାମ୍ମେ ଆଦ୍ ମହିମାନିତ ମାଡ଼ିମିନ୍ଦେମ୍, ମେଣ୍ଟନ୍ ଦାମ୍ ମହିମାନିତ ମାଡ଼ିତମ୍ ।”

୨୯ ଆସୁଙ୍କ ଗାରରେ ନିସ୍ ମାନ୍ଦାନ୍ ନାରୁଡ୍ ଇଦ୍ କେଞ୍ଜି ମାବ୍ ନେକ୍ତେ ଇଞ୍ଜି କେଡ଼ତଡ଼; ମେଣ୍ଟେ ବାଗାତଡ଼ କେଡ଼ତଡ଼, “ଝେରନ୍ ଦୂତ ଅଂକିଙ୍କ ଗଟ୍ କେସ୍ମିନ୍ଦେ ।”

୩୦ ଜିସୁ ଅଡ଼କ୍ କେଡ଼ତଣ୍, “ନା ମାଇଦିଙ୍କ ଇଦ୍ ବାଣି ଆୟ୍ୟ, ମାତର୍ ମିଇ ମାଇଦିଙ୍କ ଆସ୍ମିନ୍ଦେ ।

୩୧ ଇଞ୍ଜେ ଇ ଜଗଡ଼ତାଦ୍ ବିଚାର ହେଝୁତେ; ଇଞ୍ଜେ ଇ ଜଗଡ଼ତଣ୍ ଅଦିପଡ଼ିଙ୍କ ବାଇଦେ ଏସ୍ ଝେଇତିଡ଼ ।

୩୨ ଯଦି ନାନ୍ ପୃତିବିତେ ପରର ଆଦତନ୍, ଆଲେକେ ସାରେତଡ଼କିଂଙ୍କ ନା ଗାରରେ ଅଦତାନ୍ ।”

୩୩ ଅଣ୍ଟି ବେଦଲେକାମ୍ ଡଲାନଙ୍କ ଆଦୁତନ୍, ଆଗେଟ୍ ଗଟ୍ ଇସ୍ ଇଦ୍ କେଡ଼ତାନ୍ ।

୩୪ ଆଗାଙ୍କ ନାରୁଡ଼ କେଡ଼ତଡ଼, “ମସିହ ସାରେଦିନାମ୍ ମାନ୍ଦାନାଦ୍ ମାମ୍ମେ ବ୍ୟବସ୍ଥାତାଗ୍ ସାରେ କେଞ୍ଜିମିନ୍ଦେମ୍, ଆଲେକେ ନାରୁନ୍ ପିଲା ପରର ଆଦତନ୍ ଇଞ୍ଜି ନିମ୍ ବେଲା କେଡୁତି ? ଇ ନାରୁନ୍ ପିଲା ବେନ ?”

୩୫ ଆଗାଙ୍କ ଜିସୁ ଅଡ଼କିଂଙ୍କ କେଡ଼ତଣ୍, “ମେଣ୍ଟେ ସୁଦୁର୍ ଦିନାମ୍ ମାତର୍ ଝେସ୍ ମିୟାଗ୍ ମିନ୍ଦେ । ଇକାଡ଼ ବେଲା ମିକିଂଙ୍କ ଆଦପାପ୍ ମାଡ଼, ଆଦିନ୍ ସେଙ୍ଗେ ମିଡ଼ ଝେସ୍ ମାନ୍ନା ଆଦାନଙ୍କ ତିଆର୍ ଆୟ୍ୟୁର୍, ବେନ ଇକାଡ଼ତାଗ୍ ତାକିତନ୍, ଅନ୍ ବେକେ ଆଦୁତନ୍, ଆଦ୍ ପୁନନ୍ ।

୩୬ ମିତ୍ ବେଲା ଝେସତେ ପିଲା ଆଦତିତ୍, ଆଦିନ୍ ସେଙ୍ଗେ ଝେସ୍ ମିୟାଗେ ମାନନା ଝେସତିଙ୍କ ବିଶ୍ବାସ୍ ମାଡ଼ାଟ୍ ।” ଜିସୁ ଇଦ୍‌ସାରେ ଗଟି କେସ୍ ପେଇସ୍‌ଆଞ୍ଜ ଅଡ଼୍‌ଆଗାଙ୍କ ମାୟି ଆଡ଼ତଣ୍ ।

ନାରୁଡ଼ାଦ୍ ଅବିଶ୍ବାସ୍

୩୭ ଯଦି ଜିସୁ ଅଡ଼୍ ମୁନେ ଆସର୍ ଆଶର୍ଯ୍ୟ ପାଡ଼ୁୟି ମାଡ଼ିମାତନ୍, ଆଗେକ୍ ବା ଅଡ଼୍ ଅନାଗ୍ ବିଶ୍ବାସ୍ ମାଡ଼ୁଝେ ମାଡ଼ତଡ଼୍,

୩୮ ବେଦ୍‌ଲେକାମ୍ ଜିଶାଈୟ ବାବବାଦିତ୍ ବାକ୍ୟ ସାରେ ଆଦତେ, “ହଁ ପ୍ରବୁ, ବେନ ମା ସମ୍ବାଦ ବିଶ୍ବାସ୍ ମାଡ଼ତଣ୍ ?

ମେଣ୍ଟେ ବେନ ଗାରରେ ପ୍ରବୁ ଅନାଦ୍ ଶକ୍ତି ତିଆର୍ ମାଡ଼ତଣ୍ ?”

୩୯ ଇଦିନ୍ ସେଙ୍ଗେ ଅଡ଼୍ ବିଶ୍ବାସ୍ ମାଡ଼୍ ପାର୍‌ଝେ ମାଡ଼ତଡ଼୍, ବାତେଙ୍କ ଇଡ଼କେ ଜିଶାଈୟ ମେଣ୍ଟନ୍‌ଦାମ୍ କେସ୍‌ମିନ୍‌ନେନ୍,

୪୦ “ଇଶ୍ବର୍ ଅଡ଼ାଞ୍ଜ କଣ୍ଟାଙ୍କ କାନାଲ୍ ମାଡ଼ିମିନ୍‌ନେନ୍,

ମେଣ୍ଟେ ଅଡ଼ାଦ୍ ଜିହ୍ବନ୍ ଦୁର୍‌ଟାଙ୍କ ମାଡ଼ିମିନ୍‌ନେନ୍,

ବେଦ୍‌ଲେକାମ୍ ଅଡ଼୍ କଣ୍ଟାନ୍ ଉଡ଼େ ପାର୍‌ଝାଦ୍,

ମେଣ୍ଟେ ଜିଝେତାଗ୍ ବୁଜେମ୍ ଆଦ୍‌ପାର୍‌ଝଡ଼୍,

ମେଣ୍ଟେ ମାଲ୍‌ଦେ ପାର୍‌ଝଡ଼୍,

ମାମ୍‌ମେ ଅଡ଼୍‌କିଂଙ୍କ ସୁସ୍ତ ମାଡ଼ମ୍ ।”

୪୧ ଜିଶାଈୟ ଇଦ୍‌ସାରେ କେଡ଼ତାଙ୍କ, ବାତେଙ୍କ ଇଡ଼କେ ଅଣ୍ଟ ଜିସୁନାଦ୍ ମହିମା ଉଡ଼ତନ୍ ନୁ ଅନ୍ ବିଷୟତେ ଗଟିକେଡ଼ତନ୍ ।

୪୨ ଆଗେକ୍ ବା ନେଡ଼ତାନଡ଼୍ ଲୋପେଙ୍କ ନାର୍‌ଗେ ଜିସୁନାଗ୍ ବିଶ୍ବାସ୍ ମାଡ଼ତଡ଼୍, ବାତେଙ୍କ ଇଡ଼କେ ବେସୁଙ୍କ ଅଡ଼୍ ସମାଜରୁ୍ୟତ ଆଦତଡ଼୍, ଆଦିନ୍ ସେଙ୍ଗେ ପାରୁଶୀନଡ଼୍ ମାଈଦିଙ୍କ ଆଦ୍ ସ୍ବାକାର୍ ମାଡ଼ୁଝେ ମାଡ଼ତଡ଼୍,

୪୩ ବାତେଙ୍କ ଇଡ଼କେ ଅଡ଼୍ ଇଶ୍ବର୍‌ତେ ପ୍ରଶଂସା ଝିଡ଼୍‌ସି ବେଲାନ୍ ନାରୁଡ଼ାଦ୍ ଅନୁମତିତିଙ୍କ ଗାଟି ପ୍ରେମ ମାଡ଼ତଡ଼୍ ।

ଜିସୁନ୍ ବାକ୍ୟ ତଡ଼୍ ନାରୁଡ଼ାଦ୍ ବିଚାର୍

୪୪ ଜିସୁ ଗାଟିଲେଙ୍କ୍‌ଦେ କେଡ଼ତଣ୍, “ବେନ ନାକିଂଙ୍କ ବିଶ୍ବାସ୍ ମାଡ଼ିତନ୍, ଅଣ୍ଟ ମାତର୍ ନାୟାଗେ ବିଶ୍ବାସ୍ ମାଡ଼ନ୍, ମାତର୍ ନା ପ୍ରେରଣାକର୍ତ୍ତାନ୍ ନାଗେ ବିଶ୍ବାସ୍ ମାଡ଼ିତନ୍;

- ୪୫ ବେନ ନାକିଂଙ୍କ ଉଡ଼ତନ୍, ଅଣ୍ଟ ନା ଖାଦାନକର୍ତ୍ତାଙ୍କ ମିକା ଉଡ଼ତନ୍ ।
- ୪୬ ଆଦିନ୍ ସେଙ୍ଗେ ନାନ୍ ଜଗତ୍ତେ ଖେସ୍ ଆସ୍ ଖାସ୍ମିନ୍ଦେନ୍, ବେନ ନାକିଂଙ୍କ ବିଶ୍ୱାସ୍ ମାଡ଼ିତନ୍, ଅଣ୍ଟ ଇକାଡ଼ତାଗ୍ ମାନନ୍ ।
- ୪୭ ବେନ ନା ଗଟି କେଞ୍ଜି ପାଲନ୍ ମାଡ଼ନ୍, ନାନ୍ ଅନାଦ୍ ବିଚାର୍ ମାଡ଼ନ୍, ବାତେଙ୍କ ଇଡ଼କେ ନାନ୍ ଜଗତ୍ତାଗ୍ ବିଚାର୍ ମାଡ଼ାଙ୍କ୍ ଖାଡ଼ନ୍, ନାନ୍ ଜଗତ୍ତିଙ୍କ୍ ରକ୍ଷା ମାଡ଼ାଙ୍କ୍ ଖାଡ଼ତାନ୍ ।
- ୪୮ ବେନ ନାକିଂଙ୍କ ଆଗ୍ରାହ୍ୟ ମାଡ଼ିତନ୍ ନୁ ନାୟାଦ୍ ବାକ୍ୟ ଗ୍ରହନ୍ ମାଡ଼ନ୍, ନାୟାଦ୍ ମକମ୍ତେ ଗଟ୍ ଶେଷ ଦିନେତେ ଅନାଦ୍ ବିଚାର୍ ମାଡ଼ିତ୍ ।
- ୪୯ ଇଦ୍ ସଡ଼, ବାତେଙ୍କ ଇଡ଼କେ ନାନ୍ ନିଜେତାଗାଙ୍କ୍ କେଲନ୍, ମାଡ଼ର୍ ନାନ୍ ବାତେଏ କେଡିତାନ୍ ନୁ ବାତେଏ କେଞ୍ଜିପିତାନ୍, ଆଦ୍ ନା ମାଲ୍ସ୍‌ଖାଦାନ୍ ବାବାଲ୍ ନାକିଂଙ୍କ ଗଟ୍ ହିଡ଼ତନ୍;
- ୫୦ ମେଣ୍ଡେ ନାନ୍ ପୁଡ଼ତାନ୍ ଅନ୍ ଗଟ୍ ସାରେଦିନାଡ଼ ଜିଝୁନ୍ ହିଡ଼ତେ, ନା ବାବାଲ୍ ନାକିଂଙ୍କ ବାତେଏ କେତାଙ୍କ୍ କେସ୍ମିନ୍ଦେଣ୍ଟ, ଆଦେ ଲେକାମ୍ କେଡ଼ତାନ୍ ।”

୧୩

ଜିସୁ ଶିଷ୍ୟତାଉ ତେକାଙ୍କ୍ ନର୍ସିଡ଼ତଣ୍ଟ

- ୧ ନିସ୍ତାର୍ ପାଣ୍ଡୁନ୍ ଆଦାନ୍ ମୁନେଙ୍କ୍ ଜିସୁ ଇଦ୍ ଜଗତ୍ତାଗାଙ୍କ୍ ବାବାନ୍ ଗାରରେ ଆଦାନଙ୍କ୍ ଅନାଦ୍ ଦିନାମ୍ ଉପସ୍ଥିତ୍ ଆଡ଼ତାଦ୍ ପୁଞ୍ଜ, ଜଗତ୍ ତାଗ୍ ମାନ୍ଦାନ୍ ନିଜେଡ଼ ବେନ୍ ନାରୁଡ଼କ୍ ଅଣ୍ଟ ପ୍ରେମ ମାଡ଼ି ଖାସ୍ମାଡ଼ତନ୍, ଅଡ଼ ସାରେ ନାରୁଡ଼କ୍ ପ୍ରେମ ତିଆର୍ ମାଡ଼ତଣ୍ଟ ।
- ୨ ମେଣ୍ଡେ ଜିସୁ ନାରକେଡ଼ ବଜିଡ଼ ଖେଲେ, ବେସୁଙ୍କ୍ ଶୟତାନ୍ ଶିମୋନ୍ତେ ମାର୍ ଇଷ୍ଟାରୀୟତିୟ ଯିହୁଦାନ୍ ଜିଝୁତେ ଜିସୁଙ୍କ୍ ଗତୁଡ଼, କାଇଦେ ପସ୍ପିଦାନ୍ ସେଙ୍ଗେ ସଂକଳ୍ପ ତିଆର୍ ମାଡ଼ିମାଡ଼ତଣ୍ଟ,
- ୩ ଆସୁଙ୍କ୍, ବାବାଲ୍ ଯେ ଅନ୍ କାଇଦେ ସାରେ କ୍ଷମତା ସମର୍ପନ୍ ମାଡ଼ି ମିନ୍ଦେନ୍ ନୁ ଅଣ୍ଟ ଯେ ଇଶ୍ୱରତେ କଞ୍ଜି ଖାସ୍ମିନ୍ଦେନ୍, ମେଣ୍ଡେ ଇଶ୍ୱରତାକେ ଆଞ୍ଜିମିନ୍ଦେନ୍, ଆଦ୍ ପୁଞ୍ଜମାଡ଼ତଣ୍ଟ ।
- ୪ ଆଦିଙ୍କ୍ ଜିସୁ ତିନ୍ଦାନ୍ ପଡ଼ିୟେ ତାଗାଙ୍କ୍ ତେଦି ତାନ୍ ସିଲାଟେଣ୍ଟି ଖେରଡ଼, ତୁଝାଲ୍ ଅସ୍ ଅଡ଼ାଦ୍ କଟି ବନ୍ଦନ୍ ମାଡ଼ତଣ୍ଟ ।

୫ ଆସୁଙ୍କ ଜିସୁ କୁଣ୍ଡାନାଗ୍ ଏର ତସ୍ତଣ୍, ମେଣ୍ଟେ ଶିଷ୍ୟତାଉ ତେକା ନରସିସ୍ ଅନ୍ କଟି ବନ୍ଦନ୍ ମାଡ଼ତେ ତୁଝାଲ୍‌ତାଗ୍ ଉଞ୍ଜିପାଙ୍କ ପସ୍ପତଣ୍ ।

୬ ଆସୁଙ୍କ ଅଣ୍ଟ ଶିମୋନ୍ ପିତରତେ ପାକେ ଖାଡ଼ତନ୍; ଅଣ୍ଟ ଜିସୁଙ୍କ କେଡ଼ତାନ୍, ପ୍ରବୁ ନିମ୍ ନା ତେକାଙ୍କ ନରସିଡ଼ିନ୍ ?

୭ ଜିସୁ ଅଂକିଙ୍କ ଉତ୍ତର ହିଡ଼ତଣ୍, ନାନ୍ ବାତେଏ ମାଡ଼ତୁନ୍, ଆଦ୍ ଇଞ୍ଜେ ମିଡ଼୍ ପୁନ୍‌ଝିଡ଼୍, ବାତେଙ୍କ ଇଡ଼କେ ପେରକେ ପୁନ୍‌ଡ଼ିଡ଼୍ ।

୮ ପିତର ଅଂକିଙ୍କ କେଡ଼ତଣ୍, ନିମ୍ ତ ବେସୁଙ୍କବା ନା ତେକା ନରସିଡ଼ିନ୍ । ଜିସୁ ଅଂକିଙ୍କ ଉତ୍ତର ହିଡ଼ତନ୍, ଯଦି ନାନ୍ ନିକିଂଙ୍କ ନରଞ୍ଜନ୍, ଆଲେକେ ନାତଡ଼୍ ନିଞ୍ଜାଦ୍ ବାତେବା କାଲଲେ ଇଲେ ।

୯ ଶିମୋନ୍ ପିତର ଅଂକିଙ୍କ କେଡ଼ତଣ୍, ପ୍ରବୁ, ମାତର ନାଞ୍ଜାଦ୍ ତେକା ଆୟ୍‌ୟ ନାୟାଉ କାଇକ୍ ନୁ ତାଲ୍ ମିକା ନରସିମ୍ ।

୧୦ ଜିସୁ ଅଡ଼କିଂଙ୍କ କେଡ଼ତଣ୍, ବେନ ଏର ମିର୍ ମିନ୍ଦେନ୍, ଅନାହୁ ତେକା ନରଦାନାଦ୍ ଝିଡ଼ସି ମେଣ୍ଟେ ବାତେଏ ଦରକାର୍ ଆୟ୍‌ୟ । ମିଡ଼୍ ସାରେତଡ଼୍ ଶୁଚି ବାତେଙ୍କ ଇଡ଼କେ ଝେରଣ୍ ଆୟ୍‌ୟ ।

୧୧ ବାତେଙ୍କ ଇଡ଼କେ ବେନ ଅଂକିଙ୍କ ଶତୁଡ଼୍ କାଇଦେ ପସ୍ପିତନ୍, ଅଣ୍ଟ ଅଂକିଙ୍କ ପୁଞ୍ଜି ମାଡ଼ତନ୍, ଅଣ୍ଟ କେଡ଼ତଣ୍, ଅରତୁଙ୍କ ଝିଡ଼ସିଡ଼କେ, ମିଡ଼୍ ସାରେତଡ଼ି ଶୁଚି ।

୧୨ ☆ତାନ୍‌ପେକେ ଜିସୁ ଅଡ଼ାଝୁ ତେକା ନରସି ଅନ୍ ସିଲେ କେରସ୍ ମେଣ୍ଟନ୍ ଦାମ୍ କୁଦତେଝେଲେ ଅଡ଼କିଂଙ୍କ ପାତ୍ରାମାଡ଼ତଣ୍, ନାନ୍ ମିଇ ମାଇଦିଙ୍କ ବାତେଏ ମାଡ଼ତାନ୍, ଆଦ୍ ବାତେଏ ମିଡ଼୍ ବୁଜେମ୍ ଆଡ଼ଡ଼ିଡ଼୍ ?

୧୩ ମିଡ଼୍ ନାକ୍ ଗୁରୁ ନୁ ପ୍ରବୁ ଇଞ୍ଜ କାର୍‌ଘୁଡ଼ିଡ଼୍, ଆଦ୍ ଲେକେଡ଼୍, ବାତେଙ୍କ ଇଡ଼କେ ଅଣ୍ଟେ ତ ନାନ୍ ।

୧୪ ମିଇ ଗୁରୁ ନୁ ପ୍ରବୁ ଆସ୍ ନାନ୍ ଯଦି ମିୟାଝୁ ତେକା ନରତାନ୍, ଆଲେକେ ମିଡ଼୍ ଆନ୍‌ତେ ନିଜେ ନିଜେ ତେକା ନରଦାନାଦ୍ ସାୟେ ।

୧୫ ମିଡ଼୍ ନାକିଂଙ୍କ ଏକାମାଡ଼ାଙ୍କ ଇଞ୍ଜ ନାନ୍ ଇଦ୍‌ଲେକାମ୍ ମାଡ଼ତାନ୍ ।

୧୭ ☆ ନାନ୍ ସତ୍ କେତୁତାନ୍, ବେନବା ଦାସ ଅନ୍ ମାଲିକ୍ ତାଗାଙ୍କ୍
ବେଡ଼ୟନ୍ ଆୟନ୍; ପ୍ରେରିତନଡ଼୍ ତାନ୍ ପ୍ରେରନାକର୍ତ୍ତା ନାଗାଙ୍କ୍ ବେନ
ବେଡ଼ୟନ୍ ଆୟନ୍ ।

୧୭ ଯଦି ମିଡ଼୍ ଆଦ୍ ସାରେ ପୁଞ୍ଜ୍, ଆଲେକେ ଆଦେଲେକାମ୍
ମାଡ଼କେ ମିଡ଼୍ ଦନ୍ୟ ।

୧୮ ନାନ୍ ମିଜ୍ ସାରେତଡ଼୍ ଇଦ୍ ଗର୍ କେଲନ୍; ବେନ୍ ଲେକାମ୍
ନାରୁଡ଼୍ ନାନ୍ ହେଞ୍ଚି ମିନ୍ଦେନ୍, ଆଦ୍ ନାନ୍ ପୁଡ଼ତାନ୍; ବାତେଙ୍କ୍
ଇଡ଼କେ ଦର୍ମଶାସ୍ତ୍ରତାଗ୍ ଇଦ୍ ବାକ୍ୟ ବେଦ୍ଲେକାମ୍ ସାରେ ଆଦ୍ତେ,
ଆଦିଙ୍କ୍ ଇଦ୍ଲେକାମ୍ ଗଟେମ୍ ଆଦୁଡ଼୍, ବେନ ନାୟାଦ୍ ଅନ୍ନ
ତିନ୍ଦତନ୍, ଅଣ୍ ନା ବିରୁଦ୍ତେ ଲାଡ଼ ତେହେଡ଼ତଣ୍ ।

୧୯ ଆଦ୍ ଗଟେମ୍ ଆଦାନ୍ ମୁନେଙ୍କ୍ ନାନ୍ ମିକିଂଙ୍କ୍ କେତୁତାନ୍ ।
ବେସୁଙ୍କ୍ ଆଦ୍ ଗଟେମ୍ ଆଦ୍ତେ, ମିଡ଼୍ ବିଶ୍ବାସ୍ ମାଡ଼ିତିଡ଼୍ ଯେ, ନାନ୍
ବେନ ଅଣ୍ଟେ ନାନ୍ ।

୨୦ ☆ ସତ୍ ନାନ୍ ମିକିଂଙ୍କ୍ କେତୁତାନ୍, ଯେ ନା ପ୍ରେରିଡ଼୍ ନାରୁଙ୍କ୍ ଗ୍ରହନ୍
ମାଡ଼ିତନ୍, ଅଣ୍ ନାକିଂଙ୍କ୍ ଗ୍ରହନ୍ ମାଡ଼ିତନ୍ ନୁ ବେନ ନାକିଂଙ୍କ୍ ଗ୍ରହନ୍
ମାଡ଼ିତନ୍, ଅଣ୍ ନା ଡ୍ରାଣକର୍ତ୍ତାଙ୍କ୍ ଗ୍ରହନ୍ ମାଡ଼ିତନ୍ ।

ବିଶ୍ବାସ୍ ଗାତକ ବିଷୟତେ ଜିସୁନ୍ ଗର୍

(ମାଡ଼ିଉ ୨୭:୨୦-୨୫; ମାର୍କ ୧୪:୧୭-୨୧; ଲୁକ ୨୨:୨୧-୨୩)

୨୧ ଜିସୁ ଇଦ୍ସାରେ ଗଟିକେଡ଼ତେ ପେର୍କେ ଆମ୍ବାତାଗ୍ ଉଦ୍ବିଗ୍ନ
ଆଡ଼ତନ୍ ନୁ ବେନ୍ଲେକାମ୍ ସାକ୍ଷ୍ୟ ଇସ୍ କେଡ଼ତନ୍, ସତ୍ ନାନ୍
ମିକିଂଙ୍କ୍ କେତୁତାନ୍, ମିୟାଗାଙ୍କ୍ ଝେରନ୍ ନାକିଂଙ୍କ୍ ଶତ୍ରୁଡ଼୍ କାଇଦେ
ପସ୍ପିଦ୍ତନ୍ ।

୨୨ ଜିସୁ ବେନଙ୍କ୍ ଲକ୍ଷ ମାଡ଼ି କେଡ଼ତଣ୍, ଆଦ୍ ବିଷୟତେ ଅତବୁଦି
ଆସ୍ ଶିଷ୍ୟନଡ଼୍ ତାମ୍ତାମ୍ ଉଡାଙ୍କ୍ ପସ୍ପିଡ଼ତଡ଼୍,

୨୩ ଅଡ଼୍ ଆଗାଙ୍କ୍ ବେନ୍ ଶିଷ୍ୟଙ୍କ୍ ଜିସୁ ଗାଟି ପ୍ରେମ ମାଡ଼ମାଡ଼ତନ୍,
ଅନ୍ ଜିସୁନ୍ ଗାରରେ କୁଦିମାଡ଼ତଣ୍ ।

୨୪ ଶିମୋନ୍ ପିତର୍ ଅକିଙ୍କ୍ ଶଙ୍କେତ ମାଡ଼ି କେଡ଼ତଣ୍, ଅଣ୍ ବେନ
ବିଷୟତେ କେତୁତନ୍, ଆଦ୍ କେଲ୍ମୁର୍ ।

☆ ୧୩:୧୭ ମାଡ଼ିଉ ୧୦:୨୪; ଲୁକ ୭:୪୦; ଯୋହନ୍ ୧୫:୨୦. ☆ ୧୩:୨୦ ମାଡ଼ିଉ ୧୦:୪୦;
ମାର୍କ ୯:୩୭; ଲୁକ ୯:୪୮; ୧୦:୧୭.

୨୫ ଅଣ୍ଟ ଆଦେଲେକାମ୍ କୁଦିମାଞ୍ଜ ଜିସୁନ୍ ଗାରରେଝାସ୍ ଆଡ଼ଗି ମାଡ଼କି କେଡନ୍, ଅଣ୍ଟ ବେନ ପ୍ରବୁ ?

୨୬ ଆସୁଙ୍କ ଜିସୁ ଉତ୍ତର କେଡ଼ତଣ୍ଟ, ବେନ ସେଙ୍ଗେ ନାନ୍ ଇଦରୁଟିତିଙ୍କ ମୁହୁସ୍ ନୁ ବେନଙ୍କ ଆଦ ଇଦତାନ୍, ଅଣ୍ଟ । ଆଗାଙ୍କ ଅଣ୍ଟ ରଟିତିଙ୍କ ମୁହୁସ୍ ଆଦଅସ୍ ଇଷ୍ଟାରୀୟତିୟ ଶିମୋନ୍ତେ ମାର୍ ଯିହୁଦାଙ୍କ ହିଡ଼ତନ୍ ।

୨୭ ଅଣ୍ଟ ରୁଟି ଇଡ଼ତେ ଝେଲେ ଶୟତାନ୍ ଅନାଗ୍ ନେଙ୍କତେ । ଆଗାଙ୍କ ଜିସୁ ଅଂକିଙ୍କ କେଡ଼ତଣ୍ଟ, ବାତେଏ ମାଡ଼ଡୁନ୍, ଆଦ ଜାପେ ମାଡ଼େ ।

୨୮ ବାତେଙ୍କ ଇଡ଼କେ ଅଣ୍ଟ ବେନ୍ ଗର୍ତ୍ତେ ଅଂକିଙ୍କ ଇଦ୍ ଗର୍ କେଡ଼ତଣ୍ଟ, ଆଗେ ବଜିତାଗ୍ କୁଦିମାନ୍ଦାନ୍ ନାରୁଡ଼ାଗାଙ୍କ ବେନ ପୁନଡ଼ ।

୨୯ ବାତେଙ୍କ ଇଡ଼କେ ଯିହୁଦାତାଗ୍ ତାବ୍ ମୁନେ ମାନନାଙ୍କ, ପାଣ୍ଡୁ ସେଙ୍ଗେ ବାତେଏ ଆଦାନାଦ୍, ଆଦ୍ ଆସାନଙ୍କ ବା ଦରିଦ୍ର ନାରୁଡ଼କ୍ ବାତେଏ ଦାନ ମାଡ଼ାଙ୍କ ଜିସୁ ଅଂକିଙ୍କ କେଡ଼ତଣ୍ଟ ଇଞ୍ଜ ବେନ ଏକା ମାଡ଼ଡ଼ ।

୩୦ ରୁଟିସୁଦୁର୍ ଆସ୍ମିକା ଅଣ୍ଟ ଆସୁଙ୍କ ଯାପେ ପେଇସ୍ ଆଡ଼ତଣ୍ଟ, ଆସୁଙ୍କ ଇକାଡ଼ି ମାଡ଼ତେ ।

ଜିସୁନ୍ ପୁନାଦ୍ ଗର୍

୩୧ ଅଣ୍ଟ ପେଇସ୍ ଆଡ଼ତେ ଝେଲେ ଜିସୁ କେଡ଼ତଣ୍ଟ, ଇଞ୍ଜେ ନାରୁନ୍ ପିଲା ମହିମାନିତ ପ୍ରକାଶ୍ ଆଡ଼ତେ ନୁ ଅନ୍ ତଡ଼ ଇଶ୍ବର ମାହିମାନିତ ଆଡ଼ତେ ।

୩୨ ଯଦି ଇଶ୍ବର ଅନାଗେ ମହିମାନିତ ଆଡ଼ତଣ୍ଟ, ଆଲେକେ ଇଶ୍ବର ମିକା ନାରୁନ୍ପିଲ୍ ଅନାଗ୍ ମହିମାନିତ ମାଡ଼ିତନ୍, ମେଣ୍ଟେ ଯାପେ ଅଂକିଙ୍କ ମହିମାନିତ ମାଡ଼ିତନ୍ ।

୩୩ ☆ଜିସୁ କେଡ଼ତଣ୍ଟ ପିଲାନଡ଼ି ନାନ୍ ମିଡ଼ଡ଼ ମେଣ୍ଟେ ନାରୁଗେ ଦିନାମ୍ ମାନନ୍ । ମିଡ଼ ନାକିଂଙ୍କ ମେହେକିତିଡ଼, ମେଣ୍ଟେ ନାନ୍ ବେନ୍ ପଡ଼ିୟେତାଗ୍ ଆଦୁତାନ୍, ମିଡ଼ ଆଦପଡ଼ିୟେତାଗ୍ ଆଦ୍ ପାରୁଞ୍ଜିଡ଼, ଇଦ୍ ନାନ୍ ବେଲା ଇହୁଦିନଡ଼କ୍ କେଡ଼ତାନ୍, ଆଦେଲେକାମ୍ ନାନ୍ ମିକିଂଙ୍କ କେଡୁତାନ୍ ।

୩୪ ☆ମିତ୍ତ୍ ସାରେ ତଡ଼କିଙ୍କ ପ୍ରେମ ମାଡ଼ାଟ୍, ଇଦ୍ ପୁଃନେ ଗଟ୍ ନାନ୍ ମିକିଂଙ୍କ ଇସମିୟେନ୍; ନାନ୍ ବେଦ୍ଲେକାମ୍ ମିକିଂଙ୍କ ପ୍ରେମ ମାଡ଼ତାନ୍, ମିଡ଼ଆନ୍ତେ ଆଦେଲେକାମ୍ ନିଜେ ନିଜେ ପ୍ରେମ ମାଡ଼ାନ୍ ଲେକାମ୍ ।
 ୩୫ ଯଦି ମିଖାଦ୍ ମିଲ୍ ମିଲ୍ ଲୋପେ ପ୍ରେମ ମାଡ଼କେ, ଆଲେକେ ମିଡ଼୍ ଯେ ନା ଶିଷ୍ୟ, ଇଦ୍ ସାରେତଡ଼୍ ଇଦିନ୍ ତଡ଼୍ ଗ୍ୟାତ ଆଦତିଡ଼୍ ।

ପିତରତେ ଅସ୍ତ୍ରୀକାରତେ ସୁଚନା

(ମାତିଡ ୨୭:୩୧-୩୫; ମାର୍କ ୧୪:୨୭-୩୧; ଲୁକ ୨୨:୩୧-୩୪)

୩୬ ଶିମୋନ୍ ପିତର ଜିସୁଙ୍କ ପାରା ମାଡ଼ତଣ୍ଡ, ପ୍ରବୁ, ନିମ୍ ବେଗା ଅଦୁତିନ୍ ? ଜିସୁ ଉତ୍ତର ହିଡ଼ତନ୍, ନାନ୍ ବେଗା ଆଦୁତାନ୍, ମିଡ଼୍ ଇଞ୍ଜେ ନା ପେରକେ ପେରକେ ଆଗେ ଆଦ୍ ପାର୍ଝିଡ଼୍, ବାତେଙ୍କ ଇଡ଼କେ ପାୟେ ଆଦତିଡ଼୍ ।

୩୭ ପିତର ଅଂକିଙ୍କ କେଡ଼ତଣ୍ଡ, ପ୍ରବୁ, ନାନ୍ ଇଞ୍ଜେ ବାଡ଼ତିଙ୍କ ନି ପେରକେ ଆଡ଼ତାଙ୍କ ପାର୍ଝନ୍ ? ନାନ୍ ନି ସେଙ୍ଗେ ନିଜେଡ଼୍ ଜିଝୁଣ୍ଡ୍ ହିଦାଙ୍କ ତିଆର ମିୟେନ୍ ।

୩୮ ଜିସୁ କେଡ଼ତଣ୍ଡ, ନିମ୍ ବାତେଏ ନା ସେଙ୍ଗେ ନିଜେଡ଼୍ ଜିଝୁଣ୍ଡ୍ ହିଦତିନ୍ ? ସଡ଼ ନାନ୍ ନିକିଂଙ୍କ କେସ୍ମିୟେନ୍, କର୍କ୍ କୁସ୍‌ସେ ମୁନେଙ୍କ ନିମ୍ ନାକିଂଙ୍କ ମୁଣ୍ଡ ଦୁମ୍ ଅସ୍ତ୍ରୀକାର ମାଡ଼ିତିନ୍ ।

୧୪

ଜିସୁକେ ବାବାନ୍ ଗାରରେ ଆଦାନ୍ ଆର୍

୧ ଜିସୁ କେଡ଼ତଣ୍ଡ, ମିୟାଦ୍ ହୁଦୟ ଉଦ୍‌ବିଗ୍ ଆୟମା; ମିଡ଼୍ ଇଶ୍ବରତିଙ୍କ ବିଶ୍ବାସ ମାଡ଼ାଟ୍, ନାକିଂଙ୍କ ମିକା ବିଶ୍ବାସ ମାଡ଼ାଟ୍ ।

୨ ନା ବାବାନ୍ ଲୋନ୍ ନାର୍‌ଗେ ପଡ଼ିୟେମିୟେ; ଯଦି ଇଲକଟ୍ ମାନେଡ଼୍, ଆଲେକେ ନାନ୍ ମିକିଂଙ୍କ କେଲନ୍ ଆୟେନ୍, ନାନ୍ ମିଲ୍ ସେଙ୍ଗେ ପଡ଼ିୟେ ମାଡ଼ାଙ୍କ ଆଦୁତାନ୍;

୩ ମେଣ୍ଡେ ନାନ୍ ଆଞ୍ଜ୍ ମିଲ୍ ମାଲ୍‌ଦିଙ୍କ ପଡ଼ିୟେ ମାଡ଼ି ମେଣ୍ଡନ୍ ଦାମ୍ ଖାଦତାନ୍, ମେଣ୍ଡେ ନାନ୍ ବେନ୍ ପଡ଼ିୟେ ତାଗ୍ ମାନ୍‌ତାନ୍, ମିଡ଼ଆନ୍ତେ ଆଗେ ମାନ୍‌ତିଡ଼୍, ଆଦିନ୍ ସେଙ୍ଗେ ମିଲ୍ ପାକେ ଖାଦତାନ୍ ।

☆ ୧୩:୩୪ ଯୋହନ୍ ୧୫:୧୨, ୧୭; ୧ ଯୋହନ୍ ୩:୨୩; ୨ ଯୋହନ୍ ୧:୫.

୪ ନାନ୍ ବେନ୍ ପଡ଼ିୟେତାଗ୍ ଆଦୁତାନ୍, ଆଦ୍ ଆର୍ ମିଡ଼୍ ପୁଡ଼ତିଡ଼୍ ।

୫ ତୋମାଲ୍ ଅଂକିଙ୍କ୍ ପତ୍ରାରା ମାଡ଼ତଣ୍ଟ, ପ୍ରବୁ, ନିମ୍ ବେନ୍ ପଡ଼ିୟେ ତାଗ୍ ଅଦୁତିନ୍, ଆଦମାମେ ପୁନ୍ନମ୍; ଆର୍ ବା ବେଲା ପୁଡ଼ତମ୍ ?

୬ ଜିସୁ ଅଂକିଙ୍କ୍ କେଡ଼ତଣ୍ଟ, ନାନ୍ ଆର୍, ସଡ଼ ନୁ ଜିଝୁନ୍; ନାଆଲାନ୍ ଅନ୍ତେ ବେନବା ବାବାନ୍ ଗାରରେ ଆଦପାର୍ଡ଼ିଡ଼୍ ।

୭ ଯଦି ମିଡ଼୍ ନାକିଂଙ୍କ୍ ପୁଞ୍ଜ୍ ମାନେଡ଼ି, ଆଲେକେ ନା ବାବାଙ୍କ୍ ମିକା ପୁନେଡ଼ି; ଇଞ୍ଜେ ଅଂକିଙ୍କ୍ ପୁଡ଼ତିଡ଼୍ ନୁ ଅଂକିଙ୍କ୍ ଉଡ଼ଡ଼ିଡ଼୍ ।

୮ ପିଲିପ୍ ଅଂକିଙ୍କ୍ କେଡ଼ତେ, ପ୍ରବୁ, ମାକିଂଙ୍କ୍ ବାବାନ୍ ତ ଦର୍ଶନ୍ ମାଡ଼ିମ୍, ଆଦ୍ ମା ସେଙ୍ଗେ ଯତେଷ୍ଟ ।

୯ ଜିସୁ ଅଂକିଙ୍କ୍ କେଡ଼ତଣ୍ଟ, ପିଲିପ୍, ଇସର୍ ଯାକ ନାନ୍ ନି ସାଙ୍ଗେତେ ମିନ୍ଦେନ୍, ମେଣ୍ଟେ ନିମ୍ ବାତେଏ ନାକିଂଙ୍କ୍ ପୁନ୍ତ୍ରିନ୍ ? ବେନ ନାକିଂଙ୍କ୍ ଦର୍ଶନ୍ ମାଡ଼ିମିନ୍ଦେଣ୍ଟ, ଅଣ୍ଟ ବାବାଙ୍କ୍ ଦର୍ଶନ୍ ମାଡ଼ତଣ୍ଟ; ମାକିଂଙ୍କ୍ ବାବାନ୍ ଦର୍ଶନ୍ ମାଡ଼ିମ୍ ଇଞ୍ଜ ନିମ୍ ବେଲା କେଡୁତିନ୍ ?

୧୦ ନାନ୍ ଯେ ବାବାନାଗେ ମିନ୍ଦେନ୍ ନୁ ବାବାଲ୍ ନାୟାଗ୍ ମିନ୍ଦେନ୍, ଇ ଗର୍ ବାତେଏ ବିଶ୍ବାସ୍ ମାଡ଼ିନ୍ ? ନାନ୍ ମିକିଂଙ୍କ୍ ବେନ୍ ସାରେ ବାକ୍ୟ କେଡ଼ତାନ୍, ଆଦ୍ ସାରେ ନା ନିଜେଡ଼ ତାଗାଙ୍କ୍ କେଲନ୍, ବାତେଙ୍କ୍ ଇଡ଼କେ ବାବାନାଗେ ମାଞ୍ଜ୍ ନିଜେଡ଼ ପାଡ଼ିୟି ମାଡ଼ଡୁଣ୍ଟ ।

୧୧ ନାନେଜେ ବାବାନାଗେ ମିନ୍ଦେନ୍ ନୁ ବାବା ନାଗେ ମିନ୍ଦେନ୍, ନାୟାଉ ଇଉସାରେ ଗଟି ବିଶ୍ବାସ୍ ମାଡ଼ାଟ୍, ଇଲୁକ୍ ନାୟାଦ୍ ପାଡ଼ିୟି ଉଡ଼ି ବିଶ୍ବାସ୍ ମାଡ଼ାଟ୍ ।

୧୨ ସଡ଼ ନାନ୍ ମିକିଂଙ୍କ୍ କେଡୁତାନ୍, ନାୟାଗେ ବେନ ବିଶ୍ବାସ୍ ମାଡ଼ିତନ୍, ନାନ୍ ବେନ୍ ପାଡ଼ିୟି ମାଡ଼ଡୁଆନ୍, ଅଣ୍ଟ ମିକା ଆଦେ ମାଡ଼ିତନ୍, ମେଣ୍ଟେ ଆଦ୍ ସାରେ ଓଡ଼ିୟି ଗାଟି ଲେକାମ୍ ପାଡ଼ିୟି ମାଡ଼ିତନ୍, ବାତେଙ୍କ୍ ଇଡ଼କେ ନାନ୍ ବାବାନ୍ ଗାରରେ ଆଦୁତାନ୍ ।

୧୩ ମେଣ୍ଟେ ନା ପେଦେର୍ ତେ ବାତେଏ ତାଲ୍ଲକିତିଡ଼୍, ଆଦ୍ ନାନ୍ ମାଡ଼ିତାନ୍ । ବେଲାକି ପିଲାନ୍ ତଡ଼୍ ବାବାନାଦ୍ ମହିମା ପ୍ରକାଶ୍ ଆଦ୍ତେ ।

୧୪ ଯଦି ମିଡ଼୍ ନା ପେଦେର୍ ତେ ବାତେଏ ବିଷୟ ନାକିଂଙ୍କ୍ ତାଲ୍ଲକିତିଡ଼୍, ନାନ୍ ଆଦ୍ ମାଡ଼ିତାନ୍ ।

ପବିତ୍ର ଆତ୍ମା ଦାନତେ ପ୍ରତିଜ୍ଞା

୧୫ ଯଦି ମିତ୍ ନାକିଂଙ୍କ ପ୍ରେମ ମାଡ଼ିତୁ, ଆଲେକେ ନାଡ଼ ଗର୍ ସାରେ ପାଲନ୍ ମାଡ଼ିତିତ୍ ।

୧୬ ମେଣ୍ଟେ, ନାନ୍ ବାବାଙ୍କ ଅନୁରଦ୍ ମାଡ଼ିତାନ୍, ମେଣ୍ଟେ ମିଇ ସାଙ୍ଗେତେ ସାରେଦିନା ମାନ୍ଦାନ୍ ସେଙ୍ଗେ ଅଣ୍ଟ ମିକିଂଙ୍କ ମେଣ୍ଟେ ଖେରନ୍ ସାହାଜ୍ୟ କାର୍ଜି ହିଦତଣ୍ଟ,

୧୭ ଅଣ୍ଟ ସତ୍ୟମୟ ଆମ୍ଭାଙ୍କ ହିଦତନ୍ । ଜଗତ୍ ଅଂକିଂଙ୍କ ଗ୍ରହନ୍ ମାଡ଼େ ପାର୍ଝ, ବାଡ଼ତିଂଙ୍କ ଜଗତ୍ ଅଂକିଂଙ୍କ ଉଡ଼ କି ପୁନ୍ନ; ବାଡେଙ୍କ ଇଡ଼କେ ମିଡ଼ ଅଂକିଂଙ୍କ ପୁଡ଼ତିଡ଼, ବାଡେଙ୍କ ଇଡ଼କେ ଅଣ୍ଟ ମିଇ ତଡ଼୍ ମାନ୍ତନ୍, ମେଣ୍ଟେ ଅଣ୍ଟ ମିଇ ଜିଖେତାଗ୍ ମାନ୍ତନ୍ ।

୧୮ ନାନ୍ ଓଡ଼ସି ଆଡ଼ତେ ପେରକେ, ମିକିଂଙ୍କ ଅନାଡ଼ ମାଡ଼ି ଓଡ଼ସି ଆନନ୍, ନାନ୍ ମିଇ ଗାରରେ ମାଲ୍ସ ଖାଦତାନ୍ ।

୧୯ ସୁଦୁର୍ ମାଡ଼ର ଦିନାମ୍ ମିନ୍ଦେ, ଜଗତ୍ ନାକିଂଙ୍କ ମେଣ୍ଟେ ଉଡ଼; ମାଡ଼ର ମିଡ଼ ନାକିଂଙ୍କ ଉଡ଼ିତିଡ଼, ବାଡେଙ୍କ ଇଡ଼କେ ନାନ୍ ଜିଖେ, ମେଣ୍ଟେ ମିଡ଼ ଆନ୍ତେ ଜିଖେ ମାନ୍ତିଡ଼ ।

୨୦ ନାନ୍ ବାବାନାଗ୍ ମେଣ୍ଟେ ମିଡ଼ ନାୟାଗ୍ ମିନ୍ଦେଡ଼ି, ଇଦ୍ ଆଦ୍ ଦିନ୍ ଖାଡ଼କେ ପୁନ୍ତିଡ଼ ।

୨୧ ବେନ ନା ଗଟିସାରେ ଗ୍ରହନ୍ ମାଡ଼ି ପାଲନ୍ ମାଡ଼ିତନ୍, ଅଣ୍ଟ ନାକିଂଙ୍କ ପ୍ରେମ ମାଡ଼ିତନ୍, ମେଣ୍ଟେ ବେନ୍ ନାକିଂଙ୍କ ପ୍ରେମ ମାଡ଼ିତନ୍, ନା ବାବାଙ୍କ ଅଂକିଂଙ୍କ ପ୍ରେମ ମାଡ଼ିତନ୍, ମେଣ୍ଟେ ନାନେମିକା ଅଂକିଂଙ୍କ ପ୍ରେମ ମାଡ଼ିତାନ୍ ନୁ ଅଂକିଂଙ୍କ ପ୍ରକାଗ୍ ମାଡ଼ିତାନ୍ ।

୨୨ ଯିହୁଦା, ବେନ ଇଷ୍ଟାରୀୟତିୟ ଆୟନ୍ ଅଂକିଂଙ୍କ କେଡ଼ତଣ୍ଟ, ହ୍ ପ୍ରବୁ, ଇଦ୍ ବେଲା ଆଦତେ, ନିଜେତିଂଙ୍କ ଜଗତ୍ତାଗ୍ ତିଆର୍ ମାଡ଼କର୍ ମା ପାକେ ବେଲା ତିଆର୍ ମାଡ଼ିତି ?

୨୩ ଜିସୁ ଅଂକିଂଙ୍କ ଉତ୍ତର କେଡ଼ତଣ୍ଟ, ଯଦି ବେନ ନାକିଂଙ୍କ ପ୍ରେମ ମାଡ଼କେ ଆଲେକେ ଅଣ୍ଟ ନା ବାକ୍ୟ ପାଲନ୍ ମାଡ଼ିତନ୍, ମେଣ୍ଟେ ନା ବାବାଙ୍କ ଅଂକିଂଙ୍କ ପ୍ରେମ ମାଡ଼ିତନ୍, ମେଣ୍ଟେ ମାମ୍ମେ ଅନ୍ ପାକେ ଖାସ୍ ଅନ୍ ତଡ଼୍ ମାନ୍ତନ୍ ।

୨୪ ବେନ ନାକିଂଙ୍କ ପ୍ରେମ ମାଡ଼ନ୍, ଅଣ୍ଟ ନା ବାକ୍ୟ ପାଲନ୍ ମାଡ଼ନ୍ । ନାନ୍ ଇସ୍ମାୟାନ୍ ଶିକ୍ଷା ନାଖାଦ୍ ଆୟନ୍ ଆଦ୍ ନା ପ୍ରେରଣାକର୍ତ୍ତାନ୍ ଇଶ୍ବରତାଦ୍ ।

୨୫ “ନାନ୍ ମିଛ ପାକେ ମାନ୍ଦାନ୍‌ଝେଲେ ଇଦ୍ ସାରେ ଗର୍ କେସ୍‌ସିଡ଼ତାନ୍ ।

୨୬ ଆଦ୍ ସାହାଯ୍ୟକାରି ବେନ୍ ପବିତ୍ର ଆତ୍ମାତିଙ୍କ୍ ବାବାଲ୍ ନା ପେଦେର୍ ତେ ମାଲ୍‌ପିତନ୍, ଅଣ୍ ସାରେ ବିଷୟତେ ମିକିଂଙ୍କ୍ ବାତେଏ କେସ୍‌ମିନ୍ଦେନି, ଆଦ୍ ସାରେ ମିକିଂଙ୍କ୍ ଏକା ମାଡ଼ିଦ୍‌ତଣ୍ ।”

୨୭ ନାନ୍ ମିକିଂଙ୍କ୍ ଶାନ୍ତି ଦାନ ମାଡ଼ି ଆଦୁତାନ୍, ନାୱାଦ୍ ନିଜେଡ଼ ଶାନ୍ତି ମିକିଂଙ୍କ୍ ଇଦୁତାନ୍; ଜଗଡ଼ ବେଲା ଦାନ ମାଡ଼ିତେ, ନାନ୍ ମିକିଂଙ୍କ୍ ଆଦେଲେକାମ୍ ଦାନ ମାଡ଼ନ୍ । ମିୱାଦ୍ ହୃଦୟ ଉଦ୍‌ବିଗ୍ନ କି ଝେର୍‌ମାକି ।

୨୮ ନାନ୍ ଆଦୁତାନ୍ ନୁ ମେଣ୍ଡେ ମିଛ ପାକେ ୱାଦ୍‌ତାନ୍, ନାୱାଦ୍ ଇଦ୍ ଗର୍ ତ କେଞ୍ଜି ମିନ୍ଦେଡ଼ି । ଯଦି ମିଡ଼୍ ନାକିଂଙ୍କ୍ ପ୍ରେମ ମାଡ଼େଡ଼ି, ଆଲେକେ ନାନ୍ ନା ବାବାନ୍ ପାକେ ଆଦୁତାନ୍ ଇଞ୍ଜି କେଞ୍ଜି ଝେଡ଼କେ ମାଡ଼େଡ଼ି, ବାତେଙ୍କ୍ ଇଡ଼କେ ବାବାଲ୍ ନାୟାଗ୍‌କଞ୍ଜି ମହାନ୍ ।

୨୯ ମେଣ୍ଡେ, ଇଦ୍ ଗଟେମ୍ ଆଦାନ୍ ଝେଲେ ମିଡ଼୍ ବେଲାକି ବିଶ୍ୱାସ୍ ମାଡ଼ିଡ଼ିଡ଼, ଆଦିନ୍ ସେଙ୍ଗେ ଆଦ୍ ଗଟେମ୍ ଆଦାନ୍ ମୁନେଙ୍କ୍ ନାନ୍ ମିକିଂଙ୍କ୍ କେଡୁତାନ୍ ।

୩୦ ନାନ୍ ମିଡ଼ିଡ଼ ନାର୍‌ଗେ ଜେଲ୍ ଗଟି ମାନନ୍, ବାତେଙ୍କ୍ ଇଡ଼କେ ଇ ଜଗଡ଼ତେ ଅଦିପଡ଼ି ୱାଦୁତଣ୍ । ନା ପର୍‌ର ଅନାଦ୍ ବାତେମିକା ଇଲେ ।

୩୧ ବାତେଙ୍କ୍ ଇଡ଼କେ ବାବାଲ୍ ନାକିଂଙ୍କ୍ ବେଲା ଗର୍ ଇଡ଼ତନ୍, ଆଦେ ଲେକାମ୍ ନାନ୍ ପାଡ଼ୁୟି ମାଡ଼ିତାନ୍ । ଆଲେକେ, ନାନ୍ ନା ବାବାଙ୍କ୍ ପ୍ରେମ ମାଡ଼ୁତୁନ୍ ଇଞ୍ଜି ଜଗଡ଼ ପୁନ୍‌ତେ, “ୱାଡ଼ାର୍ ମାନାଡ଼, ଇଗାଙ୍କ୍ ଆଦିକାଡ଼ ।”

୧୫

ଜିସୁ ନିଜାତାଦ୍ ଅଙ୍ଗୁର୍ ଟଣ୍

୧ “ନାନ୍ ନିଜାତାଦ୍ ଅଙ୍ଗୁର୍ ଟଣ୍, ମେଣ୍ଡେ ନା ବାବାଲ୍ ଚାଷୀ ନାରୁଣ୍ ।

୨ ନାୟାଗେ ମାନ୍ଦାନ୍ ବେନ୍ ଆୟି କମ୍‌ମା କାୟା ଆଦକ୍, ଆଦିଙ୍କ୍ ଅଣ୍ ନାଡ଼କିଡ଼ଣ୍; ମେଣ୍ଡେ କାୟା ଆଦକେ, ଗାଟି କାୟା ଆଦାନ୍ ସେଙ୍ଗେ ଅଣ୍ ଆଦିଙ୍କ୍ ସାଏ ଜଡ଼ନ୍ ମାଡ଼ିତନ୍ ।

୩ ନାନ୍ ମିକିଂଙ୍କୁ ବେନ୍ ବାକ୍ୟ କେସ୍‌ମିନ୍‌ନ୍ ଆଦିନ୍ ସେଙ୍ଗେ ମିଡ଼, ସାଏ ଆସ୍ ମିନ୍‌ଦେଡ଼ି ।

୪ ନାୟାଗେ ମାନୁର୍, ଆଲେକେ ନାନ୍ ମିୟାଗ୍ ମାନ୍‌ତାନ୍ । କମ୍‌ମା ବେଲା ଅଙ୍ଗୁର୍ ଟଣ୍ଡେତାଗ୍ ମାନୋକ୍ କାୟା ଆଦେ ପାର୍‌ଝେ, ଆଦେପୁରୁଙ୍କୁ ମିଡ଼, ମିକା ନାୟାଗେ ମାନୋକ୍ କାୟା ଆଦେ ପାର୍‌ଝିଡ଼, ।”

୫ “ନାନ୍ ଅଙ୍ଗୁର୍ ଟଣ୍ଡ ମିଡ଼, ଆଦୁତିଡ଼, କମ୍‌ମା; ବେନ ନାୟାଗ୍ ମାନ୍‌ତଣ୍ ନୁ ନାନ୍ ବେନନାଗ୍ ମାନ୍‌ତାନ୍, ଅଣ୍ ଗାଟି କାୟା ଆଦିତଣ୍; ବାଡେଙ୍କୁ ଇଡ଼କେ ନାନ୍ ଇଲ୍‌ଡକ୍ ମିଡ଼, ବାଆଡେ ମିକା ମାଡ଼, ପାର୍‌ଝିଡ଼, ।

୬ ବେନ ବେସୁଟେ ନାୟାଗ୍ ମାନ୍‌ନ୍, ଆଲାଈଡ଼କେ ଅଙ୍କୁ ନାଡ଼କ୍‌ତାଦ୍ କମ୍‌ମା ଲେକାମ୍ ବାଇଦେ ହେସିଦ୍‌ତଡ଼, ନୁ ଝାସ୍‌ପିଡ଼ଡ଼, ମେଣ୍ଡେ ନାରୁଡ଼, ଆଞ୍ଜିଙ୍କୁ ଅଣ୍‌ୟାଗେ ମାଡ଼ି କିସ୍‌ତାଗ୍ ଝାଟିଦ୍‌ତଡ଼, ନୁ ଆଞ୍ଜିଟାରେ କାଡ଼ିଞ୍ଜିତା ।

୭ ଯଦି ମିଡ଼, ନାୟାଗେ ମାନ୍‌ତିଡ଼, ମେଣ୍ଡେ ନାୟାଞ୍ଜ ବାକ୍ୟ ମିୟାଗ୍ ମାନ୍‌ତା, ଆଲେକେ ବେନେଆୟି ବିଷୟ ଇଚ୍ଛା ମାଡ଼ିତିଡ଼, ଆଦ୍ ତାଲ୍‌କାଟ୍, ମେଣ୍ଡେ ମିଇ ମାଇଦିଙ୍କୁ ଆଦ୍ ଦରକିଡେ ।

୮ ମିଡ଼ ନାରାଗେ କାୟା ଆଦ୍‌କେ ନା ବାବାଲ୍ ମହିମାନିତ ଆଦ୍‌ତନ୍, ମେଣ୍ଡେ ମିଡ଼, ନା ସାଏଡ଼ ଶିଷ୍ୟଡ଼, ଆଦ୍‌ତିଡ଼, ।

୯ ବାବାଲ୍ ବେଲା ନାକିଂଙ୍କୁ ପ୍ରେମ ମାଡ଼ିତଣ୍, ନାନ୍ ମିକା ଆଲେକେ ମିକିଂଙ୍କୁ ପ୍ରେମ ମାଡ଼ିତାନ୍; ନା ପ୍ରେମାତାଗ୍ ତିଆର୍ ଆସ୍ ମାନୁର୍ ।

୧୦ ନାନ୍ ବେଲା ନା ବାବାନ୍ ଗର୍ ପାଲନ୍ ମାଡ଼ି ଅନାଦ୍ ପ୍ରେମାତାଗ୍ ତିଆର୍ ଆଡ଼ତାନ୍, ଆଦେପୁରୁଙ୍କୁ ମିଡ଼, ମିକା ନା ଗର୍ ପାଲନ୍ ମାଡ଼ିତିଡ଼, ନା ପ୍ରେମାତାଗ୍ ତିଆର୍ ଆଦେ ପାର୍‌ଡ଼ିଡ଼, ।”

୧୧ “ନାଞ୍ଜାଦ୍ ଝେଡ଼କ୍ ବେଲାକି ମିୟାଗ୍ ମାନ୍‌ଡେ, ମେଣ୍ଡେ ମିଞ୍ଜାଦ୍ ଝେଡ଼କା ବେଲା ସାରେ ଆଦ୍‌ଡେ, ଇଦିନ୍ ସେଙ୍ଗେ ନାନ୍ ଇଞ୍ଜୁସାରେ ମିକିଂଙ୍କୁ କେଡ଼ତାନ୍ ।

୧୨ ✠ନାନ୍ ବେଲା ମିକିଂଙ୍କୁ ପ୍ରେମ ମାଡ଼ିତାନ୍, ମିଡ଼, ମିକା ଆଲେକେ ମିଇ ମିଲୋପେ ପ୍ରେମ ମାଡ଼ାଟ୍, ଇଦ୍ ନାଞ୍ଜାଦ୍ ଗର୍ ।

୧୩ ନିଜେତ୍ ସାଙ୍ଗନ୍ ସେଙ୍ଗେ ଜିହ୍ମନ୍ ଇଦାନ୍ କନ୍ସ୍ ବେନନାଦ୍ ମେଣ୍ଟେ ଗାଟି ପ୍ରେମ ଇଲେ ।

୧୪ ନାନ୍ ମିକିଂଙ୍କ୍ ବେନ୍ ଗର୍ ହିସମିୟେନ୍, ଆଦ୍ ଯଦି ପାଲନ୍ ମାଡ଼ିତିଡ଼, ଆଲେକେ ମିଡ଼୍ ନା ସାଙ୍ଗ ।

୧୫ ନାନ୍ ମିକିଂଙ୍କ୍ ଚାକର୍ ଇଞ୍ଜ ମେଣ୍ଟେ କେଲନ୍, ବାତେଙ୍କ୍ ଇଡ଼କେ ମାଲିକ୍ ବାତେଏ ମାଡ଼ିତନ୍, ଚାକର୍ ଆଦ୍ ପୁନଶ୍ଚ, ବାତେଙ୍କ୍ ଇଡ଼କେ ନାନ୍ ମିକିଂଙ୍କ୍ ସାଙ୍ଗ ଇଞ୍ଜ କେସ୍ମିୟେନ୍, ବାତେଙ୍କ୍ ଇଡ଼କେ ନାନ୍ ନା ବାବାନ୍ କନ୍ସ୍ ବାତେଏ କେଞ୍ଜିମିୟେନ୍, ଆଖିଚାରେ ମିକିଂଙ୍କ୍ କେଡ଼ତାନ୍ ।

୧୬ ମିଡ଼୍ ନାକିଂଙ୍କ୍ ହେଞ୍ଜିଡ଼, ବାତେଙ୍କ୍ ଇଡ଼କେ ନାନ୍ ମିକିଂଙ୍କ୍ ହଞ୍ଜିମିୟେନ୍, ମେଣ୍ଟେ ବେଲା ଆଞ୍ଜ୍ କାୟା ଆଦ୍ସପିତିଡ଼୍ ନୁ ମିୟାଞ୍ଜ୍ କାୟା ସାରେଦିନା ଆଦତେ ମାନ୍ତା, ଇଦିନ୍ ସେଙ୍ଗେ ମିକିଂଙ୍କ୍ ହେଞ୍ଜିମିୟେନ୍ । ଆଗାଙ୍କ୍ ମିଡ଼୍ ନା ପେଦେର୍ ତେ ବାବାଙ୍କ୍ ବାତେମିକା ତାଲ୍ଲିତିଡ଼, ଅଣ୍ଟ ଆଦ୍ ମିକିଂଙ୍କ୍ ହିଦ୍ତଣ୍ଟ;

୧୭ ମିଡ଼୍ ବେଲା ମିଇ ମିଲୋପେ ପ୍ରେମ ମାଡ଼ିତିଡ଼, ଇଦିନ୍ ସେଙ୍ଗେ ନାନ୍ ମିକିଂଙ୍କ୍ ଇଦ୍ସାରେ ଗର୍ ଇସମିୟେନ୍ ।”

ବିଶ୍ୱାସୀନଡ଼କ୍ ଜଗତ୍ ପାସ୍ତକାନାଦ୍

୧୮ “ଯଦି ଜଗତ୍ ମିକିଂଙ୍କ୍ ପାସ୍ତକି ତେ, ଆଲେକେ ମିକିଂଙ୍କ୍ ପାସ୍ତକାନ୍ ମୁନେଙ୍କ୍ ଆଦ୍ ନାକିଂଙ୍କ୍ ପାସ୍ତକି ତେ, ଇଦ୍ ପୁଞ୍ଜ୍ ମାନୁର୍ ।

୧୯ ମିଡ଼୍ ଯଦି ଜଗତ୍ ତାଗ୍ ମାନେଡ଼ି, ଜଗତ୍ ମିକିଂଙ୍କ୍ ନିଜେତ୍ ନାରୁଡ଼, ଇଞ୍ଜ ସ୍ନେହ ମାଡ଼େଡ଼; ବାତେଙ୍କ୍ ଇଡ଼କେ ଜଗତ୍ ତାଗାଙ୍କ୍ ନାନ୍ ମିକିଂଙ୍କ୍ ଜଗତ୍ ଲୋପେଙ୍କ୍ ହେଞ୍ଜିମିୟେନ୍, ମେଣ୍ଟେ ମିଡ଼୍ ଜଗତ୍ ତଡ଼ି ଆୟୁଡ଼, ଇଦିନ୍ ସେଙ୍ଗେ ଜଗତ୍ ମିକିଂଙ୍କ୍ ପାସ୍ତକି ତେ ।

୨୦ ☆“ଚାକର୍ ତାନ୍ ମାଲିକ୍ ତାଗାଙ୍କ୍ ବାଡ଼ୟଣ୍ ଆୟୁୟଣ୍, ନାନ୍ ମିକିଂଙ୍କ୍ ଇଦ୍ ବେନ୍ ବାକ୍ୟ କେସ୍ମିୟେନ୍, ଆଦିଙ୍କ୍ ହେର୍ଜା ମାଡ଼ାଟ୍ । ଯଦି ଅଡ଼୍ ନାକିଂଙ୍କ୍ ତାଡ଼ନା ମାଡ଼ିମିୟେଡ଼, ଆଲାଈଡ଼କେ ମିକିଂଙ୍କ୍ ମିକା ତାଡ଼ନା ମାଡ଼ିତିଡ଼; ଯଦି ଅଡ଼୍ ନାଞ୍ଜାଦ୍ ବାକ୍ୟ ପାଲନ୍ ମାଡ଼ିମିୟେଡ଼, ଆଲାଈଡ଼କେ ମିଞ୍ଜାଦ୍ ବାକ୍ୟ ମିକା ପାଲନ୍ ମାଡ଼ିତିଡ଼ ।

୨୧ ବାତେଙ୍କ ଇଡ଼କେ ଅଡ଼୍ ନାକିଂଙ୍କ ରଅତେନଙ୍କ ପୁନଂଞ୍ଜା ମାଉଦିଙ୍କ ନାଞ୍ଜାଦ ପେଦେର ସେଙ୍ଗେ ମିକିଂଙ୍କ ଇଦ୍‌ସାରେ ମାଡ଼ିତଡ଼ ।

୨୨ ଯଦି ନାନ୍ ଞ୍ଜାସ୍ ଅଡ଼୍‌କିଂଙ୍କ କେଲ୍‌ଞ୍ଜକଟ୍ ମାନେନ୍, ଆଲାଈଡ଼କେ ଅଡ଼୍‌ଞ୍ଜାଦ ପାପ୍ ଆୟ୍ ଆୟେଡ଼; ବାତେଙ୍କ ଇଡ଼କେ ଇଞ୍ଜେ ଅଡ଼୍‌ଅଡ଼ାଦ୍ ପାପ୍ ବିଷୟ ଡେ ବାତେମିକା ବାହାନା ମାଡେ ପାର୍‌ଞ୍ଜଡ଼ ।

୨୩ ବେନ ନାକିଂଙ୍କ ପାସ୍‌କିତନ୍, ଅଣ୍ ନା ବାବାଙ୍କ ମିକା ପାସ୍‌କିତନ୍ ।

୨୪ ବେନ୍ ପାଡ଼୍‌ୟି ସାରେ ମେଣ୍ଟେ ବେନମିକା ମାଡ଼୍‌ଣ୍ଟ, ନାନ୍ ଯଦି ଆଞ୍ଜୁସାରେ ଅଡ଼୍‌ଲୋପେ ମାଡ଼୍‌ଞ୍ଜକଟ୍ ମାନେନ୍, ଆଲାଈଡ଼କେ ଅଡ଼ାଦ୍ ପାପ୍ ଆୟ୍‌ୟ ଆୟେଡ଼; ବାତେଙ୍କ ଇଡ଼କେ ଇଞ୍ଜେ ଅଡ଼୍‌ଉଡ଼ିମିନ୍‌ଦେଡ଼, ମେଣ୍ଟେ ନାକିଂଙ୍କ ନୁ ନା ବାବାଙ୍କ ଇଡ଼୍‌ଞ୍ଜୁଡ଼କ୍ ପାସ୍‌କି ମିନ୍‌ଦେଡ଼ ।

୨୫ ‘ମାତର୍ ଅଡ଼୍ ନାକିଂଙ୍କ ବାତେଙ୍କ ଇଡ଼କେ ଇଲ୍‌ଞ୍ଜକଟ୍ ପାସ୍‌କି ମାଡ଼୍‌ତଡ଼,’ ଅଡ଼ାଦ୍ ଶାସ୍ତ୍ରତାଗ୍ କେଡ଼ତାଦ୍ ଇଦ୍ ବାକ୍ୟ ବେଲା ସାରେ ଆଦ୍‌ଡେ, ଇଦିନ୍ ସେଙ୍ଗେ ଇଲା ଆଦୁଡେ ।”

୨୬ “ବାବା ନାୟାଗକଞ୍ଜ ନାନ୍ ମିଇ ଗାର୍‌ରେ ବେନ ସାହାଜ୍ୟ ମାଡ଼ାନଙ୍କ ରଅତିତାନ୍, ବାବା ନାୟାଗକଞ୍ଜ ପେଇତାଦ୍ ଆଦ୍ ସଡ଼ ଆମ୍ବା ଞ୍ଜାଡ଼କେ ନା ବିଷୟଡେ ସାକ୍ସି ହିଡ଼ତା;

୨୭ ମେଣ୍ଟେ ମିଡ଼୍‌ମିକା ସାକ୍ସି, ବାତେଙ୍କ ଇଡ଼କେ ମିଡ଼୍‌ଆରାମ୍ କନ୍‌ସ୍ ନା ତଡ଼୍‌ମିନ୍‌ଦେଡ଼ ।”

୧୭

୧ “ମିଡ଼୍ ବେଲା ବିଶ୍ୱାସ୍ ଆରା ମାଡ଼୍‌ଞ୍ଜିଡ଼୍ ଇଦିନ୍ ସେଙ୍ଗେ ନାନ୍ ମିକିଂଙ୍କ ଇଦ୍‌ସାରେ ଗଟ୍ କେସ୍‌ମିନ୍‌ଦେନ୍ ।”

୨ ଅଡ଼୍‌ମିକିଂଙ୍କ ପ୍ରାର୍ତ୍ତନା କନ୍‌ସ୍ ପେସ୍‌ସିତଡ଼, ଇଦ୍ ଲେକାମ୍ ଦିନାମ୍ ଞ୍ଜାଦୁଡେ, ବେସୁଟ୍ ବେନ ମିକିଂଙ୍କ ହାଞ୍ଜକିତଣ୍ଟ, ଅଣ୍ ଇଶ୍‌ଗିରଡେ ସେଙ୍ଗେ ବଲି ଇଦୁତାନ୍ ଇଞ୍ଜ ହେର୍ଜା ମାଡ଼ିତନ୍ ।

୩ ନାରୁଡ଼୍ ଇଞ୍ଜୁସାରେ ମାଡ଼ିତଡ଼, ବାତେଙ୍କ ଇଡ଼କେ ଅଡ଼୍‌ବାବାଙ୍କ ନୁ ନାକିଂଙ୍କ ପୁନଡ଼୍ ।

୪ ମାତର୍ ଇଦ୍‌ସାରେ ଗଟେମ୍‌ଆଦାନ୍ ଦିନାମ୍ ଞ୍ଜାଡ଼କେ, ନାନ୍ ବାତେଏ ମିକିଂଙ୍କ କେସ୍‌ମାଡ଼ତାନ୍, ଇଦ୍ ମିଡ଼୍ ହେର୍ଜା ମାଡ଼ାଟ୍, ଇଦିନ୍ ସେଙ୍ଗେ ନାନ୍ ଇଦ୍‌ସାରେ ଗଟ୍ ମିକିଂଙ୍କ କେଡ଼ତାନ୍ । ନାନ୍ ମିଇ ତଡ଼୍ ମାଡ଼ତାଙ୍କ ଆରାମ୍ କନ୍‌ସ୍ ଇଦ୍‌ସାରେ ଗଟ୍ ମିକିଂଙ୍କ କେଡ଼ତାନ୍ ।

ପବିତ୍ର ଆତ୍ମାତାଦ୍ ପାଢ଼ନ୍ତି

୫ ବାତେଙ୍କ ଇଡ଼କେ ଇଞ୍ଜେ ନାନ୍ ନା ପ୍ରେରଣାକର୍ତ୍ତାନ୍ ଗାରରେ ଆଦୁତାନ୍, ମେଣ୍ଟେ ମିଡ଼୍ ବେନ୍ ପଡ଼ିଲେତାଗ୍ ଅଦୁତି ଇଞ୍ଜ ମିଇ ଲୋପେକେ ବେନମିକା ପାତ୍ରାମାଡ଼ିଡ଼୍ ।

୬ ମାତର୍ ନାନ୍ ମିକିଂଙ୍କ ଇଦ୍‌ସାରେ ଗର୍ କେଡ଼ତାଙ୍କ ମିଇ ହୁଦୟ୍ ଦୁଃକାମ୍‌ତେ ବର୍ତ୍ ଆଦତେ ।

୭ ବାତେଙ୍କ ଇଡ଼କେ ନାନ୍ ମିକିଂଙ୍କ ସଡ଼ କେଡୁତାନ୍, ନାନ୍ ଆଡ଼କେନେ ମିୟାଦ୍ ଲେକେଡ଼ ଆଦତେ, ବାତେଙ୍କ ଇଡ଼କେ ନାନ୍ ଆନୋକ୍ ଅଣ୍ଟ୍ ସାହାଜ୍ୟ ମାଡ଼ାନଣ୍ଟ୍ ନାରୁଡ଼୍ ମିଇ ଗାରରେ ଖାଡ଼ଣ୍ଟ୍, ମାତର୍ ନାନ୍ ଆଡ଼କେ ଅଙ୍କ ମିଇ ଗାରରେ ରହସିଦ୍‌ତାନ୍ ।

୮ ଅଣ୍ଟ୍ ଖାସ୍ ପାପ୍, ଦାମ୍‌କତା ନୁ ନ୍ୟାୟ ବିଚାର ବିଷୟତେ ଜଗଡ଼ିଙ୍କ ସଡ଼ ହିଦ୍‌ତଣ୍ଟ୍;

୯ ପାପ୍ ବିଷୟତେ-ବାତେଙ୍କ ଇଡ଼କେ ଅଡ଼୍‌ନାକିଂଙ୍କ ବିଶ୍ୱାସ୍ ମାଡ଼ଡ଼୍;

୧୦ ଦାମ୍‌କତା ବିଷୟତେ-ବାତେଙ୍କ ଇଡ଼କେ ନାନ୍ ବାବାନ୍ ଗାରରେ ଆଦୁତାନ୍ ନୁ ମିଡ଼୍‌ନାକିଂଙ୍କ ମେଣ୍ଟେ ଉଡ଼ାଙ୍କ ପାରୁଡ଼ିଡ଼୍;

୧୧ ବିଚାର ବିଷୟତେ-ଅଡ଼୍‌ବୁଲ୍ ବାତେଙ୍କ ଇଡ଼କେ ଇଦ୍ ଜଗଡ଼ିଙ୍କ ଶାସନ୍ ଅଦିପତି ଦସି ଆଡ଼ତଣ୍ଟ୍ । ଇଗାଙ୍କ ଇଶ୍ୱରତେ ନ୍ୟାୟ ବିଚାର ତିଆର୍ ଆଡ଼ତେ ।

୧୨ “ନାଝାଦ୍ ମିକିଂଙ୍କ ମେଣ୍ଟେ ଗାଟି ଗଟି କେଡ଼ତାନ୍ ମିନ୍ଦେ, ମାତର୍ ମିଡ଼୍ ଇଞ୍ଜେ ଆଞ୍ଚିତାରେ ସୟ୍ ମାଡ଼ାଙ୍କ ପାରୁଡ଼ିଡ଼୍ ।

୧୩ ବାତେଙ୍କ ଇଡ଼କେ ଅଣ୍ଟ୍, ଇଡ଼କେ, ସଡ଼ କେତାନାଦ୍ ଆମ୍ବା ଖାଡ଼କେ, ଅଣ୍ଟ୍ ହାର୍ ତଅସ୍ ମିକିଂଙ୍କ ସାରେ ସଡ଼ ବିଷୟ କେତିତଣ୍ଟ୍, ବାତେଙ୍କ ଇଡ଼କେ ଅଣ୍ଟ୍ ନିଜେତାଦ୍ ଗର୍ କେଲଣ୍ଟ୍, ଅଣ୍ଟ୍ ବାତେଏ କେଞ୍ଜିତଣ୍ଟ୍, ଆଦେ ଆ ମିକିଂଙ୍କ କେତିତଣ୍ଟ୍, ମେଣ୍ଟେ ଖାଦାନ୍ ଦିନାକ୍ ବିଷୟତାଦ୍ ଗର୍ ମିକିଂଙ୍କ କେତିତଣ୍ଟ୍ ।

୧୪ ଅଣ୍ଟ୍ ନାକିଂଙ୍କ ଗୌରବ୍ ମାଡ଼ିତନ୍, ବାତେଙ୍କ ଇଡ଼କେ ଅଣ୍ଟ୍ ନାଝାଦ୍ ବିଷୟ ଆସ୍ ମିକିଂଙ୍କ କେତିତଣ୍ଟ୍ ।

୧୫ ବାତା ବାବାନାଦ୍, ଆଖୁସାରେ ନାୟାଞ୍ଜ୍; ଇଦିନ୍ ସେଙ୍ଗେ ନାନ୍ କେଡ଼ତାନ୍, ଅଣ୍ଟ୍ ନାଝାଦ୍ ସାରେ ବିଷୟ ଆସ୍ ମିକିଂଙ୍କ କେତିତଣ୍ଟ୍ ।”

ଦୁଃକାମ୍ ନୁ ଖେଡ଼କା

୧୭ “ସୁଦୁର୍ ଦିନାମ୍ ମିନ୍ଦେ, ମିଡ୍ ନାକିଂଙ୍କ ମେଣ୍ଡେ ଉଡାଙ୍କ ପାରୁଡ୍ଡିଡ୍, ମେଣ୍ଡୁଅନ୍ଦାମ୍ ସୁଦୁର୍ ସମୟତେ ଲୋପେ ମିଡ୍ ନାକିଂଙ୍କ ଉଡାଙ୍କ ପାଦ୍ ଡିଡ୍ ।”

୧୮ ଆଗାଙ୍କ ତାନ୍ ଶିଷ୍ୟଡ୍ ଲୋପେଙ୍କ ବେସ୍ କୁଡ୍ଡିଡ୍ କେଡ୍ଡିଡ୍, ସୁଦୁର୍ ଦିନାମ୍ ମିନ୍ଦେ, ମିଡ୍ ନାକିଂଙ୍କ ଉଡାଙ୍କ ପାରୁଡ୍ଡିଡ୍, ମେଣ୍ଡୁଅନ୍ଦାମ୍ ସୁଦୁର୍ ସମୟତେ ଲୋପେ ମିଡ୍ ନାକିଂଙ୍କ ଉଡିଡିଡ୍ ନୁ ନାନ୍ ବାବାନ୍ ଗାରରେ ଆଦୁତାନ୍, ଇଦ୍ ବେନ୍ ଗଟି ଅଣ୍ଡ ମାକିଂଙ୍କ କେଡୁଡିଡ୍, “ଇଦିନ୍ ଅର୍ଡ ବାତେଏ ?

୧୯ ଅଡ୍ କେଡ୍ଡିଡ୍, ଆଦ୍ ‘ସୁଦୁର୍ ସମୟତାଦ୍’ ଇଡ୍ କେ ବାତେଏ ? ଅଣ୍ଡ ବାତେଏ କେଡୁଡିଡ୍, ମାମ୍ ମେ ବୁଜେମ୍ ଆଦାଙ୍କ ପାରୁଡ୍ଡିମ୍ ।”

୨୦ ଅଡ୍ ଅଂକିଙ୍କ ପାରାମାଡାଙ୍କ ଇଛା ମାଡୁଡୁଡ୍ ଇଞ୍ଜ ପୁଞ୍ଜ ଜିସୁ ଅଡ୍ କିଂଙ୍କ କେଡ୍ଡିଡ୍, “ନାନ୍ କେଡ୍ଡିଡ୍, ‘ସୁଦୁର୍ ଦିନାମ୍ ମିନ୍ଦେ, ମିଡ୍ ନାକିଂଙ୍କ ଉଡାଙ୍କ ପାରୁଡ୍ଡିଡ୍, ମେଣ୍ଡୁଅନ୍ଦାମ୍ ସୁଦୁର୍ ସମୟତେ ଲୋପେ ମିଡ୍ ନାକିଂଙ୍କ ଉଡିଡିଡ୍,’ ନାନ୍ ଇଦ୍ ବେନ୍ ଗଟି କେଡ୍ଡିଡ୍, ଆଦ୍ ବିଷୟ ଆସ୍ ମିଡ୍ ବାତେଏ ମିଲୋପେ କେତାକେତି ଆଦୁଡିଡ୍ ?

୨୧ ସଡ୍, ସଡ୍ ନାନ୍ ମିକିଂଙ୍କ କେଡୁଡିଡ୍, ମିଡ୍ କେୟିଡିଡ୍ ନୁ ଦୁଃକାମ୍ ଆଦ୍ ଡିଡ୍, ବାତେଙ୍କ ଇଡ୍ କେ ଜଗଡ୍ ଷେଡ୍ କିଡ୍; ମିଡ୍ ଦୁଃକାମ୍ ଆଦ୍ ଡିଡ୍, ବାତେଙ୍କ ଇଡ୍ କେ ମିଞ୍ଜାଦ୍ ଦୁଃକାମ୍ ଷେଡ୍ କେତେ ସାୟେ ଆଦ୍ ଡିଡ୍ ।

୨୨ ଜନମ୍ ମାଡାନ୍ ଦିନାମ୍ ଖାସ୍ ହେଞ୍ଜେ ନାଟାଙ୍କ କଷ୍ଟ ଦରକିଡ୍; ବାତେଙ୍କ ଇଡ୍ କେ ଆଦ୍ ଜନମ୍ ମାଡ୍ ଡେ ପାୟେ ଜଗଡ୍ ଡାଗ୍ ପୁନଣ୍ଡ ନାରୁଡ୍, ଜନମ୍ ମାଡ୍ ଡେ, ଇଦ୍ ଷେଡ୍ କାଡ୍ ସେଙ୍ଗେ ମେଣ୍ଡେ କଷ୍ଟ ହେକା ମାଡ୍ ।

୨୩ ଆଦ୍ ଲେକାମ୍ ମିଡ୍ ଇଞ୍ଜେ କଷ୍ଟ ଆଦ୍ ଡିଡ୍, ବାତେଙ୍କ ଇଡ୍ କେ ନାନ୍ ମେଣ୍ଡୁଅନ୍ଦାମ୍ ମିକିଂଙ୍କ ତଅନ୍ଦିଡାନ୍, ମେଣ୍ଡେ ମିଲ୍ ହୁଦୟ ଷେଡ୍ କିଡେ ନୁ ବେନ ମିୟାଗ୍ କନ୍ସ୍ ମିୟାଦ୍ ଷେଡ୍ କା ଡଙ୍ଗି ଆୟଡ୍ ।”

୨୪ “ଆଦ୍ ଦିନ୍ ଖାଦ୍ ଡେ ମିଡ୍ ନାକିଂଙ୍କ ବାତେଏ ତାଲୁକାଙ୍କ ଷେୟ୍ । ସଡ୍ ନାନ୍ ମିକିଂଙ୍କ କେଡୁଡିଡ୍, ଯଦି ମିଡ୍ ବାବାଙ୍କ ବାଡ୍ ତାଆଲୁକିଡିଡ୍, ଆସୁଟେ ନା ପେଦେର୍ ଡେ ଅଣ୍ଡ ମିକିଂଙ୍କ ଆଦ୍ ହିଦ୍ ଡିଡ୍ ।

୨୪ ଇଞ୍ଜେକ୍‌ଆନା ମିଡ଼୍ ନା ପେଦେର୍ ତେ ବାଡ଼ ତାଆଲ୍‌କିଡ଼ି;
ତାଲ୍‌କାର୍, ମିଡ଼୍ ଆଦ୍ ଦସ୍ କିତିଡ଼ି, ମେଣ୍ଟେ ମିଞ୍ଜାଦ୍ ଖେଡ଼କା ବର୍ତ୍ତ୍
ଆଦ୍‌ତେ ।”

ଜଗତ୍‌ତିଙ୍କ୍ ଜିଡ଼୍‌ତଣ୍ଟ୍

୨୫ “ନାନ୍ ମିକିଙ୍କ୍ ଆଲ୍‌ଜାରିକ ଶବ୍ଦ ତଡ଼୍ ଇଦ୍‌ସାରେ ଗର୍
କେଡ଼ତାନ୍; ଦିନାମ୍ ଖାଦୁତେ ନାନ୍ ମେଣ୍ଟେ ଚିନ୍ନେ ତଡ଼୍ କେଲନ୍,
ବାତେଙ୍କ୍ ଇଡ଼କେ ବାବାନ୍ ବିଷୟତେ ସାୟେ କେଡ଼ିତାନ୍ ।

୨୬ ଆଦ୍ ଦିନ୍ ମିଡ଼୍ ନା ପେଦେର୍‌ତେ ଅକିଙ୍କ୍ ତାଲ୍‌କିତିଡ଼ି; ନାନ୍
ମିଞ୍ଜାଦ୍ ବିଷୟତେ ବାବାଙ୍କ୍ ଅନୁରଦ୍ ମାଡ଼ିତାନ୍, ଇଦ୍ ନାନ୍ ମିକିଙ୍କ୍
କେଲନ୍;

୨୭ ବାବାଲ୍ ନିଜେ ମିକିଙ୍କ୍ ପ୍ରେମ ମାଡ଼ିତନ୍, ବାତେଙ୍କ୍ ଇଡ଼କେ ମିଡ଼୍
ନାକିଙ୍କ୍ ପ୍ରେମ ମାଡ଼ିତିଡ଼ି ନୁ ନାନ୍ ଯେ ଇଶ୍‌ରତାଗାଙ୍କ୍ ଖାସ୍‌ମିନ୍ଦେନ୍,
ଆଦ୍ ମିଡ଼୍ ବିଶ୍ୱାସ୍ ମାଡ଼ିତିଡ଼ି ।

୨୮ ସଡ଼ ନାନ୍ ବାବାନାଗାଙ୍କ୍ ଜଗତ୍‌ତାଗ୍ ଖାସ୍‌ମିନ୍ଦେନ୍;
ମେଣ୍ଟଅନ୍‌ଦାମ୍ ଜଗତ୍‌ତିଙ୍କ୍ ଖିଡ଼ସି ବାବାନ୍ ଗାର୍‌ରେ ଆଦୁତାନ୍
।”

୨୯ ଇଦ୍ ଗର୍ କେଞ୍ଜି ଶିଷ୍ୟଡ଼୍ କେଡ଼ତଡ଼ି, “ଉଡ଼େ ଇଞ୍ଜେ ନିମ୍ ସାୟେ
କେଡୁତିନ୍ ନୁ ଆଲ୍‌ଜାରି ଶବ୍ଦ ତଡ଼୍ ମେଣ୍ଟେ କେଲ୍‌ଡ଼ିନ୍ ।

୩୦ ଇଞ୍ଜେ ନିମ୍ ଯେ ସାରେ ବିଷୟ ପୁଡ଼ିତିନ୍, ମେଣ୍ଟେ ନିମ୍
ବେନଙ୍କ୍ ପ୍ରଶ୍ନ ମାଡ଼ାଙ୍କ୍ ଦରକାର୍ ଇଲେ, ଆଦ୍ ଇଞ୍ଜେ ମାମ୍‌ମେ
ପୁଡ଼ତମ୍; ଇଶ୍‌ରତାଗାଙ୍କ୍ ଖାଡ଼ିତିନ୍ ଇଞ୍ଜେ ମାମ୍‌ମେ ଇଦ୍ ମାମ୍‌ମେ
ବିଶ୍ୱାସ୍ ମାଡ଼ୁତମ୍ ।”

୩୧ ଜିସୁ ଅଡ଼କିଙ୍କ୍ ଉତ୍ତର୍ ହିଡ଼ତଣ୍ଟ୍, “ମିଡ଼୍ ବାଡ଼ ଇଞ୍ଜେ ବିଶ୍ୱାସ୍
ମାଡ଼ୁଡ଼ିଡ଼ି?”

୩୨ ଉଡ଼ାର୍, ଦିନାମ୍ ଖାଦୁଡ଼ି, ହୋ ଖାଡ଼ତା, ବେସୁର୍ ମିଡ଼୍
ଝେରେଝେରେ ଆସ୍ ନିଜେ ନିଜେଡ଼ ଲୋନ୍ ଆଦ୍‌ତିଡ଼ି, ମେଣ୍ଟେ
ନାକିଙ୍କ୍ ଝେରଙ୍କେ ଖିଡ଼ସି ଆଦ୍‌ତିଡ଼ି; ନାନ୍ ଝେରନ୍ ଆୟନ୍, ନା ତଡ଼୍
ବାବାଲ୍ ମିନ୍ଦେଣ୍ଟ୍ ।

୩୩ ମିଡ଼୍ ବେଲା ନାୟାଗ୍ କାଉଲି ଶାନ୍ତି ଦସ୍ କିତିଡ଼ି, ଇଦିନ୍
ସେଙ୍ଗେ ନାନ୍ ମିକିଙ୍କ୍ ଇଦ୍‌ସାରେ ବିଷୟ କେଡୁତାନ୍ । ଜଗତ୍‌ତାଗ୍

ମିଛ ସେଙ୍ଗେ କଷ୍ଟ ମିଳେ, ବାତେଙ୍କ ଇଡ଼କେ ସାହାସ ପକ୍ଷିମୁଟ୍; ନାନ୍ ଜଗତ୍‌ତିଙ୍କ ଜିଡ଼ତାନ୍ ।”

୧୭

ଶିଷ୍ୟତ୍‌ସେଙ୍ଗେ ଜିସୁନ୍ ପ୍ରାର୍ଥନା

୧ ଜିସୁ ଇଦ୍‌ସାରେ ଗଟି କେସ୍ ତେରତେପେୟ୍ ସ୍ୱର୍ଗତା ଉଡ଼ି କେଡ଼ତଣ୍ଡ, “ବାବା, ଦିନାମ୍ ଆଦତେ; ନି ମାର୍‌ରିଙ୍କ ମହିମାନିତ ମାଡ଼ା, ବେଲା ମାର୍ ନିଝାଦ୍ ମହିମା ମାଡ଼ିତନ୍,

୨ ନିମ୍ ଅଂକିଙ୍କ ସାରେ ନାରୁଡ଼୍ ପର୍‌ର ଅଦିକାର୍ ହିଡ଼ତି, ବେଦ୍‌ରକମ୍ ନିମ୍ ଅଂକିଙ୍କ ବେନ୍ ନାରୁଡ଼୍‌କ୍ ହିଡ଼ତିନ୍, ଅଡ଼୍‌କ୍ ସାରେଦିନାଡ଼୍ ଜିଝୁଣ୍ଡ୍ ହିଡ଼ତଣ୍ଡ ।

୩ ନିମ୍ ଝେରନ୍‌ ସଡ଼୍ ଇଶ୍‌ର୍, ନିକିଂଙ୍କ ନୁ ନିମ୍ ରଅତେନଣ୍ଡ୍ ଜିସୁ କ୍ରିଷ୍ଟଙ୍କ ପୁନ୍‌ନାଦ୍ ଆଦୁଡ଼୍‌ତେ ସାରେଦିନାଡ଼୍ ଜିଝୁଣ୍ଡ୍ ।

୪ ନିମ୍ ନାକିଂଙ୍କ ବେନ୍ ପାଡ଼୍‌ୟି ମାଡ଼ାନଙ୍କ୍ ହିଡ଼ତିନ୍, ଆଦ୍ ନାନ୍ ତେରସ୍‌ପି ପୃତିବିତାର୍ ନିକିଂଙ୍କ ମହିମାନିତ ମାଡ଼ତାନ୍ ।

୫ ଇଞ୍ଜେ, ହୋ ବାବା, ଜଗତ୍‌ତାଦ୍ ତିଆର୍ ମୁନେଙ୍କ୍ ନି ତଡ଼୍‌ନାଝାଦ୍ ବେନ୍ ମହିମା ମାଡ଼ତା, ଇଞ୍ଜେ ନିମ୍ ନାକିଂଙ୍କ୍ ଆଦ୍ ମହିମା ହିମ୍ ।”

୬ “ନିମ୍ ନାକିଂଙ୍କ୍ ଜଗତ୍‌ତାର୍ ବେନ୍ ନାରୁଡ଼୍‌କ୍ ଦାନ ମାଡ଼ତି, ନାନ୍ ଅଡ଼୍ ଗାର୍‌ରେ ନି ପେଦେର୍ ପ୍ରକାଶ୍ ମାଡ଼ତାନ୍; ଅଡ଼୍‌ ନି ମାନେଇ ନୁ ନିମ୍ ଅଡ଼୍‌କିଂଙ୍କ୍ ନାକିଂଙ୍କ୍ ଦାନ ମାଡ଼ତି, ମେଣ୍ଡେ ଅଡ଼୍‌ ନିଝାଦ୍ ବାକ୍ୟ ପାଲନ୍ ମାଡ଼ତଡ଼୍ ।

୭ ନିମ୍ ବାତା ଦାନ ମାଡ଼ତି ଆଝୁସାରେ ନିୟାର୍ କନ୍‌ସ୍ ତିଆର୍ ଆଦତେ, ଇଦ୍ ଅଡ଼୍‌ଇଞ୍ଜେ ବୁଜେମ୍ ଆଦତଡ଼୍;

୮ ବାତେଙ୍କ୍ ଇଡ଼କେ ନିମ୍ ନାକିଂଙ୍କ୍ ବେନ୍ ସାରେ ବାକ୍ୟ ଦାନ ମାଡ଼ତି, ନାନ୍ ଅଡ଼୍‌କିଂଙ୍କ୍ ଆଝୁ ସାରେ ଦାନ ମାଡ଼ତାନ୍, ମେଣ୍ଡେ ଅଡ଼୍ ଗ୍ରହନ୍ ମାଡ଼ତଡ଼୍, ମେଣ୍ଡେ ନାନ୍ ଯେ ନିୟାର୍ କନ୍‌ସ୍ ଝାସ୍‌ମିନ୍‌ଦେନ୍, ଆଦ୍ ସଡ଼୍ ଇଞ୍ଜ ପୁଞ୍ଜ୍ ମିନ୍‌ଦେଡ଼୍ ନୁ ନିମ୍ ନାକିଂଙ୍କ୍ ରଅତି ଇଞ୍ଜ ବିଶ୍ୱାସ୍ ମାଡ଼ତଡ଼୍ ।”

୯ “ନାନ୍ ଅଡ଼ ସେଙ୍ଗେ ପ୍ରାର୍ଥନା ମାଡ଼ତୁନ୍; ଜଗଡ଼ ସେଙ୍ଗେ ପ୍ରାର୍ଥନା ମାଡ଼ନ୍, ବାତେଙ୍କ ଇଡ଼କେ ନିମ୍ ନାକିଂଙ୍କ ବେନ୍ ନାରୁଡ଼କ୍ ହିଡ଼ତିନ୍, ଅଡ଼ ସେଙ୍ଗେ ପ୍ରାର୍ଥନା ମାଡ଼ତୁନ୍, ବାତେଙ୍କ ଇଡ଼କେ ଅଡ଼ ନି ମାନେଇ;

୧୦ ବାତା ନାୟାସ୍ତୁ, ଆସ୍ତୁସାରେ ନିୟାସ୍ତୁ, ମେଣ୍ଡେ ବାତା ନିୟାସ୍ତୁ, ଆସ୍ତୁସାରେ ନାୟାସ୍ତୁ; ମେଣ୍ଡେ ନାନ୍ ଅଡ଼ ତଡ଼ ମହିମାନିତ ଆସ୍ ମିନ୍ଦେନ୍ ।

୧୧ ନାନ୍ ମେଣ୍ଡେ ଇଦ୍ ଜଗଡ଼ତାଗ୍ ମାନନ୍, ବାତେଙ୍କ ଇଡ଼କେ ଇଡ଼ ଇଦ୍ ଜଗଡ଼ତାଗ୍ ମାନତଡ଼; ମେଣ୍ଡେ ନାନ୍ ନି ଗାରରେ ଆଦୁତାନ୍ । ପବିତ୍ର ବାବା, ନିମ୍ ନାକିଂଙ୍କ ହିଡ଼ତେ ପେଦେରତେ ଶକ୍ତି ତଡ଼ ଅଡ଼କିଂଙ୍କ ରକ୍ଷା ମାଡ଼ି ବେନ୍ ପେଦେର ନାକିଂଙ୍କ ହିଡ଼ତି, ବେଦ୍‌ରକମ୍ ମାନାଡ଼ ଅଣ୍ଡିୟାଗେ ଆଦତାଡ଼, ଅଡ଼ ଆଦେରକମ୍ ଅଣ୍ଡିୟାଗେ ଆଦତଡ଼ ।”

୧୨ ☆ଅଡ଼ ତଡ଼ ମାନ୍ଦାନ୍ ଝେଲେ ନାନ୍ ଅଡ଼କିଂଙ୍କ ନିଝାଦ୍ ପେଦେରତେ ଶକ୍ତିତଡ଼ ରକ୍ଷା ମାଡ଼ି ଝାସମିନ୍ଦେନ୍ ବେନ୍ ପେଦେର ନିମ୍ ନାକିଂଙ୍କ ହିଡ଼ତି, ମେଣ୍ଡେ ନାନ୍ ଅଡ଼କିଂଙ୍କ ସାବଦାନତେ ରକ୍ଷା ମାଡ଼ିମିନ୍ଦେଣ୍ଡୁ ନୁ ଦର୍ମଶାସ୍ତ୍ରତାଦ୍ ବାକ୍ୟ ବେଲା ସାରେ ଆଦତେ, ଇଦିନ୍ ସେଙ୍ଗେ ତଲାନ ମାଆର୍ ଝିଡ଼ସି ମେଣ୍ଡେ ବେନମିକା ନର୍କତା ଆନିନ୍ତ ।

୧୩ ବାତେଙ୍କ ଇଡ଼କେ ନାନ୍ ଇଞ୍ଜେ ନି ଗାରରେ ଆଦୁତାନ୍, ମେଣ୍ଡେ ଅଡ଼ ଲୋପେ ନାଝାଦ୍ ଝେଡ଼କା ବର୍ତ୍ ଆୟି, ଆଦିନ୍ ସେଙ୍ଗେ ଜଗଡ଼ତାଗ୍ ମାନ୍ଦାନ୍ ଝେଲେ ନାନ୍ ଇସ୍ତୁସାରେ କେତୁତାନ୍ ।

୧୪ ନାନ୍ ଅଡ଼କିଂଙ୍କ ନିୟାସ୍ତୁ ବାକ୍ୟ କେଞ୍ଜପ୍ତାନ୍, ମେଣ୍ଡେ ଜଗଡ଼ ଅଡ଼କିଂଙ୍କ ପାସକି ମିନ୍ଦେ, ବାତେଙ୍କ ଇଡ଼କେ ନାନ୍ ବେଦ୍‌ଲେକାମ୍ ଇଦ୍ ଜଗଡ଼ତଣ୍ଡ ଆୟନ୍, ଅଡ଼ ଆଦେରକମ୍ ଇଦ୍ ଜଗଡ଼ତଡ଼ ଆୟନ୍ତ ।

୧୫ ନିମ୍ ଅଡ଼କିଂଙ୍କ ଜଗଡ଼ତାଗାଙ୍କ ଆୟମ୍ ଇଞ୍ଜ ନାନ୍ ପ୍ରାର୍ଥନା ମାଡ଼ନ୍, ବାତେଙ୍କ ଇଡ଼କେ ଅଡ଼କିଂଙ୍କ ସୟତାନ୍ତାଗାଙ୍କ ରକ୍ଷା ମାଡ଼େ ଇଞ୍ଜ ପ୍ରାର୍ଥନା ମାଡ଼ତୁନ୍ ।

୧୬ ନାନ୍ ବେଲା ଜଗଡ଼ତଣ୍ଡ ଆୟନ୍, ଅଡ଼ ଆଦେପୁଟୁଙ୍କ ଜଗଡ଼ତଡ଼ ଆୟନ୍ତ ।

୧୭ ସଡ଼ ତଡ଼ ଅଡ଼କିଂଙ୍କ ପବିତ୍ର ମାଡ଼େ; ନିଝାଦ୍ ବାକ୍ୟ ଆ ସଡ଼ ।

୧୮ ନିମ୍ନ ନାକିଂଙ୍କୁ ବେଲା ଜଗତ୍‌ତାର୍ ରହତ୍‌ତିନ୍, ନାନ ମିକା ଅଡ଼କିଂଙ୍କୁ ଆଦେପୁରୁଙ୍କୁ ଜଗତ୍‌ତାର୍ ରହତ୍‌ତାନ ।

୧୯ ଅଡ଼ ବେଲା ଆଦ ସତ୍ ତତ୍ ପବିତ୍ର ଆଦତତ୍, ଇଦିନ୍‌ମାଈଦିଙ୍କୁ ନାନ ଅଡ଼ ସେଙ୍ଗେ ନିଜ୍‌ତିଙ୍କୁ ପବିତ୍ର ମାଡ଼ତୁନ୍ ।

୨୦ “ନାନ ମାଡ଼ର୍ ଅଡ଼ ସେଙ୍ଗେ ପ୍ରାର୍ଥନା ମାଡ଼ନ୍, ମାଡ଼ର୍ ଇଡ଼ାଦ୍ ବାକ୍ୟ ତତ୍ ବେନଡ଼ ନାୟାଗ୍ ବିଶ୍ୱାସ୍ ମାଡ଼ିତତ୍, ଅଡ଼କିଂଙ୍କୁ ମିକା ପ୍ରାର୍ଥନା ମାଡ଼ତୁନ୍,

୨୧ ବେଲା ଅଡ଼ ସାରେତତ୍ ଅଣ୍ଟୟାଗେ ଆଦତତ୍; ହୁଁ ବାବା ନିମ୍ନ ବେଲା ନାୟାଗେ ମିନ୍ଦେନି ନୁ ନାନ ନିୟାଗ୍ ମିନ୍ଦେନ୍, ଅଡ଼ ମିକା ଆଲେକେ ମାୟାଗ୍ ମାନିଡ଼, ବେଦ୍‌ଲେକାମ୍ ନିମ୍ନ ନାକିଂଙ୍କୁ ରହତ୍‌ତି ଇଞ୍ଜ ଜଗତ୍ ବିଶ୍ୱାସ୍ ମାଡ଼ିଡ଼ ।

୨୨ ମେଣ୍ଡେ ନିମ୍ନ ନାକିଂଙ୍କୁ ବେନ୍ ମହିମା ହିଡ଼ତିନ୍, ନାନ ଅଡ଼କିଂଙ୍କୁ ଆଦ୍ ହିଡ଼ତାନ, ବେଲା ମାନାଡ଼ ଅଣ୍ଟୟାଗେ ଆଦତାଡ଼, ଅଡ଼ ଆଦେଲେକାମ୍ ଅଣ୍ଟୟାଗେ ଆଦତଡ଼ ।

୨୩ ନାନ ଅଡ଼ାଗ୍ ନୁ ନିମ୍ନ ନାୟାଗ୍ ବେଦ୍‌ଲେକାମ୍ ଅଡ଼ ପବିତ୍ର ଆସ୍ ଅଣ୍ଟୟାଗେ ଆଦତଡ଼, ଆଲେକେ ଜଗତ୍ ପୁନ୍‌ତେ ଯେ ନିମ୍ନ ନାକିଂଙ୍କୁ ରଅତିନ୍, ମେଣ୍ଡେ ନାକିଂଙ୍କୁ ବେନ୍ ଲେକାଡ଼ ପ୍ରେମ ମାଡ଼ିତି, ଅଡ଼କିଂଙ୍କୁ ମିକା ଆଦେ ଲେକାଡ଼ ପ୍ରେମ ମାଡ଼ିତିନ୍ ।”

୨୪ “ହୁଁ ବାବା ! ନିମ୍ନ ନାକିଂଙ୍କୁ ବେନଡ଼କ୍ ହିଡ଼ତିନ୍, ନାନ ବେଗେ ମାନତାନ, ଅଡ଼ ଆନ୍‌ତେ ଆଦେପୁରୁଙ୍କୁ ଆଗେ ନା ତତ୍ ମାନିତଡ଼ ନୁ ଜଗତ୍ ତିଆର ଆଦାନ ମୁନେଙ୍କୁ ନିମ୍ନ ନାକିଂଙ୍କୁ ପ୍ରେମ ମାଡ଼ି ବେନ୍ ଗୌରବ୍ ହିଡ଼ତିନ୍, ନାଞ୍ଜାଦ୍ ଆଦ୍ ଗୌରବ୍ ଅଡ଼ ବେଲା ଉଡ଼ିତଡ଼, ଇଦ୍ ନାଞ୍ଜାଦ୍ ଇଞ୍ଜି ।

୨୫ ହୋ ଦାମ୍ ିକ୍ ବାବା ! ଜଗତ୍ ନିକିଂଙ୍କୁ ପୁନନ୍, ବାତେଙ୍କୁ ଇଡ଼କେ ନାନ ନିକିଂଙ୍କୁ ପୁଡ଼ତାନ; ମେଣ୍ଡେ ନିମ୍ନ ଯେ ନାକିଂଙ୍କୁ ରହତି, ଆଦ୍ ଇଡ଼ ପୁଡ଼ତଡ଼;

୨୬ ମେଣ୍ଡେ, ନିମ୍ନ ନାକିଂଙ୍କୁ ବେଦ୍‌ଲେକାମ୍ ପ୍ରେମ ମାଡ଼ିତିନ୍, ଆଦ୍ ବେଲା ଅଡ଼ାଗ୍ ମାନତା ନୁ ନାନ ଅଡ଼ାଗ୍ ମାନତାନ, ଇଦିନ୍ ସେଙ୍ଗେ ନାନ ଅଡ଼କିଂଙ୍କୁ ନି ପେଦେର୍ କେଡ଼ତାନ ନୁ କେଡ଼ିତାନ ।”

ଜିସୁ ବନ୍ଦି ଆଡ଼ତଣ୍ଡ

(ମାତିତ ୨୭:୪୭-୫୭; ମାର୍କ ୧୪:୪୩-୫୦; ଲୁକ ୨୨:୪୭-୫୩)

୧ ଜିସୁ ଇଦ୍‌ସାରେ ଗଟି କେସ୍ ତାନ୍ ଶିଷ୍ୟତ୍, ତତ୍, କିଦ୍ରୋଶ ଉପତ୍ୟକାତ୍ ମେଣ୍ଡେଅନ୍‌ପାକେ ଆଦ୍‌ତତ୍ । ଆଗେ ଅଣ୍ଡ ବଗିଚା ମାଡ଼ତା, ଅଣ୍ଡ ନୁ ତାମ୍ ଶିଷ୍ୟତ୍ ଆଗେ ଅସ୍‌ତତ୍ ।

୨ ବେନ୍ ଯିହୁଦାଲ୍ ଅଂକିଲ୍ ଗତୁଡ଼୍ କାଇଦେ ପସ୍‌ପତଣ୍ଡ, ଅଣ୍ଡ ମିକା ଆଦ୍ ପଡ଼ିୟେତିଲ୍ ପୁଞ୍ଜ ମାଡ଼ତଣ୍ଡ, ବାତେଲ୍ ଇଡ଼କେ ଜିସୁ ନାରୋଦାମ୍ ତାନ୍ ଶିଷ୍ୟତ୍ ତତ୍ ଆଦ୍ ପଡ଼ିୟେତାଗ୍ ଆଞ୍ଜମାଡ଼ତତ୍ ।

୩ ଯିହୁଦା ରମୀୟ ସୈନ୍ୟମାନ୍ଦେ, ମୁକ୍ୟ ଯାଜକ୍ ନୁ ଫାରୁଶୀତ୍, ଲୋପେକେ ବେସ୍‌କଡୁଡ଼୍ ମନ୍ଦିରତିଲ୍ କେପାନଡ଼୍ ଲଣ୍ଡନ୍, ମୋଗାଲ୍ ନୁ ସୁରୀଟେଙ୍ଗା ପଇସ୍ ଆଗେ ଖାତତ୍ ।

୪ ଆଗାଲ୍ ଜିସୁ, ଅଡ଼୍ ସେଙ୍ଗେ ବାତା ଗଟେମ୍‌ଆଦାଲ୍ ଆଦୁତେ, ଆଦ୍ ପୁଞ୍ଜ ମୁନ୍‌ନେ ଆଞ୍ଜ ଅଡ଼୍‌କିଂଲ୍ ପାତ୍ରାମାଡ଼ତଣ୍ଡ, “ମିଡ଼୍ ବେନଲ୍ ମେହେକୁତିଡ଼୍?”

୫ ଅଡ଼୍ ଅଂକିଲ୍ କେଡ଼ତତ୍, “ନାଜରିତ୍‌ୟତଣ୍ଡ ଜିସୁଲ୍ ।”

ଜିସୁ ଅଡ଼୍‌କିଂଲ୍ କେଡ଼ତଣ୍ଡ, “ନାନ୍ ଅଣ୍ଡେ ।”

ବେନ୍ ଯିହୁଦା ଅଂକିଲ୍ ଗତୁଡ଼୍ କାଇଦେ ପସ୍‌ପତଣ୍ଡ, ଅଣ୍ଡ ମିକା ଅଡ଼୍ ତଡ଼୍ ନିସ୍‌ମାଡ଼ତଣ୍ଡ ।

୬ ଜିସୁ ଆସୁଟେ ଅଡ଼୍‌କିଂଲ୍ କେଡ଼ତଣ୍ଡ, “ନାନ୍ ଅଣ୍ଡେ,” ଆସୁଟେ ଅଡ଼୍ ପେରକେ ଆଞ୍ଜ ନେଲ୍ ରାୟତତ୍ ।

୭ ଆଗାଲ୍ ଜିସୁ ଅଡ଼୍‌କିଂଲ୍ ମେଣ୍ଡେଅନ୍‌ଦାମ୍ ପାତ୍ରାମାଡ଼ତଣ୍ଡ, “ମିଡ଼୍ ବେନଲ୍ ମେହେକୁତିଡ଼୍?” ଅଡ଼୍ କେଡ଼ତତ୍, “ନାଜରିତ୍‌ୟତଣ୍ଡ ଜିସୁଲ୍ ।”

୮ ଜିସୁ କେଡ଼ତଣ୍ଡ, “ନାନ୍ ଯେ ଅଣ୍ଡ, ଇଦ୍ ତ ନାନ୍ ମିକିଂଲ୍ କେଡ଼ତାନ୍ ।” ଯଦି ମିଡ଼୍ ନାକିଂଲ୍ ମେହେକୁତିଡ଼୍, ଆଲେକେ ଇଡ଼କିଂଲ୍ ଆଦାଲ୍ ଇମୁଟ୍ ।

୯ ଜିସୁ କେଡ଼ତଣ୍ଡ, ବେଲା ଅନ୍‌ଝାଦ୍ ଇଦ୍ ବାକ୍ୟ ସାରେ ଆଦ୍‌ତେ, “ବାବା ନିମ୍ ନାକିଂଲ୍ ବେନଡ଼କ୍ ହିଡ଼୍‌ତିନ୍, ଅଡ଼୍ ଲୋପେଲ୍ ନାନ୍ ଝେରଲ୍ ମିକା ମାପନ୍ ।”

୧୦ ଶିମୋନ୍ ପିତରତାରୁ ତୁର ମାଡ଼ତାଙ୍କୁ ଅଣ୍ଟା ଆଦିଙ୍କୁ ପେଶ୍ଚିମିକା ମହାଯାଜକିନ୍ ଦାସଙ୍କ ରେହେତଣ୍ଟୁ ନୁ ଅନାଦ୍ ତିନ୍ଦେକାଇ କେଞ୍ଜିଦିଙ୍କୁ ନାଡ଼କ୍ତଣ୍ଟୁ; ଆ ଦାସତେ ପେଦେର୍ ମାଲ୍ଲକ ।

୧୧ ☆ଆଗାଙ୍କୁ ଜିସୁ ପିତରତିଙ୍କୁ କେଡ଼ତଣ୍ଟୁ, “ତୁର ଗାରରେ ନେହେମ୍; ବାବାଲ୍ଲ ଇଶ୍ବର ନାକିଂଙ୍କୁ ଇସ୍ମାୟାନ୍ ଇଦ୍ ଦୁଃକାମ୍ ଆଦାନ୍ କଷ୍ଟତାଗାଙ୍କୁ ନାନେ ତିନନ୍ କି ?”

ହାନାନତେ ମୁନେ ଜିସୁ

୧୨ ତିନ୍ ପେରକେ ରମୀୟ ସୈନ୍ୟମାୟେ, ବେଡ଼୍ଯାଦ୍ ସେନାପତି ନୁ ଯିହୁଦୀଡ଼କ୍ କେପାନଡ଼୍ ଜିସୁଙ୍କ ପୟସ୍ ବନ୍ଦି ମାଡ଼ତଡ଼୍,

୧୩ ଅଂକିଙ୍କୁ ତଅସ୍ ମୁନେନ୍ କୟାପାନ୍ ମାମାଲ୍ ହାନାନତେ ଗାରରେ ଆଡ଼ତଡ଼୍, ବାତେଙ୍କୁ ଇଡ଼କେ ଅଣ୍ଟା ଆଦ୍ ହେଣ୍ଟେଡ଼୍ ବେଡ଼ିୟ୍ ଯାଜକ୍ ମାଡ଼ତଣ୍ଟୁ ।

୧୪ ☆ସାରେତଡ଼୍ ନାରୁଡ଼୍ ସେଜେଂ ଖେରଣ୍ଟୁ ଡ଼ଲ୍ଲନାଦ୍ ସାଏ ଇଞ୍ଜି ଯିହୁଦୀଡ଼କ୍ ବେନ କେସ୍ମାଡ଼ତଣ୍ଟୁ, ଇଣ୍ଟୁ ଅଣ୍ଟୁ କାୟାପା ।

ପିତର ଜିସୁଙ୍କୁ ଅସ୍ତ୍ରୀକାର୍ ମାଡ଼ତଣ୍ଟୁ

(ମାତିଉ ୨୬:୬୯-୭୦; ମାର୍କ ୧୪:୬୬-୬୮; ଲୁକ ୨୨:୫୫-୫୭)

୧୫ ଶିମୋନ୍ ପିତର ନୁ ମେଣ୍ଟେଅରଡ଼ୁଣ୍ଟୁ ଶିଷ୍ୟ ଜିସୁନ୍ ପେରକେ ପେରକେ ଆଞ୍ଜି ମାଡ଼ତଡ଼୍ । ଆ ଶିଷ୍ୟ ମହାଯାଜକତିଙ୍କୁ ପୁଞ୍ଜି ମାଡ଼ତଣ୍ଟୁ ନୁ ଜିସୁନ୍ ତଡ଼୍ ବେଡ଼୍ଯାଦ୍ ଯାଜକତାଦ୍ ଲୋଡ଼ତେ ଦୁଃଖାଡ଼୍ ହେଞ୍ଜୁନା ଆଡ଼ତଣ୍ଟୁ ।

୧୬ ବାତେଙ୍କୁ ଇଡ଼କେ ପିତର ବାଇଦେ ମାର୍ ଗାରରେ ନିସ୍ ମାଡ଼ତଣ୍ଟୁ । ଅଣ୍ଟୁ ବାଇଦେ ଆଞ୍ଜି ମାରତାରୁ କେପିମାୟାନ୍ ଦାସିଙ୍କୁ କେସ୍ ପିତରତିଙ୍କୁ ଲୋପେ ତାଡ଼ତେ ।

୧୭ ଆଗାଙ୍କୁ ଅଣ୍ଟୁ ଦାସି ପିତରତିଙ୍କୁ କେଡ଼ତା, “ନିମ୍ ମିକା ବାତେଏ ଇ ନାରୁଡ଼୍ ଶିଷ୍ୟଡ଼୍ ଲୋପେକେ ଖେରନ୍ ଆୟିଞ୍ଜିନ୍ ?”

ଅଣ୍ଟୁ କେଡ଼ତଣ୍ଟୁ, “ନାନ୍ ଆୟନ୍ ।”

☆ ୧୮:୧୧ ମାତିଉ ୨୬:୩୯; ମାର୍କ ୧୪:୩୭; ଲୁକ ୨୨:୪୨.
୧୧:୪୯, ୫୦.

☆ ୧୮:୧୪ ଯୋହନ୍

୧୮ ଶାଲ୍‌ଦେ ସେଙ୍ଗେ ଦାସ ନୁ କେପାନଡ଼୍ ଇକ୍ ନିଡ଼୍‌ସ୍‌ପି ଆଗେ ନିସ୍ କିସ୍ ହାର ମାଡ଼ତଡ଼୍; ପିତର୍ ମିକା ଅଡ଼୍‌ତଡ଼୍‌କାଇଲି କିସ୍ ହାର ମାଡ଼ତଡ଼୍ ।

ବେଡ଼ିୟାଜକ୍ ଜିସୁଙ୍କ ପ୍ରଶ୍ନ ମାଡ଼ତଡ଼୍

(ମାତିଡ ୨୭:୫୯-୬୬; ମାର୍କ ୧୪:୫୫-୬୪; ଲୁକ ୨୨:୬୭-୭୧)

୧୯ ତିନ୍ ଲୋପେ ବେଡ଼ିୟାଜକ୍ ଜିସୁଙ୍କ ତାନ୍ ଶିଷ୍ୟଡ଼୍ ବିଷୟତେ ନୁ ତାନ୍ ଶିକ୍ଷା ବିଷୟତେ ପାତ୍ରାମାଡ଼ତଡ଼୍ ।

୨୦ ଜିସୁ ଅଂକିଙ୍କ କେଡ଼ତଡ଼୍, “ନାନ୍ ନାରୁଡ଼୍ ଗାରରେ ସାରେ ଗର୍ କେସ୍‌ମିନ୍‌ଦେନ୍; ବେଗେ ସାରେ ଯିହୁଡ଼ିଡ଼୍ ଅଣ୍ଡିୟାଗେ ଆଦତଡ଼୍, ଇଦ୍ ଲେକାମ୍ ସମାଜ୍ ଲୋନ୍ ନୁ ମନ୍‌ଡିରତାଗ୍ ନାନ୍ ସାରେଦାମ୍ ଶିକ୍ଷା ଇସ୍‌ମିନ୍‌ଦେନ୍; ନାନ୍ ମିଞ୍ଜି ମିକା ବାତେଏ କେଲନ୍ ।

୨୧ ନାକିଙ୍କ ବାତେଙ୍କ ପାତ୍ରାମାଡ଼ତଡ଼ିନ୍ ? ନାନ୍ ଅଡ଼୍‌କିଙ୍କ ବାତେଏ କେଡ଼ତାନ୍, ବେନଡ଼୍ କେଞ୍ଜତଡ଼୍, ଅଡ଼୍‌କିଙ୍କ ପାତ୍ରାମାଡ଼ା; ଉଡେ, ନାନ୍ ବାତା କେଡ଼ତାନ୍, ଅଡ଼୍‌ଆଞ୍ଚିରେ ପୁଡ଼ତଡ଼୍ ।”

୨୨ ଜିସୁ ଇଲା କେଡ଼ତାଙ୍କ ପ୍ରହରୀଡ଼୍ ଲୋପେକେ ଗାରେ ନିସ୍ ମାନ୍ଦାନ୍ ଝେରଣ୍ଡ୍ ଜିସୁଙ୍କ ଚାପୁଡ଼ା ରେହେସ୍ କେଡ଼ତଡ଼୍, ନିମ୍ ମହାଯାଜକତିଙ୍କ ଇଲା କେଡୁତି ?

୨୩ ଜିସୁ ଅଂକିଙ୍କ କେଡ଼ତଡ଼୍, “ଯଦି ନାନ୍ କାରାପ୍ କେଡ଼ତାନ୍, ଆଲେକେ କାରାବତାଦ୍ ସାରେତଡ଼୍ ମୁନେ ସଡ଼୍ ହିମ୍; ବାତେଙ୍କ ଇଡ଼କେ ଯଦି ସାଏ କେଡ଼ତାନ୍, ଆଲେକେ ବାତେଙ୍କ ନାକିଙ୍କ ରେହେଡୁଡିନ୍ ?”

୨୪ ଆଗାଙ୍କ ହାନାନ୍ ଅଂକିଙ୍କ ତହୱସ୍ ମାନ୍ଦାନ୍ ଅବସ୍ଥାତେ ବେଡ଼ିୟାଜକ୍ କାୟାପାନ୍ ଗାରରେ ରହତଡ଼୍ ।

ଜିସୁଙ୍କ ପିତର୍ ମେଣ୍ଡିଅନ୍‌ଦାମ୍ ଅସ୍ତ୍ରୀକାର୍ ମାଡ଼ତଡ଼୍

(ମାତିଡ ୨୭:୭୧-୭୫; ମାର୍କ ୧୪:୬୯-୭୨; ଲୁକ ୨୨:୫୮-୬୨)

୨୫ ଆଗାଙ୍କ ଶିମୋନ୍ ପିତର୍ ନିସ୍‌ମିକା କିସ୍ ହାର ମାଡ଼ତଡ଼୍ । ଆଗେ ଗୁଡ଼ତା ନାରୁଡ଼୍ ଅଂକିଙ୍କ ପାତ୍ରାମାଡ଼ତଡ଼୍, “ନିମ୍‌ମିକା ବାତେଏ ଶିଷ୍ୟଡ଼୍, ଲୋପେକେ ଝେରଣ୍ଡ୍ ଆୟିଞ୍ଜିନ୍ ?”

ଶିମୋନ୍ ପିତର୍ ଅସ୍ତ୍ରୀକାର୍ ମାଡ଼ି କେଡ଼ତଡ଼୍, “ଇଲେ, ନାନ୍ ଆୟନ୍ ।”

୨୭ ବେଡ଼ିୟୁଯାଜକ ଦାସଡ଼ ଲୋପେକେ ଖେରଣ୍ଡ, ଇଡ଼କେ ପିତର ବେନ କେଞ୍ଜ କଇସ୍ ମାଡ଼ତଣ୍ଡ, ଅନ୍ ନିଜର ନାରୁଡ଼କେଡ଼ତଣ୍ଡ, “ନାନ୍ ବାତେଏ ନିକିଞ୍ଜ ଜିସୁନ୍ ତଡ଼ ବଗିଚାତାର୍ ଉଡ଼ି ମାନନ୍ ?”

୨୭ ଆଗେ ପିତର ମେଣ୍ଡଅନ୍ଦାମ୍ ଅସ୍ତ୍ରୀକାର୍ ମାଡ଼ି କେଡ଼ତଣ୍ଡ, “ଇଲେ ।” ଆସୁଟେ, ସାଙ୍ଗେ ସାଙ୍ଗେ କର୍କ୍ କୁସ୍ତା ।

ପୀଲାତତେ ମୁନେ ଜିସୁ

(ମାଡ଼ିତ ୨୭:୧-୨, ୧୧-୧୪; ମାର୍କ ୧୫:୧-୫; ଲୁକ ୨୩:୧-୫)

୨୮ ପେରକେ ଯିହୁଦି ନେତାନଡ଼ ଜିସୁଙ୍କ କୟାପାନ୍ ଗାରରେ ରମୀୟ ରାଜ୍ୟପାଲ୍ଲତେ ପ୍ରାସାଦ୍ତାର୍ ହଡ଼ତଡ଼; ଆସୁଟ୍ ଝିଇସ ମାଡ଼ତା; ମେଣ୍ଡେ ଅଡ଼ ଅପବିତ୍ର ଆୟ୍ଯକଟ ନିସ୍ତାର ପାଣ୍ଡୁଆଦ୍ ବଜି ତିନ୍ଦାନ୍ ସେଙ୍ଗେ, ଅଡ଼ ପ୍ରାସାଦ୍ତେ ଲୋପେ ହସଡ଼ ।

୨୯ ପିଲାତ ଅଡ଼ ଗାରରେ ପେଇସ୍ ଖାସ୍ କେଡ଼ତଣ୍ଡ, “ଇଣ୍ଡ ନାରୁଡ଼ ବିରୁଦ୍ତେ ମିଡ଼ ବାତେଏ ଅବିୟର୍ ତାଡୁତିଡ଼?”

୩୦ ଅଡ଼ ଅଂକିଞ୍ଜ କେଡ଼ତଡ଼, “ଇଣ୍ଡ ଖେରନ୍ ଅପରାଦି ନାରୁଣ୍ଡ, ଆଦିନ୍ ସେଙ୍ଗେ ମାମ୍ମେ ଅଂକିଞ୍ଜ ନି ଗାରରେ ତାଡ଼ତମ୍ ।”

୩୧ ପିଲାତ ଯିହୁଦୀଡ଼କ୍ କେଡ଼ତଣ୍ଡ, “ମିଡ଼ ହିକିଞ୍ଜ ହସ୍ ମିୟାଦ୍ ନିୟମ୍ ଲେକାମ୍ ବିଚାର୍ ମାଡ଼ାଟ୍ ।”

ଯିହୁଦୀଡ଼ ପୀଲାତଙ୍କ କେଡ଼ତଡ଼, “ଜିସୁଙ୍କ ତଲାନଦଣ୍ଡ ହିଦାନଙ୍କ ମାଞ୍ଜାଦ୍ ଅଦିକାର୍ ଇଲେ ।”

୩୨ ☆ଜିସୁ ବେନ୍ ରକମ୍ ତଲିତଣ୍ଡ, ଆଦିଙ୍କ ପୁଞ୍ଜ ଅଣ୍ଡ ବେନ୍ ବାକ୍ୟ କେସ୍ମାଡ଼ତଣ୍ଡ, ଆଦ୍ ବେଲା ସଡ଼ ଆଦ୍ତେ, ଇଦିନ୍ ସେଙ୍ଗେ ଅଡ଼ ଇଲା କେସ୍ମାଡ଼ତଡ଼ ।

୩୩ ପିଲାତ ମେଣ୍ଡେ ଅନ୍ଦାମ୍ ପ୍ରାସାଦ୍ତେ ଲୋପେ ଆସି ଜିସୁଙ୍କ କାର୍ଜି କେଡ଼ତଣ୍ଡ, “ନିମ୍ ବାତେଏ ଯିହୁଦୀଡ଼ ରାଜା ?”

୩୪ ଜିସୁ ଅଂକିଞ୍ଜ ଉତ୍ତର ହିଡ଼ତଣ୍ଡ, “ନିମ୍ ବାତେଏ ଇଦ୍ ନିଜେ କେଡୁତିନ୍, ନା ବାଗାଡ଼ନାରୁଡ଼ ନା ବିଷୟତେ ନିକିଞ୍ଜ ଇଦ୍ କେଡ଼ତଡ଼ ?”

୩୫ ପିଲାତ ଉତ୍ତର ହିତ୍‌ତଣ୍ଡ, “ନାନ୍ ଯିହୁଦି ଆୟନ୍ । ନି ନିଜେତ୍ ନାରୁଡ୍, ନୁ ମୁକ୍ୟ ଯାଜକିଡ୍, ନିକିଂଙ୍କ ନା ଗାରରେ ତାଡ୍‌ତଡ୍; ନିମ୍ ବାତେଏ ଦଷ୍ଟ ମାଡ୍‌ଡି ?”

୩୬ ଜିସୁ ଉତ୍ତର ହିତ୍‌ତଣ୍ଡ, “ନାଝାଦ୍ ରାଜ୍ୟ ଇଦ୍ ଜଗଡ୍ ତେ ସେଙ୍ଗେ ଆୟ୍‌ୟ; ଯଦି ନାଝାଦ୍ ରାଜ୍ୟ ଇଦ୍ ଜଗଡ୍ ତେ ସେଙ୍ଗେ ଆୟ୍‌ୟେଡ୍, ଆଲେକେ ନାନ୍ ଯିହୁଦି ନେତାନଡ୍ କାଇଦେ ସମରପିତ ଆୟନ୍ ଆୟ୍‌ୟେନ୍, ଆଦିନ୍ ସେଙ୍ଗେ ନା ଦାସଡ୍, ଯୁଦ୍ ମାଡ୍‌ଡେଡ୍; ବାତେଙ୍କ ଇଡ୍‌କେ ନା ରାଜ୍ୟ ଇଗେ ଆୟ୍‌ୟ ମେଣ୍ଡେଅଣ୍ଡାଗ୍ ।”

୩୭ ଆଗାଙ୍କ ପିଲାତ ଜିସୁଙ୍କ କେଡ୍‌ତଣ୍ଡ, “ଆଲେକେ ନିମ୍ ଝେରନ୍ ରାଜା ?” ଜିସୁ କେଡ୍‌ତଣ୍ଡ, “ନିମ୍ ତ କେଡ୍‌ତଣ୍ଡ ନାନ୍ ଝେରନ୍ ରାଜା । ନାନ୍ ସଡ୍ ବିଷୟ କେତାନଙ୍କ ଜନମ୍ ଆଡ୍‌ତାନ ନୁ ଜଗଡ୍‌ତାଗ୍ ଝାସ୍‌ମିନ୍‌ଦେନ୍ । ବେନ ସତ୍ୟତିଙ୍କ ସାଏ କେଡିତଡ୍, ଅଣ୍ଡ ନା ଗଟି କେଞ୍ଜିତଡ୍ ।”

୩୮ ପିଲାତ ଜିସୁଙ୍କ କେଡ୍‌ତଣ୍ଡ, “ବାତେଏ ନିଜାମ୍ ?” ଇଦ୍ କେସ୍ ପିଲାତ ଯିହୁଦୀଡ୍, ଗାରରେ ବାଇଦେ ଆଞ୍ଜି ଅଡ୍‌କିଂଙ୍କ କେଡ୍‌ତଣ୍ଡ, “ନାନ୍ ଇନାଗେ ବାତେମିକା ଦଷ୍ଟ ପାଏମ୍ ଆୟନ୍ ।

ଜିସୁଙ୍କ ତଲ୍‌ନାଦ୍ ଦଣ୍ଡ

(ମାତିଡ ୨୭:୧୫-୩୧; ମାର୍କ ୧୫:୬-୨୦; ଲୁକ ୨୩:୧୩-୨୫)

୩୯ ବାତେଙ୍କ ଇଡ୍‌କେ ସାରେ ହେଣ୍ଡକ୍ ନିସ୍ତାର୍ ପାଣ୍ଡୁତେ ଝେଲେ ମିଇ ସେଙ୍ଗେ ଅର୍‌ତୁଙ୍କ ବନ୍ଦି ନାରୁଙ୍କ ମୁକ୍ତି ମାଡ୍‌ଡୁନ୍, ଇଦ୍ ମିୟାଦ୍ ଉଦାର ମିନ୍‌ଦେ; ତ ଯଦି ମିଡ୍, ଇଚ୍ଛା ମାଡ୍‌ଡିଡ୍, ନାନ୍ ଇଣ୍ଡ ଯିହୁଦୀଡ୍, ରାଜାଙ୍କ ମୁକ୍ତି ମାଡ୍‌ଡାନ ।”

୪୦ ଆଗାଙ୍କ ଅଡ୍, ଗାଟି ଲେଙ୍ଗ୍ ଦେ କେଡ୍‌ତଡ୍, “ଇଲେ, ଇ ମାନେଇଡିଙ୍କ ଆୟ୍‌ୟ । ବାରବ୍‌ବାଙ୍କ ମୁକ୍ତି ମାଡ୍‌ମ୍ ।” ଇଣ୍ଡ ବାରବ୍‌ବାଲ୍ ଝେରନ୍ ତଙ୍ଗାଲ୍ ମାଡ୍‌ତଣ୍ଡ ।

୧୯

୧ ତାନ୍ ପେରକେ ପିଲାତ ଜିସୁଙ୍କ ହସ୍‌ମିକା କରଡା ତଡ୍, ରେହେତାନ୍ ସେଙ୍ଗେ ଗର୍ ହିତ୍‌ତଣ୍ଡ ।

୭ ସୈନିକିଡ଼ କୟେ ମାଡ଼େଡ଼ ସହଜ୍ ତିଆର ମାଡ଼ି ଜିସୁନ୍ ତାଲେତାର୍ କେରସ୍ତତଡ଼, ନୁ ଅଂକିଙ୍କ ଆପ୍ ରଙ୍ଗତାଦ୍ ତକା କେରସ୍ତତଡ଼ ।

୩ ଅଡ଼ ଜିସୁନ୍ ଗାରରେ ଝାସ୍ କେଡ଼ତଡ଼, “ହଁ ଯିହୁଦୀଡ଼ ରାଜା, ନିମ୍ ନାରଗେ ଜେଲ୍ ବାଦ୍ କା;” ମେଣ୍ଟେ ଅଡ଼ ଅଂକିଙ୍କ ଚାପୁଡ଼ା ରେହେତାଙ୍କ ପସ୍ତତଡ଼ ।

୪ ପିଲାତ ମେଣ୍ଟେ ଅନ୍ଦାମ୍ ବାଇଦେ ଆଞ୍ଜ ନାରୁଡ଼କିଂଙ୍କ କେଡ଼ତଣ୍ଟ, “ଉଡ଼ାଟ୍, ନାନ୍ ଅନାଗେ ବାତେଏ ମିକା ଦଷ୍ଟ ଦରସ୍ତକନ୍, ଇଦ୍ ବେଲା ମିଡ଼୍ ପୁନ୍ତିଡ଼, ଇଦିନ୍ ସେଙ୍ଗେ ନାନ୍ ଅଂକିଙ୍କ ମିଇ ଗାରରେ ବାଇଦେ ତାଡ଼ିତାନ୍ ।”

୫ ଆଗାଙ୍କ ଜିସୁ ଆ କୟେନାଦ୍ ସହଜ୍ ନୁ ଆପ୍ କାୟାନ୍ ରଙ୍ଗତାଦ୍ ତକା କେରସ୍ ବାଇଦେ ଝାଡ଼ତଣ୍ଟ । ପିଲାତ ଅଡ଼କିଂଙ୍କ କେଡ଼ତଣ୍ଟ, “ଉଡ଼ାଟ୍, ଇଣ୍ଟ ଆ ନାରୁଣ୍ଟ !”

୬ ଆଗାଙ୍କ ମୁକ୍ୟ ଯାଜକ୍ ନୁ ମନ୍ଦିରତିଙ୍କ ସୁରକ୍ଷାହିଦାନଡ଼ ଉଡ଼ି ଗାଟି ଲେଙ୍ଗ୍ ଦେ କେଡ଼ତଡ଼, “କୁଶତାର୍ ତାରସ୍ପାଟ୍, କୁଶତାର୍ ତାରସ୍ପାଟ୍,” ପିଲାତ ଅଡ଼କିଂଙ୍କ କେଡ଼ତଣ୍ଟ, “ମିଡ଼୍ ଅଂକିଙ୍କ ଅସ୍ କୁଶତାର୍ ତାରସ୍ପାଟ୍, ବାତେଙ୍କ ଇଡ଼କେ ନାନ୍ ଅନାଗେ ବାତେଏ ମିକା ଦଷ୍ଟ ଦରସ୍ତକନ୍ ।”

୭ ଯିହୁଦୀଡ଼ ଅଂକିଙ୍କ କେଡ଼ତଡ଼, “ମାୟାଗ୍ ଝେରନ୍ ନିୟମ୍ ମିନ୍ଦେ ନୁ ଆଦ୍ ନିୟମ୍ ଲେକାମ୍ ଅଣ୍ଟ ତଲାନ୍ ଦଣ୍ଟ ଜିଝେଦରକିଡ଼, ବାତେଙ୍କ ଇଡ଼କେ ଅଣ୍ଟ ନିଜେତିଙ୍କ ‘ଇଶ୍ବରତେ ମାର୍’ ଇଞ୍ଜ କେସ୍ ମିନ୍ଦେଣ୍ଟ ।”

୮ ଆଗାଙ୍କ ପିଲାତ ଇଦ୍ ଗଟ୍ କେଞ୍ଜି ଗାଟି ଝେରତଣ୍ଟ;

୯ ମେଣ୍ଟେ ଅଣ୍ଟ ପ୍ରାସାଦ୍ ତେ ଲୋପେ ଆସି ଜିସୁଙ୍କ ପାତ୍ରାମାଡ଼ତଣ୍ଟ, “ନିମ୍ ବେଗାଙ୍କ ଝାଡ଼ତିନ୍ ?”

ବାତେଙ୍କ ଇକ୍ଟେ ଜିସୁ ଅଂକିଙ୍କ ଉଉର୍ ହିଝଣ୍ଟ ।

୧୦ ଆଗାଙ୍କ ପିଲାତ ମେଣ୍ଟେ ଜିସୁଙ୍କ କେଡ଼ତଣ୍ଟ, “ନିମ୍ ନାକିଂଙ୍କ ବାତେଙ୍କ ଗଟି ତିରିୟୁଡ଼ି ? ନିକିଂଙ୍କ ମୁକ୍ତି ମାଡ଼ାନଙ୍କ ନାୟାଗ୍ ଅଦିକାର୍ ମିନ୍ଦେ ନୁ ନିକିଂଙ୍କ କୁଶତାର୍ ତାର୍ସ୍ପାନଙ୍କ ମିକା ନାୟାଦ୍ ଅଦିକାର୍ ମିନ୍ଦେ, ଇଦ୍ ନିମ୍ ପୁନ୍ତିନ୍ କି ?”

୧୧ ଜିସୁ ଅଂକିଙ୍କ ଉତ୍ତର ହିତ୍‌ତଣ୍ଡ, “ନା ପରର ନିଃସାଦ ବେନ ଅଦିକାର ମିନ୍ଦେ, ଆଦ ଅଦିକାର ନିକିଂଙ୍କ ପରମେଶ୍ୱର ହିତ୍‌ତଣ୍ଡ । ତ ବେନ ନାକିଂଙ୍କ ନି ଗାରରେ ତାଡ଼ତଣ୍ଡ, ଅଣ୍ଡ ଗାଟି ପାପ ମାଡ଼ତଣ୍ଡ ।”

୧୨ ଆଗାଙ୍କ ପିଲାତ ଜିସୁଙ୍କ ମୁକ୍ତି ମାଡ଼ାଙ୍କ ଆଲ୍‌ସି ମାଡ଼ଣ୍ଡ, ବାତେଙ୍କ ଇଡ଼କେ ଯିହୁଦୀଡ଼ ଗାଟି ଲେଙ୍ଗ ଦେ କେଡ଼ତଡ଼, “ଯଦି ନିମ୍ ଜ ନାରୁଙ୍କ ମୁକ୍ତି ମାଡ଼ିତିନ୍, ଆଲେକେ ନିମ୍ ସମ୍ରାଟ୍‌ତେ ସାଙ୍ଗ ଆୟିଝିନ୍; ବେନଆଇ ନିଜେତିଙ୍କ ରାଜା ଇଞ୍ଜ କେତିତଣ୍ଡ, ଅଣ୍ଡ କାଇସର୍‌ତେ ବିରଦ୍‌ତାଦ ଗର୍ କେତିତଣ୍ଡ ।”

୧୩ ପିଲାତ ଇଦ୍ ସାରେ ଗର୍ କେଞ୍ଜି ଜିସୁଙ୍କ ପେସ୍ତିତାସ୍ “କାଲ୍‌ମଣ୍ଡପ୍,” ବେଦିଙ୍କ ଏବ୍ରି ଗର୍ ତେ “ଗର୍‌ବତା,” ଇଞ୍ଜ କେତିତଡ଼, ଆଦ ପଡ଼ିୟେତାଗ୍ ବିଚାର ମାଡ଼ାନାଦ୍ କେତିତାଗ୍ କୁଦ୍‌ତଣ୍ଡ ।

୧୪ ଆଦ ଦିନ୍ ନିସ୍ତାର ପାଣ୍ଡୁତାଦ୍ ମିଟିଙ୍କ ଦିନାମ୍ ମାଡ଼ତା, ମେଣ୍ଡେ ଆସୁଟେ ଦିନାମ୍ ବାର ଗାଣ୍ଟା ଆସ୍‌ମାଡ଼ତା । ପିଲାତ ଯିହୁଦୀଡ଼କ୍ କେଡ଼ତଣ୍ଡ, “ଉଡ଼ାଟ୍, ମିଝିଣ୍ଡ ରାଜାଲ୍ !”

୧୫ ଆଗାଙ୍କ ଅଡ଼ ଗାଟି ଲେଙ୍ଗ ଦେ କେଡ଼ତଡ଼, “ଅଂକିଙ୍କ ହାଝିକାର୍, ହାଝିକାର୍, କୁଶିତାଗ୍ ତାର୍‌ସ୍‌ପାଟ୍ ।”

ପିଲାତ ଅଡ଼କିଂଙ୍କ କେଡ଼ତଣ୍ଡ, “ମିଡ଼ ବାତେଏ ଇଚ୍ଛା ମାଡ଼ଡ଼ିଡ଼୍‌ନାନ୍ ମିଇ ରାଜାଙ୍କ କୁଶିତାଗ୍ ତାର୍‌ସ୍ତି ହାଝିକିତାନ୍ ?”

ମୁକ୍ୟ ଯାଜକିଡ଼ କେଡ଼ତଡ଼, “ସମ୍ରାଟ୍‌ତେ ଓଡ଼ିସି ମାକିଂଙ୍କ ମେଣ୍ଡେ ରାଜାଲ୍ ଇଲାଣ୍ଡ ।”

୧୬ ଆସୁଣ୍ଡ ପିଲାତ ଜିସୁଙ୍କ କୁଶିତାଗ୍ ତାର୍‌ପାନ୍ ସେଙ୍ଗେ ଅଡ଼ କାଇଦେ ସମର୍‌ପନ୍ ମାଡ଼ତଣ୍ଡ । ଆସୁଣ୍ଡ ଅଡ଼ ଜିସୁଙ୍କ ହଡ଼ତଡ଼ ।

ଜିସୁଙ୍କ କୁଶିବିଦ୍ ମାଡ଼ତଡ଼

(ମାଡ଼ିତ ୨୭:୩୨-୪୪; ମାର୍କ ୧୫:୨୧-୩୨; ଲୁକ ୨୩:୨୬-୪୩)

୧୭ ମେଣ୍ଡେ ଜିସୁ ନିଜେ କୁଶିତିଙ୍କ କାଞ୍ଜି “କାପାଲ୍‌ସ୍ଥଲ୍,” ପେଦେର୍‌ତେ ପଡ଼ିୟେତାଗ୍, ବେଦିଙ୍କ ଏବ୍ରି ଗର୍ ତେ “ଗଲ୍‌ଗତା,” ଇଞ୍ଜ କେତିତଡ଼, ଆଗେ ପେଇସ୍ ଆଡ଼ତଣ୍ଡ ।

୧୮ ଆଗେ ଅଡ଼ ଜିସୁଙ୍କ କୁଶିତାଗ୍ ତାର୍‌ସ୍ତତଡ଼ ନୁ ଅନ୍ ତଡ଼ ମେଣ୍ଡେ ଇରଝୁଡ଼କ୍ ତାର୍‌ସ୍ତତଡ଼, ରେଣ୍ଡ ପାକେ ଇରଝୁଡ଼କ୍ ନୁ ନାଡ଼ମେ ଜିସୁଙ୍କ ଝାଟ୍‌ତଡ଼ ।

୧୯ ପିଲାତ ଖେରନ୍ ଚିଟି ଲେକି କୁଶତେ ପରର ଝାଟିତଣ୍ଡ ।
ଆଗେ ଲେକ୍ତାଦ୍ ମାଡ଼ତା, “ନାଜରିତିୟ ଜିସୁ, ଯିହୁଦୀଡ଼, ରାଜାଲ୍
।”

୨୦ ଯିହୁଦୀଡ଼, ଲୋପେକେ ନାରଗେ ନାରୁଡ଼, ଇଦ୍ ଚିଟି
କାରତଡ଼, ବାତେଙ୍କ୍ ଇଡ଼କେ ବେନ୍ ପଡ଼ୟତାର୍ ଜିସୁଙ୍କ୍ କୁଶତାର୍
ତାରସ୍ତିମାଡ଼ତଡ଼, ଆଦ୍ ନାର୍ ଗାରରେ ମାଡ଼ତା; ମେଣ୍ଡେ ଆଦ୍ ଚିଟି
ଲାଟିନ୍, ଗ୍ରୀକ୍ ନୁ ଏବ୍ରି ଗଡ଼ ତେ ଲେକ୍ତାଦ୍ ଆସ୍ମାଡ଼ତା ।

୨୧ ଆଦିଙ୍କ୍ ଯିହୁଦୀଡ଼, ମୁକ୍ୟ ଯାଜକିଡ଼, ପୀଲାତଙ୍କ୍ କେଡ଼ତଡ଼,
“ଅଣ୍ଡ ଯିହୁଦୀଡ଼, ରାଜା ଇଞ୍ଜ ଲେକାମ୍ ବେଲାନ୍ ନାନ୍ ଯିହୁଦୀଡ଼,
ରାଜାନ୍ ଇଞ୍ଜ ଅଣ୍ଡ କେଡ଼ତଣ୍ଡ, ଇଲା ଲେକିମ୍ ।”

୨୨ ପିଲାତ କେଡ଼ତଣ୍ଡ, “ନାନ୍ ବାଡ଼ ଲେକ୍ତାନ୍, ଆଦ୍
ଆଦ୍ଲେକାମ୍ ଲେକ୍ତାଦ୍ ମାନ୍ତେ ।”

୨୩ ନାଲୁଝୁଡ଼, ସୈନିକ୍ ଜିସୁଙ୍କ୍ କୁଶତାର୍ ତାରସ୍ତେ ପେରକେ
ଅନ୍ଧାଦ୍ ଚକାଡ଼ିଙ୍କ୍ ଅସ୍ ନାଲୁ ଦୁଡ଼ା ମାଡ଼ତଡ଼, ସାରେତଡ଼, ସୈନ୍ୟଡ଼କ୍
ସେଙ୍ଗେ ଅଣ୍ଡୟ ଦୁଡ଼ା, ମେଣ୍ଡେ ଅଡ଼୍ ଜିସୁନ୍ ଉତରାୟ ସିଲେଡ଼ିଙ୍କ୍ ମିକା
ଆଡ଼ତଡ଼ । ଆଦ୍ ପରକନ୍ସ ମଦଲ୍ ହେଝୁନା ଝିଡ଼ସି ସିଲେଇତେ
ଅଣ୍ଡୟ ସିଲେ ମାଡ଼ତା ।

୨୪ ଆଦିଙ୍କ୍ ସୈନ୍ୟଡ଼, ତାମ୍ତାମ୍ ତିରିୟତଡ଼, “ଇଦିଙ୍କ୍ ହିକ୍ମାଟ୍,
ବାତେଙ୍କ୍ ଇଡ଼କେ ଇଦ୍ ବେନନାଦ୍ ଆଦ୍ତେ ଆଦିନ୍ ସେଙ୍ଗେ
ଗୁଲିବାଣ୍ଟ ମାଡ଼ିକାଡ଼,” ଦର୍ମଶାସ୍ତ୍ରତାର୍ ଇଦ୍ ଗଡ଼ ସଡ଼ ଆଦ୍ତେ, “ଅଡ଼୍
ତାମ୍ତାମ୍ ଲୋପେ ନାୟାଦ୍ ଚକାଡ଼ିଙ୍କ୍ ତୁହୁସଡ଼ତଡ଼, ମେଣ୍ଡେ ନାୟାଦ୍
ଉତରାୟ ସିଲେଡ଼ ସେଙ୍ଗେ ଗୁଲିବାଣ୍ଟ ମାଡ଼ତଡ଼ ।” ଇଦିନ୍ ସେଙ୍ଗେ
ସୈନ୍ୟଡ଼, ଇଲା ମାଡ଼ତଡ଼ ।

୨୫ ବାତେଙ୍କ୍ ଇଡ଼କେ ଜିସୁନ୍ କୁଶତେ ଗାରରେ ତାମ୍ ଯାୟ,
ତାମ୍ ଯାୟାନ୍ ଏଲାଡ଼, କ୍ଲପାନ୍ ମୁଡ଼ତେ ମରାୟମ୍ ନୁ ମଗ୍ଦଲାନି
ମରାୟମ୍ ନିସ୍ ମାଡ଼ତା ।

୨୬ ଜିସୁ ତାମ୍ ଯାୟ ନୁ ବେନ୍ ଶିଷ୍ୟଙ୍କ୍ ପ୍ରେମ ମାଡ଼ମାଡ଼ତଣ୍ଡ,
ଅଡ଼କିଙ୍କ୍ ଗାରରେ ନିସ୍ ମାୟାନାଦ୍ ଉଡ଼ି ଯାୟାଙ୍କ୍ କେଡ଼ତଣ୍ଡ, “ଉଡ଼େ,
ନି ମାରରିଙ୍କ୍ !”

୨୭ ତାନ୍‌ପେକେ ଆ ଶିଷ୍ୟଙ୍କ କେତତଣ୍ଡ, “ଉଡେ, ମିଇ ଯାୟାଙ୍କ !” ଆ ଶିଷ୍ୟ ଆସୁଣ୍ଡ ଜିସୁନ୍ ଯାୟାଙ୍କ ତାମ୍ ଲୋନ୍ ଅତତଣ୍ଡ ।

ଜିସୁନ୍ ଡଲ୍‌ନାଦ୍

(ମାତିଉ ୨୭:୪୫-୫୬; ମାର୍କ ୧୫:୩୩-୪୧; ଲୁକ ୨୩:୪୪-୪୯)

୨୮ ଇଞ୍ଜେ ସାରେ ବିଷୟ ଶେଷ୍ ଆଦତେ, ଜିସୁ ଇଦ୍ ପୁତତଣ୍ଡ । ଦର୍ମଶାସ୍ତ୍ରତାଦ୍ ବାକ୍ୟ ସଡ୍ ଆଡତାଙ୍କ ଅଣ୍ଡ କେତତଣ୍ଡ, “ନାକିଂ ଉନ୍ଦେଝାଡୁଡ୍ ।”

୨୯ ଆଗେ ଗିନେତାଗ୍ ବର୍ତ୍ତ୍ତ ପୁଲ୍‌ସତାଦ୍ ରସ୍ ମାଡତା । ଅଡ୍, ସପଆଞ୍ଜ ପସ୍ତେତିଙ୍କ ରସ୍‌ତାଗ୍ ମୁହୁସ୍ ଏଜୋପ* ଟିକ୍‌କାତାଗ୍ ଝାଟି ଜିସୁନ୍ ପାୟୁର୍ ବକେଡ୍ ଆଡତଡ୍ ।

୩୦ ଜିସୁ ଆଦିଙ୍କ ଉଞ୍ଜ କେତତଣ୍ଡ, “ଶେଷ୍ ଆଦତେ ।” ତାନ୍‌ପେକେ ଅଣ୍ଡ ତାଲେତିଙ୍କ ମଦଲ୍ ମାଡି ଡଲ୍‌ତଣ୍ଡ ।

ଜିସୁଙ୍କ ଗୁଣ୍ଡେତାଗ୍ ବର୍ତ୍ତାତଡ୍ କଟତଣ୍ଡ

୩୧ ଆଦ୍ ଦିନ୍ ନିସ୍ତାର୍ ପାଣ୍ଡୁତେ ତିଆର୍ ଦିନାମ୍ ମାଡତା । ଅନାଦ୍ ମେନ୍ତୁଲ୍ ବେଲା କୁଶତାଗ୍ ମାନ୍‌ନ, ତାନ୍ ମେଣ୍ଡେଅନ୍ ଦିନ୍ ବିଶ୍ୱାମ୍‌ବାରତାଦ୍ ବେଡେୟାଦ୍ ଦିନାମ୍ ମାଡତା । ଆଦିନ୍ ସେଙ୍ଗେ ବିଶ୍ୱାମ୍‌ଦିନେତାଗ୍ କୁଶତାଗ୍ ପର୍‌ର ମାନ୍‌ନାଝ୍ ମେନ୍ତୁଲ୍‌କିନ୍ ଡେକା ଉହୁସ୍ ନୁ ଅଡକିଂଙ୍କ ମେଣ୍ଡେଅନ୍ ପଡିୟେତାଗ୍ ଆଦାନଙ୍କ୍ ଯିହୁଦୀଡ୍, ପୀଲାଡିଙ୍କ୍ ଅନୁରଦ୍ ମାଡତଡ୍ ।

୩୨ ତାନ୍‌ପେକେ ସୈନିକିଡ୍ ଝାସ୍ ପ୍ରତମ୍ ଅରତୁନାଦ୍ ଡେକେ ନୁ ଅନ୍ ଡଡ୍, ମେଣ୍ଡେ ଝେରଣ୍ଡ କୁଶତାଗ୍ ତାର୍‌ସି ମାଡତଡ୍, ଅନାଦ୍ ଡେକେ ଉହୁଡତଡ୍ ।

୩୩ ମାଡର୍ ଅଡ୍ ଜିସୁନ୍ ଗାର୍‌ରେ ଝାସ୍ ଅଣ୍ଡ ଡଲ୍‌ତଣ୍ଡ ଇଞ୍ଜ ଉଡି ଅନାଦ୍ ଡେକେତିଙ୍କ ଉହୁଝଡ୍ ।

୩୪ ବାଡେଙ୍କ୍ ଇଡକେ ସୈନିକିଡ୍ ଲୋପେକେ ଝେରଣ୍ଡ ଜିସୁନ୍ ଗୁଣ୍ଡେତାଗ୍ ବର୍ତ୍ତାତଡ୍ କଟତଣ୍ଡ, ମେଣ୍ଡେ ସାଙ୍ଗେ ସାଙ୍ଗେ ନେତୁର୍ ନୁ ଏର୍ ପେଇତା ।

* ୧୯:୨୯ ଲାଟିଲାଦ୍ ହୁଡ୍

୩୫ ବେନ ଉଡ଼ତଣ୍ଡ ଅଣ୍ଟ ସାକ୍ଷ୍ୟ ହିଡ଼ତଣ୍ଡ, ବେଲାକି ମିଡ଼ ଆନତେ ବିଶ୍ୱାସ୍ ମାଡ଼ାର୍; ମେଣ୍ଡେ ଅନାଦ୍ ଗର୍ ନିଜାମ୍, ଅଣ୍ଟ ନିଜାମ୍ କେତୁତଣ୍ଡ ଇଦ୍ ଅଣ୍ଟ ପୁଡ଼ତଣ୍ଡ ।

୩୬ ଦର୍ମଶାସ୍ତ୍ରତାଗ୍ ହିଦ୍ ଗର୍ ସଡ଼ ଆଦାନ୍ ସେଙ୍ଗେ ଇଦ୍ ସାରେ ଗଟେମ୍ ଆଡ଼ତା, “ଅନାଦ୍ ଝେରନ୍ ମିକା ବୁଲା ଉଛୁତାନାଦ୍ ଆୟ୍ଯୟ ।”

୩୭ ☆ଦର୍ମଶାସ୍ତ୍ରତାଗ୍ ମେଣ୍ଡେ ଅଣ୍ଟ ବାକ୍ୟ ଲେକ୍ତାଦ୍ ମିନ୍ଦେ, “ଅଡ଼ ବେନଙ୍କ୍ ବର୍ଜ୍ଜାତଡ଼ କର୍ତଣ୍ଡ, ଅନ୍ପରୁ କଣ୍ଡେ ଝାଟାନାଦ୍ ।”

ଜିସୁନ୍ ସମାଦି

(ମାଡିଡ ୨୭:୫୭-୬୧; ମାର୍କ ୧୫:୪୨-୪୭; ଲୁକ ୨୩:୫୦-୫୬)

୩୮ ତାନ୍ପେକେ ଆରମାଡିଆତଣ୍ଡ ଜଷେପ୍ ପେଦେଡ଼ତଣ୍ଡ ଝେରଣ୍ଡ ନାରୁଡ଼ ପୀଲାତଙ୍କ୍ ଜିସୁନ୍ ମେନ୍ଦୁଲ୍ ତାଲ୍ଲକ୍ତଣ୍ଡ । ଜଷେପ୍ ଜିସୁନ୍ ଝେରନ୍ ଶିଷ୍ୟ ମାଡ଼ତଣ୍ଡ । ବାତେଙ୍କ୍ ଇଡ଼କେ ଅଣ୍ଟ ନାରୁଡ଼କ୍ ଜିସୁନ୍ ଶିଷ୍ୟ ଇଞ୍ଜ କେଲଣ୍ଡ, ବାତେଙ୍କ୍ ଇଡ଼କେ ଅଣ୍ଟ ଯିହୁଦି ନେତାନଡ଼କ୍ ଝେରସ୍ ମାଡ଼ତଣ୍ଡ । ପିଲାତ ଜଷେପ୍ତିଙ୍କ୍ ଜିସୁନ୍ ମେନ୍ଦୁଲ୍ ଆଦାନ୍ ସେଙ୍ଗେ ଗର୍ ହିଡ଼ତଣ୍ଡ । ଆଦିଙ୍କ୍ ଜଷେପ୍ ଝାସ୍ ଜିସୁନ୍ ମେନ୍ଦୁଲ୍ତିଙ୍କ୍ ହଡ଼ତଣ୍ଡ ।

୩୯ ☆ନିକଦୀମ ମିକା ଜଷେପ୍ତଡ଼ ଆଡ଼ତଣ୍ଡ । ଅଣ୍ଟ ମୁନେନ୍ ଜିସୁଙ୍କ୍ ଉଡାଙ୍କ୍ ନାରକେଡ଼ ଝାସ୍ ମାଡ଼ତଣ୍ଡ ନୁ ଅନ୍ ତଡ଼ ତିରିଇ ମାଡ଼ତଣ୍ଡ । ଅଣ୍ଟ ଜିସୁନ୍ ମେନ୍ଦୁଲ୍ତାଗ୍ ଅକାନ୍ ସେଙ୍ଗେ ତିରିଶ୍ କେଜି ସାଏଡ଼ ଗାଦ୍ କାଲ୍ଲତାଦ୍ ଅଗୁର୍† ତାଡ଼ତଣ୍ଡ ।

୪୦ ଯିହୁଦୀଡ଼ ସମାଦି ଇଦାନ୍ ନିୟମ୍ ଲେକାମ୍ ଅଡ଼ ଇଡ଼ଝୁଡ଼ ଜିସୁନ୍ ମୋଡ଼ତିଙ୍କ୍ ସାଏଡ଼ ଗାଦ୍ତାଦ୍ ଜିନିଷ୍ତଡ଼ ପାଲ୍ସା ସିଲେଡ଼ ମୁସିଡ଼ତଡ଼ ।

୪୧ ଜିସୁଙ୍କ୍ ବେଗେ କ୍ରୁଶବିଘ୍ ମାଡ଼ିମାଡ଼ତଡ଼, ଆଦ୍ ପଡ଼ିୟେଡ଼ ଗାରରେ ଝେରନ୍ ବଗିଚା ମାଡ଼ତା । ଆଦ୍ ବଗିଚାତାଗ୍ ଝେରନ୍ ପୁନାଦ୍ କବର୍ ମାଡ଼ତା, ଆଗେ ମୁନେନ୍ ବେନଙ୍କେ ମିକା ସମାଦି ହିଞ୍ଜକର୍ ମାଡ଼ତଡ଼ ।

☆ ୧୯:୩୭ ପ୍ରକାଶିଡ଼ ବାକ୍ୟ ୧:୭. ☆ ୧୯:୩୯ ଯୋହନ୍ ୩:୧,୨. † ୧୯:୩୯ ନାରଗେ ବାଡ଼ବାତା କାଲ୍ଲତାଦ୍ ନିୟ୍

୪୨ ମେଣ୍ଟେ ଯିହୁଦୀତାଦ୍ ଆୟୋଜନ ଦିନତେ, ଅଡ଼ ଜିୟୁଙ୍କ ଆଦ୍ ପଡ଼ିୟେତାଗ୍ ସମାଦି ଇଡ଼ତଡ଼, ବାତେଙ୍କ ଇଡ଼କେ ଆଦ୍ ସମାଦି ଗାରରେ ମାଡ଼ତା ।

୨୦

ବେନ ହିଲ୍‌ଖାଦ୍ ସମାଦି

(ମାଡ଼ିତ ୨୮:୧-୮; ମାର୍କ ୧୬:୧-୮; ଲୁକ ୨୪:୧-୧୨)

୧ ସାପ୍ତାତେ ପ୍ରତମ୍ ଦିନ୍ ନାରକା ଇକାଡ଼୍ ମାନ୍ଦାନ୍ ଖେଲେ ମଗ୍‌ଦଲୀନି ମରୀୟମ୍ ଜିୟୁନ୍ ସମାଦି ଗାରରେ ଖାସ୍ ଆଗେ କାଲ୍‌ଦିଙ୍କ୍ ଚେଣ୍ଟିମାନ୍ଦାନାଦ୍ ଉଡ଼ତେ ।

୨ ଆଦିଙ୍କ୍ ଆଦ୍ ମିରିଆଞ୍ଜ୍ ଶିମୋନ୍ ପିତର୍ ନୁ ଜିୟୁ ବେନଙ୍କ୍ ଗାଟି ପ୍ରେମ ମାଡ଼ମାଡ଼ତଣ୍ଟ, ଆ ଶିଷ୍ୟନ୍ ଗାରରେ ଖାଡ଼ତା ନୁ ଅଂକିଙ୍କ୍ କେଡ଼ତା, “ଅଡ଼ ସମାଦି କନ୍‌ସ୍ ପ୍ରବୁଙ୍କ୍ ଆଡ଼ତଡ଼, ମେଣ୍ଟେ ଅଂକିଙ୍କ୍ ବେଗେ ଖାଡ଼ତଡ଼୍ ମାମ୍‌ମେ ପୁନମ୍ ।”

୩ ଆଗାଙ୍କ୍ ପିତର୍ ନୁ ବାଗାଡ଼ ଶିଷ୍ୟ ସମାଦିତା ଆଦାନଙ୍କ୍ ପେଇଡ଼ତଡ଼୍ ।

୪ ଅଡ଼ ଇର୍‌ଖୁଡ଼୍ ଅଣ୍ଟୟତଡ଼୍ ମିରାନଙ୍କ୍ ପସ୍‌ପଡ଼ତଡ଼, ମେଣ୍ଟେ ଅଣ୍ଟ ବାଗାଡ଼ ଶିଷ୍ୟ ପିତର୍‌ତିଙ୍କ୍ ପେର୍‌କେ ଖାଟି ମୁନେନ୍ ସମାଦିଡ଼ ଗାରରେ ହେ‌ଖୁଡ଼ତଣ୍ଟ,

୫ ଅଣ୍ଟ ହାଡ଼କିମିକା ଲୋପେ ଉଡ଼ତଣ୍ଟ ବେନ୍ ସରୁ ସିଲେସାରେ ଜିୟୁନ୍ ମେନ୍‌ଲୁଡ଼ିଙ୍କ୍ ମୁସିସ୍ ମାଡ଼ତଡ଼୍ ଆଦ୍ ରାୟିମାଡ଼ତା, ମିକା ଅଣ୍ଟ ଲୋପେ ହସିଣ୍ଟ ।

୬ ଆସୁଟେ ଶିମୋନ୍ ପିତର୍ ମିକା ଅନ୍ ପେର୍‌କେ ପେର୍‌କେ ଖାସ୍ ହେ‌ଖୁଡ଼ତଣ୍ଟ ନୁ ସମାଦି ଲୋପେ ହସି ଉଡ଼ତଣ୍ଟ ଯେ, ସରୁ ସିଲେ ରାୟିମିନ୍ଦେ,

୭ ଜିୟୁନ୍ ତାଲେତାଗ୍ ବେନ୍ ତୁଝାଲ୍ ତଅସ୍ ମାଡ଼ତଡ଼୍ ଆଦ୍ ସରୁ ସିଲେତଡ଼ ମାନକର୍ ମେଣ୍ଟେଅନ୍ ପଡ଼ିୟେତାଗ୍ ଉଡ଼ତି ମାଡ଼ତା ।

୮ ଆସୁଣ୍ଟ ବେନ ବାଗାଡ଼ ଶିଷ୍ୟ ଆଗେ ବେନ ସମାଦି ଗାରରେ ଖାସ୍ ମୁନେନ୍ ହେଉସ୍ ମାଡ଼ତଣ୍ଟ, ଅଣ୍ଟ ମିକା ଲୋପେ ହସି ଉଡ଼ତଣ୍ଟ ନୁ ବିଶ୍ୱାସ୍ ମାଡ଼ତଣ୍ଟ;

୯ ଦର୍ମଶାସ୍ତ୍ର ଲୋକାମ୍, “ଜିସୁ ତଲ୍‌ନାଦ୍ କନ୍‌ସ୍ ମେଣ୍ଡୁଅନ୍‌ଦାମ୍ ତେଦିତଣ୍ଡ,” ଇଦିନାଦ୍ ଇଡକେ ଆଦ୍ ଶିଷ୍ୟତ୍ ଆସୁଙ୍କ୍ ହେଝୁନା ପୁନ୍‌ଝକଟ୍ ମାଡତଡ୍ ।

୧୦ ତାନ୍‌ପେକେ ଶିଷ୍ୟତ୍ ମେଣ୍ଡୁଅନ୍‌ଦାମ୍ ତାମ୍ ଲୋକ୍ ଆଡତଡ୍ ।

ଜିସୁ ମରିୟମ୍‌ତିଙ୍କ୍ ତଅନ୍‌ଦତଣ୍ଡ

(ମାଡିଡ ୨୮:୯-୧୦; ମାର୍କ ୧୬:୯-୧୧)

୧୧ ବାତେଙ୍କ୍ ଇଡକେ ମରୀୟମ୍ କେୟକେୟ ସମାଦି ବାଇଦେ ନିସମାଡତା; ମେଣ୍ଡେ ଆଦ୍ କେୟକେୟ ଅଡକିଂଙ୍କ୍ ସମାଦି ଲୋପେ ଉଡତା,

୧୨ ଜିସୁନ୍ ମେନ୍‌ଲୁତିଙ୍କ୍ ବେନ୍ ପଡିୟେତାର୍ ଖାଟିମାଡତଡ୍, ଆଗେ ତାଲେଡ୍ ପାକ୍ ଝେରଣ୍ଡ ନୁ ତେକେଡ୍ ପାକ୍ ଝେରଣ୍ଡ, ପାଣ୍ଡେ ସିଲେ କେରସ୍ ଇରଝୁଡ୍‌ହୁତ କୁଦିମାନ୍‌ନାନ୍‌ଦ୍ ଉଡତା ।

୧୩ ଆଦ୍ ଦୁତଡ୍ ଆଦିଙ୍କ୍ କେଡତା, “ହଁ ଯାୟ୍, ବାତେଙ୍କ୍ କେୟୁତିନ୍ ?” ଆଦ୍ ନାଟାଡ୍ କେଡତେ, “ବେନ୍‌ଡ୍ ନା ପ୍ରବୁଙ୍କ୍ ହଡତଡ୍, ମେଣ୍ଡେ ଅଂକିଙ୍କ୍ ବେନ୍ ପଡିୟେତାର୍ ଖାଟତଡ୍, ଆଦ୍ ନାନ୍ ପୁନ୍‌ନ ।”

୧୪ ଆଦ୍ ଇଲା କେସ୍ ପେରକେ ତିଡିଇପାକା ଜିସୁଙ୍କ୍ ନିସ୍ ମାନ୍‌ନାନ୍‌ଦ୍ ଉଡତା, ବାତେଙ୍କ୍ ଇଡକେ ଅଣ୍ଡ ଜିସୁ ଇଞ୍ଜ ଆଦ୍ ପୁନ୍‌ଦାଙ୍କ୍ ପାରଝ ।

୧୫ ଜିସୁ ଆଦିଙ୍କ୍ କେଡତଣ୍ଡ, “ହଁ ଯାୟ୍, ବାତେଙ୍କ୍ କେୟୁତିନ୍ ? ବେନ୍‌ଙ୍କ୍ ମେହେକୁତିନ୍ ?” ଆଦ୍ ଅଂକିଙ୍କ୍ ବଗିଚାତଣ୍ଡ ଗତିଆଲ୍ ଇଞ୍ଜ ହେର୍କା ମାଡି କେଡତା, “ଗଟ୍ ନିମ୍ ଯଦି ଜିସୁଙ୍କ୍ ହଡତି, ଆଲେକେ ଅଂକିଙ୍କ୍ ବେଗେ ଖାଟତି ନାକିଂଙ୍କ୍ କେଲ୍‌ମ୍, ନାନ୍ ଅଂକିଙ୍କ୍ ଆଦ୍‌ତାନ୍ ।”

୧୬ ଜିସୁ ଆଦିଙ୍କ୍ କେଡତଣ୍ଡ, “ମରୀୟମ୍ !” ଆଦ୍ ତିଡିଇମିକା ଏବ୍ରି ଗଟ୍‌ତେ ଅଂକିଙ୍କ୍ କେଡତା, “ରାବ୍‌ହୁନ1,” ଇଡକେ, “ହଁ ଗୁର ।”

୧୭ ଜିସୁ ଆଦିଙ୍କ୍ କେଡତଣ୍ଡ, “ନାକିଂଙ୍କ୍ ପଇସ୍ ନେହେମା, ବାତେଙ୍କ୍ ଇଡକେ ନାନ୍ ଇଞ୍ଜେକ୍ ଅନ୍‌ପାକେ ବାବାନାର୍ ଆନନେ; ନା ତାମୁଣ୍ଡକିଡ୍ କେଲ୍‌ଲା, ନାନ୍ ନା ବାବାଲ୍ ନୁ ଅଡ୍ ବାବାଲ୍, ନା ଇଶ୍‌ବର ନୁ ଅଡ୍ ଇଶ୍‌ବରତେ ଗାରରେ ଆଦୁତାନ୍ ।”

୧୮ ମଗ୍‌ଦଲୀନି ମରୀୟମ୍ ଆଞ୍ଜ, ନାନ୍ ପ୍ରବୁଙ୍କ୍ ଉଡତାନ୍, ମେଣ୍ଡେ ଅଣ୍ଡ ନାକିଂଙ୍କ୍ ଇଝୁସାରେ କେଡତଣ୍ଡ ଇଞ୍ଜ ଶିଷ୍ୟତ୍‌କ୍ କବର୍ ଇଡତା ।

ଜିସୁଙ୍କ ତାନ୍ ଶିଷ୍ୟତ୍ ଉଡ଼ତତ୍,

(ମାତିଉ ୨୮:୧୭-୨୦; ମାର୍କ ୧୬:୧୪-୧୮; ଲୁକ ୨୪:୩୬-୪୯)

୧୯ ଆଦ ଦିନ୍ ଇଡ଼କେ ସାପ୍ତାହତେ ପ୍ରତମ୍ ଦିନ୍ ମୁଲ୍‌ପୁର୍ ଶିଷ୍ୟତ୍, ବେନ୍ ଲୋନ୍ ମାଡ଼ତତ୍, ଆଦ ଲୋଡ଼ତା କାପାଟ୍ ସାରେ ଯିହୁଦୀତ୍, ୱେରେତେ ସେଙ୍ଗେ ବନ୍ଦ ମାଡ଼ତା, ଆସୁଟେ ଜିସୁ ୱାସ୍ ନାଡ଼ମେ ନିସ୍ କେଡ଼ତଣ୍, “ମିୟାଦ୍ ଶାନ୍ତି ଆୟି ।”

୨୦ ଇଦ୍ କେସ୍ ଜିସୁ ଶିଷ୍ୟତ୍‌କ୍ ତାନ୍ କାଇକ୍ ନୁ ଗୁଣ୍ଡେତିଙ୍ଗ୍ ତଅଡ଼ତଣ୍ । ଆଗାଙ୍ଗ୍ ଶିଷ୍ୟତ୍ ପ୍ରବୁଙ୍ଗ୍ ଉଡ଼ି ୱେଡ଼କ୍ ଆଦତତ୍ ।

୨୧ ଜିସୁ ଅଡ଼କିଙ୍ଗ୍ ମେଣ୍ଡେ ଅନ୍‌ଦାମ୍ କେଡ଼ତଣ୍, “ମିୟାଦ୍ ଶାନ୍ତି ଆୟି; ବାବାଲ୍ ନିକିଙ୍ଗ୍ ବେଦ୍ ରକମ୍ ରହତଣ୍, ଆଦେ ପୁରୁଙ୍ଗ୍ ନାନ୍ ମିକା ମିକିଙ୍ଗ୍ ରହତୁତାନ୍ ।”

୨୨ ଜିସୁ ଇଲା କେସ୍ ଅଡ଼ ପରର ନେହେସ୍‌କି କେଡ଼ତଣ୍, “ପବିତ୍ର ଆମ୍ବାତିଙ୍ଗ୍ ଗ୍ରହନ୍ ମାଡ଼ାଟ୍ ।

୨୩ ☆ମିଡ଼ ଯଦି ବେନନାଦ୍ ପାପ୍ କ୍ଷମା ମାଡ଼ିତିଡ଼, ଅନାଦ୍ ପାପ୍ କ୍ଷମା ଆଦତେ; ମେଣ୍ଡେ ବେନନାଦ୍ ପାପ୍ କ୍ଷମା ମାଡ଼କ୍, ଅନାଦ୍ ପାପ୍ କ୍ଷମା ଆୟିୟ ।”

ଜିସୁ ନୁ ତୋମା

୨୪ ଜିସୁ ବେସୁଟ୍ ୱାସ୍ ମାଡ଼ତଣ୍, ଆସୁଟେ ବାରଜାନ୍ ଶିଷ୍ୟତ୍, ଲୋପେ ତୋମା ପେଦେରତଣ୍ ବେନଙ୍ଗ୍ “ଦିଦୁମ୍,” ଇଞ୍ଜ କେଡିତଡ଼, ଅଣ୍ଡୁ ଅଡ଼ତଡ଼ ହିଲ୍‌ଝାମାଡ଼ତଣ୍ ।

୨୫ ବାଗାଡ଼ ଶିଷ୍ୟତ୍ ଅକିଙ୍ଗ୍ କେଡ଼ତଡ଼, “ମାମ୍‌ମେ ପ୍ରବୁଙ୍ଗ୍ ଉଡ଼ତମ୍ ।” ବାଡେଙ୍ଗ୍ ଇଡ଼କେ ତୋମା ଅଡ଼କିଙ୍ଗ୍ କେଡ଼ତଣ୍, “ଅନାଦ୍ କାଇକିନାଗ୍ କୋୟେଡ଼ ଚିହିନ୍ତେ ଉଡ଼କ୍ ନୁ ଆଗେ ନା ୱାଡ଼ଞ୍ଜ୍ ହିଟ୍‌ହକ୍ ନୁ ଅନାଦ୍ ଗୁଣ୍ଡେତାଗ୍ ନା କାୟ୍ ହିଟ୍‌ହକ୍ ନାନ୍ ବେସୁଟେ ବିଶ୍ୱାସ୍ ମାଡ଼ନ୍ ।”

୨୬ ଆଟ୍ ଦିନାଡ଼ ପେରକେ ତାନ୍ ଶିଷ୍ୟତ୍ ମେଣ୍ଡୁଅନ୍‌ଦାମ୍ ଲୋପେ ମାଡ଼ତଡ଼, ନୁ ତୋମାଲ୍ ଅଡ଼ତଡ଼ ମାଡ଼ତଣ୍ । ହାର୍ ବନ୍ଦ ମାଡ଼ତା ୱେଲେ ଜିସୁ ୱାସ୍ ନାଡ଼ମେ ନିସ୍ କେଡ଼ତଣ୍, “ମିୟାଦ୍ ଶାନ୍ତି ଆୟି ।”

☆ ୨୦:୨୩ ମାତିଉ ୧୬:୧୯; ୧୮:୧୮.

୨୭ ପେରକେ ଜିସୁ ତୋମାଙ୍କ କେତତଣ୍ଡ, “ଇଗେ ଖାଡ଼ଞ୍ଜ ତାସ୍ ନା କାଈକିଂଙ୍କ ଉଡେ ନୁ କାୟ ହାହାସ୍ ନା ଗୁଣ୍ଡେତାଗ୍ ହିଡ଼ତା; ଅବିଶ୍ୱାସୀ ଆୟିଝେକନ୍ସ ବିଶ୍ୱାସୀ ଆୟିମ୍ ।”

୨୮ ତୋମା ଜିସୁଙ୍କ କେତତଣ୍ଡ, “ନା ପ୍ରବୁ ନା ଇଶ୍ୱର୍ !”

୨୯ ଜିସୁ ତୋମାଙ୍କ କେତତଣ୍ଡ, “ନିମ୍ ନାକିଂଙ୍କ ଉଡ଼ତାଙ୍କ ବିଶ୍ୱାସ୍ ମାଡ଼ତି, ବେନଡ଼ ଉଡ଼ଝାକନ୍ସ ବିଶ୍ୱାସ୍ ମାଡ଼ିମିନ୍ଦେଡ଼, ଅଡ଼ ଦନ୍ୟ !”

ଇଦ୍ ବଇଡ଼ ଲେକାମ୍

୩୦ ଜିସୁ ଶିଷ୍ୟତ୍ ଉପସ୍ଥିତତେ ନାରଗେ ବାକ୍ଝା ପାଡ଼ୟି ମାଡ଼ତଣ୍ଡ, ଆଖୁସାରେ ଇଦ୍ ବଇଡାଗ୍ ଲେକ୍ତାଦ୍ ଇଲେ;

୩୧ ବାଡେଙ୍କ ଇଡ଼କେ ମିଡ଼ ବିଶ୍ୱାସ୍ ମାଡ଼ିଡ଼ତ୍ ଯେ, ଜିସୁ ଆଦୁତନ୍ ଇଶ୍ୱର୍ତେ ମାର୍ ମସିହ, ମେଣ୍ଡେ ଅନାଗ୍ ବିଶ୍ୱାସ୍ ମାଡ଼ି ମିଡ଼ ବେଲା ଜିଝୁଣ୍ଡ ଦରକିଡ଼, ଇଦିନ୍ ସେଙ୍ଗେ ଇଝୁସାରେ ଲେକ୍ତାଦ୍ ଆସ୍ମିନ୍ଦେ ।

୨୧

ସାଡ଼ଜାନ୍ ଶିଷ୍ୟତ୍ ଜିସୁଙ୍କ ଉଡ଼ତଡ଼

୧ ପେରକେ ଜିସୁ ତିବିରୀୟା ସମୁଦ୍ର ଆଞ୍ଚିନାଗ୍ ଶିଷ୍ୟତ୍ ମେଣ୍ଡଅନ୍ଦାମ୍ ଦର୍ଶନ୍ ହିଡ଼ତଣ୍ଡ । ଅଣ୍ଡ ଇଦ୍ ରକମ୍ ଦର୍ଶନ୍ ହିଡ଼ତଣ୍ଡ;

୨ ଶିମୋନ୍ ପିତର, ତୋମା, ବେନଙ୍କ ଦିଦୁମ୍ କେତିତଡ଼, ଗାଲିଲୀତେ କାନାନତ୍ ନିତନିୟେଲ୍, ଜେବଦିତେ ମାରକିଡ଼ ନୁ ତାନ୍ ଶିଷ୍ୟତ୍ ଲୋପେକେ ମେଣ୍ଡେ ଇରଝୁଡ଼ ଅଣ୍ଡୟାଗେ ମାଡ଼ତଡ଼ ।

୩ ☆ ଶିମୋନ୍ ପିତର ଅଡ଼କିଂଙ୍କ କେତତଣ୍ଡ, “ନାନ୍ କିକେ ପଇଦାନଙ୍କ ଆଦୁତାନ୍ ।” ଅଡ଼ ଅଂକିଂଙ୍କ କେତତଡ଼, “ମାମ୍ମେ ମିକା ନି ତଡ଼ ଆଦତମ୍ ।” ଅଡ଼ ପେଇସ୍ ଆଞ୍ଜ ଓଡାତାଗ୍ ତାରତଡ଼, ମେଣ୍ଡେ ଅଡ଼କିଂଙ୍କ ଆଦ୍ ନାରକା ଝାଲା ଝାଡ଼ତଡ଼ ବାଡେଙ୍କ ଇଡ଼କେ ବାଡେମିକା ଦରକ ।

୪ ବାଡେଙ୍କ ଇଡ଼କେ ଝିଇଦାନ୍ ଝେଲେ ଜିସୁ ଆଞ୍ଚିନାଗ୍ ନିଡ଼ତଣ୍ଡ; ମିକା ଅଣ୍ଡ ଜିସୁ ହିଞ୍ଜ ଶିଷ୍ୟତ୍ ପୁନଡ଼ ।

୫ ଜିସୁ ଅଡ଼କିଂଙ୍କ କେତତଣ୍ଡ, “ପିଲାନ୍ତି ମିୟାଗେ ବାଡେଏ ତିନ୍ଦାନାଦ୍ ମିନ୍ଦେ ?” ଅଡ଼ ଅଂକିଂଙ୍କ ଉଡ଼ର୍ ହିଡ଼ତଡ଼, “ଇଲେ ।”

୭ ଜିସୁ ଅଡ଼କିଂଙ୍କ କେତ୍ତଣ୍ଡ, “ଓଡେଡ଼ ତିନ୍ଦେକାଇଦା ପାକ୍ ଖାଲା ଖାଗାଟ୍ ତ, ଆସୁଟେ ମିକିଂଙ୍କ ଦରକିତା ।” ଆଗାଙ୍କ ଅଡ଼ ଖାଲା ଖାଟ୍ତଡ଼, ମେଣ୍ଡେ ଗାଟି କିକେ ଖାଲାତାଗ୍ ହାଟ୍ତା ଅଡ଼ ଖାଲେତିଙ୍କ ପିଡ଼ିଙ୍ଗାଙ୍କ ପାର୍ଡ଼ତ୍ ।

୮ ଜିସୁ ବେନ୍ ଶିଷ୍ୟଙ୍କ ପ୍ରେମ ମାଡ଼ମାଡ଼ତଣ୍ଡ, ଅଣ୍ଡ ପିତର୍ତିଙ୍କ କେତ୍ତଣ୍ଡ, “ଇଣ୍ଡ ତ ପ୍ରବୁ ।” ଶିମୋନ୍ ପିତର୍ ଇଣ୍ଡ ତ ପ୍ରବୁ ଇଞ୍ଜ କେତାନାଦ୍ କେଞ୍ଜି ତାନ୍ ତକା କେର୍ସ୍ ସମୁଦ୍ରତାଗ୍ ତୁଲ୍ତଣ୍ଡ;

୯ ବାତେଙ୍କ ଇଡ଼କେ ବାଗାଡ଼ ଶିଷ୍ୟଡ଼ କିକେ ମାନ୍ଦାନ୍ ଖାଲେତିଙ୍କ ପିଡ଼ିଙ୍ଗି ସୁଦୁର୍ ଓଡାତାଗ୍ ଖାଟ୍ତଡ଼, ବାତେଙ୍କ ଇଡ଼କେ ଅଡ଼ କୁଲଡ଼ ଗାର୍ରେ ଦୁଇଶହ କାୟ୍ ଜେକେ ମାଡ଼ତଡ଼ ।

୧୦ ଅଡ଼ ଆଞ୍ଜିନାଗ୍ ଡିଗି ଆଗେ ଇକ୍ ନାଗ୍ କିସ୍, ମେଣ୍ଡେ ତାନ୍ ପରୁ ଖାଟ୍ତାଡ଼ ସୁକୁକ୍ କିକେ ନୁ ରୁଟି ଖାଟି ମାନ୍ଦାନ୍ଦ୍ ଉଡ଼ତଡ଼ ।

୧୧ ଜିସୁ ଅଡ଼କିଂଙ୍କ କେତ୍ତଣ୍ଡ, “ମିଡ଼ ଇଞ୍ଜେ ବେନା କିକେ ପୟିଡ଼ିଡ଼, ଆଗାଙ୍କ ସୁକୁକ୍ ତାଡ଼ାଟ୍ ।”

୧୨ ଶିମୋନ୍ ପିତର୍ ଆଞ୍ଜି ଶହେ ପାଚାଶମୁଣ୍ଡ ବେଡ଼ୟା କିକେ ନିଣ୍ଡିମାନ୍ଦାନ୍ ଖାଲେତିଙ୍କ ଆଞ୍ଜିନାଗ୍ ପିଡ଼ିଙ୍ଗି ତାଡ଼ତଡ଼; ଆସର୍ କିକେଙ୍କ ମିକା ଖାଲା ଦେଗ୍ ।

୧୩ ଜିସୁ ଅଡ଼କିଂଙ୍କ କେତ୍ତଣ୍ଡ, “ଖାସ୍ ମିକା ତିନୁଟ୍ ।” ଶିଷ୍ୟଡ଼ ଲୋପେ ବେନମିକା “ଅଂକିଙ୍କ ବେନ,” ଇଞ୍ଜ ପାଚାମାଡ଼ାଙ୍କ ପାର୍ଡ଼ତଡ଼, ବାତେଙ୍କ ଇଡ଼କେ ଅଣ୍ଡ ଯେ ପ୍ରବୁ, ଇଦ୍ ଅଡ଼ ପୁଡ଼ତଡ଼ ।

୧୪ ଜିସୁ ଖାସ୍ ରୁଟି ତାସ୍ ଅଡ଼କିଂଙ୍କ ହିଡ଼ତଣ୍ଡ, ମେଣ୍ଡେ ଆଦେପୁରୁଙ୍କ କିକେ ମିକା ହିଡ଼ତଣ୍ଡ ।

୧୫ ତଲ୍ତଡ଼ ଲୋପେଙ୍କ ତେଦ୍ତା ପେର୍ରେ ଜିସୁ ଶିଷ୍ୟଡ଼ଙ୍କ ଇଦ୍ ମୁଣ୍ଡଦାମ୍ ଦର୍ଶନ୍ ହିଡ଼ତଣ୍ଡ ।

ଜିସୁ ନୁ ପିତର୍

୧୬ ଶିଷ୍ୟଡ଼ ତିଡ଼ତା ପେର୍ରେ ଜିସୁ ଶିମୋନ୍ ପିତର୍ତିଙ୍କ କେତ୍ତଣ୍ଡ, “ହଁ ଯୋହନ୍ତେ ମାର୍ ଶିମୋନ୍, ନିମ୍ ବାତେଏ ନାକିଂଙ୍କ ଇଡ଼ ଲୋପେଙ୍କ ଗାଟି ପ୍ରେମ ମାଡ଼ତୁ ?” ଅଣ୍ଡ ଜିସୁଙ୍କ କେତ୍ତଣ୍ଡ, “ହଁ, ପ୍ରବୁ,

ନାନ୍ ଯେ ନିକିଂଙ୍କ ପ୍ରେମ ମାଡ଼ୁତୁନ୍, ଆଦ୍ ନିମ୍ ପୁଡ଼ତି ।” ଜିସୁ ଅଂକିଂଙ୍କ କେଡ଼ତଣ୍ଡ, “ନାୟାଦ୍ ମେଣ୍ଟାପିଲାଙ୍କ ମେଇମ୍ ।”

୧୭ ଜିସୁ ଦ୍ଵିତୀୟଦାମ୍ ଅଂକିଂଙ୍କ କେଡ଼ତଣ୍ଡ, “ହଁ ଯୋହନ୍ ମାର୍ ଶିମୋନ୍, ନିମ୍ ବାତେଏ ନାକିଂଙ୍କ ପ୍ରେମ ମାଡ଼ୁତିନ୍ ?” ଅଣ୍ଡ ଜିସୁଙ୍କ କେଡ଼ତଣ୍ଡ, “ହଁ, ପ୍ରବୁ, ନାନ୍ ଯେ ନିକିଂଙ୍କ ପ୍ରେମ ମାଡ଼ୁତୁନ୍, ଆଦ୍ ନିମ୍ ପୁଡ଼ତି ।” ଜିସୁ ଅଂକିଂଙ୍କ କେଡ଼ତଣ୍ଡ, “ନା ମେଣ୍ଟାକିଂଙ୍କ ପୋଡ଼ପା ।”

୧୮ ଜିସୁ ମୁଣ୍ଡଦାମ୍ ଅଂକିଂଙ୍କ ପାତ୍ରାମାଡ଼ତଣ୍ଡ, “ହଁ ଯୋହନ୍ତେ ମାର୍ ଶିମୋନ୍, ନିମ୍ ବାତେଏ ନାକିଂଙ୍କ ପ୍ରେମ ମାଡ଼ୁତି ?” ଇଗେ ପିତର୍ ମାନ୍ଦୁଃକାମ୍ ଆଡ଼ତଣ୍ଡ । ବାତେଙ୍କ ଇଡ଼କେ ଜିସୁ ମୁଣ୍ଡଦାମ୍ ପିତର୍ତଣ୍ଡ ପାତ୍ରାମାଡ଼ତଣ୍ଡ, ନିମ୍ ବାତେଏ ନାକିଂଙ୍କ ପ୍ରେମ ମାଡ଼ୁତି ? ଅଣ୍ଡ କେଡ଼ତଣ୍ଡ, “ପ୍ରବୁ, ନିମ୍ ସାରେ ବିଷୟ ପୁଡ଼ତି; ନାନ୍ ଯେ ନିକିଂଙ୍କ ପ୍ରେମ ମାଡ଼ୁତୁନ୍, ଆଦ୍ ନିମ୍ ପୁଡ଼ତିନ୍ ।” ଜିସୁ ଅଂକିଂଙ୍କ କେଡ଼ତଣ୍ଡ, “ନାୟାଝୁ ମେଣ୍ଟାକିଂଙ୍କ ମେଇମ୍ ।”

୧୯ ନାନ୍ ନିଜାମ୍ କେଡୁତାନ୍, ଲେୟ୍ ମାୟାନ୍ ଝେଲେ ନିମ୍ ନିଜେଡ଼ ସିଲେତିଙ୍କ ଗାଟ୍ ଝାଟି ବେକେ ଇଛା, ଚିଟି ଆଞ୍ଜ ମାଡ଼ତିନ୍, ବାତେଙ୍କ ଇଡ଼କେ ମୁଇତା ଝେଲେ ନିମ୍ ନିୟାଝୁ କାଇକ୍ ହାଆତିତି ନୁ ମେଣ୍ଟେ ଝେରଣ୍ଡ ନିକିଂଙ୍କ ଗାଟ୍ ଝାଟି, ବେକେ ନିୟାଦ୍ ଇଛା ଇଲେ, ଚିଟି ନିକିଂଙ୍କ ଆଦତନ୍ ।

୨୦ ପରମେଶ୍ଵରତେ ଗୌରବ୍ ସେଙ୍ଗେ ପିତର୍ ବେଦରକମ୍ ଡଲିତଣ୍ଡ, ଇଦ୍ ବୁଜାମାଡାନଙ୍କ ଜିସୁ ଆଦ୍ ରକମ୍ କେସ୍ ମାଡ଼ତଣ୍ଡ । ତିନ୍ପେକେ ଜିସୁ ଅଂକିଂଙ୍କ କେଡ଼ତଣ୍ଡ, “ନା ପେରକେ ଝାଡ଼ାଟ୍ ।”

ଜିସୁ ନୁ ତାନ୍ ପ୍ରିୟ ଶିଷ୍ୟ

୨୦ ☆ଜିସୁ ବେନ୍ ଶିଷ୍ୟଙ୍କ ପ୍ରେମ ମାଡ଼ମାଡ଼ତଣ୍ଡ ନୁ ବେନ ନାରକେଡ଼ ବଜିତାଗ୍ ଜିସୁନ୍ ପରର ରହି, “ପ୍ରବୁ, ନିକିଂଙ୍କ ବେନ ଶତୁଡ଼ କାଇଦେ ପସ୍ପିତଣ୍ଡ ଇଞ୍ଜ କେସ୍ ମାଡ଼ତଣ୍ଡ,” ଆ ଶିଷ୍ୟଙ୍କ ପିତର୍ ତଡ଼ିଇ ପେରକେ ଝାଦାନାଦ୍ ଉଡ଼ତଣ୍ଡ ।

୨୧ ପିତର୍ ଅଂକିଂଙ୍କ ଉଡ଼ି ଜିସୁଙ୍କ କେଡ଼ତଣ୍ଡ, “ପ୍ରବୁ, ଇଡ଼ଝାଦ୍ ବିଷୟ ବେଲା ଆଦତେ ?”

୨୭ ଜିସୁ ପିତରଠିକ୍ କେତେଣୁ, “ନାୟାଦ୍ ମେଣ୍ଡୁଅନ୍ଦାମ୍ ଖାଦାନାଦ୍ ଆଦାନ୍ ଯାକ ଅଣ୍ ବାଦକିନ୍ ଇଞ୍ ଯଦି ଇଚ୍ଛା ମାଡ଼ିତାନ୍, ଆଲାକଡ଼କେ ଆଗେ ନିୟାଦ୍ ବାତେଏ ମିନ୍ଦେ ? ନିମ୍ ନାକିଂକ୍ ପେରକେ ମାଡ଼ା ।”

୨୮ ଆଗାଙ୍କ୍ ଆ ଶିଷ୍ୟ ବେସୁଟ୍ ମିକା ତଲନ୍, ତାମୁଣ୍ଡକିଡ଼୍ ଲୋପେ ଇଦ୍ ଗଟ୍ ପ୍ରଚାର ଆଦତେ, ମାତର୍ ଅଣ୍ ତଲନ୍ ଇଞ୍ ଜିସୁ ଅଡ଼କିଂକ୍ କେଲଣ୍ । ଅଣ୍ ମାତର୍, “ନାୟାଦ୍ ଖାଦାନାଦ୍ ଯାକ ଅଣ୍ ମାନିଣ୍ ଇଞ୍ ଯଦି ନାନ୍ ଇଚ୍ଛା ମାଡ଼ିତାନ୍, ଆଲେକେ ଆଗେ ନିୟାଦ୍ ବାତେଏ ମିନ୍ଦେ,” ଇଞ୍ କେସ୍ମାଡ଼ତଣ୍ ।

୨୯ ବେନ ଇ ସାରେ ବିଷୟତେ ସାକ୍ଷ୍ୟ ହିଡ଼ତଣ୍ ନୁ ଇଞ୍ଜୁସାରେ ଲେକିମିନ୍ଦେଣ୍, ଅଣ୍ ଆ ଶିଷ୍ୟ; ମେଣ୍ଡେ ଅନାଦ୍ ସାକ୍ଷ୍ୟ ନିଜାମ୍, ଆଦ୍ ମାମ୍ମେ ପୁଡ଼ତମ୍ ।

ଶେଷ୍ ବିଷୟ ଇଦ୍

୩୦ ଜିସୁ ମେଣ୍ଡେ ନାରଗେ ପାଡ଼ୟି ମାଡ଼ିମାଡ଼ତଣ୍; ଆଉ ସାରେ ଯଦି ଝେରଝେର ମାଡ଼ି ଲେକି ମାନ୍ଦାନ୍ ଇକ୍, ଆଲେକେ ଇସର୍ ବଇ ଲେକା ଆୟେଡ଼୍ ଯେ, ନାୟାଦ୍ ବିଚାରତେ ଇଦ୍ ଜଗଡ଼ତାଗ୍ ମିକା ଆଞ୍ଜୁ ସାରେ ନେହେତାନ୍ ସେଙ୍ଗେ ପଡ଼ିୟେ ଆୟ୍ଯ ଆୟେଡ଼୍ ।

ପୁନାବ୍ ଆର୍ବ୍
The New Testament in the Koya language of India:
ପୁନାବ୍ ଆର୍ବ୍ (Bible)

copyright © 2020 The Word for the World International and Koya Translation Samithi, Malkangiri, Odisha

Language: (Koya)

Contributor: The Word for the World South Asia

ପୁନାବ୍ ଆର୍ବ୍
ପୁନାବ୍ ନିୟମ୍ , 2020

The New Testament in Koya Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

PDF generated using Haiola and XeLaTeX on 6 May 2025 from source files dated 7 May 2025

72ff5787-bb80-584b-a1a0-0acd8a2fefae